

est en cinq

HISTOIRE

GENERALE

DV MONDE, ET DE

LA NATURE.

O V

TRAICTEZ THEOLOGIQVES

de la Fabrique, Composition, & Conduicte
generale de l'Vniuers.

DIVISEZ EN TROIS LIVRES.

- Le premier { Traictant de Dieu comme souverain Architecte du
monde suyuât la doctrine sacrée des Peres de l'Eglise,
Iuifs, Hebreux, Rabbins, Cabalistes, Turcs, Arabes,
Mahometans, Payens, Ethniques, Philosophes anciens
& modernes.
- Le second. { De la conduicte admirable du monde, les intelligences
Celestes, la fabrique generale du Ciel, les diuers
degrez des Anges rapportés à la diuersité des ciens, de
leurs fonctions, qualitez, & proprietéz.
- Le troisiem. { Des grades diuerses des Demons, diuersité des esprits,
leurs noms, diuisions, qualitez, proprietéz De la puis-
sance terrible des esprits malins, de leur science appel-
lée Magie par eux inuentée, de leurs pactiōs horribles,
accords, sabbats, assemblee qu'ils font avec les Magi-
ciens & Sorciers: Des diuerses parties de la Magie,
& plusieurs autres illusions diaboliques.

Le tout illustré d'un grand nombre d'Histoires &
doctes exemples.

Composé en Espagnol par le R. P. P. VALDERAMA, Religieux
Augustin, & traduit sur le manuscrit Espagnol en nostre lan-
gue Françoisse, par le sieur de la RICHARDIER, Interprete
des Langues estrangeres, pres sa Majesté Catholique.

SECONDE EDITION.

la premiere est de 1605

A PARIS,

Chez ISAAC MESNIER, rue Saint Iacques
au Chesne-verd.

1619.

Avec Priuilege du Roy, & Approbation.



~~7446V185~~

BK

A. 9401.



A

REVERENDISSEME

Pere en Dieu Messire Philippe
Hurault, Euesque de Chartres,
Conseiller du Roy en ses Con-
seils d'estat & priué, Grand Au-
mosnier de la Royne Mere du
Roy, Abbé de Pont le voy, S.
Pere en Valce, Royaumont &
ualasse.



ONSEIGNEVR,

Comme tous les nom-
bres ont leur estre de l'v-
nité en eux respanduë,
ainsi que tous les Cercles azurez s'or-
conjoincts par quelque sympathie
avec les quatre elements, qui se
trouuent en la compositiō de tou-

A II

EPISTRE.

les choses selon Hermes, & qui par
 leur diuorce & contrarieté, font
 subsister ce mode sublunaire; ainsi
 qu'en l'argent vif se trouue la natu-
 re de tous les autres metaux, ainsi
 qu'en l'estoille de Mercure la force
 & toutes les qualitez des autres: cô-
 me tous les ordres des Anges sont
 ioincts avec les Trônes, mais l'or-
 dre des Trônes ne l'est avec aucun:
 ainsi l'homme qui est le centre, l'o-
 rizon, & comme l'horoscope de l'u-
 niuers à quelque communication
 avec les choses plus hautes par foy
 & sapience, avec les moyennes par
 raison & discours, avec les plus bas-
 ses par sens & pouuoir absolu, &
 encore avec tous, comme avec la
 matiere en propre sujet, avec les
 elemens en corps des quatre hu-
 meurs & complexions, avec les
 plantes en vertu vegetatiue, avec
 les Cieux en influence des vertus su-

EPISTRE,

perieuresaux inferieures, & en mouvement rond, tendant au mesme point d'ou il est venu, avec les Anges en pensée & sapience, & avec Dieu en comprehension de toutes choses, que l'homme à par cōposition: mais qui de tous les hômes participe le plus à tant de qualitez, qui releue les natures raisonnables au de-là des autres creatures, & des hômes mesmes, sinó les Chrestiens, & qui entre les Chrestiens, sinon les Prelats de l'Eglise, mais de l'Eglise Gallicane singulierement, qui entre tant de signalez personnages, dignes Pilotes, & Pasteurs du ministère Ecclesiastique en nostre Frâce. sinon vous, MONSIEUR, à qui & de qui ie ne pourrois sans me rendre capable d'irreuerence parler autrement qu'avec loüange & respect: Car ie doute qu'il ne se trouue personne qui apres auoir presté l'o-

EPISTRE.

reille pour vous entendre, ne donnera d'avantage sa langue, sa plume, & sa voix pour vous louer, mais sans hypocrisie, & dissimulatio, puis que tant de belles parties que l'eternelle logees en l'interieur de vostre ame (Incomparable pour ses qualitez) vous rendent admirable entre tous nos Euesques, & par dessus tous vos predecesseurs, Pasteurs, & Protecteurs de l'Eglise de Chartres, ou vostre pieté vous faict louer, vostre prudence obeir, vostre gravité respecter, vostre douceur aymer, vostre sainteté admirer, vostre zele affectionner, vostre sçavoir desirer, vostre vie & vos vertus imiter: de vostre bouche, côme de celle d'Aaron partent les Oracles de verité, procedent les fleurs du salut & la fœlicité de vos tres-chers, & tres-aymez suiets, le but & la fin de vos salutaires & honorables desseins, n'e-

EPISTRE.

stât guidez que de ce respect, respect
en l'affection que vous avez au
gouvernement des oüailles de Iesus-
Christ, affection vnice avec l'honneur,
mais honneur diuin qui ne permet-
tra iamais que les viues lumieres &
brillantes clartez de vos saintes re-
solutions au seruice de son Eglise, &
à la deffence de ses Autels, soient ter-
nis d'aucun desir du seruice du mon-
de ny de la terre, ce qui m'estant
d'autant plus respectueux que ie le
recognois, i'ay creu approprier la
chose à son poinct de r'enuoyer les
fleurs du sçauoir & de la doctrine
du Docte Valderama au florissant
parterre des sciences & des lettres
vous faisant sacrifice de ce bou-
quet de senteurs de ces Helian-
thes Physiques, surembellies des
maximes sacrosaintes & Theo-
logiques, non tant pour releuer
mon dessein en la production de

ÉPISTRE.

C'est œuvre qui immortalise la mémoire de ce grand personnage, que pour servir d'ornement au triomphe de vos vertus, sous lequel l'envie doit courber le doz, avec mon obéissance, & ainsi servant de sous-basement à vos gloires, l'obligation du service que ie vous dois, se multipliera tous les iours par le mérite de vos faueurs, puis que les vertus & les graces, compagnes ordinaires de vos grandeurs, semblent me promettre de vos yeux vn gracieux accueil, & m'assurent particulierement qu'à regret vous ne receurez point le gage de mes affections, non plus que vous sont offerts les vœux deuotieux, l'humble service & la fidele obéissance de celuy qui est,

Monseigneur,

Vostre tres-humble & tres-obéissant seruiteur
ISAAC MESNIER, Libraire.



TABLE

SOMMAIRE DES CHAPITRES
CONTENUS EN
ce premier Tome.
LIVRE PREMIER

DE l'Admirable Architecte de ce grand monde qui est Dieu, où se refute la fausse & detestable doctrine des Athees & Saduceens Chap.1. fol.1.

Qu'il n'y a qu'un Dieu qui est ce grand Architecte de ce grand monde. ch.2. f.20.

Qu'on ne peut cognoistre qu'elle chose est ce grand Dieu. ch.3. f.35

Des noms de ce merueilleux Architecte, & de l'opinion subtile de Scot⁹. c.4. f.48

Des trois prospectives de ce grand monde & du merueilleux ordre avec lequel elles sont enchainees ensemble. ch.5. f.54

De la fabrique de ce grand monde, ou se rapportent aucunes opinions des anciens touchant son commencement, & ptemierement de la diuerse opinion de Thales Anaximene, Hiparchus, Heraclite, Anaxagore, Leucippus, Diodore, Democrite, & Epicure, ou se traite des Athomes. ch.6. f.61.

TABLE DES

De l'opinion des autres Philosophes
touchant le principe de ce monde, & par-
ticulierement de Pythagoras, ou se fait
mention des nombres Pythagoriques, &
des diuerses opinions d'Aristote de Plaró
& des sacrez Theologiens. ch. 7. f. 72

Auec quelles raisons Platon & Aristote
ont tenu l'eternité de ce grand monde, &
de leurs raisons contraires, ch. 8. f. 78.

Fondemens faux d'Aristote & de Pla-
ton, l'un que Dieu a eu besoin de maniere
pour bastir ce monde, & l'autre qu'il ope-
re par la necessité de la nature, ch. 9 f. 88.

Argumens d'Aristote & de Platon,
touchant l'eternité de ce grand monde, &
où se descouurent leurs erreurs, 10. f. 102.

Comme le monde fut formé de nou-
ueau il y a plus de 5563. ans, par ce tout-
puissant Architecte, ch. 11. f. 109.

Que ce monde est vnique, & n'y en a
plus d'un, & où se confute l'opinion de
ceux qui ont creu qu'il y en eust plusieurs
où se traite de la reuolution du Ciel, ap-
pellee des anciens la grande annee, chap.
12. f. 120.

De l'estrange opinion des Cabalistes,
& d'Origene, tout ce que doit durer ce
grand monde, & de la restauration, ou il
se montre que c'est que la Cabale, avec

CHAPITRES.

aucuns notables memoires tres-anciens,
des temps des Chaldeens & Ægyptiens,
ch. 13. f. 134.

LIVRE SECOND.

Del'oppinion des Saduceens, des Epicuriens & Peripateticiens, qu'il n'y auoit point d'esprits ny d'AnGES, chapitre 1. 143.

Del'oppinion de Platon, qu'il y auoit des esprits & des neuf ordres de la nature intelligible, de son inuention, ou se traite en pareil de l'esprit merueilleux de Socrate.
chap 2 f. 151.

Des estranges oppinions d'aucuns Sages, que toutes choses estoient pleines d'esprits, & que de leur concorde ou discord procedoient les bons ou mauuais effects qui arriuent aux homes. ch. 3. f. 189

Icy se prouue avec raison de Philosophie, & par les exemples des Gentils qu'il y a des Dæmons.
chap. 4. f. 173

Argumens par lesquels on confute les oppinions des Epicuriens, Saduceens & Peripateticiens qui nient les esprits, chap. 5. f. 194.

Preuve des raisons de Philosophie & par authorité des Theologiens que les esprits sont sans corps & resoluent les argumens contraires.
chap. 6. f. 209

TABLE DES

Quand & en quel lieu furent crees les esprits par ce grand Architecte, & comme ils estoient tous bons, ou se destruiët la fausse opinion des Manicheens. ch. 7. f. 220

Quel fut le premier Ange cree de Dieu, & de son excellence, comme il deuint rebelle, de la grande bataille qui fut au Ciel, & de la cheute de Lucifer. ch. 8. f. 229

Combien d'Ange tóberent des Cieux, combien en resterent, combien de milliõs il y en a selon l'opinion de quelques Docteurs, & de leurs nobles qualitez. c. 9 f. 240

Des 3. hyerarchies celestes, du gouuernement, & de leur office, tant au ciel, cõme en la terre, & des 4. Anges establis aux puiots du Ciel & sur les 4. vents & des esprits qui sont proposez aux Globes celestes dicts intelligences. ch. 10. f. 250

De l'opinion d'aucuns Rabbins, Hebreux & Cabalistes, touchant les sept Anges qui sont en la presence de Dieu, & de leur office des noms des 11. Anges preposez du Zodiaque, des quatre presidens aux elemens, aüec l'opinion d'Athanasie, & ce qui en a esté decidé au Concile Romain. chap. 11. f. 257.

De la conuenance qu'à ceste premiere prospectiue des 9. cœurs Angeliques, avec la secõde des Spheres celestes, & premie-


CHAPITRES.

rement de la ſemblance des Seraphins avec le premier mobile, des Cherubins avec le Ciel eſtoillé des Throſnes avec Saturne, des Dominations avec Iupiter, & des Vertus avec Mars. ch.12. f.263

De la ſéblance & ſympathie qu'ont les puiffances avec le Soleil, les principautez avec Venus, les Archanges avec Mercure & les Anges avec la Lune. ch.13. f.278

Grande folie des Mahometans, & de leur Alcoran, touchant les Anges, les eſprits celeſtes le monde intelligible, & ou ſe decouvre leur ignorance. chap.14. f.288

Fin de la Table des chapitres.



Extrait du Privilege du Roy.



OVYS parla grace de Dieu,
Roy de France & de Nauarre, à
nos amez & feaux Conseillers les
gens tenans Cours de Parlement,
Prenost de Paris, Baillif de Rouen
Seneschaux de Lyon, Thoulouse,
Bordeaux, & Poictou, & à tous
nos autres Iusticiers & Officiers.
qu'il appartiendra, Salut. Isaac
Mesnier marchand Libraire, demeurant en nostre ville
de Paris, nous à fait remonstrer qu'il auroit recouru la
coppie d'un liure intitulé *Histoire generale du monde & de
la nature, ou traictez Theologique de la fabrique composition
& conduite generale de l'univers, diuisee en trois liures, compo-
se en Espagnol par le R. P. P. Valderama, religieux Augustin, &
traduict en François par le sieur de la Richardiére Interprete
des langues estrangeres pres sa Maiesté Catholique.* Lequel liure
ledict suppliant desireroit volontiers imprimer tant de
fois, & en tel volume & caractere qu'il aduifera, pour la
plus grande commodité du public, sans qu'autre que luy
seulle puisse imprimer, vendre, ne debiter, contrefaire,
alterer, ne desguiser l'ordre dudit liure. Et d'autant que
nous desirons gratifier ledict Mesnier pour les frais qu'il
à ia fait & luy conuient encor faire pour l'accomplisse-
ment, & impression dudit ceuvre, & par mesme moyen le
faire ressentir du fruit de son labour, recognoissans qu'il
à traouillé iournellement pour le bien public. Nous pour
ces causes & considerations, vous mandons, ordonnons,
enioignons par ces presentes, que vous ayez à permettre
comme de nostre puissance & autorité Royale nous a-
uons permis & permettons audit Mesnier, qu'il puisse luy
seul imprimer, ou faire imprimer, tant de fois qu'il aduife-
ra, ledit liure, durant le temps de six ans entiers & consé-
cutifs, à compter du iour & datte que ledit liure sera pa-
racheué d'imprimer, faisans pour cest effect tres-expres-
ses inhibitions & deffenses à tous Marchants Libraires
& Imprimeurs de nostre dit Royaume, pays & terres de
nostre puissance & seigneurie, & speciallement à ceux de
nos villes de Paris, Lyon, Thoulouze, Rouen, Poictiers &

toutes autres : mesme aux estrangers qui ordinairement
traffiquent & desiront traffiquer en nosdictz Royaumes &
pays, & toutes autres personnes de quelque estat & con-
dition qu'ils soient de n'imprimer ledit liure, ne d'en
exposer en vente, ne changer, ne troquer aux foires, ne en
faire apporter ou amener d'autres villes en ce Royaume
soubz noms interposez, ou avec fausses marques, ne d'en
tenir aucun exemplaire : tant au public, qu'en privé d'au-
tre impressiõ que ceux qu'aura fait imprimer ledit sup-
pliant, sur peine de cinq cens liures d'amende, moitié a no^s
& l'autre moitié audit suppliant, & de tous despens dom-
mages & intersts, & confiscation des exemplaires qui
seront trouuees, comme plus amplement est porté par les
lettres patentes. Donnees à Paris le dixneuuesme iour de
Ianuier, l'an de grace mil six cens & dix-sept.

signé

DV PONT.

APPROBATION.

NOus soubz signez Docteurs en Theologie de la faculté de Paris, certifiés auoir veu & leu vn liure intitulé, *Histoire generale du monde & de la nature, ou traictez Theologique de la fabrique composition & conduicte de l'vniuers, diuisee en trois liures, composee en Espagnol par le R. P. P. Valderama, religieux Augustin, & traduit en François par le sieur de la Richardiere Interprete des langues estrangeres pres sa Majesté Catholique.* Auxquels n'auons rien trouué qui soit contraire à la foy Catholique Apostolique & Romaine, & aux bonnes mœurs, ains tresdignes d'estre mis en lumiere pour l'vtilité & instruction du public. Faict à Paris ce 19. Ianuier 1617.

F. CORRADIN, Gardien des
Cordelier de Paris.

F. François Forgean, Docteur
en Theologie.



HISTOIRE
GENERALE
DV MONDE, ET DE
LA NATURE.

OV
*Traictez Theologiques de la Fabrique, compo-
sition & conduicte de l'vniuers, diuisez
en trois Liures.*

LIVRE PREMIER.

Traictant de Dieu, comme souuerain Archite-
cte du monde.

CHAPITRE PREMIER.

*Del Admirable Architecte de ce grand monde qui est
Dieu, ou se refute la faulxe & detestable doctrine
des Athées, & Saduceens.*



L n'y a creature qui puisse reuoc-
quer en doute que Dieu ne soit le
souuerain Architecte de ce grand
monde, & l'ouurier admirable de
toutes choses : Et ceste proposition par nature

Tom. I. *Valderama.*

A

*Il n'est be-
soin de
prouver
que Dieu
soit auteur
du monde,
les créatu-
res le pres-
chent.*

est si vraye, cette conclusion si arrestee & vne chose si resolue, qu'il n'est point de besoing pour le cognoistre, ny de preuue pour le manifester, ny d'autoritez pour l'approuer. Mesme puis que toutes les choses animees & inanimees, esquelles il se manifeste en sont autant de tesmoins irreprochables: Et principalement l'homme duquel la deposition est si sainte qu'elle ne se peut cōtredire, non plus que celle de nostre conscience qui nous porte à cette confession. Quelle creature raisonnable esleuant les yeux vers le Ciel, voyant tant de flambeaux si reluisans & si plains de clarté, tant de planettes errantes ne confesse qu'il y a vn Dieu? Quoy! Ce beau Soleil la lampe inextinguible du Ciel, qui de ses rayons dorez illumine l'vniuers. Cette Lune argentine qui chasse les obscuritez de la nuit, qui roulent avec tant de diuers mouuemens, mais reiglés que leurs discordes n'empeschent leurs cours, ne forcent ils pas d'aduoir qu'il y a vn Dieu? Qui regardera la terre couuerte de tant d'arbres, de tant d'herbes & de tant d'animaux, & ne s'estonnera la voyant si pesante quelle est au milieu de son centre sans vaciller ny à dextre, ny à senestre, affermie sur son propre poids? Qui vira sans estonnement des costaux si releuez des montagnes si hautes, des valles si profondes, des campagnes si spacieuses, des forests si ombrageuses, tant de riuages, tant de mers tant d'abismes, tant de fleuves, de fontaines de paluds, d'estangs & de riuieres, avec vn si bel ordre qu'ils remplissent d'allegresse

l'œil de quiconque les regarde ? Qui ne se perdra dans son propre estonnement, en l'admiration de l'estendue des mers trauaillées & combattues de tant & tant de vens, qui pourroient en vn instant noyer la terre, & qui toutesfois n'oseroient paſſer leurs limites & leurs bords ? Qui ne rapportera toutes ces merueilles, ces choses admirables, eſtant & tant bien compaſſées, à ce grand eſprit, à ce Seigneur tout puiffant, Architecte, & conſeruateur de ce grand Tout ? qui eſt-ce qui iettera l'œil du penſer ſur ſoy meſme, & ne recognoiſſe qu'il eſt l'image & l'abregé de tout le monde ? Noſtre corps eſt droit, & eſleué propre à tout mouuement ? noſtre ame bien que de ſoy-meſme elle ſoit immobile, gouuerne par ſon ſeul vouloir & regit tous ces mouuemens : mais ce qui eſt encore de plus admirable eſt qu'encore que ſes eſfects & operations puiſſent eſtre veuës par les yeux corporels, elle ne peut eſtre toutesfois veüe des meſmes yeux, ny ſon excellence comprise de l'intellect. Ces miracles ne portent-ils point à cette confeſſion qu'en ce grand Palais du monde il y a vne ame & vn eſprit puiffant qui opere tous ces eſfects, qui gouuerne avec ſon infinie ſageſſe & bonté ? ce grand Tout chef d'œuvre de la nature ? L'ancien Philoſophe Hermès diſoit que l'inſirmité & la baſſeſſe de noſtre entendement ne pouuoit comprendre cet eſprit : mais ſi nos mains le pouuoient toucher puis qu'il ſe manifeſte & apparoiſt clairement en toutes les choses créés. Iamblique confirme la meſme parole en ces termes, Deum

*La fabri-
quer & com-
poſition de
l'univers
fait cognoi-
ſtre qu'il y
a un Dieu.*

*L'opinion
d'Hermès
& de Iam-
blique, ſon
chantant
creance de
Dieu.*

4 *Histoire Generale du monde & de la nature,*

nos quodammodo concipere possumus, nec tamen pro-

prie aliqua, sed quodam quasi contactu qui omni co-
Celuy est *gnitione certior est.* Et Auicenne homme barbare
fol qui croit *dit que manifestement celuy la est vn fol qui*
qu'il n'y a *nie qu'il y a vn Dieu. Quicunque (dit-il) Deum*
point de *aut numen non agnoscit, non tantum ratione caret,*
Dieu. *sed etiam sensu.* Ciceron le plus eloquent de tous
Dire d'A- *les Orateurs, dit que celuy-là est priué d'en-*
uicenne, *tendement, qui esleuant les yeux au Ciel ne co-*

*De natura
deorum.
lib.*

*Aristote
monstre
qu'il y a vn
Dieu. 1. me
taphic. 2,
metaph
3. phis.
7. phis.
8. & 12.
metaph. c. 7*

*Quid enim potest esse
tam opertum-tamque perspicuum, cum Cælum suspe-
ximis, celestiaque contemplantur sumus, quam esse ali-
quod numen præstantissima mentis, quo hæc regantur?
& vn peu plus bas, esse igitur Deos perspicuum est,
vt, id qui neget, vix eum sana mentis existiment. Ari-
stote à confessé le mesme, & que Dieu comme
d'une belle source, & de la premiere cause de-
riuoiert & prouenoient toutes choses il argu-
mentoit ainsi. Contingit aliquid dare secundum spe-
ciem quod simul mouet, & mouetur, & aliquid quod
tantum mouetur, ergo erit dare aliquid quod tantum
mouetur, & non mouetur. Bref il ne se trouua ia-
mais region si esloignee, pays si desert, nation
si cruelle, & peuple si barbare, qui n'ait con-
fessé bien qu'avec diuerses croyance qu'il y ayt
vn Dieu.*

*Que tous
sours Dieu
à esté reco-
gneu au
monde biẽ
que sous
diuerses re-
ligions.*

Courez tout le monde de l'Orient en l'Occi-
dent, du Midy au Septentrion: cherchez dans
tous les siecles tescoulez, lisez toutes les coustu-
mes, les façons de viure, voyez tous les sacri-
fices, les lustrations, les ceremonies des Grecs,

des Chaldeens, Indiens, Arabes, Perses, & toutes les autres nations barbares ? vous ne trouuerrez aucun qui ait denié qu'il y eust vn Dieu. Mais en la diuersité de tant de religions, en vn sens si confus, en tant de discordantes opinions de Dieux, vous trouuerrez qu'en cela ils s'accordent qu'il y a vn Dieu. Ceux de Crete, de Libie & du mont Ida adoroient Iupiter ? Ceux de Cartage, d'Argos, & de Micene, Iunon. Ceux de Thebes, Hercule. Ceux de Therce, les Graces. Les Ægyptiens Isis. Les Thebains & les Arabes, Bacchus. Ceux d'Ionie, de Delphes, & de Rhodes, Appollon. Ceux de Cypre, & de Paphon, Venus. Ceux d'Athenes, & de Oetolie, Minerue. Ceux d'Ibre & de Therasie, Vulcan. Les Italiens, & les Thraces, Mars : les Scites le Soleil. Les Siciliens Proserpine, les Helespontides Priape, les Eleans Pluton. Ceux de Beoce les Muses. Ceux de Delphes Latone, les Rhodiens Saturne, les Ægyptiens Osiris, les Lacedemoniens Neptune. Ceux de l'Asie, Nemese, ceux d'Altiue la Fortune, les Eliens Cerés, les Arcades Aristee, ceux de Colihou Cupidon, ceux d'Epidaure, Æsculape, ceux d'Ephese Diane, ceux de Phrygie Cibere : & brief pour n'estre dauantage ennuiéux Hesiodore escrit qu'il y a tant de Dieux & de Deesses, que le nombre se monte à plus de trente mille, qui seroit hors de propos les raconter vn à vn. Ces peuples diuers comme ils adoroient des Dieux diuers, aussi auoient-ils autant de coustumes différentes de leur sacrifier : par ce qu'ils offroient à Saturne, vn hom-

*Dieux ad-
rez des an-
ciens.*

*Quels
Dieux ont
esté ado-
rez de tous
les nations.*

6 *Histoire Generale du monde, & de la nature*
 me à Mars, & au Soleil vn cheual & à Vulcan
 le feu : à Venus les tourtes : à Proserpine la bre-
 bis noire, à Cibeles les premices, à Diane vne
 biche : à Faunus la cheure : à la Fortune l'ancre,
 aux Graces la farine, à Hercule & à Neptun, vn
 toreau, à Isis vne oye : à Iupiter les bestes de
 deux ans, & les tasses escumantes & pleines de
 vin & de sang, à Iunon vn agneau blanc femelle,
 à Latone la laine, à Priape l'asne, à Minerue
 la tortuë, à Nemese la langue, aux Muses la
 pie, Osiris le bœuf, à Pluton l'or, à Ceres
 vne truie, à Bachus vn bouc, à Aesculape vn
 coq, à Cupidon des fleches, à Aristee du miel,
 & à Apollon cent animaux : & bref tant plus
 sont diuers les Dieux & les sacrifices, tant plus
 naist vn veritable argument que cette foy, &
 croyance si vniuerselle n'est procedee des cou-
 stumes ou commerces des peuples voisins,
 mais née avec l'vniuers, escrite & empreinte
 dans les cœurs & ames de tous les hommes
 vniuersellement. Contre cette verité & ces
 principes si clers, il s'est trouué des hommes
 si meschans & sans iugemens aux siecles passez,
 & se trouuent encore à present, lesquels ont
 nié & nient qu'il y a vn Dieu, & disent que le
 monde est eternal, qu'il y a vn destin qui presi-
 de aux naissances comme si la terre nous engen-
 droit comme mousches, & nous iettant de ses
 entrailles comme zizanie, hommes vrayement
 sans foy, sans religion, ny pieté, hommes que la
 sainte escriture a remarqué en ces mots, *Dixit*
insipiens in corde suo non est Deus, hommes qui
 sans ce principe nient pareillement les Anges

*L'impie o-
 pinion de
 quelques
 anciens
 qu'il n'y
 auoit point
 de Dieu*

les dæmons & l'immortalité de l'ame, croyans qu'il n'y a autres delices apres la mort que celles que l'on gouste en la vie, & que le souverain bien consiste à contenter ses appetits qui en guise de bestes farouches blessent nostre raison, hommes vraiment disciples de ce sale Epicure.

Ede, bibe & lude, & te mortalibus exple.

Card. l. 2.

Deliciis animum : post mortem nulla voluptas. de conf.

Et cecy est vraiment vne grande merueille, que ceux-cy ne respirent, ne parlent & ne mangent autre chose que ce qui vient du monde & ne veulent voir & considerer en iceluy ce qui donne à tout le monde, & de l'espouuante & de l'admiration : par ce que si nous portions nostre consideration des choses basses, aux hautes, des terrestres aux celestes, des vniuerselles aux particulieres, nous ne trouuerions chose si petite qui ne monstrest en soy la grandeur du Createur. Il se trouue quatre choses au monde qui generalement regardent ceux qui ont l'estre, le viure, le sentir, & le discourir, la terre, l'eau, l'air & le feu, d'icelles tout ce qui vit, sent & discourt est composé, nourry & soustenu : & toutesfois en ces quatre elements on ne trouue qu'une nuë essence, sans vie, sans sentiment, & sans discours : pourquoy mesmes nous disons que les choses qui en sont les plus esloignees le sont pareillement de l'esprit & de la priuation. Les arbres, & les plantes ou l'estre n'ont autre chose que la vie, auxquels mesme les elements seruent, la terre les nourrist, l'air, & l'eau leur donnent de

Toutes choses nous en seigne qu'il y a un

Dieu.

Et 2 & 4. metaph.

tex. 5.

Le monde composé de quatre choses.

8 *Histoire Generale du monde & de la nature,*
 l'humour. Les animaux outre l'estre, & la vie,
 ont encores le sentiment, & encore qu'ils pren-
 nent le viure des quatre elements, le feu leur
 donne la chaleur, l'air le respirer, la terre, l'eau
 & les plantes leur nourriture naturelle. Mais
 l'homme qui a le viure, le sentir, & le discours
 se sert des quatre elements, il mange le fruit
 des plantes, il commande aux animaux, & avec
 la pointe de son esprit, & de son entendement
 il va descourant les choses plus secretes du
 Ciel, & de la terre. Qui sera donc de si dure cer-
 uelle, qui sera l'homme né parmi les grottes, &
 les spelonques, nourri de glan, accoustumé par-
 mi les plus fiers animaux, qui esleuant tant soit
 peu sa face pour contempler tant de merueil-
 les, vn ordre si admirable, ne concluë incont-
 nent en son esprit agreste, & sauvage que c'est
 de necessité qu'il y ayt vn architecte qui ait fait
 vn esprit, qui gouuerne, vn maistre & vn sei-
 gneur qui dispose selon sa sainte bonté de tou-
 tes les choses? Car qui se peut vanter d'auoir se-
 paré & diuisé ces grades, d'auoir assuiettir les
 choses inferieures, aux superieures? peut estre
 on nous dira que dés leur essence elles ont l'o-
 rigine, la vie, le sentiment, & l'intellect deux
 mesmes: Mais pourquoy, quand, & comment
 cela se peut-il faire. Pensons vn peu en nous
 mesmes, & voyons avec quel desir toutes les
 choses tendent & sont portees a la liberté, &
 haïssent & fuyent la seruitude: & toutesfois
 pourquoy les elements qui sont si grands & spa-
 tieux, si forts & puissans, ne se font point esleuez en
 gette douce liberté: d'où vient qu'ils ne laissent

*L'homme
 serui de
 tout le mō-
 de.*

*Son excel-
 lence.*

*Sans Dieu
 le monde
 ne peut sub-
 sister.*

dominer aux plantes, & aux animaux qui sont si
petits ? & pour quelle raison l'homme le plus
debile & le plus infirme de tous les animaux, sei-
gneurie les elements, les plantes, les animaux, &
tout le monde ? ne conclura-il pas necessaire-
ment de-là : mais plustost ne touchera-il pas de
la main qu'il y a vn Dieu qui soit le superintédât
de cette grande machine, vn maistre qui donne
l'ordre à tant de beautez, & vn pere de famille
qui dispose & donne les diuisions à toute ceste
famille lequel a voulu que tous les elements
seruissent aux animaux, & que les vns & les au-
tres rendissent hommage & seruissent l'homme
fait à son image & semblance, Mais puisque nous
sommes sur ce discours ie diray encore que le
monde consiste en quatre choses, sçauoir est en
ceux qui ont l'Estre, le viure, le sentir, & le dis-
courir ? Respond moy vn peu Athee, laquelle est
le meilleur de l'Estre ou du non Estre ; de viure,
ou de non viure ? de sentir ou de non sentir ? de
discourir, ou de non discourir ? il n'y a point de
doute que le non Estre a esté auparauant l'Estre,
parce que auparauant que nous ayons esté, nos
Peres ont esté, & nos Peres ont cognu leurs
progeniteurs, nos aieulx auparauant nos peres,
& nos bis-aieulx auparauant nos aieulx ; & ainsi
de suite & de main en main. Ainsi des plantes,
nous en voyons premierement l'origine que la
fin, & ainsi des animaux nous en voyons premie-
rement la naissance puis la ieunesse, la vieillesse
& la mort, & bref la fin de toutes les choses est
vn argument infallible quelles ont eu vn
commencement. Delà donc nous pourrons

*Pourquoy
l'homme
commāde
aux autres
creatures.*

*Qui a esté
le premier
de l'estre
ou du non
estre ex
eodem lex.
4.*

10 *Histoire generale du monde & de la Nature,*

*Raisōs qui
proeuuent
que toutes
choses ont esté
produites
de Dieu.*

*Accords
admirables
des Elements.*

*Cieux &
leurs ac-
cords en
leur ordre.*

dire qu'il y a vn temps (si temps se peut appeller) auquel ny le monde , ny les elements , ny les animaux , ny les hommes n'estoient point , & qu'apresent toutes ces choses se retrouvant il nous faut confesser qu'elles ont esté produites par quelque vertu interieure, autrement d'un rien ne pouuoit estre produite quelque chose , & du rien à quelque chose bien que tres petite, il y a une infinité d'espaces, & l'espace infini ne pouuāt estre répli que par l'infiny, il faut conclure que tous ces effets procedent de cette premiere cause dont la puissance est infinie qui ne peut estre autre que Dieu infiny, indéterminé & tout puissant. Quoy plus ? ie sçay que ce discours est surperflus, mais toutesfois il est agreable. Regardons les elements l'un est contraire à l'autre , l'un est chaud , l'autre est froid , l'un sec , l'autre humide : Mais qu'elles choses qui sont par Nature contraires ne se destruisēt point l'un ou l'autre & toutesfois ceux-cy ne se ruinent point en leurs discordes , ny le feu ne consomme point l'eau , ny l'eau n'esteint le feu , mais estant meslée en vn corps, ils augmentent leurs forces , & deuiennent plus beaux. Disons donc que ces accords de choses si contraires sont faits de cette main excellente, nous voyons que le lut ne resonance point , ny les cordes tenduës , bien qu'elles soient accordées n'enchantent nos esprits par vne douce melodie, si elle ne sont touchées par la legere main d'un maistre. Montons au Ciel nous y voyons tant de planetes , tant de cercles , tant de cours contraires l'un à l'autre , qui toute-

fois ne troublent ce bel ordre mais l'un sans of-
 fenser l'autre, roule son cours commencé par
 tant de siècles. Peut estre quelque'un croira que
 ces celestes Spheres se meuvent de hasard. O
 personne aveuglée, si par hasard elles se mou-
 uoient, par hasard aussi se pouuoient elles pas ar-
 rester & finir leur course? car ce hasard qu'estre
 autre chose que ceste fortune aveuglée qui se
 plaist au trouble, & au desordre? Mais ces cieux
 ne se sont iamais arrestés ne s'arrestent point, &
 continuent tousiours leur mesme voyage: Ce
 n'est donc point le hasard, mais un esprit puis-
 sant qui les gouverne. I'entens quelque'un qui
 me dit tout bas à l'oreille, que ces planetes cele-
 stes se meuvent d'elles mesmes. O fols, ô in-
 sensés, ne sçavez-vous pas qu'une chose ne
 se peut mouvoir de soy mesme, si elle n'est
 mue de quelque'un, & que pour n'admettre
 point l'infiny, il faut donner quelque com-
 mencement? Le commencement donc du
 mouvement est le repos comme cela se voit
 clairement en l'orloge, les rayons de laquel-
 le qui te demontrent l'heure, te conduisent
 au temps, le temps à la premiere roüe, la
 premiere à la seconde, la seconde à la troi-
 siesme, & ainsi finalement à la derniere, &
 la derniere à l'ouurier lequel faisant chemi-
 ner, & donnant le mouvement à l'orloge ne se
 peine, ny ne se trouble point, ains se re-
 proche.

*Fortune &
 le hazard
 quelle cho-
 se, c'est.*

*Que les
 cieux ne se
 meuvent
 point d'eux
 mesmes.*

Vois-tu la terre diaprée de tāt de couleurs, cou-
 ronnée de tant de diuerses plantes, habitée de tant
 d'animaux: Voy la Mer dās laquelle courēt tāt de

12 *Histoire generale du monde & de la Nature,*
 de poissons, l'air tout rempli de la melodie & des
 mignars concerts de tant de sortes d'oiseaux
 toutes choses parfaites en leur genre & sans
 craindre le iugement d'un feure Momus : Si tu
 reuient en toy mesme a qui doneras tu la gloire
 de la perfection de toutes ces choses ? Ce sera
 peut estre aux elements , & comment les ele-
 ments qui nont point de vie , donneront ils & la
 vie , & le sentiment aux autres creatures ? Ce sera
 peut estre au Soleil, qui luit de ses beaux rayons
 redore le monde, & reschaufe de son feu ce grãd
 monde. Mais pourtant il ne peut donner ny la
 naissance, ny la lumiere, ny aux hommes ny aux
 animaux. Ce sera peut estre a eux mesmes : Mais
 auant leur naissance ou estoient ils cachez. La
 blanche seue est cachee dans le grain, ou plustost
 le grain croist sans semer , les animaux grands
 ou petits naissent en ce monde par eux mesmes
 & se creent sans aucun aide ? qui fut le premier
 de l'œuf ou de la poule , & par ce que l'un ne
 peut viure sans l'autre, les animaux sans l'herbe,
 l'herbe sans la terre, & la terre sans le Ciel, qui fut
 le premier ou le dernier concurrent en cette ge-
 neration ? Ou peut estre ils sont nez en vn instant
 selon la croyãce de plusieurs ? Mais si ils sont nez
 en cette facon d'où viẽt de tãt de discordãts ac-
 cords entre eux vne telle concorde ? d'où tant
 de choses mortes ont receu l'esprit ? d'où tant de
 choses dissemblables ont conspiré ensemble
 pour auancer & embellir leur naissance ? Ce sont
 icy des raisons trop preignantes, des arguments
 trop forts & necessaires pour conclure qu'il y a
 vne puissance souueraine, vne sagesse parfaite &

*Il est im-
 possible
 que le mō.
 de subsiste
 sans Dieu.*

*Demandes
 curieuses
 mais fri-
 uole & de
 nulle vi-
 lité.*

toute prudente qui a donné l'origine à toutes les
 choses, avec vne variété si agreable, vn ordre si
 parfait, & vne concorde si admirable qui reluit
 en toutes ces actions. Si nous considerons la
 beauté de nostre entendement, qui est-ce qui
 croiroit trouuer vne autre intelligence qu'en
 l'homme qui soit cōforme à la nostre, car si nous
 cognoissions nous qui sommes la moindre partie
 & plus informe de ce grand tout, estre en nous la
 raison & vn entendement, nous pourrions dire
 sans vanité qu'il ny a icy bas autre intelligence
 que la nostre, & si nous sçauions que nous posse-
 dons vn intellect par lequel nous entendons (la
 perfection duquel toutefois nous ne cognoissons
 ny sa qualité releuee ny d'ou il est venu) nous
 aurions bien tost, & par force sinon de gré
 qu'il y a vn autre intellect superieur qui commā-
 de au nostre, par la bonté duquel nous entendons
 les autres choses, qui se peuuent entendre, ce qui
 est en nous & ce qui ny est pas, & que sans luy
 nous ne pourrions ny entendre ny cognoistre.
 Mais i'entens encore ces Athees incredules qui
 m'importunent avec leur iargon, & leurs que-
 stions impertinentes, ils me demandent, mais
 quoy croirons nous regner vn Dieu que nous
 n'auons iamais veu? O insensez & sans iugement
 si vous voyez vn fleuve qui coule, & qui enuoye
 ses ondes pour tribut à la mer, vostre penser, vo-
 stre raison naturelle ne vous porte elle pas à cel-
 le ratiocination qu'il a vne source bien qu'elle
 soit esloignee. Si vous voyez vn arbre florissant
 vostre intellect ne penetre-il pas iusques à la ra-
 cine qui est sous la terre, & de la racine à la se-

*C'est vne
 folie de
 croire qu'il
 ny a d'au-
 tre intellect
 que celuy
 de l'homme.*

*Athees ne
 valent
 auoir vn
 Dieu qu'il
 n'ont point
 veu: &
 raisonnent par
 lesquelles
 ces erreurs
 est confusé.*

inence ? & pourquoy non encore de la semence à celuy qui a donné la vigueur à la semence, & le cours à ce fleuve roulant ? Ceux qui ont descouvert le monde nouveau entrant en ces isles desolées & sauvages, & voyant en icelles de petites logettes bien couvertes de ioncs & de roseaux ne iugent ils pas soudain qu'il y a des hommes qui y habitent ?

*Stupidité
des Askes.*

Quoy sont-ce les sapins & les fouteaux dans les ombrages desquels on voit errer les animaux qui les ont bastis ? Et toy insensé vermisseau de la terre nay comme les champignons en vne nuit, voyant des œuvres si admirables, que ny les hommes ny les animaux ne peuvent faire, n'esleueras-tu les mains au Ciel, & à haute voix ne confelleras-tu point qu'il y a vn esprit puissant dans les Cieux, qui a créé ce grand palais, avec de si rares veuës, & qui surpassent l'artifice humain : mais si tu crois seulement à ce que tu vois, dy moy vn peu les plantes qui croissent tous les iours, d'où leur est venu cette vertu, & las-tu iamais veuë ? Les animaux que tu vois naistre & croistre tous les iours, est-ce d'eux mesmes qu'ils ont cette puissance, où l'as-tu iamais veuë. L'homme que tu vois mouvoir, croistre & discourir, avec lequel il s'entend soy mesme, & toutes les autres choses qui peuvent tomber sous le sens commun, as-tu iamais veu en luy cette vertu, latente & cachée qui opere de si admirables ouurages.

Si tu crois donc toutes ces choses, non parce qu'elles soient soubmises & sujette à ta veuë, mais parce que tu vois les effets de tant de mi-

racles de la nature si pleins destonnements,
vn si bel ordre, vne composition si admirable de
l'vn & l'autre Hemisphere ne tirera-elle point
cette confession de ta bouche qu'il y a vn Dieu?
Si tu en veux croire ceux que l'antiquité a touf-
jours reputé pour sages, & l'ornement de leurs
siecles, comme les Brachmanes chez les Indiens,
les Mages, chez les Perses, & les Philosophes,
chez les Grecs, ils te diront qu'ils croient vn
Dieu, & qu'ils ont tousiours commencé leurs
œuvres par l'inuocation de son Sainct nom. Py-
tagore, Platon, Orphee, Homere, Hesiodé,
Pherecide, Teognis, & mille & mille autres, &
tous ceux si i'ose dire qui ont escript, ont mis à la
teste de leurs compositions, & dés le commen-
cement l'inuocation de son sainct nom.

Tous les
sages an-
ciens ont
creu & in-
uoqué vn
Dieu.

Mais que dis-je? si tu fais ò Athee quelque
estime de Diagoras, lys son liure & voy que dés
son commencement il escript ainsi, *Quod à numine*
summo reguntur omnia: Encore que comme tu sçais
pour soustenir sa secte il s'efforçast de montrer
& par ses discours & par toutes sortes d'actions

Diagoras
Prince des
Athees co-
fesse vn
Dieu.

qu'il ny auoit point de Dieu: il prit vn iour vne
statuë de bois esleuee en l'honneur d'Hercule, &
se gaussât il la jetta dedâs le feu, disât ces paroles,

Diagoras
bruste la
statue
d'Hercu-
les.

In hoc decimo tertio Agone, in quodam Cruristao, mi-
hi in seruiciis oportet. Ne voyez-vous pas miséra-
bles que les Princes, & Capitaines de vostre fol-
le opinion se sont plustost mocquez, & faict
peu de conte des Dieux qu'ils n'ont nié qu'il y en
eust? Comme vn entre les autres qui pour le
mespris des Dieux d'Auguste tenoit au peuple ce

Les Athees
se sont plu-
stost moc-
quez des
Dieux,
qu'ils ne
les ont nié

16 *Histoire Generale du Monde & de la Nature,*
 langage, *Si dñsunt, cur plangitis? si mortui, cur adora-*
ratis? L'antiquité nous apprend que Neheme-
 rus fut reputé Athee parce qu'il escriuit l'origine
 & l'extraction des Dieux anciens, & recherchant
 de plus pres en leur race il monstra que ce auoiet
 esté des hommes, des Rois, & des Heros qui a-
 uoient acquis beaucoup de reputation, & qui
 s'estoyent immortalisez en la memoire des hom-
 mes, lesquels pour honorer leurs vertu leurs con-
 sacrerent des ieux, & des spectacles, & peu apres
 la posterité idolatre, & corrompuë, leur dedia
 des Temples, & des Autels, & les inuoqua com-
 me des Deitez. Entre ces hommes peu apres
 quelques vns se lincentierent iusques à se moc-
 quer de ces Dieux, peu apres se leua, & prit
 naissance la secte des Saducéens qui se trouue-
 rent du temps de Iesus-Christ, & des Apostres,
 qui ne croyoient, ny Dieu, ny les Anges, ny les
 damons ny l'immortalité de nostre ame. Et par-
 ce qu'ils voyoient que nostre Seigneur Iesus-
 Christ, preschoit la grandeur de son Pere, la
 gloire des esleuz, les peines, & supplices des re-
 prouuez, & la resurrection des morts, ils s'ap-
 procherent de luy, & le tentant luy demanderēt
 à qui appartiendrait la femme en l'autre monde,
 qui durant sa vie auoit espousé sept maris: à quoy
 il leur fait responce que c'estoient des ignorants
 qu'ils n'auoient leu les saintes pages, & qu'ils ne
 cognoissoient point la puissance de Dieu, estant
 impossible qu'un Homere sage, & qui à de la le-
 ctüre, a laissé conduire dedans des erreurs si gros-
 sieres & si impertinents. Iesus-Christ donc les
 appelle ignorants, & qui auoient veu, mais non
 pas

*Hebeme-
 rus pour-
 quoy dist
 Athee.*

*Saduceens
 ne croyent
 qu'il y eust
 ny Dieu ny
 esprit, ny
 ames.*

*Act. Apost.
 23. Matth.
 22.*

pas estudié, ny compris les Escritures, & vrayement ils sont comme Theodore Cireneen, lequel voulât soustenir avec sa Philosophie, qu'il n'y auoit point de Dieu, fit recognoistre son ignorance en ses arguments, il le fit siffler en l'eschole des Peripateticiens, & comme vn meschant il le fit chasser de leur compagnie, il argumentoit ainsi que si Dieu estoit, c'estoit vn animal, autrement, il ne pourroit auoir les cinq sens de nature, & si il auoit les sens, ils s'alteroient, & salterans, ils se corrompoient, & se corrompans ils perissoient, & pour ne conclure qu'en Dieu il y eust vne fin, il auoit bien plustost fait de nier qu'il n'y en auoit du tout.

O subtil & vaillant Philosophe qui à tant de peine de tirer vne consequence d'vne si imper-

tinente proposition. Entendez encor cet argument aussi poly que l'autre, il disoit que si Dieu estoit sans corps, il estoit pareillement sans ame, & que s'il estoit sans ame il ne pourroit rien faire, & n'auoit aucune puissance: ou que

s'il auoit vn corps c'estoit de necessité, qu'il fust suiect aux mutations: si que pour ne conclure que Dieu ne pouuoit faire aucune chose, ou pour ne luy attribuer quelque autre imperfection, comme d'estre subject au change, il ay-
moit mieux dire tout d'vn coup qu'il n'y auoit point de Dieu, comme si l'ame d'elle mesme ne pouuoit point operer; & ne pouuoit commander sans les actions du corps. O petit & miserable vermisseau de la terre, ne t'apperçois-tu pas que l'ignorance, auégle ton entendement, & que tu es peu dissemblable d'vne beste, &

*Theodore.
Cireneen.
Athee. ses
arguments
pour prou-
uer qu'il
n'y auoit
point de
Dieu.*

*Faulteté
de ses ar-
guments.*

*Ils ne me-
ritent res-
ponce ny
replique.*

*Dist nota-
ble de Ze-
nophane.*

*L'animal
ne conside-
re rien plus
haut que
soy-mesme.*

*qualitez
des Athei-
stes.*

*Qui con-
fessent à
l'article de
la mort le
plus souuēt
qu'il y avn
Dieu.*

18 *Histoire Generale du Monde, & de la Nature,*

que de toy on peut dire ce que Zenophanes a
escriit des animaux. Si dict-il, Dieu leur auoit
donné l'entendement & l'industrie l'art de la
peinture ils depeindroient Dieu en leur forme
& semblance estant le propre de l'animal de ne
considerer plus haut que soy-mesme & d'auoir
de plus-releuees conceptions que celle de la na-
ture. Ce sont les arguments aussi mal digerez de
ceste ignorante troupe d'Athees lesquels com-
bien ils sont dignes de risée chacun bien que de
petit iugement le peut remarquer, & qui vou-
dra de plus prés considerer leurs opinions il ne
conclura autre chose sinon que ce sont des hō-
mes aveuglez d'ignorance mal nez suiccts à
leur plaisir, vitieux, possedés du diable qui ont
violees toutes les loix & diuines & humaines &
la nature mesme, qui ne font estat ny de Dieu ny
de leur ame, & qui pour donner plus de poix à
leur croyance, se donnent permission de com-
mettre toutes sortes d'impietez, ont impu-
demment resolu, & avec toute effronterie sou-
stenu, que l'ame mouroit avec le corps, que
il n'y auoit point de iustice diuine, point de
bourreaux, ny de supplices eternels pour pu-
nir leurs meschancetez : Mais leur conscience
leur donne bien d'autres gesnes. Elle tire
bien d'autres confessions que celle que leur
langue impudente & leurs œuures n'aduouē-
rent.

Et cecy se manifeste clairement en ce que
nous voyons par experience que comme ils
vieillissent, & l'aage leur faict apprehender les
heures de la mort ils s'attristent, se donnent

des apprehensions des iugemens diuins, & en fin reuenans en eux mesmes. Ils recourēt à Dieu & si encore au milieu de leurs plus-grandes erreurs, & pendant le regne de leurs folles opinions, il leur suruiuent quelque accident sinistre, & non preueu, s'ils sont en danger, ou des armes, ou du feu, si dans la mer la fureur des vagues esmeuës, les menace d'un proche naufrage, alors tous tremblants, leuants leurs debiles lumieres au Ciel & les mains iointes, faisant couler vn torrent de leurs yeux, ils inuoquent pour leur salut, le Dieu, qu'un peu auparauant ils auoient nié avec tant de malice.

Si vne maladie les clouë sur vn liēt, si vne fièvre se glisse en leurs veines, ils chantent vne palinodie, vne froide peur glace leurs entrailles, & bref à l'article de la mort ils decouurent les vlceres de leurs ames, & tous desespererez, ils tombent en superstition portez d'une extremité en l'autre ils croient & adorent toutes sortes de Deitez, & s'addonnent à toute ombre de religion, comme on lit d'Aristote vraiment trop scrupuleux auquel vn de ses Disciples ayans monstré la sacree Genesise, ou il leut ces parolles, *In principio creauit Deus celum & terram*, & tenant avec sa Philosophie, que le monde fut eternal, ostez-moy (dict-il) ce liure plein de fables, qui dict beaucoup de choses, & n'en protue pas vne, & apres comme son ame voulut faire retraicte, payer les obligations auxquelles la nature oblige nostre naissance, se reprenant soy-mesme de ses

Aristote
meprisala
sacree Bible
Picus l. 6.
exam. cap.

9.

Repentir
d' Aristote.
mourant.
Cardan.
Dialogue
de la mort.

20 Histoire generale du Monde & de la Nature,
erreurs passées, & songeant ce que deuoit estre
de luy apres son trespas, ayant peut-estre tenu
durant sa vie cette opinion que les ames des-
poüillees du corps, mouroient comme le corps,
tout tremblant il tint ce discours, *Fœde hunc
mūdum intraui, anxius vixi, perturbatus egredior quo
vadam nescio, causa causarum miserere mei.*

Voyez à quelles peines est reduit vn Philoso-
phe, le plus grand, & le plus excellent qui fut
iamais, il se perſuadoit en sa vie, de ſçauoir
toutes choses, & il meſpriſa de lire les ſainctes
pages, en ſa fin il confeſſe ſa folie, ſes erreurs
& ſon ignorance, en laquelle l'auoit endurcy
l'obſtinee preſomption de ſçauoir beaucoup.

Qu'il n'y à qu'un Dieu qui est ce grand
Architecte de ce grand Monde.

CHAPITRE II.

L'homme
doit ſça-
uoir qu'il
n'y a qu'un
Dieu.

Lib. 2. cap.
9. diu. Inſt.
Pourquoy
l'antiquité
inuēta tāt
de Dieux.



OMME la Nature nous apprend
qu'il y à vn Dieu immortel, grand
ouurier, & architecte de ce grand
monde. Ainſi deuons-nous auoir
ceſte cognoiſſance qu'il eſt vn
ſeul comme elegamment le décrit Lactance,
*Perfecta eſt in homine ſapientia, ſi & Deum eſſe vnum
& ab ipſo facta eſſe vniuerſa cognoſcat* : Parce que
l'Antiquité adoroit vne infinie multitude de
Dieux comme nous auons touché cy-deſſus, &

comme les fables des Grecs & mesme les saintes pages qui parlent de Baal destruiect par Daniel, des idolles des Egyptiens & autres nous le tesmoignent, Ces impies adorations commencerent par les hommes lourds & grossiers à cela portez par les artifices des Prestres auares, & les fictions des Poetes, qui pour se reuancher des faueurs & bons offices qu'ils receuoient des Princes & des Roys publioient leur grandeur souz le tiltre de Dieux. Ainsi le valleurux Ænee à qui on donne la gloire d'auoir premier ietté les fondemens de l'Empire Romain, portoit errât avec soy ses Dieux Pœnates. Ce qu'observerent religieusement ses successeurs, les Roys, les Consuls, & les Empereurs, comme nous lisons de Romulus, de Numa Pompilius, de Carmēta, de Iules Cæsar, & de mille & mille autres, auxquels on esleua des statües, on bastit de superbes Temples & se firent reuerer, comme de puissantes Deitez. Ce que le grand Roy Salomon Prototype de la Sageste confirme en ces *Sapiens.* mots. *Superuacuitas enim hominum hac adinuenit in orbem terrarum, & ideo breuis illorum finis est inuentus, acerbo enim luctu dolens pater cito rapti sibi filij fecit imaginem, & illum, qui tunc quasi homo mortuus fuerat, nunc tamquam Deum collere cœpit, & constituit inter seruo suos sacra, & sacrificia: Deinde interueniente tempore, conualesce iniqua consuetudine hic error tamquam lex custoditus est. Et ce qui suit.*

Ce que rapporte pareillement Ciceron bien que nourry dedans le Paganisme, lors qu'il dict: *Suscepit autem vita hominum consuetudoque cōmunis, ut beneficijs excellentes viros in cælum fama, ac vo-* *Cic. l. 1. de natura decorum.*

22 *Histoire Generale du Monde & de la Nature,*
luntate tolleret : Hinc Hercules , hinc Castor , hinc
Pollux , hinc Aesculapius , hinc Liber , & vn peu
plus bas , Accesserant (dit-il) etiam Poeta &
compositis ad voluptatem carminibus in cælum eos
sustulerunt , quod malum à Græcis ortum est quo-
rum lenitas instructa dicendi facultate , & copia , in-
credibile est quantas mendaciorum nebulas excitaue-
rit. Et bien que aucuns des Anciens ayent con-
stitué deux principes eternels & infinis appu-
yez sur ce fondement qu'un corps Physic peut
deriuer de plus d'une cause , & parce que aussi
toutel'eschole des Philosophes ont mis d'eux
principès contraires de la nature , vn seul ne
pouuant estre contraire à soy-mesme , cette
raison esloree de tous les discours de Philo-
sophie ne se peut soustenir parce que si on
concedoit deux principes de la nature on tom-
beroit en ces inconuenients que deux infi-
nis seroient en vn mesme temps en vn acte,
& parainfi nul ne seroit infiny parce que deux
infinis seroient plus grands qu'un seul : outre
que ce nombre est subiect à diuision , n'y l'un
n'auroit la puissance de l'autre , ny l'un de l'aut-
re pour leur egalité seroit superieur , ou le
premier. Mais estans contraires comme i'ay
dit cy-dessus , & estans esgaux de force , ils de-
struiferoient les beaux accords , & l'harmonie
de ce grand Monde , & ny auroit puissance
qui peust faire teste & empescher le cours de
leur fureur , outre qu'en la nature il n'y peut
auoir deux principes doiiez de sagesse , & de
puissance infinie.

*Deux prin-
cipes eternels
constituez
par les an-
ciens.*

*Arist lib 2.
Phisf.*

*raison foi-
ble prou-
uant d'eux
principes de
la nature.*

*absurditez
qui procede
roient de
ces deux
principes.*

Mais qui concederoit encore contre toutes

les act mes de la Philosophie que cela peut-estre, vn seul prendroit sur soy la charge de la conduite du monde, & l'autre seroit inutile & du tout superflus ce qui ne se permet point en la nature, laquelle tant s'en faut quelle agree & se plaise, en la superfluité que mesme elle la fuit & l'abhorre.

*Multitude
de Dieux
tesmoigne
leur imbeci-
llité.*

Il ne se trouua donc iamais, & ne se trouuera personne capable de raison qui n'aduouë qu'il y a vn seul Dieu eternal : Architecte & gouuerneur de cet Vniuers, parce que constituant vne multitude de Dieux, ce n'est rien autre chose que les confesser estre imbecilles, & n'estre tous puissants, vn seul n'estant capable sans l'ayde & le secours d'un autre, sans lequel il ne pourroit regir & gouverner ce grand Palais du monde & pourtant il faut dire & de necessité que Dieu est vn esprit eternal en tout & du tout parfait tout bon & tout vertueux, vnique & qui ne peut communiquer sa grandeur qu'à luy-mesme : parce que la puissance ou la vertu absoluë retient en soy sa propre fermeté & constance, qui est-ce que nous deuons appeller solide & assésuré, duquel il ne se peut rien diminuer, & qui est vne perfection laquelle ne se peut augmenter. Qui douteroit de confesser que vn Prince ou vn Roy, ne fust tres puissant qui regiroit tout l'Empire du monde sous son sceptre ? Il pourroit dire à bonne raison que toutes choses releueroient de luy, tout seroit de ses appartenances, qu'il posséderoit toutes les richesses, tous les thresors de l'univers.

*Qu'il est de
necessité
que Dieu
soit vnique*

*belle simili-
tude.*

24 *Histoire Generale du Monde & de la Nature,*

Mais si plusieurs Roys venoient à partager ce grand Empire du monde , il n'y auroit aucun doute que chacun d'eux manqueroit encore de force & de richesses, leur grandeur estant reduite en quelques bornes , & les thresors de la terre departis en plusieurs pars, si on disoit le semblable de Dieu , & qu'il y en eust deux dans le Ciel qui se fissent recognoistre , leur puissance seroit finie , elle seroit renfermee dans quelques limites , ayans tous deux vne esgale puissance. Parce que la perfection de la vertu ne se peut retrouver qu'en celuy qui est tout & non en celuy qui est vne partye du Tout

*Perfection
de la vertu
ou se trou-
ue.*

*Lactance
monstre
qu'il n'y
peut auoir
qu'un
Dieu.
Que s'en-
suit-il s'il
y a plu-
sieurs Dei-
tez.*

Mais si Dieu est parfait (comme il l'est) il ne peut-estre qu'un, afin que de luy , comme d'une vne source procedent toutes choses. Et tant plus qu'il y auroit de Dieux , tant plus seroient moindres & imparfaits ne pouuant en beaucoup estre l'origine & la cause de toutes choses. Lactance au liure premier de ses Institutions contre la folie de ceux qui croyoient plusieurs Dieux & Deesses , disoit de grace, responds-moy vn peu à ce que ie vous demande, si il y a plusieurs Deitez , & de diuers sexe , masles, & femelles , il s'ensuit qu'entre eux il y a quelques accouplements, & conionctions, si cela est, il faut qu'ils ayent des maisons dans le Ciel , où ils se logent , parce qu'il n'est pas croyable qu'ils soient priez de honte , & de vergongne , & qu'ils s'addonnent à ces plaisirs en public & au conspect de tous les autres Dieux : s'ils ont des maisons il faut dire aussi qu'ils ont aussi des villes & comme dict

Ouide.

Ouid. 1.
Metam.

*Plebs habitat diuersa locis, à fronte potentes
Cælicola, clarique suos posuere Penates.*

S'ils ont des Citez, il faut encore de nécessité conclure qu'ils ont des champs, s'ils possèdent des champs, il faut qu'ils les labourent, & cultiuent pour l'entretien de leur viure: Doncques ils sont mortels, ce qu'estant incompatible avec la perfection des Dieux, il faut conclurre qu'il n'y a point de sexe féminin deifié ny partant point de Dieux, ny de Deesses. Cét argument tourné à l'enuers signifie & conclure le mesme, sçauoir est si les Dieux ne sont mortels, ils ne cultiuent point, ils n'ont point de champs, si point de champs, moins ont ils de villes, si point de villes, ils n'ont point de maisons, si point de maisons, point d'accouplements, si point d'accouplements, moins se trouuent-ils de femmes, donc il fault conclurre qu'il n'y a point de Dieux, bien que nombrant leurs Dieux avec leurs Deesses, comme Pallas, Venus, Iunon, & autres infinies, si nous croyons à Hesiodé, ils en ont adoré iusques au nombre de plus de trente mille.

Belles conséquences
pour convaincre
les fausses
Deitez.

Qui sera donc celuy d'un esprit si grossier d'une intelligence si basse qui ne voye & ne touche avec la main que c'est vne pure moquerie de croire qu'il y a plus d'un Dieu. Le pere de tous les Philosophes Trismegiste, confesse vn Dieu en ces parolles, *Vnus Deus*

Les anciens
n'ont creu
qu'un
Dieu Mer-
curius Pi-
thagoras.

*una unitas radix est omnium quæ sunt, sine hac ni-
hil fieri potest nihil factum est.* Pythagoras Sa-
mien pour se donner de la vanité tenoit ceste
sinistre opinion de la metamphycolé, & le pas-
sage des ames en d'autres corps publiant des
loix inouïes & non iamais resolues en vn cerueau
politique de ne manger point de febues, ny
d'aucun animal qui eust eu vie, comme rap-
porte Ciceron, disant, *Deus est vnus non vt plu-
rimi censent extra administrationem mundi, sed*
Cicero, Fi- *totus in toto* & Filolaus son disciple confessoit
lolaus. l'vnité de Dieu, disant *Vnus est Deus princeps v-
niuersi, qui semper est singularis, immobilis, & sui
similis.*

Arist. lib.
2. Meta.

Li. 6. Phys.

2. Metap.

Le prince des Peripateticiens Aristote, assure
le mesme en beaucoup d'endroits ce qu'il
preuue avec beaucoup de raisons Philosophi-
ques, & naturelles, tirees de l'vnique mou-
uement du premier mobile, au liure second
de la Metaphisique, il l'appelle premier &
vnique Principe: *A primo principio dependet cæ-
lum & tota natura*: & en vn autre endroit,
*Etiam bonum vniuersi consistit in principio primo,
ad quod omnia ordinantur*, & au liure huietie-
me de sa Physique, il passe bien plus outre, &
parle bien plus clerement & intelligiblement
Primus victor (dit-il) *tantum vnus est, & ater-
nus*, & en vn autre endroit, *Entia volunt ma-
le disponi, nec est bonum pluralitas principantium,
vnus ergo princeps*: Ce que ce grand Philoso-
phe tint tousiours pour resolu en son enten-
dement, mais il escrit, encore qu'il n'estoit

pas seul de cette opinion de laquelle les plus sages ne s'estoient iamais departis comme Zenon Philosophe Stoique, qui disoit que comme c'estoit manquer de iugement de dire qu'il ny auoit point de Dieux, qu'aussi c'estoit impieté d'asseurer qu'il y en auoit plus d'un : Theophraste encore dit *diuinum principium vnum, quo & existunt omnia, & consistunt*. Alexandre Aphrodisee en son liure de la Prouidence à pareillement escrit, *Deus vnus omnibus prouidet, quacumque vult potest*. Simplicius a laissé ce beau tesmoignage de sa creance : *Discendum ante omnia vnum esse Deum, omnia regere, omnibus prouidere, quidquid vero faciamus dicamus cogitemus nihil eum latere posse*. Et Seneque en son liure de la briefueté de la vie, voulant donner à entendre qu'il y auoit vn seul Dieu, bien qu'en plusieurs endroiets il eust parlé des Dieux, dit ton Iuge est de grand poix, & d'autorité par ce qu'il est le seul Prince du Ciel, & de la Terre, Dieu de tous les autres Dieux, duquel procedent les autres Deitez que nous reuerons, & adorons, lesquelles il a crees, & non par ce qu'il en eust besoin au gouuernement de ce grand Monde, mais pour estre les seuls Ministres de son Empire, & les executeurs de ses saincts commandemens.

Theof. in
Metap. 3.
in lib. de sa
Pol.

Sen. epist.
92 ad Lu-
ciliam lib.
de Brevi.

Plat. epist.

Le diuin Platon escriuant à Dyonisius, 13.
veux - tu (dict - il) sçauoir quand ie t'escriis serieusement, ou par ieu? regarde au commencement de mes lettres, si ie les commence par l'inuocation d'un seul Dieu, ie t'escri-

28 Histoire Generale du Monde & de la Nature,
de choses importantes , & si ie les commence
par l'inuocation de Dieux, croy à l'heure que

Damas.

ie me iouë. On lit dans Damascius Auteur
Grec ces parolles de Dieu, *Vnus producit omnia* , *vnus colitur* , *silentio viuit* , *ut sol eminens videtur obscure* , & *quo propius eo obscurius proxime vero omnem omnino apprehensionem tollit* : & en

Iamblique
en la sette
de Pythag.

Iamblique, *una est omnium causa vnus Deus omnium Dominus* , à quo solo peti debet omne bonum , *ipse omnis contemplationis finis est* , *nec aliud est contemplari quam à multitudine ad unitatem abstrahi* : *vnitas porro Deus ipse est princeps omnis veritatis* , *felicitatis substantia* , *principiorum denique ipsorum*. Proclus, voulant donner à entendre que

Proclus.

Dieu estoit vnique , & que les autres qui sont appelez Dieux , sont creés de luy , & qu'ainfi les appellent-ton pour quelque ombre de bonté, dit, *Quis ille rex omnium Deus vnicus* , *qui ab omnibus separatus est* , & *omnia nihilominus ex se, producit* , *qui omnes fines ad se conuertit* , *finis finium* , *causa prima operationum* , & *auctor omnis boni* : si Platon creés, *nec explicari* , *nec percipi potest*. Itaque *prima hac simplicitas rex ipse est Princeps* , & *exuperantia omnium rerum* , *qui omnes supereminet causas* , *quique eam deorum substantiam creauit* , *in aliqua boni species inesse videtur*. Simplicius , encore parlant de l'vnité de Dieu, dist ces mots, *Omne pulchrum à prima & precipua pulchritudine* , *omne verum à diuina veritate* , *omnia principia ad vno principio* : Et en vn autre endroit , *Bonum omnium scaturigo & principium est* , *omniaque ex se se producit* , *prima* , *media* , *ultima* : *vix bonitas producit multas bonitates* , *vix vnitas multas unitates*.

Simplicius
en l'Epist.
D'arian.

unum principium multa principia, unitas autem principium bonum Deus unum & idem sonant. Parce que Dieu est la cause premiere de toutes les choses dans lequel tous les principes particuliers aboutissent & sont fondez, & par ainsi il est la cause de toutes les causes, la bonté de toutes les bontez, & le Dieu de tous les Dieux. Porphyre au second liure de *Abstinentia*, & au liure qu'il a fait de l'Occasion, tient encore qu'il n'y a qu'un Dieu, & en la vie de Plotin son maistre, il assure que ce Philosophe a tenu la mesme opinion, disant que Dieu en son unité a produit la multitude, de façon que cette multitude ne pourroit estre si cette mesme unité ne demeueroit tousiours une. Et quant aux autres Deitez, il dit pareillement qu'ils ne sont point d'eux mesmes, ny qu'ils ne peuvent faire aucun bien heureux: mais seulement comme les mortels, ils obtiennent la beatitude en tant qu'ils regardent de plus pres, & s'approchent de la lumiere intelligible qui est Dieu de la reuerberation & participation de laquelle lumiere ils deviennent & demeurent heureux.

Porphy. c. 21

L'Ambitieux Ciceron en plusieurs endroiets, & principalement en son second liure de la nature des Dieux voulant enseigner que la nature des Dieux est bien diuerse de celle du grand Dieu, Enigme eternal, & immortel, l'une estant créée, & l'autre non créée, l'une debile, & l'autre toute puissante, l'une sujette à la nature, & l'autre mere & maistresse de la nature, escrit ainsi, *Non est natura deo-*

Lib. 2. de Nat. deor.

30 Histoire generale du Monde & de la Nature,
 rum prapotens, atque excellens, si quidem ea sub-
 iecta est ei vel necessitate, vel natura, qua ca-
 lum, maria, terraque regantur. Nihil adest pra-
 stantius Deo, ab eo igitur necesse est mundum regi
 nulli igitur est natura obediens, & subiectus Deus.
 Orphee Poëte tres-ancien qui trouua premier
 les noms, & extraction des Dieux : confessa en
 son testament qu'il n'y auoit qu'un Dieu im-
 mortel, tout-puissant, inuisible, pere vniuersel
 des choses creées, autheur de la guerre & de
 de la paix, gouuerneur du monde, qui à son
 throne d'or, dedans le Ciel d'airain, & au-
 quel la terre sert d'escabelles pour ses pieds, qui
 estend sa main iusques aux confins du grand
 & large Ocean, soubs laquelle tremblent les
 grands monts, les Cieux fremissent, de peur,
 les spatieuses valles, les profonds abysses de
 la mer irritee sont en continuelle allarme, il
 chantoit ainsi.

Chât d'Or-
 fes.

*Solum autem aspice mundi regem formatorem,
 Vnus utique est, ex se natus, ex quo vno genita om-
 nia,
 Interest autem ipsis, nec ullus ipsum,
 Intuetur mortalium, ipse autem omnes videt:
 Hic post bonum malum mortalibus tribuit,
 Et bellum sauum & dolores lachrymabiles,
 Nec quisquam est alius prater magnum Regem.
 Eum autem non video, nubes enim circumtegit.
 Omnibus immortalibus mortales pupilla in ocu-
 lis.
 Infirmi que sunt ad videndum Iouem omnia curan-
 tem.*

*Is etenim in cœlo arato constitutus est,
In aureo throno, terramque pedibus calcat,
Manum autem dexteram ad finem Oceani
Undequaque porrigit, circum autem tremunt mon-
tem ingentes,*

Et flauij, & abyssus cœni & truciſ maris.

En vn autre endroit ſemblablement il deſcrit, *Et ailleurs*
Dieu vniue, l'auteur, le Pere, & le Seigneur
de tous les Dieux.

Itaque vna cum toto intra Iouem olim compacta erant.

*Aether immenſus, & cœli ſplendida ſublimitas,
Omnes immortales beati Dij, Deaque.*

Et peu apres il ſubjoint.

*Iupiter rex, Iupiter idem, omnium pater & parens,
Vna poteſtas, vnus Deus erat magnus Dominus om-
nium*

*Vnum regale corpus in quo hæc omnia voluuntur,
Aqua ignis, & terra, & æternæque, & dies,
Phocilide a eu la meſme opinion de l'vnité de
Dieu, quand il dit,*

*Vnus eſt Deus, ſapiens, potens, atque beatus,
Sophocle tragique ſ'arreſte à cett e meſme créa-
ce & reprenant les Grecs idolatres dit,*

*Sophocle
contre les
Grecs.*

*Vnus reuera, vnus eſt Deus,
Qui cœlum fabricauit, & terram longam,
Marisque truces tumores, & ventorum impetus:
Mortales vero multi corde deuij.
O Calvinus anima damna,
Deorum ſimulacra, ex lapidibus & lignis,
Ex auro, eborens, facta:
Hi ſacrificia, ſolemniaque pulcra,
Facientes pietatem retinere putamus.*

S. Aug. l. 4.
de Ciuit.
Dei

August. li.
de Ciuit.
Dei,

Iamb. aux
Mister.
des Aegypt.
c. 37. & 38.

Le doctissime pere saint Augustin au liure quatriesme de la Ci:é de Dieu parlant des anciens, dit qu'encor bié que chez les Romains, on portat beaucoup de veneration & de reuerence à Ceres, Bacchus, & les autres feintes Deitez, non pourtant toutesfois estoient ils adorés comme puissances absolues, & souueraines diuinitez, mais plustost comme les ministres de ce grand Dieu, *Vsq(ue adeone (dit-il) maiores nostri insipientes & cacos fuisse credendum est, ut Bacchum, Cererem, Panem & ceteros Deos putarint? imo vnum Deum credebant, cuius illa munera, illa functiones essent.* Les Aegyptiens bien que les plus grands idolatres du monde, comme rapporte Iamblique, peignoient en leurs Hieroglifiques & marques vn seul Iupiter assis, armé de foudre, & de terribles sagettes ardentes, & en leur foy ils confessoient vn Dieu seul.

Les Sybiles bien qu'on soit encore en doute si elles parloient, avec le bon ou mauuais esprit, ont toutes confessé & d'une mesme voix, qu'il n'y auoit qu'un Dieu, en ces mots, *Vnus Deus solus est supra omnem maiestatem, ingentis omnipotens, omnia ipse videns, ipse autem non videtur ab omni carne mortali.* Apollon Delphique sous la figure duquel les dæmons rendoient les Oracles, interrogé par vn certain Theophile n'osa nier l'essence d'un seul Dieu que peu apres le reste de sa responce fust vne pure menfonge, disant que luy, & les autres Dieux n'estoient que des Anges & partie de

de ce mesme Dieu, vnus (dit-il) *per se genitus non factus sine matre, in genitus, cuius, nomen nullo sermone capi potest in igne habitans: Hoc Deus, paruulus autem dei portio, non angeli, sumus.* Ce grand Dieu a voulu que la grâdeur de sa Majesté & son vnité fust reuelée & annoncée au monde par les anciens Peres & les Prophetes, comme il se lit au Deuteronomie: *Quoniam Dominus ipse est Deus & non est alius prater vnum.* Et plus bas, *Audi Israël Dominus Deus noster Deus vnus est.* Et le Prophete, *Deus Deorum qui mirabilia facit solus & similis ei non est inter Deos.* Et pource en l'Exode Dieu commanda au peuple Hebreu qu'il n'adorast autre Dieu que luy. *Ego sum Dominus Deus tuus qui eduxi te de terra Aegypti de domo seruitutis non habebis Deos alienos coram me.* Pourquoy on peut conclure que ceux lesquels feignent plusieurs deitez, ou qui nient impudemment Dieu encourent en vne mesme folie commettent vne mesme impieté dignes des suplices eternels, & du tout detestables, contraires à la foy & discours raisonnable de tout le monde, & à ce qu'eux mesmes en creroient s'ils vouloient esplucher cette matiere curieusement en leur pensee, & ceux-cy ont aussi mal dit & mal opiné de la religion qui ont creu qu'il y auoit deux Dieux, l'un bon, & l'autre mauuais, l'un dispensateur du bien, l'autre du mal, l'un seigneur de la nuit, & l'autre du iour, l'un du chaud, l'autre du froid, & qui est celuy qui n'a egale-ment enduré les extremittez, & s'il faut ainsi dire, avec vn mesme visage les ardeurs d'un esté poudreux, & les rigeurs d'un froid hauer? &

Deutero.

David.
Psal. 164.

Exod. 9.

Impieté de
croire plu-
sieurs dei-
tez.

34 *Histoire Generale du monde, & de la nature*
qui ne cognoist la nuit aussi necessaire pour le
repos des hommes & de tout les animaux,
afoiblis des trauaux passés que ceste belle lam-
pe inextinguible du iour, ce beau Soleil pour
les actions, les fatigues & commerces des hō-
mes. Qui n'a encore experimenté vn mal
auoir esté cause de quelque bien, & qu'en pa-
reil vne heureuse fortune se peut changer en
vn grand desastre & en vne condition pleine
de pleurs & de larmes. Il ne faut dōc pas beau-
coup de parolles pour resoudre ces enigme, sil
ne faut pas vn grand estude pour respondre
à ces arguments si mal digerez, parce que la na-
ture patit, & souffre beaucoup d'entendre ces
impertinences. En ce lieu toutesfois se trouue
les trois personnes de la tres-saincte Trinité,
laquelle bien que nous ne' puissions compren-
dre par nostre intellect avec les raisons & dis-
cours naturels, elle demeure tousiours cachee
sous le voile de la diuinité dans ses eternels
secrets. Qu'autre qu'elle ne cognoist, & sans
qu'elle puisse iamais estre comprise sans la lu-
miere de la diuine grace. Mais Dieu tout benign
& tout bon permet qu'elle se reuele quelques-
fois pour estre necessaire à nostre salut, & par la
bouche des Prophetes, & par la bouche de son
Fils, comme nous enseigne l'Apostre en son
epistre aux Hebrieux, & comme nous dirons
en son lieu.

Qu'on ne peut cōgnoistre quelle chose est
ce grand Dieu.

CHAPITRE III.



OMME nous auons vne creāce
qu'il y a vn Dieu. Aussi nous ne pou-
uons sçauoir ny comprendre qu'elle
chose cest que Dieu, parce que nous
autres estans finis & mortels nous ne sommes
capables avec la foiblesse de nostre entende-
ment de comprendre l'infini. Et pourtant on
lit que Simonides homme tresdocte, interro-
gé de Hieron tyran, qu'elle chose s'estoit que
Dieu, il demanda vn iour de terme pour respō-
dre à ceste proposition. Ce iour escoullé &
pressé de dire ce qui luy en sembloit deman-
da encor deux iours pour y songer, & ce
terme passé sollicité de respondre, il demanda
deux autres iours de la, & tant plus on le pres-
soit & tant plus demandoit il de temps. Le
Prince estonné voulut entendre la raison de
tant de retardement, parce que respondit Si-
monides, que tant plus ie pense, tant moins ie
le puis comprendre. Iamais le diuin Platō n'eut
l'asseurance de dire qu'elle chose c'estoit que
Dieu, comme raporte Macrobe en ces termes.
*Sic Plato cum de Deo loqui esset animatus dicere. Quid
si non est ausus. Hoc solum de Deo sciens, quod siue
qualis sit ab homine non possit.* Et S. Thomas encor

L'homme
ne peut
cognoistre
que cest
que Dieu

Simonides
chez Cicero
lib. 2. de
natura
Deorum.
Opinion
de Platō
selon Ma-
crobe.

D. Thomas assure ne pouuoir donner vne certaine diffi-
1. part. q. 1. nition de Dieu, pour cè qu'il ne se peut con-
 gnoistre. Lactance au premier liure de la cole-
 redit, *Dens tantus est, ut ab homine non possit,*

Lact. lib 1. *aut verbis enarrari aut sensibus aestimari*, Socra-
de ira Dei te apres Xenophon ordonna qu'on ne deuoit
Ordonnã- point rechercher la forme de Dieu, & Platon
ce de Socra en son Timée escrit que la Majesté de Dieu
te tiree de est si grande & si admirable qu'elle ne se peut
Xenophon. exprimer avec la langue, n'y comprendre avec

Girolamus l'entendement. Girolamus en son epistre pre-
epist. 1. miere apres nous auoir dissuadez de recher-
 cher ce que c'est de Dieu, dit: Mais si vostre a-
 mbition ou plustost vostre vanité vous porte à
 ceste curiosité, & que vous vouliez fureter dans
 les secrets de cest abyssme, faictes ce que ie vous
 diray. Premièrement mettez peine de vous re-
 congnoistre vous mesme, parce que si la poin-
 te de vostre esprit peut penetrer iusques-là, &
 que vous vous puissiez venter d'auoir acquis
 ceste perfection, alors vous pourrez essorer
 vostre voix laissant la terre, vous guinder dedàs
 les airs & passer des choses visibles aux inuisi-
 bles. Considerez premierement en quelle fa-
 çon nostre esprit qui donne & la forme & le
 mouuement à nostre corps engendre la parol-
 le, & quelle chose est l'esprit de la memoire, &
 en quelle façon ces choses estant diuerses en
 essence & operations, sont pourtant en nature
 & en substance vne mesme chose. Et bien
 qu'ils procedent de l'ame comme il est possi-
 ble que iamais ils ne s'en separent & diuisent.
 Ces choses bien qu'ils se retrouuent en nous,

Conseil de
Girolamus

& particulièrement en nostre substāce si est-ce toutesfois qu'ils nous sont autant occultes & cachees, d'autant moins sont soubmis à nostre vice. Alors vous apprendrez qu'il y a d'autant plus de difference & d'eminence de ces choses basses au tres-haut mystere de la diuinité, que le Createur est plus puissant que la creature qu'il y a d'excellence & de perfection en l'œuvre de ce grand Artizan, & de noblesse qui a du rien donné la naissance, & la forme à toutes choses. D'où il aduient que les Anciens & modernes Theologiens aßeurent que plus aisément vous pouuez deffinir Dieu par la negation que par l'affirmation, comme qui diroit, Dieu n'est point Ciel, n'est point Terre, n'est point Eau, n'est point feu, n'est estoille, n'est le Soleil, ny la Lune: Dieu nē se change point, ne s'altere point, Dieu n'a point de commencement, ny point de fin & autres semblables. Toutes lesquelles descriptions ne sont autres choses que le simple nommer du moteur d'une nature & substance qui preside & congnoist toutes choses, & outre toutes choses. Et l'esprit humain ne le peut definir autrement comme à tresdoctement escrit le diuin Girolamus en son espitre premiere, disant: *Deus secundum quod eum deffinire potest humana mens, natura ipsius, vel substantia, quæ est super omnia, appellatio est.* Comme encor ont faict ceux qui se sont efforcez de rechercher son Altesse & grandeur sur l'essence de toute la Nature: Parce que la Nature crée en comparaison de la nature de Dieu est vne

38 *Histoire Generale du monde & de la Nature,*
 nature impropre & fainte comme sur ce pro-
 pos a tres-elégamment discours le mesme Gi-
 rolamus. *Vna est Desola natura, qua vera est. Ad*
id enim quod susistit non habet aliunde, sed suum est.
Cetera quæ creata sunt, etiam si videntur esse non
sunt, quia aliquando non fuerunt & potest rursus
non esse quod non fuit. Deus solus qui aternus est,
hoc est qui exordium non habet, essentia nomen vere
tenet. Et pourtant tous ces noms & ces defi-
 nitions que les Anciens & Modernes ont don-
 né à ce Dieu tres-haut ne sont que Epithetes
 qui signifient quelque chose parus le cours de
 la nature comme la bien décrit Platon en son
 Timee lors qu'il dit. *Deus est summum bonum,*
supra omnem substantiam, omnemque naturam quod
cuncta expetunt. cum ipse sit plena perfectionis &
nullus societatis indignus. Et Aristote, *Deus vide-*
tur omnibus esse causa, & principium motus. Et en
 vn autre endroit. *Primus motus est actus purus sine*
omni potentia, substantia sine omni accidenti simplex
sine omni compositione. Et Boece en son excellent
 liure de la consolation, escrivoit ainsi.

Les An-
 ciens ont
 donné des
 noms à
 Dieu qui
 expliquent
 quelque
 chose par
 dessus na-
 ture, mais
 qui ne tou-
 che en rien
 à l'essence
 de Dieu.
 Boetius
 ib de con-
 solation.

O qui perpetua mandum ratione gubernas
Terrarum cælique sator, qui tempus ab ævo.
Ire iubes, stabilique manens das cuncta
moueri

Tu namque serenum.
Tu requies tranquilla piis, te cernere finis,
Principium vector, dux semita terminus
idem.

Et en vn autre endroit.
Sedet interea Conditor altus

*Rerumque regens flectit habenas
Rex & dominus fons & origo.
Lex & sapiens arbiter aequi.*

Et au mesme lieu.

*Hic est cunctis communis amor
Repetuntque boni fieri teneri
Quia non aliter durare queant
Nisi conuerso rursus amore
Restuant causa quæ dedit esse.*

Et le disert Ciceron au liure premier de la nature des Dieux apres qu'auec son bel esprit il a discouru que Dieu ne se pouuoit deffinir comme n'estant sous aucun genre. Mais sur tout genre, pour n'estre composé ny de genre, ny de difference, ny d'aucune autre chose. Mais vn acte pur & du tout simple, dit que pourtant beaucoup l'ont voulu deffinir & decrire avec des significations qui excedent tout le pouuoir de la nature. Les vns disoient qu'il estoit l'ame de l'vniuers. Les autres que c'est tout ce que l'on voit, & tout ce qu'on ne voit pas. Les autres que c'estoit vn esprit qui passe outre, & qui est elpars par toutes les veines de ce grand corps par toutes les parties immenses de ce monde, & bref par toute la nature duquel tous les autres animaux qui naissent, reçoient la vie. Les autres que Dieu est vn esprit infini qui se meut par soy-mesme. Et les autres autres choses sēblables, & la cause de tant de diuersité d'opiniōs est parce que nostre

*Cicero lib.
I. de natu-
ra Deorū*

40 *Histoire Generale du monde & de la Nature,*
entendement n'est pas capable de pouuoir
comprendre la grandeur infinie, ny voir ce
grand Dieu, comme atteste l'Apostre saint
Iean : *Quia Deum nemo vidit unquam, &*
saint Paul, quem vidit nullus hominis nec vi-
dere potest: Pourquoy il ne se faut imaginer de le
pouuoir appeler d'un autre nom, que de ce-
luy qui signifie vne chose sur toute substance
tres haute, Parce que la cognoissance de Dieu
par essence est naturelle à Dieu seullement, aux
Ange par similitude & à l'homme, comme par
vn miroir, sçauoir est par les especes des autres
choses, cōme nous auons dit cy-dessus, & com-
me l'Apostre S. Paul l'escrit aux Romains
main parlant des secrets eternels de Dieu, *In-*
uisibilia Dei à creatura mundi per ea, quæ facta sunt,
intellecta conspiciuntur. Nous ne pouuons donc
cognoistre qu'elle chose c'est que Dieu que cō-
me par vn miroir passant de la vision de la crea-
ture à la speculation du Createur. S. Gregoire
regardant par ce miroir, par iceluy, il descou-
urit l'admirable Nature de l'Eternel, laquelle
contient en soy toutes choses les embrasse, les
maintient, & les sustente : Il gouuerne du haut
des cieux, le monde sans aucune inquietude, &
le soustient sans aucune fatigue, il penetre tout
sans se diminuer, il enuironne ce grand tout
sans s'allonger: Il est donc superieur & inferieur
sans lieu, grand sans largeur, subtil, sans extermi-
nation: Ainsi l'a depeint le mesme S. Gregoire
en vn autre lieu en ces parolles. *Deus manet intra*
omnia ipse extra omnia, ipse supra omnia, ipse infra om-
nia, superior est per potentiā, inferior per sustentatiōē,

S. Gregoire
1. Moral.

Parolles de
S. Gre-
goire.

exterior per magnitudinem, interior per subtilitatem, sursum regens, deorsum continens, extra circundans interius penetrans. Et au seiziesme liure de ses Morales voulant enseigner qu'ë vn mesme instant Dieu est en tous lieux du *Creator omnium Deus Pater omnipotens vbique est & vbique totus est. In parte non est, quoniam vbique est, & tunc minus inuenitur quado is, qui vbique totus est, in parte quaeritur.* Iesus-Christ nostre Seigneur apres auoir enseigné & resolu ses Disciples que nul n'auoit cogneu son Pere eternal ny ne le pouuoit cognoistre que son fils pour leur montrer purement par le miroir des choses créées la grandeur & toute puissance d'iceluy dit, vous ne iurerez par le Ciel, parce que c'est le throne de Dieu, ny par la terre, parce que c'est l'escabelle de ses pieds, le Tres-haut donc ne se veut montrer à nos yeux que par les moyens non formez de la nature, mais esleuz de sa diuine maiesté comme il fit au peuple Hebreux maintenant en vne nuë blanche, tantost en vne colonne de feu, & tantost en vne autre forme. Il ne doit donc pas estre licite à l'homme qui ne peut pas soy-mesme, quelque puissant & sage qu'il soit, adiouster à sa stature vn seul poulce d'aller rechercher dans les plus hauts des lieux avec son beau contentement les secrets de Dieu, ou se vanter avec vn discours humain de les pouuoir exprimer, mais il luy doit suffire de sçauoir que Dieu est l'Autheur de tout bien & le remercier qu'en sa naissance l'ayant peu faire beste, il luy a donné l'estre & la vie, & l'a fait vn animal raisonnable, comme on raporte de Thales Mile-

*Idem 6.
Moral.*

*Testi-
gnage du
fils de Dieu
sur la na-
ture de
Dieu.*

Thales Mi

Lesien re-
mercioient
Dieu de 3.
choses.
Boece liure
de la Con-
solation.

L'homme
ne doit se
presumer
de pouuoir
cognoistre
Dieu

lien vn des sept sages de Grece, lequel auoit accoustumé de remercier Dieu de trois choses de l'auoir fait naistre Grec & non barbare, masle & non point femme, homme & non point beste: Ainsi l'artificieux Boëce au Liure de la Consolation, corrige la curiosité humaine qui se veut enquerir trop auant des saints secrets du Ciel: *Neque enim fas est homini (dit-il) cunctas diuini operis machinas vel ingenio comprehendere & explicare sermone, hoc tantum prospexisse sufficiat quod naturarum omnium proditor Deus idem ad bonum dirigens cuncta disponat.* Il ne faut donc point que l'homme se presume desleuer ses yeux plus haut au Ciel qu'il luy est permis, mais s'asseurer que Dieu nous a descouvert autant de choses qu'il a iugees estre necessaires à nostre salut, mais qu'il a voulu cacher celles qui pouuoient emporter nostre curiosité plus haut qu'il n'estoit de raison, afin que ces secrets fussent seulement particuliers à la tres-sainte bonté.

Lactance
liure. 2. de
ses institu-
tions.

Quel contentement aussi nous peut apporter la recherche de ces choses que nous ne pouuons cognoistre, & desquelles la cognoissance ne peut rendre nostre condition meilleure ou plus heureuse qu'elle n'est comme nous en fait foy, Lactance Firmian au liure secōd de ses Diuines Institutions, *Deus (dit-il) veri patris officio functus est, ipse corpus effinxit, ipse animam qua spiramus infudit, illius est totum quidquid sumus. Quomodo id effecerit, si non oporteret scire, docuisset, sicut docuit cetera que cognitionem nobis & pristini erroris & veri luminis attulerunt.* Et le mesme, *Deus ea sola*

scire nos voluit quæ interfuit hominem scire ad vitam consequendam: quæ vero ad curiosam & profanam cupiditatem pertinebant, reticuit ut arcana essent. Quid ergo quaris quæ non potes scire nec sic sciat, beator fias? Et plus bas, vnde autem vel quomodo Deus hæc principalia ignem & aquam vel accenderit vel eligauerit, solus scire potest qui fecit. Il suffit donc que cette cognoissance & vision de la diuine lumiere est reseruee par ce grand Architecte aux hommes iustes, apres que despoüillez de leur fardeau mortel, leurs ames voleront sur les aisles des Anges dans les Cieux pour iouyr de la beatitude eternelle. Ce que cognoissant S. Paul des Gentils, le vase d'election, & l'Apostre de Iesus-Christ, & que cette prison terrienne en laquelle comme en vne vallee de misere nostre nostre ame est tellemēt offusquee nostre esprit si aueuglé qu'il ne peut recognoistre Dieu, sinon par le moyen de ce noble palais du monde & des admirables prospectiues qui s'y voyēt desiroit plusieurs fois d'estre deliuré de son corps pour voler dans le Ciel, disoit *Cupio dissolui & esse cum Christo*. Et François Petrarque l'honneur & la gloire des Poetes de son temps tesmoigne en ses diuines Poësies le desir qu'il auoit d'estre deliuré de cette mortelle prison, pour entendre les choses supernaturelles avec plus d'excellence, ainsi que font les esprits celestes qui iouyssent de la presence de Dieu.

François
Petrarque,
liure de ses
diuines
Poësies.

Et encore que l'on lit dans les saintes pages que Dieu se soit laisser voir à nos Peres anciens ce n'estoit pourtant qu'il fust visible, ainsi comme là bien sceu remarquer Saint Au-

44 Histoire Generale du monde & de la nature,

S. August.
tract. 47. in
eo.

Dieu s'est
toujours
apparu en
forme hu-
maine selo
S. August.

Augustin, quand il dit comme le son avec lequel la sentence est portée à nostre entendement, n'est pas la sentence mesme, ainsi la forme en laquelle ils eut veu Dieu inuisible n'estoit, pas Dieu, mais il se voyoit en la mesme espece corporelle comme la sentence s'entend au seul son de la voix, en voicy les paroles, *Sicut enim sonus, quo auditur sententia in silentio intelligentia constituta non est hoc quod ipsa, ita & species qua visus est Deus in natura inuisibili constituta non erat quod ipse verumtamen ipse in eadem specie corporali videbatur sicut illa sententia in ipso sono vocis auditur*, Epiphanius escrit que les peuples Vvadiës autrement appelez Antropomorfites croient que Dieu auoit vn corps, & qu'avec iceluy il se laissoit voir & tomberent en cet erreur, parce que leur esprit ne pouuoit comprendre cette verité, & ce sont comme aussi, parce qu'ils auoient leu en la Genese, que le premier homme composé d'Ame & de corps, fut créé de Dieu à son image & semblance, outre qu'ils auoiēt leu en plusieurs lieux de la sainte Escriture que Dieu venoit tousiours en forme humaine, cette heresie fut estoufee dès sa naissance & presque des le commencement de l'Eglise, comme en fait foy le Pere saint Augustin, parce que si Dieu auoit vn corps, & que sa diuinité fust enfermee en quelque espace limité il seroit finy, il ne pourroit estre en tout lieu, & seroit de besoin qu'il fust composé de matiere & de forme ou d'accidents, toutes lesquelles choses qui sont autant de tesmoignages de l'imperfection, en ces choses inferieures à Dieu eter-

nel, immortel, tout puissant, inuisible & parfait, ne se peuuent attribuer & par ce, S. Paul *Ad Rom.* crioit fort à propos, *Beatus solus pater regis regum & Dominus dominantium qui solus habet immortalitatem & lucem habitat inaccessibilem, quem nemo hominum vidit sed nec videre potest.* Et en vn autre lieu, *Regi seculorum inuisibili & immortalis soli Deo honor & gloria*, & bien que dans les saintes pages on lit les membres de Dieu, ou quelque passion comme quāt il se resiouist ou se fasche, ce n'est pas qu'on puisse inferer de là, qu'il soit composé de membres, ny qu'il soit sujet à nos passions, ny qu'il se fasche qu'il chemine qu'il monte ou descend, mais parce que l'infirmié de nostre iugement ne le pourroit cognoistre autrement, ny ses iugemens incomprehensibles, car comme dit S. Ambroise, Dieu ne se cholere pas, mais on dit bien qu'il se cholere pour montrer l'impieté de nos pechez, & pour nous donner apprehension des supplices eternels, escoutez ses parolles: *Mon irascitur Deus quasi mirabilis sed irasci dicitur vt exprimatur peccatorum nostrorum acerbitas qua diuinam meruit offensam tanquam eo vsque increuerit culpa vt etiam Deus qui naturaliter non mouetur aut ira aut odio aut passione vlla prouocari videatur ad iracundiam.* Le mesme escrit Eucherius, quant il dit, *Vbicunque* *Eucherius.* *sacra scriptura sparsim per diuinos libros in Deo motus animæ seu humana membra describit id est caput, capillos, oculos, palpebras, aures & cetera membra, siue motus animæ id est iram, furorem, obliuionem, pœnitentiam, recordationem & alia hinc similia, non carnaliter iuxta historiam à recte intelligentibus scienda*

*Ambroise
liure de
Cayn &
Abel.*

46 *Histoire Generale du monde & de la nature.*
sunt spiritualiter omnia de Deo intelligenda & confi-
tenda. Et partant on ne doit pas croire que Dieu
ait esté veu & cognu visiblement des anciens
Peres, comme s'apparoissent à nous quelque-
fois les ames bien-heureuses, bien que les pa-
ges sacrees nous assurent qu'il apparut & parla
à beaucoup d'entre eux comme a nostre pre-
mier pere Adam, disant croissez & multipliez
& remplissez la terre, & quand il l'appella & le
reprit de sa des-obeyssance pour auoir mangé
du fruit de vie defendu, le chassant du Paradis
terrestre, & quand se communiquant à Noë, il
luy commanda de bastir l'Arche pour sauuer le
genre humain du naufrage prochain qu'un De-
luge deuoit bien tost engloutir & punir les im-
pietez des hommes, & quand il dit à Abraham
qu'en sa semence seroient benits toutes les tri-
buts de la terre, & quand il se montra à Moysé
le Capitaine de son peuple discourant avec luy,
tantost dans vn buisson ardent & plein de flam-
mes, tantost en vne colomne dans la nuë, tan-
tost dans le feu, & tantost sur le mont de Sinay,
tantost en vne face, & tantost en l'autre: Mais
il faut croire que ces formes ausquelles Dieu se
fait recognoître, & se fait entendre parler, sont
des formes faites par le ministère de ses Anges,
par le moyen de sa sainte volonté & vertu diui-
ne, pour la perfection des esprits que sa maiesté
vouloit demonster pour nostre enseignement,
comme à doctement disputé & conclu S. Au-
gustin en son troisieme & quatriesme liure de
la Trinité.

Girolamus Cardan homme pour la varieté des

sciences , & pour la viuacité de son esprit du tout admirable en son liure qu'il a fait de Dieu & des vniuersels , apres auoir maintenu que Dieu est incomprehensible par l'intelligence humaine , & qu'on ne peut cognoistre autre chose de luy, sinon que c'est vne cause singuliere, vn seul Dieu la source, l'origine & le principe de toutes les choses , vne profonde & souveraine perfection qui n'a d'autre obiect que soy mesme pleine de tant de lumiere que luy seul la peut contempler de tant de clarté, qu'elle illustre & embellist l'vn & l'autre Hemisphere, sçauoir est nostre Orizon , les extremitez du Ciel & de la terre , immobile & sans varieté & d'une splendeur si viue que l'œil humain aueuglé de trop de clarté n'en peut vn seul moment supporter les rayons de cette subtile substance & qui pourtant se repose tousiours : Car les choses qui sont de petite substance sont tousiours en vn continuel moment comme les cieux, ou en perpetuel repos comme l'intellect. Mais Dieu n'est pas vn intellect, bien est-il vne chose meilleure, plus excellente, plus puissante & plus digne, à la fin conclud : *Quare quid ergo Deus sit, si scirem Deus essem, nam Deum nemo nouit, nec quid sit quisquam scit nisi solus Deus.*

Des noms de ce merueilleux Ar-
chitecte, & de l'opinion subtile
de Scorus.

CHAPITRE IIII.

Statius
d'où deriue
le nom de
Dieu.



TACE dit que cet admirable ou-
urier fut appelé Dieu, peut estre
à *dando*, estant celuy qui nous
comble de tous biens, & qui
nous en donne autant que nous
en auons, où bien de ce verbe, *dast*, comme
celuy auquel ne manque aucune chose: Ou de
cette parole θεός, qui signifie voyāt, ou de θεωρεω
sçauoir est voir cōme celuy qui voit tout: Ou
de cette parolle δειόμ, sçauoir est crainte, cōme
celuy lequel doit estre craint & redouté des
mortels.

Exod. 3.

Mais soit comme vous voudrez, ces noms ne
sont pas propres noms de l'Eternel, & ne s'en
peut trouuer aucun assez digne pour approprier
à sa diuine esēce, il a voulu tousiours cacher sō
nom, comme ainsi soit qu'il ne l'ait iamais vou-
lu reueler à pas vn des anciens non pas mesme
à Moysē auquel il fit cette responce quand il
s'efforçoit de le vouloir cognoistre, *Ego sum qui
sum*, lesquelles parolles furent tenuës en gran-
de veneration, iusques là mesme que les He-
breux ne les osoient prononcer, & en laisserēt
la

la charge à leurs Prestres qui estoit seulement aux seuls iours plus solempnels de l'année, & partant le sage Salomon cognoissant qu'il ne se trouuoit digne de cet incognu seigneur, crioit à haute voix: *Quod nomen eius?* Auec quel nom l'appellerons nous nous autres qui puisse exprimer sa nature diuine si nous ne cognoissons cette mesme nature? Girolamus Cardan tient cette mesme opinion ne sçachant qu'elle chose c'est que Dieu, moins pouuoit-il cognoistre son propre nom, parce que les noms s'empruntent de la nature, de la force & de la propriété des choses que nous cognoissons, & partant ne cognoissans Dieu nous ne luy pouuons donner aucun nom, sinon tiré de nostre imagination. Scotus vn des subtils esprits que la nature forgea iamais, osa bien auec la pointe de son entendement rechercher ce qui se pouuoit trouuer naturellement vn concept auquel se peust comprendre Dieu en qu'elle chose n'estoit Dieu, & auquel on attribuaist les diuines proprieté ou quasi proprieté comme sagesse, bonté, iustice, misericorde & autres choses semblables & conclud que ce nom, & ce concept estoit vn *Ens* infiny assurant que c'est le plus naturel & conuenable nom qui se puisse donner à cet eternal monarque, & la raison dit il, est parce qu'il ne se trouue autre mot que celuy la auquel conuiennent ensemble toutes les perfections, comme qui diroit vne tres-grande sagesse vne tres-grande bonté, vne tres-grande puissance, vne tresgrande iustice & semblables autres, parce que ny vn Ange, ny vne ame, ny

Nom de Dieu ne peut estre cognu.

Subtilité de Scotus.

Dieu est vn Ens, selon Scotus.

quelques corps des Cieux ou de la terre, se trouue de cette nature, ou de cette perfection auxquels le nom susdit se puisse approprier sinon à

Ens infiny. cet *Ens infiny* lequel mot est encore plus parfait que n'est pas le nom du souverain bien pour estre plus simple. Parce que cette parole infinie, n'est pas comme attribut ou passion de *l'Ens*, ny de quelque cause que ce soit, à qui se rapporte l'infiny de ceste quiddité, pour vñer du vocable scolastic, de laquelle se dit l'infiny, parce que l'infiny est le moyen intrinsecque de *l'Ens*: Partant quand on dit *Ens infiny* il ne se faict pas pour cela vn concept par accident, composé de subiect & de passion, mais il se fait vn concept seulement en soy du subiect en certain degré de perfection qui est infinité. Mais au contraire *l'Ens* & la bonté sont deux formalitez & conioinctes l'une avec l'autre, il se faict vn concept composé de subiect & de passion, parce que la bonté est vñe des passions de *l'Ens*. Mais quand on dit *Ens infiny* il se fait vn concept de deux formalitez, ains vn concept simple d'une seule formalité qui est le subiect dans le degré intrinsecque de la perfection.

*La bonté
est vñe des
passions de
l'Ens*

L'exemple fera, dit Scotus, comme qui diroit vñe blancheur non veüe par cette parolle, il ne se fait point vn concept par accident lequel soit composé de subiect & de passion: mais bien vn concept simple qui emporte vñe seule quiddité, ou vñe seule formalité qui est vñe blācheur parfaite sans aucune mixtion d'autre formalité, mais au contraire si on dit vñe blancheur visible, il se fera vn concept par accident, composé de deux

formalitéz, ſçauoir eſt de blancheur qui eſt ſub-
iect, & de viſible qui eſt paſſion. Et par cecy il
faut dire que *l'Ens* infiny n'ēporte aucune mix-
tion ny compoſition, comme lors que l'ō dit,
l'Ens, bon, *l'Ens*, iuſte, *l'Ens* vray & autres ſem-
blables, parce que ce vray, ce bon, & ce iuſte,
ne ſont de la meſme quiddité que *l'Ens*, auquel
ils ſ'attribuent: Et partant quand ils ſe conioi-
gnent avec le ſubiect ils ſont enſemble vne cō-
poſition parce que de deux choſes, il faiſt vne
mixtion & compoſition par accident. Mais l'in-
finy n'eſt vne paſſion ny aucune propriété d'au-
cun ſubiet du monde, ains eſt vn moyen intrin-
ſecque de *l'Ens*, auquel il ſe conioinct, & ainſi
conioignant l'infinité avec l'entité, il ne ſe faiſt
aucune compoſition de ſubiet & de paſſion, ains
vn ſimple concept de ſuiect à qui l'infinité ſe
rapporte. Ce concept donc *d'Ens* infiny eſt le
plus noble pour eſtre le plus ſimple qui ſe puiſſe
naturellement retrouver & le plus parfait, par
ce qu'il embraille vertueuſement pluſieurs cho-
ſes qui ne comprennent point tous les autres
concepts, que naturellement on dict de Dieu,
parce que comme *l'Ens* comprend en ſoy ver-
tueuſement le bon & le vray, ainſi *l'Ens* infiny,
enferme en ſoy le bon infiny & le vray infiny
& ainſi les autres perfections ſous le nom d'in-
finy: & pour paruenir à vn concept qui ſignifie
ce ſouuerain architecte (n'en tombant aucun
ſous nos ſens, ny ſous noſtre fantaſie, que noſtre
intellect puiſſe regarder) il faut, dit-il, recher-
cher par les eſpeces des creatures, que nous
voyons comme par exemple, l'eſpece du bon du

*Ens infiny
eſt le plus
noble de tous*

52 *Histoire generale du Monde & de la Nature,*
 souverain & du propre, lesquelles especes con-
 jointes ensemble font vn concept qui empor-
 roit vn souverain bien actuellement, ce qui
 s'attribue à l'*Ens* infiny qui est Dieu, parce que
 l'estre du souverain bien actuellement ne con-
 vient à aucune creature, prenant tousiours les
 concepts de la perfection de l'espece, en somme
 comme souveraine bonté, souveraine sagesse,
 souveraine puissance, & ainsi des autres perfe-
 ctions, & entendant ce mot de souverain abso-
 lument, qui est autant à dire qu'une chose la-
 quelle de sa nature réelle ne peut estre excédée
 autrement ses concepts ne se pourroient ap-
 propriier à Dieu, & pour faire vn concept par
 lequel quasi comme en vne description parfaite,
 on puisse cognoistre ce grand Monarque,
 c'est quand on pronõce sommairement toutes
 les perfections, & les reueillant toutes ense-
 mble on les attribuë toutes à Dieu. Comme fort
 à propos S. Denys nous enseigne, parce que
 toutes les causes intelligibles & qui s'imaginēt
 lesquelles emportent perfection & loüange
 sont toutes en Dieu parfaitement, & les luy
 doit-on attribuer: comme au contraire celles
 qui marquent quelque imperfection ne sont en
 Dieu, & ne luy peuuent aucunement estre at-
 tribuees. Qui donc dira l'*Ens* infiny estre tout
 veritable, tant bon, tout iuste, tout misericor-
 dieux, tout sage, tout puissant, tout liberal, tout
 clement, tout intelligent, tout immortel, tout
 immobile, tout inuariable, tout aymable, tout
 desirable, tout intelligible, tout stable, tout pro-
 pre, tout actif, le souverain moteur, souveraine
 cause, souveraine essence, souveraine nature,

*Chose sou-
 veraine est
 ce qui ne
 peut estre
 excédée.*

*D. Diony.
 li. de Di-
 uinis no-
 minib.*

*Descriptiõ
 de l'Estre
 infiny.*

souueraine substance, souuerain esprit, souueraine simplicité, souuerain prix, souuerain plaisir, souueraine beauté, souueraine douceur, souuerain refrigere, souuerain repos, souueraine assurance, souueraine beatitude, & finalement qui prononcera toutes les choses bonnes & dignes de loüanges, toutes les perfections intelligibles & qui se peuuent imaginer & les conioindra avec cet *Ens* infiny fera vn concept tres-parfait duquel il pourra appeller Dieu: tres-parfait, entant qu'il est possible en cette miserable vie, en laquelle on cognoist dieu aussi parfaictement que naturellemēt il peut estre cognu. Mais tout ce qui a trauaillé cet homme subtil pour donner à entendre que c'est que Dieu se conclud en vne parolle que nous auons briefuement dit cy dessus sçauoir est que tous ces noms & concepts sont signifiez des especes sur toute la nature que nous ne cognoissons ce qui procede de la foiblesse de nostre entendement en comparaison de la grandeur de ce souuerain Architecte, & pour conclure en vn mot nostre ignorance, parce que ne pouuant comprendre ce grand & admirable maistre, il ne se faut point estonner si nous ne pouuons trouuer ny imaginer en nous quelqu'autre nom qui signifie cette cause supreme, & sur tout perfection tres-parfaicte. Il sera donc meilleur de couper les aisles à nostre ambition, & estre curieux de sçauoir d'auantage que ce qui conuiēt à la nature affin que nous ne restions moquez, & que ce desir ne nous soit dommageable, car Dieu dit par la bouche de Iob, *Comprehendam sapiente in astucia eorum.* Je feray voir dit Dieu à

*Nous ne
pouuons
cognoistre
les concepts
interieurs.*

Iob.

54 *Histoire générale du monde & de la Nature,*
ceux qui vainement au monde se donnent la
gloire de se cognoistre, & veulent mettre le
doigt dans les Cieux, que leur sagesse est vne
pure ignorance & vne peruerse obstination qui
les fera precipiter. Puis que nous auons mon-
tré l'Architecte de cette grande machine, pas-
sons desormais à la cognoissance de cet artifi-
cieux Monde, & aux admirables operations des
esprits de toute la nature.

*Des trois prospectiues de ce grand
Monde, & du merueilleux or-
dre avec lequel elles sont en-
chainées ensemble.*

C H A P I T R E V,

LEXCELLENT Architecte de cet-
te grande machine qui est le Palais
de ce grand monde, voulant en sa
creation se plaire comme en vn
chef d'œuvre, il le diuisa en des parties termi-
nees, il l'orna de causes & de nombres distints,
& avec vne chesne admirable l'en lia ensemble
il le diuisa donc en trois prospectiues tres-
agreables & tres-belles à regarder, la premiere

*Dieu diui-
sa le monde
en 3 per-
spectiues.*

est sur-celeste, la seconde est celeste, & la troisieme des elements. La premiere est ornee & embellie d'Anges, la seconde de planettes & d'estoiles, & la troisieme est des hommes & des animaux. La premiere prospectiue est riche de lumiere, la troisieme toute pleine de tenebres, & la seconde qui tempere l'une & l'autre.

En la premiere est la vie perpetuelle, les operations constantes, en la seconde la vie stable qui change toutefois de lieu & d'operations, en la troisieme il y a une alteration continuelle & un eschange perpetuel de la vie à la mort, la premiere est creee par Dieu de nature diuine, la seconde corps incorruptibles, & la troisieme est composee de corps caducs & de fragiles substances, il a fait que la premiere se meut d'elle mesme il a voulu que la seconde fust gouvernee de la premiere, & a commande que la troisieme fust regie de la seconde.

En cette troisieme prospectiue il a mis les quatre Elements, quatre en la celeste, & autres quatre en la sur-celeste, les quatre qui sont icy sont la terre, l'eau, l'air & le feu. Les quatre Elements du Ciel sont la Lune, Mercure, Venus & le Soleil. Les quatre sur-celestes sont les Anges, Archanges, Principautez & les Seraphins. Il a fait ceux de la terre immobiles, ceux du Ciel qu'ils se meussent & les surcelestes qu'ils entendissent.

Il a voulu pour l'eau, qui eust il y a longtēps suffoqué la chaleur naturelle, que la celeste la pacifiast

& que la sur-celeste viuifiast. Il ordonna que l'air que nous respirons par si long temps fust rendu agreable & plein de consolation par le celeste, & que sur le surceleste est cōtenu toute sorte de bien, il disposa que le feu qui eust desia tout bruslé fust viuifié par le celeste, & conservé par le sur-celeste. Les sages de l'antiquité rapportent que ce grand Monde fut depeint & démontré par Dieu à Moysé en la figure du tabernacle, lequel il commanda estre fait & eslevé en l'honneur de sa diuine maiesté, il commanda qu'il fust diuisé en trois parts, qui signifient ces trois prospectiues, parce que comme la prospectiue de ce globe sublunaire est soubmise par la continue mutation des choses corruptibles, & par l'alteration des Elements, à perpetuelles eschanges de la vie & de la mort, & ainsi la premiere partie de ce sacré tabernacle estoit ouuert à l'air sans aucun tort qui le couurist & soubmis aux iniures du Ciel, au Soleil, aux vents, à la neige & à la pluye, & en iceluy pouuoient entrer indifferemment les bons & les mauuais, les iustes & les iniustes, les sacrez & les prophanes, là se portoient toutes sortes d'animaux, lesquels estans sacrifiez rendirent vn piteux spectacle, & nous representoient vn image veritable, & de la vie & de la mort, & comme les deux autres prospectiues des Cieux & des Anges sont exemptes de ces iniures & sans aucune tache d'alteration ou de peché depuis que le superbe Lucifer fut ietté du haut des Cieux dans les abismes profondes de l'Enfer aussi pareillement les autres deux parties du

*Opinion
des Sages,
sur la dis
position du
monde.*

*Taberna
cle ancie
figure du
monde.*

tabernacle estoient couuertes , exemples des
 iniures , des vents , des pluies, du chaud, & du
 froid, pures, blanches, & sans aucune contami-
 nation, & comme le Ciel est saint , mais plus
 S. est le diuin lieu des Anges, ainsi la premiere
 de ces deux parties estoit appellé *Sanctum*, & la
 seconde estoit appellé le *Sancta Sanctorum*. Et
 ainsi en nostre prospectiue terrienne appellee
 le monde inferieur est rempli d'hommes &
 d'animaux , & la seconde appellee monde cœ-
 leste est toute reluisante de feux & toute splē-
 dide de lumieres des sept planetes , & la troi-
 siesme prospectiue appellee monde surceleste
 est pleine desprits aillez dicts Anges , & ainsi
 en ceste premiere partie du tabernacle habi-
 toient les hommes & les animaux, en la secon-
 de estoit le chandelier avec les sept cierges
 alumés, & en la troiesme partie tressaincte , se
 trouuoient les Cherubins ailéz, & comme ce
 tabernacle auoit dix courtines, ainsi vne de ces
 prospectiues és dix degrez, les dix degrez de cet
 te prospectiue sublime & surceleste , sont les
 Anges , les Archanges , les Principautés , les
 Thrones, les dominations, les vertus, les puis-
 sances, les Cherubins, les Seraphins, & Dieu.
 Les dix degrez de la prospectiue celeste , sont
 les dix Cieux, celui de la Lune, de Mercure, de
 Venus, du Soleil, de Mars, de Iupiter , de Sa-
 turne l'estoilé, le Cristallin, & l'Empirée. Les
 dix degrez de ceste sublunaire prospectiue sont
 les elements, les mixtes, les impressions, les ver-
 bes, les fruiets, les arbes, les plantes, les bestes,
 les vers, les animaux , & la matiere premiere.

*Dix cour-
tines dās
le taberna-
cle.*

*Represen-
tent les*

*dix degrez
du Ciel
surceleste.*

*Du cele-
ste.*

*Du sublu-
naire.*

58 *Histoire Generale du Monde, & de la Nature,*
Et comme en ce sacré tabernacle il y auoit 50.
cercles, lesquels passants par autant d'aneaux
des courtines, vnissoient avec vn amirable or-
dre toute ceste belle machine, ainsi tout ce
grand monde de l'vniuers fut lié par la souue-
raine puissance de Dieu, avec vne chaine de 50.
conionctions, vingts desquelles sont vniuersel-
les, & 29. particulieres, & vne tres-generalle.

*Cercles du
taberna-
cle que fi-
gurent ils
au monde.*

*Liaisons
du monde
& des crea-
tures au
nombre de
30.*

Les 20. vniuerselles sont tellement vnies en
en elles-mesmes de partie avec l'autre partie
d'essence, avec l'essence de propriété avec l'es-
sence, de la forme avec le sujet, du transmuant,
avec le transmué, de l'art. avec la matiere sujet-
te, de la partie separable, avec le tout de la par-
tie inseparable avec le tout, de la cause avec
l'effect intrinsecque & seminaire, de la cause
avec l'effect dependant de son principe, de la
cause extrinsecque avec l'effect, de la cause in-
trinsecque avec l'effect, de la cause finale pre-
miere avec l'effect, de la cause finale seconde a-
vec l'effect, de l'effect premier avec la cause,
& de l'effect second avec la cause, de l'espece
avec l'espece du milieu avec les extremittez, &
des corruptibles, avec les incorruptibles. Les 29
conionctions particuliers sont vingt-neuf de-
grez des trois prospectiues de ce grand monde
dix de ceste prospectiue terrienne, dix de la Ce-
leste, & neuf de la surceleste, & la troisieme
conionction generalissime est du monde avec
son Ouurier, Dieu avec toutes les choses.

Tous ces degrez sont conioincts particulie-
rement les vns avec les autres, de telle sorte

qu'ils rendent vn plaisir ſouuerain, vne extreme merueille à noſtre eſprit. Parce que entre la matiere premiere, & les elemēts eſt le chaos entre les elements, & mixtes ſont les impreſſions, entre la pierre & la terre eſt la craie, entre la terre, & les metaux eſt le marc, & les autres mineraux, entre les pierres & les plantes le coral, entre les plantes & les animaux, le zophites aux plâtes beſtes qui ont ſenſ & mouvement & tirent leurs mouuements par la racine attachee à la pierre entre les animaux terreſtre & aquatiques & entre la tortue & le cancre fluuial, entre les aquatiques, & les oyſeaux il y a des poiſſons qui volent, entre les autres beſtes & les hommes, il y a des chats, & des ſinges, entre toutes les beſtes brutes, & la nature intelligible de l'homme.

En outre toute l'eſſence des choſes ſe comprend ſoubs dix genres la premiere eſt compoſee de matiere premiere & d'accidents comme la cendre, le ſecond de matiere accident & forme, comme les elements, le troiſieſme de deux elements comme la vapeur & l'exalaiſon, l'vne d'eau & d'air, l'autre d'air & de feu: le quatrieſme de trois elements comme les nuës, le cinquieſme de quatre elements vnis avec leur forme naturelle, comme ſont les metaux, & les pierres: le ſixieſme eſt de corps animé comme la plante: le ſeptieſme eſt de vie & de ſenſ, comme les beſtes: le huitieſme de vie de ſenſ & d'intellect comme l'homme, le neufieſme

*Belles ob-
ſervations
des diuers
degrez de
la nature
de du mō-
de.*

60 *Histoire Generale du monde & de la Nature,*
outre l'intellect est d'une essence plus subtile & invisible, comme l'Ange. Le dixiesme est hors du succez de la nature qui est Dieu Eternel & Immortel, Et semblablement nous voyons tous les signes celestes estre confederez avec un signe qui s'accorde avec l'un & l'autre, & pareillement les neuf cœurs des Saints Anges, sont conioincts avec un ordre beau & une harmonie admirable comme plus amplement nous verrons cy-apres. Cecy sert assez pour servir d'entrée en ce grand Monde, miracle du Monde.

De la fabrique de ce grand monde ou se rapportent aucunes opinions des Anciens touchant son commencement, & premierement de la diuerse opinion de Thales, Anaximene, Hyparchus, Heraclite, Anaxogore, Leucippus, Diodore, Democrite, & Epicure, ou se traite des Athomes.

CHAPITRE VI.



OMME il seroit impossible de cognoistre Dieu, ny moins le comprendre, quel il est, si celuy qui en auroit la cognoissance n'estoit Dieu luy-mesme : ainsi l'infini en essence, puissance, grandeur, sagesse, eternité, & bonté, ne peut estre compris ny entendu d'aucun sinon de celuy qui est infini qui est cet incomprehensible moteur, Dieu & excepté luy aucune creature n'en peut cognoistre aucune chose. Partant il ny a que luy qui puisse rendre raison de toutes les choses estant besoin d'une science infinie qui ne peut estre ny dans les hommes, ny dans les Anges, ny dans les creatures du monde.

*Confession
d'Aristote.
1. Metaph.*

C'est ce qu'Aristote a confessé au premier liure de sa Metaphisique, ou il traite des intelligences, disant que la verité ne se peut cognoistre pour la foiblesse de l'entendement humain qui est bien en effect recognoistre l'ignorance de tous les hommes en general & non pas la sienne en particulier, parce que au mesme volume, il dit, qu'il n'est point besoin de chercher de la raison, ou il ny a point de raison qui est à la verité vne impertinence notable à ce grand personnage de dire qu'aucune chose se face sans raison, & vne arrogance insupportable de le maintenir, qu'il n'y a autrement de raison aux choses qui se voyent quand on ne la sçait point, plustost confesser en cela son ignorance.

1. Corinth.

Doncques la plus belle louange qui se peut donner à Dieu, c'est de confesser sa propre ignorance, comme nous enseigne Sainct Paul escriuant au peuple de Corinthe. *Si quis videtur esse sapiens in hoc seculo stultus fiat, vt sit sapiens, sapientia enim huius mundi stultitia est apud Deum.*

Comme au contraire, s'est faire vne iniure à Dieu, que de ne recognoistre la debilité de son propre intellect. Pourquoy apres les discours du patientissime Iob, & de ses chers amis, ou il disputoit des faicts de Dieu, lors qu'il pensoit auoir penetré iusques à la verité, Dieu s'apparut à luy & l'araisonna en ceste façon. *Qui est iste inuoluens sententias sermonibus imperitis?* Qui est celuy dit Dieu, si ignorans & si outrecuidé qui veut mettre sa bouche au Ciel, & parler de mes secrets? Et puis il dit encore, *Vbi erat quā-*

do ponebas fundamenta terra indica mihi, habet intelligentiam? Puis discourant du Soleil, de la Lune, des Cieux, des foudres, des mers, des tempestes & des autres miracles qu'il auoit faicts en la construction de ce grand monde, il montra que toute la sagesse humaine n'estoit qu'une pure ignorance. Aristote fut vn grand homme tres-sage, & de sciãce tres-profonde: mais toutefois qui n'a point suiui la miliesme partie des choses naturelles, parce que beaucoup de ceux qui ont suiui sa piste, qui ont escrit des mesmes choses que luy comme Philosophes & Theologiens, ont montré qu'il n'entendoit rien aux choses intelligibles, & que des choses naturelles les plus belles luy estoient cachez, mais n'a pas sceu le nombre des Cieux figurez & descris es sainctes lettres par les dix courtines du tabernacle qui est la forme & modele de ce grand monde, que nous descriuons à present, il n'a non plus sceu l'ordre des planettes, mettant Venus & Mercure deffous le Soleil, contre ce qu'en a escrit Ptolomee, il a ignoré le mouuement des estoilles, & la raison de la salure de la mer luy a esté occulte. Comme en pareil, l'origine des fontaines, & d'où ils couloiēt disãt, qu'elles deriuoient de la putrefaction des airs qui tomboit dans les cauerne de la terre. Parce que celuy qui regardera le cours perpetuel des fontaines tres-abondantes, & les terres rapides qui resourcent tous les iours des entrailles de la terre il dira sans Philosophie que tout l'air corrompu du mōde

*Aristote
n'a cogné
la milies-
me partie
des choses
naturelles.*

*Ignorance
d'Aristote
mise en eu-
dence par
Ptolomee.*

*Encore
d'Albert le
grand tou-
chant l'arc
en Ciel.*

*Aristote
moqué par
Plutarque
liv. des dictz
des Philo-
sophes par
Galien liv.
2. des dictz
d'Hipocra-
te.*

*Opinion
d'Aristote
reconnue
pleine d'er-
reur par S.
Thomas.*

ne pourroit engendrer en mille ans l'eau qui en
sort en cinq iours & neantmoins il estoit facile
d'en apprendre la raison procedant des fontaines
de la mer comme les veines du foye. Albert le
grand à pareillement monstre son erreur tou-
chant l'arc en Ciel, en ce qu'il dit qu'il ne se
forme point la nuit, chose qui est tres-fauce
se voyant le contraire. Et en outre si la raison
d'Aristote touchant ceci estoit vaine, il s'en-
fuiuroit que toutes les nées seroiēt d'une mes-
me couleur, ce qui n'est pas & ne peut estre ia-
mais. Et semblablement Plutarque en son li-
uere des dictz des Philosophe, & Galien au li-
ure second des dictz d'Hypocrate, se sont mo-
quez avec beaucoup d'autres raisons d'Ari-
stote touchant la demonstration de l'eternité
du monde, estant pleine d'ignorance, & notā-
ment franc comme nous veront en son lieu
C'a esté le premier de son opinion, & y en a eu
qui ont fuiui ceste opiniō, laquelle S. Thomas
d'Aquin a monstre estre toute pleine d'erreur.
Ce Philosophe biē qu'homme consommé en
beaucoup de sciences estoit aussi beaucoup ac-
cort, parce que aux choses douteuses, & qu'il
ne sçauoit pas, il retranchoit infiniment son di-
cours, & remplissoit de beaucoup de doutes ses
escrits de façon qu'à peine peut on deuiner ce
qu'il en a voulu dire, comme au premier de sa
Physique, & au liure, *de anima*, pourquoy il a
donné suiet de broüiller bien des pages à ceux
qui se sont voulu mesler de le commenter fai-
sant qu'Epicure, les Stoiciens & en particulier
S. Thomas la defendu qu'il eust tenu l'immor-
talité

mortalité de l'ame, comme encore la tenu Jean Picus de la Mirandole avec beaucoup d'autres. D'où peut-on iuger qu'il n'a autrement veu ny sceu, les plus beaux secrets de la nature; ains que luy-mesme (s'il est vray ce qu'escriit Procopius) il se precipita dans la mer pour avec la viuacité de son esprit, n'auoir peu sçauoir pourquoy la mer au destroit de Negrepont croist sept fois, & diminué autant en vingt & quatre heures. Cecy soit dit d'Aristote non pour le taxer d'ignorance: mais pour monstrier que ne sçachant toutes les choses, bien qu'il fust vn des plus doctes qui fut iamais, il ne faut s'estonner si les plus beaux secrets de la nature, nous estans cachez nous ne pouuons paruenir à la cognoissance des choses supernaturelles avec la lumiere naturelle, sans la reuelation diuine, & cecy est certain & indubitale, que l'ignorance du monde beaucoup plus s'accroist par l'arrogance de ceux qui se moquent des choses, & ne les veulent croire lesquelles si l'intellect humain n'en peut comprendre la raison que par toute autre chose, comme il est aduenü à ces sages de l'Antiquité quand ils ont traicté des commencements & du fondement de cet admirable monde, touchant lequel il y a beaucoup de diuerses opinions: mais la principale cause de leur erreur est venuë pour auoir voulu trouuer avec des raisons, naturelles son origine, laquelle l'infirmité de nostre iugement ne peut comprendre, ce procez estant encore indecis & le sac entre les mains du rapporteur. Theales Milesien, que l'oracle pronça estre le plus sage du monde, dit que

*Theales
Milesien*

*prononcé
le plus sage
du monde
par l'Orac-
le.*

le principe de ce grand Palais estoit l'eau. Aristote & Plutarque rapportent qu'il eust ceste opinion, par ce que il voyoit que toutes les semences & les animaux des choses estoient humides, desquelles sont produites & nourries toutes les creatures, & par ce encore que toute la chaleur naturelle est soustenuë de l'humide & maintenuë, lequel manquant il perit, & seruyne la composition des corps animés. Et pour ce, les anciens Poëres ont escrit que Thetin & l'Océan estoient les auteurs de la generation, & que le plus grand serment des Dieux, & le plus inuiolable, le plus ancien, & le plus saint estoit quand il iuroient par le fleuve de Stix, comme s'ils eussent voulu dire que l'eau meritoit cest honneur, pour estre le premier principe de toute la nature, & ainsi la plus importante, la plus venerable, & la plus ancienne qui fut en l'Vniuers.

*Opinion
d'Anaxi-
mene.*

Anaximene auditeur d'Anaximandre, à tenu que l'air estoit le principe vniuersel de ce grand tout. Aleguant ceste raison, que l'air facilement reçoit toutes choses, action ou qualité, & sans difficulté se transmuë, & se change en toutes figures, & prend l'image de tout ce qui s'y veut former, qui outre tout cecy à la qualité naturelle des mouuements, & des alterations disposé à se facilement transmuier d'une forme à l'autre, ce qui ne se voit pas aux autres elemens.

*Diogene
Apolonia-
tes.*

Diogene Apoloniates, son disciple a creu le mesme, par ce que, disoit-il, que des airs condensés peu souuent s'engendroient diuers moyens. Hyparque & Heraclite Ephesin, ont

H parqu-

creut que du feu toutes les choses procedoient, *Heraclete*
 comme encore là tenu Archelaus l'Athenien, *Ephesin*
 ils disoient encore que quand le froit le con- *Archelaus*
 duisoit, il deuenoit humide, & puis air, & puis *Athenien.*
 d'auantage espoissy se conuertissoit en eau, &
 encore plus contraint, se changoit en terre: &
 qu'au contraire la terre quelquefois se trans-
 muoit en eau, & l'eau s'euaporant se faisoit air,
 & l'air purifié retournoit en feu, & ainsi par les
 perpetuelles mutations de ces elements, le mō-
 de perissoit tousiours, & puis renaissoit avec vn
 plus bel ordre, ce qui a mēme pleu à Hiparchus
 Metapontin, il assignoit cest honneur au feu,
 & le croyoit estre le plus noble. Or le plus vif
 de tous les elements, le plus subtil & delié, cō-
 me celuy lequel pour sa vertu singuliere, court
 par toutes les choses crées, tout accrois, tout
 conserue, maintient, & reduit tout à sa perfe-
 ction. Anaxagore Clasomenien croyoit que ce *Anaxagor*
 grand tout auoit son commencement de plu- *re.*
 sieurs petites parcelles, comme s'il eüst voulu
 dire que la chair venoit de plusieurs petites
 parcelles de la chair, le sang du sang, & les os
 des os, par ce que il disoit que par ces liaisons
 de ces petites parcelles, tout s'engendroit cō-
 me de leur separation, tout se corrompoit &
 tendoit à sa fin. Ce Philosophe croyoit d'auā-
 tage, que l'amas de ces parcelles entroit encore
 aux parcelles des autres parcelles, cōme de la
 chair, laquelle il ne vouloit estre pure, mais mixte
 encore des parcelles d'autres choses biē qu'elle

fut appellee chair pour le meslange & participation qu'elle a de la chair plusque d'autres choses il disoit le mesme de l'eau, de la terre, & des airs, de l'argent, de l'or, & des autres mineraux, il disoit d'auantage que ces parolles estant confuses, furent par vn intellect & esprit diuin, comme par vn tres-expert ouurier separees & distinctes.

*Leucippe,
Diodore,
Epicure,
Democrite.*

Leucippe Diodore, Epicure, & Democrite, enseignoiēt en leurs escoles que le plein & le vuide estoient infinis principes de ce tout. Que si le vuide se retrouue en la nature, qu'ainsi nous pouuons dire que tout corps pour sa grandeur a besoin de lieu duquel il soit tout cōtenu: mais que ce lieu ne peut-estre superficiē, par ce que la superficie touche & enuironne seulement ce qui est à l'entour du corps & partāt ce lieu n'est autre que vuide. Ils consideroient d'auantage que le mouuement local, lequel ne se peut mettre en doute en la nature, venoit tousiours à mouuoir les choses d'un lieu en l'autre, & ne se peut faire sinon par le vuide, parce que s'il se faisoit par les lieux plains de corps, il seroit rencontré par les corps solides, & seroit besoin de dire qu'un corps par force & avec violēce chasseroit l'autre, auquel cas on verroit le mouuement naturel & purement si on vouloit maintenir qu'un corps penetraist l'autre, on encoureroit de ces inconueniens que plusieurs corps pourroient estre en vn mesme lieu contre la Philosophie. Et la raison de ceux qui disent que le mouuement local se fait, non parce qu'il n'a point de vuide: mais parce que les plus proches corps meuuent & cedent à ceux qui sont meuz & vō

en vn autre lieu , ou en fin ils le conduisent & le contraignent. On respond à ce disant que si les corps voisins des corps meus, se restraignent en eux-mesmes, cecy ne se pourroit faire sans vuide qui seroit en eux autrement , il seroit de besoin de confesser la penetration des corps, & que plusieurs corps seroient en vn mesme lieu , ce qui seroit impossible. Et si on vouloit dire qu'il n'y eust point de vuide : mais que le corps voisin du corps mort chassé d'iceluy en chasseroit encore vn autre & ainsi de main en main vn corps succederoit au lieu de l'autre. Il faudroit confesser à viue force , que l'vniuers se mouueroit à tout mouuement , & finalement il faudroit conceder le vuide qui succederoit au dernier corps chassé pour ne donner progrez à l'infiny & du monde finy en faire vn infiny, & sans aucun terme. Outre que ces Philosophes consideroient que s'il n'y auoit point de vuide, la viade ne pourroit passer par tout nostre corps , en luy donnant aliment & viuifiant chacune sa partie, il n'y auroit difference d'un poids de corps à l'autre, comme de l'or à la laine s'il n'y auoit plus de vuide à l'un qu'à l'autre des auies, comme rapporte Aristote , que prenant vn vase plein de cendres & degoutant de l'eau dans iceluy goutte à goutte, il en reçoit encore autant comme s'il n'y auoit rien dedans ce qui ne procedo, sinon du vuide. A ce principe du vuide ils donnent encore pour compagnon le plein , par ce qu'ils disoient qu'il se voit manifestement en la nature, que le plein contient le vague , par ce que le faire or le palir, le mouuoir, & l'Estre

*Resuerie
des Philosophes
anciens*

*Experience
d'Aristote*

70 *Histoire Generale du monde & de la nature* ;
 meul le toucher, & l'Estre touché ne ce conuiē-
 nent au vuide, mais au plein, ou ce plein de-
 uant estre yn des principes, ils asseuroient qu'il
 n'estoit de besoin qu'il fut sujet aux corrup-
 tions alterassent & diuisions, autrement ce ne
 pourroit estre vn principe, ny le contraire du
 vuide, par ce que comme le vuide n'a aucun
 corps, aussi faudroit-il que le plein fut solide,
 & sans aucun vuide, inalterable, incorruptible,
 & indiuisible, immuable, & eternal, afin que
 avec ce change, ou manquement d'estre tout,
 ce grand Palais ne viēne en vne extreme ruyne,
 & à sa fin. Ils ont appelé ce plein Athomes,
 qui sont de petits corps qui se voyent aux ra-
 yons du Soleil, lesquels ont peut dire à iuste
 raison, qu'ils ont toutes leurs conditions, par
 ce qu'ils ne peuuent estre diuisés, n'y en leur
 tout, n'y en leurs parties, & ne peut-on remar-
 quer en eux aucune couleur ou alteration de
 sujet. Ces sages ont nié que tout corps fut di-
 uisible en parties infinies, mais ont voulu que
 la diuision d'un corps se deuoit faire iusques à
 certaine petits corps, si petits qu'ils ne pou-
 uoient plus estre diuisez, & les appellerent A-
 thomes, & prouuoient cecy en ceste maniere,
 disant qu'il est de necessité que le corps soit
 composé, ou de nuées, ou de points, ou de corps
 indiuisibles, que le corps soit fait de nuées, ou
 de points (n'y ayant d'autres points, que celui
 qui n'a point de partie) il n'y a aucune escole
 qui le concede, comme nous dirons en son
 lieu. Il faut donc dire qu'eux sont de petits
 corps, lesquels s'ils estoient diuisibles en par-

*Diuision
 d'un corps
 iusques à
 combien de
 parties se
 doit faire
 selon les
 anciens.*

ties infinies, & ne venoient en fin en de petites parties indiuisibles, il s'ensuiuroit que tout corps auroit infinies parties, & par consequēt seroit infiny, parce que tout corps qui contient infinies parties encore que petite est infiny. Il faut de necessité qu'il soit infiny. Pourquoy ces Philosophes vouloient que ces Athomes fussent en nombre, disant que comme le vuiden'est autre chose qu'un espace infiny, & ainsi faut-il que le plein soit infiny, afin que ces deux principes soient esgaux, & vn ne soit plus grand que l'autre, & bien que les Athomes soient tous d'une mesme nature, si est-ce toutesfois qu'on leur assigne trois differences, l'une locale sçauoir est, que les vns soient superieurs, les autres inférieurs, les vns à dextre, les autres à senestre. La seconde d'ordre, sçauoir est, que les vns intérieurs, les autres postérieurs. La troisieme des figures, sçauoir est, que les vns sont ronds, les autres quarez, & les vns d'autre forme, & pourquoy Ciceron introduit Democrite qui le permet. Les Athomes, les vns legers, les autres rudes, les vns courbez, les autres angulaires, & les autres d'autres figures. De ces Athomes joints ensemble Leucippe & Epicure diuersement ont creu que toutes les choses estoient créées, comme il arriue des vingt-quatre lettres de l'Alphabet, desquelles deriuent toutes les paroles, tous les discours toutes les escritures, de tous les liures de toutes les nations du monde. Et voulurent d'auantage que de ces Athomes par hazard fust

*Athomes
infinie se-
lon les vieux
Philosop-
hes.*

*Toutes
choses créées
des Atho-
mes selon
Leucippe &
Epicure.*

72 *Histoire Generale du monde & de la Nature,*
engendré vne infinité de mondes, lesquels enco-
re par hazard seroient destruiets comme nous
discourerons cy-apres.

*De l'opinion des autres Philosophes An-
ciens touchant le Principe de ce grand
Monde & particulierement de
Pythagoras, où se fait mention des
nombres Pythagoriques, & puis
diuerses opinions d'Aristo-
te, de Platon, & des
sacrez Theolo-
giens.*

CHAPITRE VII.

*Nombre
pere vniuer
sel de la
nature selō
les anciens
Philosophes*



Pythagoras Samien & Alch-
meon eurent cette opinion
que le nōbre estoit pere vni-
uersel de la nature & princi-
palement le nōbre de dix, &
la raison de cecy fut parce
qu'ils voyoient que tout le
monde nombroit iusques à
dix refaisoit encore vn autre nombre & le finis-
soient à dix. Et d'autant que la vertu du nombre
de dix consiste du nombre de quatre : car vous

comtés 1.2.3.4. puis 10. en fin ils celebrient ce nombre quaternaire, l'appellant tres-nobie, & tressainct: de façon que quand ils vouloient faire quelque grand serment, ils iuroient par le nombre de quatre, comme en celuy auquel ils croioient consister la source & l'origine de toute la nature, le serment estoit tel.

*Iuro per omnipotentem animam qui tetrada nostra
Perpetuos fontes naturæ infudit habenas.*

De cette opinion escrit particulièrement Laërtius, In Pythagoricis commentarijs, dit-il, hæc nota sūt unitatem esse principium omnium ex unitate indefinitā dualitatem processisse, & subiectam esse. Ex Monade porro & indeterminata dualitate numeros gignit, ex numeris puncta sex punctis lineas, ex lineis, planas figuras, ex planis solidas, ex quibus corpora quorum esse quatuor elementa terram, aquam, aerem, ignem: quæ per omnia se mutant & vertunt. Ex his constare mundum, rotundum, animatum & intelligentem. Les Pythagoriciens croyoient que nostre esprit consistoit au nōbre de quatre parce qu'ils disoient que l'un estoit nostre esprit, les deux la sciēce: le trois l'opinō, & le quatre le sens. Comme ils ont entēdu ceci. Plutarque l'a declaré & nous le dirōs cy-apres.

Nostre esprit consiste au nombre de quatre selon Pythagore.

Ils donnoient le nombre de 4. ou de 9. à la iustice par ce que le quatre est le premier nombre quaré qui signifie la constance & le nombre de neuf pareillement est le premier nombre, qui à de soy-mesme sa propre fermeté consistant ce nōbre ternaire en 3. fois, 3. en 9. reuolus, parce que 3. fois 3. fōt neuf. Pourquoy la iustice qu'ils vouloient auoir ces deux parties la fermeté & l'egalité, vouloient estre formee de ces nōbres de 4. & de 9. Et ainsi venoient-ils à definir la iustice,

74 *Histoire generale du Monde & de la Nature* ;
disant que c'estoit yne constante volonté qui
donne à vn chacun ce qui est sien: pour la con-
stante volonté ils mettoient le nombre de qua-
tre: pour rendre à vn chacun ce qui est sien le
nombre de neuf: Ils donnoient le nombre de 5.
au mariage parce que comme il consiste du ma-
sle & de la femelle , ainsi le nombre est formé
du nombre de deux , qui signifie la femme ,
& celuy de trois signifie le masle. Ils appelloient
le nombre de sept, nombre parfait proportion-
né & naturel , parce que par la vertu de ce nō-
bre beaucoup de choses deriuoient de temps en
temps parfaitement en la nature & particulie-
rement en l'homme. D'autant que l'homme vient
au monde au septiesme mois & est parfait: bien
que quelquesfois les couches se retardent ius-
ques au neuuesme. Au septiesme an il change
de dents, ou autrement ils ne luy changeront
qu'à vingt-&-vn.

*Grande ob-
seruation.*

Ces Philosophes consideroient encore que le
nombre de sept à cette condition qu'il ne forme
aucun des nombres contenus au dix, ne manque
d'aucun d'iceux, en estant formé, & cecy se voit
expreslement en ce que le nombre de deux dou-
blé deux fois 2. fait quatre fois trois , faict six , &
quatre fois 2. fait huit , & cinq fois faict dix : Le
nombre de trois doublé faict six , & triplé faict
neuf , le nombre de quatre doublé fait huit , &
le nombre de cinq doublé fait dix. Et bien que
le nombre de six, de huit , & de neuf , n'engen-
drent aucun des nombres compris au dix : tou-
tesfois ils sont de luy engendrez , parce que le
deux triplé engendre six & quadruplé , huit,

pourquoy les Pythagoriciens appelloient le nombre de sept Minerue, comme celle qui est nee sans mere, & qui s'est tousiours conseruee en sa chasteté, n'ayans iamais conceu aucun enfant. Aristote rapporte que pour deux raisons ces Philosophes croyoient que les nombres estoient les principes de ce grand monde, la premiere parce que les nombres sont les premiers de tous les corps en sens abstract & separé: car les nombres ne se peuuent bien entendre & comprendre en quelque entendement que ce soit, separé d'un corps, mais les corps ne se peuuent comprendre de l'intellect sans les nombres, l'autre raison fut la grande sympathie & conformité & communication, qu'ont les nombres avec les choses creées, parce que toutes les choses sont faictes de Dieu comme l'atteste la sainte Escriture avec pois & mesure: Les Pythagoriciens vouloient encore qu'il y eust neuf corps naturels qui se tournassent en rond, sçauoir est sept planettes, le ciel estoilé, & le globe de la terre, laquelle ils disoient auoir vn mouuement circulaire à la semblance des Cieux, & qu'elle se tournast à l'entour du feu qu'ils appelloient par honneur *Vesta* & en faisoient vne Deité l'estimant le principal & le plus-noble de tous les elements, au dixiesme nombre ils assignoient vn autre corps naturel appellé d'eux les antipodes terre opposee à la nostre laquelle ils croyoient qu'elle se tournoit vn mouuement contraire.

*Neuf corps
naturels
qui se tournent en
rond selon les
Pythagoriciens.*

Ils vouloient dauantage qu'entre eux ces corps fussent esloignees avec vne certaine distance mitee comme le soleil de la terre, avec double interuale de celuy qui est entre luy & la lune

76 *Histoire Generale du Monde & de la Nature,*
 Venus avec triple , Mercure avec quadruple,
 & ainsi les autres de main en main , ils pēsoient
 que ces corps se mouuoient avec vne certaine
 harmonie de nombres & que les plus tardifs for
 moient vn son plus graue , plus leger , & plus
 aigu , ce qui rendoit la melodie si douce , & si
 agreable que continuellement elle maintenoit,
 restauroit & conseruoit ce grand monde, & cet
 te grāde machine de l'Vniuers, laquelle harmo
 nie, disoient-ils nous n'entendons a raison du
 long exercice par laquelle nos oreilles en sont
 faites insensibles & incapables. Ils ont encore
 escript à ce nōbre de dix comme parfait, dix nōs
 de predicaments ou categories de bien & dix
 noms de predicaments ou categories de bien, &
 dix noms de maux opposes à ceux de bien, les dix
 de bien sont, fini, imper, vn, droit, masse , dextre,
 repos, lumiere, bon, quarré. Les dix de mal sont
 infiny, egal, multiplié, fenestre, femme, mouue
 ment, courbé, tenebre, mal, & non quarré. De
 quoy nous traicterons plus particulierement en
 nostre quatriesme partie ou nous rapporterons
 de Sirianus Philosophe sur le quatriesme liure
 de la metaphysique de tout ce qu'en a tenu Py
 thagore. Lequel discours pour estre plein de
 merueilleux secrets contenus, touchant les ver
 tus des nombres finis à dix qui estoiet d'eux ap
 pellez nombre saint & tousiours tenu en grāde
 veneration, pourquoy nous n'en dirons dauāta
 ge pour n'estre icy son lieu voulant seulement
 montrer les opinions & decrets des anciēs Phi
 losophes, de ce qu'ils ont determiné touchant le
 principe de ce grand monde. Anaximandre fut
 de contraire aduis, & que les principes du mōde
 estoient infinis.

*Harmonie
 de nombre
 cause du
 mouuement
 des Cieux,
 selon les an
 ciens.*

Xenophanes d'escriuoit qu'un estoit toute chose, & qu'il estoit immobile. Parmenides enseignoit qu'il y auoit deux commencements sans principe le chaud & le froid comme le feu qui mouue & la terre qui forme. Empedocle Agrigentin concludoit que les quatre Elemēts estoient eternels, & que de leurs debats & de leur concorde naissoient icy bas toutes choses. Platon & Socrate asseuroient trois principes de toutes les choses créés, Dieu, les idées, & la matiere, Xenomene croyoit Dieu & les Elements. Aristote posoit pour principe la matiere à l'appetit de la forme, par la priuation laquelle estant mise faisoit le troisieme principe contre ce qu'il en a dit autre part. Pourquoy aucuns Philosophes modernes au lieu de la priuation ont constitué vn certain mouuement qui les concilie toutes deux, lequel estant accident ne peut estre principe de substance. Les Hebreux tenoient pour les principes, la matiere, la forme, & l'esprit. Les Grecs avec Hesiod & Ouide, ont feint le Chaos, sçauoir est la confusion des Elements, principe de toutes choses, departies peu apres & ordonnées de la main de Demogorgon en la forme que ce grād Monde le voit à present disposé : & autres ont dit d'autres choses : lesquelles opinions furent toutes vaines & pleines de mensonges, & ny eut iamais aucun de ces sages qui penetraست la verité : & la raison de cecy fut l'outrecuidance de sçauoir beaucoup, parce que leur fantasie leur suggeroit ou produisoit à leurs sens, ou l'opinion plus plausible qu'ils se fantastiquoient

I

78 *Histoire Generale du Monde & de la Nature*,
ils la suiuiotent & avec vne obstination endurcie,
ils l'enseignoient aux autres, toutesfois il me
semble que les Stoyques & les Peripateticiens
soient d'accord en cecy que Dieu est la premiere
cause de ce grand palais du monde, & que de luy
deriuent toutes les choses qui sont en iceluy: car
bien que Platon ait constitué trois principes,
sçauoir est Dieu, la matiere, & la forme neant-
moins en son *Timæe*, & en beaucoup d'autres
lieux, il constituë Dieu superieur a toutes les
choses. Aristote pareillement a monstré qu'il e-
stoit de necessité qu'il y eüst vn Dieu, premiere
cause duquel toutes les autres dependissent. Ce
qui sert pour combattre l'impieté & l'erreur des
Manicheens, lesquels ont voulu soustenir com-
me nous auons dit cy-dessus, qu'il y auoit deux
principes, l'vn bon, & l'autre mauuais, l'vn
createur du monde elementaire, & l'autre du
monde celeste, & des bons esprits ce qui est à
la verité vne grande absurdité, car qui met vn
nombre pluriel ou l'infinité des Dieux, il oste
l'unité d'vn seul. Les Philosophes ne s'accordent
non plus avec les Theologiens du succès des au-
tres causes touchant la forme & perfection de ce
grand monde, parce que les academiques &
Peripateticiens disoient que Dieu est la cause
efficiente de la premiere intelligence que cette
premiere l'est de la seconde, & la seconde de la
troisieme, & consequemment des autres, ius-
ques à la fin. D'ou est auenu que Iulian l'Apostat
suiuant l'erreur de Platon & de son maistre Iâ-
blique au liure qu'il a fait contre les Chrestiens,
est de cette opinion les blaimant de ce qu'ils

*Erreur de
Iulian l'A-
postat pro-
uenue des
erreurs ac-
ademyques.*

tiennent que Dieu soit le principe des choses vi-
 sibles & inuisibles, ce qui est toutesfois suyuant
 le texte de la sainte Escriture, où il est dict,
In principio creauit Deus cælum & terram. Et puis
 chacune des creatures, comme il se liët de point
 en poinët en la sacree Genese. Les Stoycques, &
 les Peripateticiens ne s'accordent point avec les
 vns, & avec les autres, non plus que les Theo-
 logiens avec les deux en la production de cet
 admirable Monde, sçauoir s'il a esté construit de
 de la souueraine main de ce grand Architecte de
 Dieu de toute Eternité, ou si depuis quelque
 temps il a eu commencement & auquel. Le
 grand Aristote Prince des Peripateticiens en-
 semble tous ceux de sa secte, à tenu que ce grand
 monde, n'a iamais eu de principe tēporel: mais
 a esté semblable à son grand Architecte de dieu.
 Platon & les Stoyques, ont tenu que la matie-
 re & le chaos seulement ont esté produicts de
 toute eternité, mais que le monde, avec ses
 belles prospectiues, fut faict au commencement
 du temps de ce suprême & puissant architecte
 bien que Plotin son disciple reünit en l'opinion
 de l'eternité du monde, ce qui n'est pas toutes-
 fois, voyans les parolles de Platon en vn autre,
 endroit qui mettoit pour la perfectiō de ce grād
 monde, vn principe temporel: mais les sacrez
 Theologiens ont tenu pour indubité ensemble
 toute l'eschole des fidelles que cet admirable
 Monde a esté faict & produit de rien au cōmen-
 cement du temps, par la puissante main du crea-
 teur, comme nous monstrerons cy-apres.

*Au ec quelles raisons Platon & Aristote
ont tenu l'Eternité de ce grand
Monde, & de leurs
raisons con-
traires.*

CHAPITRE VIII.



*Raisons
qui ont
meu Ari-
stote de di-
re que le
monde e-
stoit eter-
nel.*

LE Philosophe Aristote crea l'opinion de l'Eternité de ce grand Palais du monde, parce qu'il luy sembloit que ces belles choses créées & en si bel ordre estoient telles qu'il repugnoit à leur nature, d'auoir eu vn commencement pour apres auoir vne fin, & touchant cecy il consideroit beaucoup de choses, comme la matiere premiere, le mouuement, le temps, l'ordre de la nature, la constance de Dieu, & qui n'est point sujet aux mutations, le mouuement circulaire, la perfection des intelligences, & l'opinion vniuerselle de toutes les nations, que le Ciel soit le siege & l'habitation de Dieu.

Quand à la matiere premiere, le Philosophe dit qu'elle estoit ingenerable & incorruptible, ne pouuant estre faicte de nouveau, parce que si iamais elle n'auoit esté faite, il seroit de be-
soin

soin qu'elle fust faite de quelque chose, demeurant ioint, constant, que de rien quelque chose ne se peut faire, & si elle estoit faite d'autre chose ne seroit la matiere premiere, & ne pouuant donner progres à l'infini, il faudroit donner vne matiere vraiment premiere, & non iamais faicte, & par cecy il conclud que la matiere premiere estoit eternelle, & n'auoit iamais eu de principe temporel, & partant que le monde estoit eternel. Que de rien ne se puisse faire quelque chose, outre que c'estoit la vulgaire opinion des Anciens Philosophes, elle estoit encore aprouuee de Hermogene qui disoit ainsi, que si Dieu auoit fait le monde il l'auroit fait de soy-mesme, & seroit vne partie de soy-mesme : Que si cela estoit vray, il faudroit dire que tout ce qu'il a faict, & que tout ce qu'il fera fust imparfaict, parce qu'il seroit de besoing, qu'il fut tout afin qu'il se fust soy-mesme, & qu'il ne fust tout, afin qu'il fust faict de soy-mesme : Mais s'il s'estoit fait il ne seroit fait, par ce que desia il seroit, & s'il n'estoit, il ne seroit fait, parce que rien ne peut faire quelque chose.

C'est vn mesme argument de la generation, & corruption que celui de la matiere premiere, par ce qu'il disoit qu'estant la nature de ceste premiere matiere d'imparfaicte essence, il faudroit qu'elle fust sous quelque forme substantielle, & la generation de l'essence presente est corruption de la passée, dont il faudroit qu'e toute generation precedast la corruption, & toute corruption la generation, parce que la

80 *Histoire Generale du Monde, & de la Nature;*
 generation du poulet est la generatiō de l'œuf
 ce que considerant les Philosophes , & que
 tout œuf n'aist de la poulle , & toute la poulle
 de l'œuf, ce que ny l'un n'y l'autre n'estoit ab-
 solument premier, ny de l'un ne de l'autre, ils
 concludoient l'eternité de ce vague monde,
 quant au mouuement ils philosophoient ainsi,
 la cause mobile peut estre subiect du mouue-
 ment est premier de ce mesme mouuement,
 par ce que si le mouuement auoit vn commen-
 cement , le suiet de ce premier mouuement,
 que nous auons dit estre le premier de ce mou-
 uement , ou seroit engendré du secret eternal
 engendré, ce ne peut estre par ce que la genera-
 tion ne se pouuant faire sans mouuement , il
 seroit de necessité de donner vn mouuement
 premier de ce premier mouuement , & ainsi
 aller a l'infini. Et si le suiet de ce premier
 mouuement est eternal : mais sans mouue-
 ment. On doit croire qu'en la chose mobile,
 ou a la cause mouuante il y a quelque empes-
 chement, par lequel en toute cette eterni-
 té de siecles, il ny a peu estre de mouuement,
 lequel empeschementr estant apres leué , le
 mouuement a commencé d'estre. Mais la re-
 motion & l'esloignement de cet empes-
 chement n'auroit peu estre sans mouuement.
 Par ce que auparauant ce premier mouue-
 ment il y auroit en vn autre mouuement,
 ce qui ne se peut dire. D'où il s'ensuit , dit-il
 donc , que le mouuement est eternal , & le
 monde eternal. Du temps encor il a tiré la
 la mesme conclusion , disant que sans l'instant

*Si le mou-
 uement est
 eternelle
 monde est
 eternel selō
 Aristote &
 comment.*

qui veut dire le temps present. Il ne pouroit y auoir eu aucun temps. Mais le temps present est vn certain *medium* continué sçauoir est de la fin du temps passé, & commencement du temps futur. Doncques il ne se peut trouuer aucun temps, auant lequel il n'aist esté: & apres lequel encor, il ne doieue y auoir vn autre temps, pourquoy il ne se peut assigner vn instant qui soit le premier commencement. Doncques il est eternal, & par consequent encor le mouuement sans lequel le temps ne pouroit estre pour estre sa mesure. Et ainsi il seroit eternal, comme encor cette grande machine, comme suiette du mouuement viendroit a estre sans commencement. Pareillement Aristote consideroit que les choses que la nature auoit produittes estoient extremement bien ordonnées. Elle estant la cause de l'ordre qui se voit en toutes les choses & que tout ordre consiste en vne certaine proportion. Mais que Dieu auoit cessé vne eternité a faire le monde, & qu'apres l'auoir faict qu'il n'y a difference de l'auoir faict premier ou apres, & pareillement qu'en ayant prins quelque ordre. Ce n'est point vne operation de la nature. Par ce que les choses qui se font selon la nature, se font tousiours simplement, & en vne mesme façon, comme se voit au feu lequel naturellement tend tousiours en haut, comme vers son propre & naturel centre & la terre en bas vers son centre. Et si quelquefois ce bel ordre qui est simple

raisons frivoles.

& immuable de la nature s'interrompt, on en voit la cause naturelle, & sen peut rendre vne raison profitable, comme ez montres, & ez autres semblables effects, contre le corps naturel. Mais en cecy que le monde soit faict il ny a aucune cause naturelle, ny ne sen peut rendre aucune raison. Doncques le monde suiuant ce est eternal. Touchant l'immutabilité de Dieu, il argumentoit ainsi: Qu'elle est la chose qui est tousiours soy mesme sans alteration & sans changements qui faict encor par nature vne mesme operation? Mais Dieu qui est tousiours immuable, tousiours en vn mesme poinct permanent, ou a faict le monde de toute eternité, & le fera, ou il ne la iamais faict, n'y moins le fera il, ou il ne se peut dire qu'aucune fois il l'ait faict, & qu'aucune fois il ne l'ait point faict par ce que le faire & le non faire sont choses diuerfes, & denotent vne varieté en l'essence de l'ouurier, laquelle varieté ne peut estre attribuee à Dieu, delà il conclud que ce grand monde est eternal & na iamais esté faict. Encor de la nature de Dieu tire il l'eternité du monde disant ainsi, Que la substance de sa diuine Majesté est vn acte tres simple, qui manque de de toute puissance, & partant n'auroit vne continuelle operation: mais que quelquefois seulement il opereroit, de la il sensuiuroit que quelquefois ce grand ouurier auroit la puissance, quelquefois seroit vn acte, ce qui ne peut estre, dont il conclud que le monde est eternal. Du mouuement circulaire il tiroit vne pareille consequence. Considerant qu'il repugnoit à la

*Argument
d'Aristote
sur l'im-
mutabilité
de Dieu.*

*Il prouuet
l'eternité
du monde
en ceste
sorte.*

nature d'auoir eu vn commencement, par ce
qu'il n'à aucun terme, duquel il se puisse dire
qu'il ait commencé, ny moins aucun terme
auquel il doit finir: mais est toujours au com-
mencement, au milieu, & à la fin, comme il se
voit aux cieux, lesquels pour estre de nature
ronde sont toujours en leur commencement
le milieu & leur fin. Par ce que le premier mou-
uement du cercle est le commencement, le mi-
lieu, & la fin de son mouuement, lequel pre-
mier mouuement s'il s'engendrait, sa genera-
tion, qui est le mouuement, seroit le premier
mouuement, du premier mouuement, ce qui
est impossible, donc ne se pouuant donner pro-
gres à l'infini, ny les mouuemens s'engendrer,
il faut dire que le mouuement circulaire est vn
premier mouuement eternal, sans commence-
ment sans milieu, & sans fin. Du ciel encor il *Mouuemēt*
fondoit son opinion. Le Ciel (dit il) n'est point *circulaire*
engendré, par ce que s'il estoit engendré, il se-
roit corruptible, concedé que la corruption
le faict par la force, & la violente victoire du
contraire, & la generation semblablement est
vn mouuement qui passe d'un contraire en vn
autre. Mais il ne peut estre corruptible, par ce
qu'il n'a point de contraire. Que le Ciel n'ait
point de contraire il le considereroit, par ce
qu'il est impassible, & immuable en substance
& qualité, & de plus qu'il est de figure ronde,
qui entre toutes les autres n'a point de contrai-
re. Encor disoit-il que la meilleure & la plus
parfaite des intelligences est de mouuoir les
Cieux, les cercles celestes & les choses qui sont

84 *Histoire Generale du monde & de la Nature,*
sous eux. Et par ainsi ils sont participans les autres choses de leur bonté & perfection, qui est la souveraine propriété du bon & parfait. Et pour cette raison ils sont comme les causes de toutes les autres causes en leur genre, comme de l'efficiente, & de la finale. Donc si le monde n'estoit eternal les intelligences durant vne eternité auroient esté oisives, & imparfaites. Et outre le mesme Aristote poursuivoit encor que Dieu, & la nature des choses possibles sont tousiours ce qui est de meilleur. Mais, dit-il, il est meilleur que le monde soit, & soit tousiours, que, qu'il ne soit tousiours, & cecy est possible, par ce que ce qui est fait de nouveau, a peu estre fait, & auparavant, & de toute eternité, & que pourtant la puissance de Dieu n'est variable, faisans maintenant plus, maintenant moins ce qui ne se doit penser, & comme l'estre est meilleur que le non estre : Ainsi il est meilleur l'estre tousiours que le non estre tousiours. Doncques il est plus a propos de dire que le monde a tousiours esté, & sera tousiours. Il disoit encor que l'opinion generale de tout le monde estoit, que le Ciel estoit le siege, la propre demeure, & la maison de Dieu, par ce que il deuoit auoir vn Dieu conuenable a sa grandeur, donc il falloit conclure qu'il estoit de toute eternité comme Dieu.

*Matiere
premiere
eternelle se-
lon Platon*

Le diuin Platon voulut faire la matiere premiere eternelle, & le monde formé de nouveau pour se montrer plustost Philosophe que sectateur de la loy de Moysse, par ce que tenant l'eternité du chaos il se moquoit de l'opinion des

anciens, que de rien se peut faire quelque chose, & confessant la creation du monde, au commencement du temps il s'accordoit avec les Hebreux pour la loy du grand Moysé, & avec les Grecs, qui mettoient pour compagnon de la confusion des elemens l'eternité, & le grand Dieu Demogorgon, qui apres separant le chaos, & distingua vn element avec l'autre, donnant à chacun son propre lieu, comme à fort bien d'escriit Ouide en ces vers.

*Hanc Deus & Melior litem natura diremit
Nam cælo terra & terris abcidit undas
Et liquidum spisso secreuit ab athere Cælum
Que postquam euoluit, cæcoque exemit aceruo
Dissociata locis concordipace linquauit.*

Platon aporte encore d'autres raisons pour soutenir son opinion, que la matiere est eternelle, & le monde de nouveau faict, confiderant au monde deux choses, la premiere vne matiere ou substance informe en toutes les parties de ce grand corps, la seconde diuerses formes empreintes, & marquees comme du second aux diuerses parties de cecy, il inferé que cette formation des choses, autant du tout comme d'une partie d'iceluy estoit crée de necessité crée de nouveau, & non de toute eternité, par ce qu'il est necessaire que l'informé soit auparauant que d'estre formé comme par exemple si on regarde vne sphere de bois sans doute on s'imaginera que le bois aura esté

Autres raisons de Platon.

premierement-informe de ce globe celeste qu'informé d'iceluy si que la formatiō du mōde montre sa nouueauté, & la matiere informe de laquelle il est faict montre l'antiquité eternelle du chaos. Et comme ceste grande machine du monde à vn pere vniuersel, qui est immense & immortel architecte Dieu, il est iuste, il est equitable, il est encore vne mere commune a toutes ces parties, qui est l'informé chaos, & le monde soit filz de tout les deux. Luy sēblāt encore impossible qu'un corps formé ne soit fait de matiere informe, parquoy il disoit que le Ciel, les Estoiles, & le Soleil, & les autres planetes d'une si belle forme, estoient faites d'une matiere informe cōme tous les autres corps inferieurs, beaucoup des anciēs ont reprouuē ces raisons de Platō disant, que biē on cōcedoit que naturellemēt & par anteriorité de nature l'informe se doit trouuer premier que l'eformé cōme si suiect de la chose de laquelle il est suiect, il ne se doit pourtāt conceder par anteriorité de tēps par ce que il ne se peut trouuer vn pur informé sans forme, estant forme ce parquoy l'informé se trouue. Dont il est de necessité que ou la matiere & la forme sçauoir est tout le monde soit de toute eternité comme tient Aristote, ou que l'un & l'autre soit de nouueau crée de rien cōme nous autres fideles nous le tenons. Aristote cōcede que la matiere premiere par anteriorité de temps peut estre premiere que la forme assignāt cette anteriorité a la puissance, & non point a l'acte. Il confute l'opinion de Platon son maître avec d'autres raisons, & confirme la sienne

*Il ne se
peut trou-
uer un pur
Informé
sans forme*

*Opinion
de Platon
confutée
par Aristote.*

de l'eternité de la matiere , & de la forme, par ce qu'il ne met point la matiere premiere commune a tout le monde, mais seulement au monde inferieur , composé de quatre elements, auquel il d'escrit la matiere premiere eternelle n'ayant aucune forme coeternelle: mais il dit que chacune forme estoit nouvelle en elle mesme par generation & l'autre renée par corruption, & fait la succession de plusieurs & diuerses formes eternelles avec vne eternelle generation & corruption: mais chacune d'icelles qui de nouveau peuuent estre engendrees, & de nouveau corruptibles. Et quant aux Cieux le mesme Aristote assure que Platon s'est trompé niant qu'ils ont vne matiere substantielle, par ce que s'ils l'auoient ils pourroient estre engendrez & suiets a corruptiō cōme sont les corps inferieurs partant il tient que le Ciel, & les Estoiles, le Soleil, & la Lune sont corps eternels, & matiere de mouuement, & non de generation, toutefois il sembloit à Platon impossible que la matiere premiere des Cieux ne soit de mesme que celle du mōde inferieur, n'ayāt de premiere matiere par ce qu'elle se pourroit multiplier & se faire diuersē de l'autre. Pourquoi il assure que les Cieux sōt faits de nouvelle matiere informe cōme le monde elementaire. Et biē que la matiere des Cieux ne soit corruptible & suiete a se dissoudre cōme les elemēts, il dit que ce ne fut pas pour ce que la nature des celestes spheres soit telle: mais que cest la toute puisſāce de Dieu qui les rēd incorruptibles, biē que autremēr ils eus-

*cieux faits
de nouuel-
le matiere
selon Pla-
ton.*

88 *Histoire Generale du Monde & de la Nature,*
 sent esté créés par la nature. *Mundus* (dit Pla-
 en son *Timæe*) *si ipsum intueris corrumpi potest*
quia quod compositum fuit dissoluitur tandem ad mo-
dum corrupti Deus non vult, meum autem consilium
inquit Deus, plus potest ad immortalitatem tui quam
natura ad interitum.

Fondements faux d'Aristote & de Platon
l'un que Dieu a eu besoin de matiere pour
bastir ce monde. & l'autre qu'il opere par
la necessité de la nature.

CHAPITRE IX.

opinion de
Platon &
d'Aristote.



Aristote re
prend la Ge
neſe de
Moyſe.
Picus Mi-
randol.

Ette opiniō d'Aristote & de Platō de
 l'eternité du chaos, & du monde, est
 entierement reprise des Hebreux &
 du tout excluse de l'escole des Theo-
 logiens Chrestiens, & de nostre temps elle est
 reprouuée de toutes les sectes & natiōs du mō-
 de par ce que vne si estrange fātasie ne repugne
 pas seulement a la verité: mais encore aux prin-
 cipes de la Philosophie peripatetique, dōt Ari-
 stote reprenoit la sacrée Genese disant, *Plura in*
eo libro sunt quæſita quàm inuenta & ex inuentis pau-
ciora firmata. Il pouuoit pareillement auec sa
 plus grande louange laisser par escrit ce que
 dit de luy François Picus. *Plura sunt* (dit il) *in*
opere de cælo supposita quam probata & ex iis qua pro-
bantur pauciora validis argumentationibus cognita.
 Cet erreur de Philosophe touchant l'eternité
 du monde procedoit de deux fauces suppositi-
 tiōs qu'il faisoit, l'une que Dieu operoit par la

necessité de la nature & l'autre qu'à ce grand
 Architecte Dieu, estoit necessaire l'essence de la
 matiere, & que sans icelle il ne pouuoit faire au-
 cune chose. Lesquelles propositions estans tref-
 fauces & repugnantes à la Philosophie, il s'en-
 suit en pareil vne fauceté en ses demonstrations,
 parce que cōme luy-mesme il enseigne les vra-
 yes demonstrations procedent des vrayes oppo-
 sitions. Or que ces deux propositions soient fau-
 ces & premierement qu'il ne soit vray que Dieu
 ait besoin en la creation d'antecedente matiere,
 cela se peut voir, & quasi toucher du doigt, par
 ce que encore que ces choses naturelles sont si
 basses & si viles, qu'elles ne puissent operer, sinō
 ou en la matiere, ou avec la matiere, si
 est ce toutesfois qu'on ne peut argumen-
 ter que ce grand Dieu autheur de la na-
 ture, soit subiect & soubmis à ces loix de la na-
 ture, ains il est necessaire de croire & d'asseurer
 tout le contraire que Dieu tout-puissant opere
 bien d'une façon plus admirable avec plus d'e-
 stonnements & de miracles que ne font pas ces
 bas elements, afin qu'il se discerne & se des-
 couure par ces moyens diuers, la difference qui
 est entre le pouuoir finy & limité, de la chose
 crée avec la puissante & forte main de l'incom-
 prehensible createur, & c'est vne chose ridicule,
 comme dit Algazet de vouloir mesurer les ac-
 tions de ces choses inferieures bien que Auer-
 roës avec toute sorte d'opinia streté ait mis tou-
 te peine de refuter cette doctrine de l'Arabe ne
 pouuāt cōprendre en son cerueau que aux actiōs
 de ce grand ouurier, on n'y recherche, ny la

*Dieu null-
 ment soub-
 mis aux
 loix de na-
 ture.*

80 *Histoire Generale du Monde & de la Nature,*
matiere ny le change de volonté. Outre de ce
se considere que si Dieu ne pouuoir operer &
faire quelque chose sinon avec de la matiere il
faudroit asseurer que sa souueraine puïssance se-
roit contrainte & finie en la matiere, ce qui ne
se peut dire: car qui est celuy qui ait faict cette
limitatiō à la toute puïssance de cēt admirable
Architecte, Dieu s'est il astraint luy mesme, où
y a il quelq'vn premier ou superieur à sa diuine
Maïesté, ou biē luy manque il de la matiere, la-
quelle selon le Philosophe luy est posterieure?
Donc rien n'a peu contraindre cette absoluē
puïssance de Dieu, & partāt il peut faire sa ma-
tiere par la voye de la creation. Par ce que l'ou-
urier suit l'estre, & quel est l'estre de chacune
chose telle est son action: mais l'estre de Dieu
ne depend d'aucun, & auant luy on ne recher-
che ou presuppose aucune chose donc en son
operation il n'a besoin de quelque suiect: mais
peut de rien faire quelque chose. Et cōme tous
les hōmes ont imprimé en leur ame cette natu-
relle opinion que Dieu est le premier, & par-
fait & non pretendu d'aucun par soy seul suf-
fisant, & sans qu'il ait besoin d'aucune chose
encore est il besoing de dire qu'il est assez suffisāt
pour ouurer sans aucun sujet ce qui se peut
encore prouuer par vn autre moyen par ce que
Dieu ou a besoin de matiere & de suiect pour
operer ou non, s'il n'ē a point de besoin, il peut
creer de rien quelque chose, s'il en a
de besoin, la matiere premiere ne proce-
point de Dieu, comme nous voyons en l'art le-
quel a besoin du corps naturel pour traualier

& pourtant le corps naturel ne depend point
 de l'art & de la nature laquelle a besoin de la
 matiere & pourtant la matiere ne depend
 point de la nature : mais de vouloir asseurer
 qu'il y ait aucune chose laquelle ne depende
 point de Dieu, c'est combattre la doctrine d'A-
 ristote avec de mauuaises armes, & la tres-grā-
 de toute puissance de Dieu, lequel embras-
 se & contient en soy toutes les choses, com-
 me le dispute doctement Eusebe, & montre
 avec de viues raisons que ceux ont erré gran-
 demēt qui ont creu que la matiere n'a esté pro-
 duite de Dieu. De la bouche mesme d'Aristote,
 On peut tirer qu'il concede la creation en Dieu
 seul quad il demontre au douziesme de sa Me-
 taphysicque, qu'il y a vn autre moyen de faire
 l'homme outre sa production par la semence.
 Car si la semence, comme il afferme est pre-
 miere que l'homme, de quelle semence deriue
 il? Partant simplement considerant l'homme
 il est premeer que la semence, comme l'acte est *similitude*
 premier que la puissance, & le parfaict que l'im- *fort à propos*
 parfaict, ce sont les mesmes termes du Philoso-
 phe. *Semen ex aliis prioribus perfectis est neque*
semen primum est, sed quod perfectum est, veluti ho-
minem dicere quispiam, posset priorem semine esse,
non illum qui generatur, sed alium, ex quo ipsum se-
men est. D'où on tire que la generation d'hom-
 me, comme homme, n'a besoin de semence,
 estant l'homme simple rien premier de la se-
 mence. Donc l'homme peut auoir vn autre
 moyen de production qui n'est autre que celuy
 de la creation. De plus s'il est vray ce que

92 *Histoire Generale du Monde & de la Nature,*
tient Aristote pour indubité que l'infini ne
se peut concéder ni se retrouver en aucune
chose naturelle, il faut encor aduouer que le
monde est faict de nouveau au cours du temps
par la libre volonté de Dieu autrement si
le monde estoit eternal, il seroit de neces-
sité de dire qu'il seroit passé vn nombre in-
fini d'hommes auant ceux qui ont esté au mon-
de, ce qui est impossible. Donc en toutes les
especes des animaux parfaicts qui n'ont peu
estre engendrez sinon d'un semblable, il est de
nécessité de venir en vn premier & non engen-
dré, mais faict par creation, autrement la Phi-
losophie d'Aristote seroit renuersée sans dessus
dessous. Mais que ce peut il dire de plus sur ce
suiect, Aristote luy mesme n'aferme il pas au
premier de sa metaphysique, que Dieu est
la premiere cause de toutes les choses? Ce qui
est tres vray, par ce que s'il se trouuoit quel-
que chose hors de Dieu, elle manqueroit de
cause, & auroit l'estre de soy mesme, ce qui est
impossible, par ce que toutes les choses ne de-
pendroient pas de Dieu. Cette verité donc pre-
mise, iedy qu'il y a beaucoup de choses les-
quelles n'ont peu auoir l'estre de Dieu naturel-
lement, par le moyen de la matiere, & des
mouuemens, comme la matiere premiere
les Cieux, & les intelligences. Donc il faut
qu'ils ayent eu l'estre de Dieu par le moyen
de la creation & ne sert au Philosopher de dire
que la matiere premiere, les spherres celestes
& les intelligences ayent eu l'estre de Dieu de
toute eternité, par ce que cecy ne porte au

cun preiudice a la creation, & ne la destruit pas
 laquelle consiste a faire quelque chose de rien
 étant autant la creation qui se fait de rien, qui
 a esté faite de toute eternité, que celle qui se
 fait a présent & de nouveau. Encore, dit-il,
 que toutes les formes naturelles, exceptée l'hu-
 maine manquant de suieét meurent avec leur
 estre. Mais c'elle qui meurt & devient en rien
 encor est-il de besoin qu'elle soit faite de rien
 par ce que la corruption n'est rien autre chose
 qu'un manquement de forme, laquelle se re-
 sout en rien, comme la generation n'est autre
 chose que la naissance de la forme qui se fait
 de rien, sçavoir est qui ne deriue que de la cau-
 se efficiente, & Aristote escrit que cette sen-
 tence, *Ex nihilo nihil fit*, se doit rapporter a la ma-
 tiere, & non a la cause effectuee, pourquoy Em-
 pedocle le reprit, par ce qu'il auoit confondu
 l'amitié appelée de luy cause efficiente du mō-
 de avec la matiere. Alexandre Afrodisée dit
 apertement dit que la forme se fait de rien par
 ce que si elle ne se faisoit de rien, *Oportet* (dit-il)
ex aliquo gigni & generationis esse generationem.
 Donc étant la forme un des principes com-
 mencements naturels qui ne depend d'autre
 que de soy mesme (autrement si elle auoit
 la subsistence d'un autre elle ne seroit
 principe, comme dit Aristote) & se
 tourneroit en rien, le mesme se doit en-
 core dire de la matiere qui de rien se re-
 sould étant pareillement un principe de
 nature comme la forme qui a la subsistence

94 *Histoire Generale du Monde & de la Nature,*
de foy meſme ce qui ſe preuue encore
par la matiere des arbres, des pierres, des me-
taux, & de la terre meſme, laquelle eſtant bru-
lée ſe conuertitſt en cendre, & ſe peut appeller
matiere premiere, eſtant comme toutes les au-
tres choſes deſpouillees de toute autre forme,
& de toute ſemence de la forme. Eſtant donc la
cendre vn corps de quantité & de qualité, par
ce que il eſt coloré & ſec, il faut dire que c'eſt
vn corps naturel lequel conſiſte de matiere &
d'accident. Mais par ce que la cendre ſe reſout
en de petits corps appellés des Philoſophes
athomes, & que l'athome eſt vne choſe indiui-
ſible & inſeparable ny plus que rien, il faut di-
re que la matiere ſe conuertitſt en rien, & bien
qu'Ariſtote venille que tout corps naturel
ſoit diuiſible iuſques a l'infini en tant qu'il
eſt corps de quantité, & non en tant qu'il
eſt corps phisic pour ne ſe reſoudre
en rien, il ſe trompe toutefois, par ce
celuy qui concède vne quantité finie, & la
met entre deux extremes il ny a de doute
qu'en eſtant touſiours quelque choſe, en diui-
ſant touſiours quelque partie qu'a la fin
elle ne ſe reduiſe en rien eſtant finie & ter-
minée, autrement il faudroit encourir
en cet inconuenient, & impoſſible que
les choſes d'infinie quantité croiſtroient
en l'infini, & qu'un corps en l'acte fini
compriſt & embrasſaſt les corps infinis
en l'acte. Cet autre argument eſt encore ri-
dicule quand il dit que le corps naturel
eſt

est diuisible en l'infiny : mais en tant qu'il est corps de quantité, comme s'il vouloit dire que l'animal soit en l'infiny, en tāt qu'il a des yeux, non en tant qu'il a des oreilles, par ce que estans les yeux finis, il ne peut voir en l'infiny, comme la quantité finie ne peut avec la diuision, quoy que multipliée plusieurs fois deuenir infinie. Et bien que les Matematiciens lesquels avec le penser separent la quantité d'avec la matiere, disent que le corps de quantité est de necessité diuisible en l'infiny en autre corps de quantité, autrement si le corps matematiciē ne le diuisoit en quantité, il seroit de besoin qu'il se diuisast en superficiens, les superficiens en lignes, les lignes en points, d'ou estant le point, comme veut Euclide *id cuius pars nulla sit*, sçauoir est sans aucune partie en vn rien, il s'en suiueroit cest inconuenient, que le corps qui consiste de parties seroit fait de points, qui n'ont aucune partie, & ainsi la grandeur seroit faicte de chose qui n'a aucune grandeur, & la quantité de chose qui est sans quantité. Toutefois on a tousiours faict estat en l'antiquité & tenu que de deux inconueniens, il falloit fuyr le plus grand, & prendre le moindre. Partant si c'est vne moindre erreur, de dire qu'un corps naturel d'une quantité finie soit diuisible en actes, & en tāt de mille parties diuisibles, & non plus ainsi, ce sera vn moindre erreur, de dire le mesme d'un corps matematic; sçauoir est, que le corps se diuise en superficiens, les superficiens en lignes, les lignes en points, & ainsi en rien. Les Philosophes academiques

*Corps de
quantité
diuisible
par necessi-
té disent les
Matematici-
ciens.
Euclide 1.
Elem.*

96 *Histoire generale du monde & de la Nature*,
ont soustenu ceste mesme opiniõ, lesquels pen-
soient estre autre le corps naturel, & autre le
corps mathematic, bien que l'un & l'autre soit
par soy-mesme, parce que le corps mathematic
a la propre substance & hypostasie, ou il a le
corps sensible, ou s'il en est hors, s'il a le corps
sensible, il s'ensuiueroit vne penetration de
corps & de mesures, & ny auroit aucune diffe-
rence, mais s'il a la propre substance hors du
corps phisic, il faut chercher vn lieu hors du
monde, ou les corps Mathematiciẽs soyent se-
parez du corps phisic, ne se trouuant aucun va-
gue, ou il ny ait quelque corps naturel, & de
cecy comprend-on qu'il ne se trouue corps Ma-
thematic en aucun lieu separé du corps phisic,
non pas mesme avec l'imagination.

*Aristote dit
que Dieu
opere par
necessité de
nature.*

Quant à la seconde supposition d'Aristote,
que ce grand Dieu opere par necessité de natu-
re, pareillement elle se demontre estre tres-
fauce, & les raisons en sont bonnes, par ce que
c'est vne chose née que la volonté a necessaire-
ment voulu la dernière fin, & l'autre il l'a vou-
lu, sinon en tant qu'il y a vn certain ordre à ce-
ste dicte fin. S'il y a vn ordre necessaire, sans
lequel la volonté ne puisse obtenir sa fin, ne-
cessairement encõre la dõne-il. Mais s'ils n'ont
point vn ordre necessité à la fin, il ne le veut ne-
cessairement, mais l'object & la fin de la diuine
volonté du tres-haut, n'est autre que sa bonté
& son essence, en laquelle il s'esiouyt de toute
eternité, & se peut plaire sans l'essence des cho-
ses créés, auquel rien ne peut ioinde quel-
que chose, ou oster de son ornement, non

pour la conseruation, ou augmentation de la diuine bonté. Dōc il est de besoin que Dieu ait voulu produire la creature, mais par sa libre volonté. Ces raisons sont encore soustenuës, par ce qu'il ne se peut nier que Dieu tres-bon & tres-puissant, ne soit la cause de toutes les choses, ou de tout ce qui se doit croire estre bon es choses créées, laquelle encore plus parfaitement, & plus excellēment en Dieu, parce que selō la raison d'Aristote, *Propter quod vnumquod-* que tale & illud magis. Donc Dieu se vou-

lant esioiyr de sa bonté parfaite, s'esioiuyroit de soy-mesme, & non des choses exterieures & imparfaites, estant en luy le tout bien plus parfaictement, comme celuy duquel deriuent toutes les graces, tous les tresors, & toutes les perfections qui se peuuent imaginer en cest argument, n'a besoin d'aucune preuue, par ce que cela se touche à la main que l'hōme en soy-mesme necessairement desire la beatitude (& sous le nom de beatitude se comprend tout ce qui est de bon & desirable d'auoir : & s'exclud tout ce qui se peut retrouver de mal) & que ce cy ne puisse la volōté vouloir estāt seul objet, bō comme il est, mais les autres choses ne le veulēt necessairement, parce que ou en icelles, il se trouue empreinte quelque espee de mal, ou ne les trouue toutes biē, ainsi en est-il de la volōté de dieu, parce que se trouuāt en sa propre eslēce tout bien vne infinité, & superabondāte de biē, on doit croire qu'il le veut, & non les creatures ausquelles se retrouue seulemēt, nō vne parfaite bōté, mais vn ombre de bien. Mais de que ie di-

Raisō d'Aristote.

Sous le nō de beatitu- de se cōprēd tout ce qui est bon.

*Liberal ar-
bitre de
l'homme
l'une des
belles per-
fections de la
nature.*

raycy apres ne peut receuoir de cōtestatiō. n'est ce pas vne chose claire, que nostre liberal arbitre est vne des belles perfections dont s'esjouyst la nature? Donc si en Dieu sont plus excellentement toutes les perfections qu'ez creatures. Pourquoi ne confesserons nous que ceste volunté se doie retourner plus excellentement en Dieu, creant vers les choses créées, qu'en l'homme crée vers les creatures? Le tres-subtil Scoe voulant montrer que Dieu en ses actions n'estoit point lié ny contraint de la necessité de la nature, ce qu'il est de besoin de croire (dit-il) ou de ruyner toute la philosophie, par ce que si c'est vne chose vraye, ce que asseurent toutes les escoles des peripateliens des Soiques & des Theologiens, que Dieu est vn Ens tres-simple, & de soy necessaire, il faut encore confesser, que biē qu'on eust osté toutes les creatures, tous les elements, tous les Cieux, toutes les intelligences, & en somme toute autre choses, toutesfois Dieu auroit neantmoins son mesme estre, & ne pourroit perdre aucune chose: autrement Dieu ne pourroit & ne seroit Ens tres-simple, & en tout necessaire, si en leuant, ou les elements, ou les Cieux, ou autre chose cela diminuait son estre. Mais si Dieu necessairement vouloit les creatures, ne pourroient vouloir; & par ce qu'en Dieu l'estre & le vouloir sont vne mesme chose, ostant la volunté à la creature, vous deuiez encore l'estre à Dieu, d'ou il s'ensuiuroit que Dieu ne seroit Ens tres-simple, & en tout & parfaictement necessaire. Outre que

si Dieu ne pouuoit operer avec liberté de vo-
 lonté, il ne pourroit non plus créer quelque
 chose de riē, & cecy se preuue par ce que se qui
 peut créer de rien est indefiny, & indeterminé
 pour estre ce mesme rien sans limites, ou sans
 termes aucuns, d'où il s'ensuiueroit que si Dieu
 operoit par nécessité de volonté, qu'il opere-
 roit tousiours indefiniment, & sans determina-
 tion, ce qui est partant, ie ne diray pas faux,
 mais impossible. De plus, si Dieu est de vertu
 infinie, il n'opere point par nécessité de la na-
 ture, & la consequence se preuue, par ce que
 s'il est vray que l'agent opere par nécessité,
 comment direz vous que Dieu ait besoin d'o-
 perer, qui a vne vertu infinie, sera-ce neces-
 sairement ou infiniment, produira-il encore
 infinité de mondes, infinité de Cieux, infinité
 de mers, infinité d'animaux, infinité d'hom-
 mes, infinité de choses, car estant agent, in-
 finy, il auroit peu faire beaucoup plus de cho-
 ses sans doute, de ce qu'il en fit à l'heure, & en
 pourroit encore faire d'auantage qu'il n'en fait
 tous les iours. Et s'il estoit agent par nécessité,
 il en auroit faict encore beaucoup plus, & en
 produiroit encore d'auantage à present. Ce
 que n'ayant point faict il s'ensuit que le ou-
 rier de Dieu est par libre volonté, & non su-
 ject à aucune nécessité. Pourquoy il faut con-
 clure, que Dieu n'opere point par la nécessité
 de la nature, ou que Dieu ne soit point d'infinie
 vertu, & de toute puissance, qui seroit vne im-
 pieté tres-grande, & punissable de le croire,
 Par ce que Dieu soit d'infinie vertu, & de toute

100 *Histoire Generale du Monde & de la nature,*
puissance, il ny a sain entendement qui le nie,
prouuant que Dieu peut de rien creer quelque
chose, cōme peu apres nous dirons. A quoy il
est de besoin qu'elle soit infinie, cōme aussi par
ce qu'elle conserue les choses crées, à laquelle
conseruatiō on ne recherche vne moindre ver-
tu que celle qui est necessaire à la creation. mais
ce qui n'a point de responce est, qu'il ne se peut
trouuer aucun qui boiue & termine la vertu &
la puissance du tres-haut, estant Dieu le premier
acte, & ne dépendant d'autre que de luy mesme,
& cecy se preuue par les maximes de la philo-
sophie, parce que ce qui se finist ou il finist in-
trinsequement, pour respect des principes es-
sentiels, qui sont la forme & la matiere, com-
me nous voyons à la substance composee, qui se
dissout par l'alteration de son sujet: ou elle se
finist extrinsecquement, pour respect de l'agēt.
Or cecy à lieu aux substances simples, comme
sont les intelligences. Mais Dieu Tout-puis-
sant ne se peut finir, ny en l'un ny en l'autre de
ces moyens estant grandement simple, & pre-
mier agent de toutes les causes, & par tant d'in-
finie vertu. Puis que nous auons prouué suffi-
samment, que Dieu de rien peut creer quelque
chose, & de plus que son operation n'est souf-
mise à aucune necessité, mais deriue de sa libre
volonté. Maintenant disons aussi qu'il ny a
cause au monde eternelle par la nature, laquel-
le ait eu vne cause premiere volontaire, pour-
quoy le monde ayant pour premiere cause vo-
lontaire Dieu, il ne peut estre eternel, par ce
que son estre depend de la volonté d'autrui, &

*Rien ne
peut termi-
ner la vero-
tu & la
puissance
de Dieu.*

ce qui depend d'autrui peut estre volontairement abandonné, auquel cas par necessité il est de besoin qu'il manque & perisse, aucune chose se pouuant conseruer de soy-mesme : comme encore de soy-mesme elle ne se peut creer, & par ce Auicenne, & Alexandre Aphrodisée soustenoyent, que non seulement le monde estoit crée de neuf, mais que s'il estoit eternal, il ny auoit point de premiere cause. Ce sont icy les paroles d'Auicenne *Creatura nihil est, & ex nihilo, secundum esse quidem à prima causa est, prima autem causa nulla esse potest si mundus sit eternus.*

Paroles
d'Auicenne.

De plus és causes eternelles, il ne se trouue ny premiere, ny seconde, ny derniere cause, autrement elles ne seroient eternelles, mais le monde à la premiere cause dont il n'est pas eternal. La meilleure proposition est d'Aristote en mille lieux, ausquels il confirme estre la premiere cause: *A prima causa, dit-il, dependet cælum & tota mundi natura.* Passons vn peu à cōsiderer les raisons d'Aristote, & les descouurons le plus facilement qu'il sera possible.

Arguments d'Aristote & de Platon, touchant l'eternité de ce grand Monde, & ou se descouurent leurs erreurs.

CHAPITRE X.



*Fondement
d'Aristote
pour prou-
uer l'eter-
nité du
monde.*

ARISTOTE en son premier argument, voulant prouuer l'eternité de la matiere premiere, pose pour son fondement ceste sentence ancienne, que de rien rien ne se faict. Disant que si la matiere premiere auoit esté faicte, il faudroit qu'elle eu esté faicte de quelque chose, concedé que de rien ne se peut faire aucune chose, ce qui est tres-faux, pouuāt le souuerain Architecte Dieu creer ce qu'il veut de rien. Il a glissé en vne mesme erreur en sa seconde raison: parce que presupposant que la matiere fust eternelle, il seroit besoin de confesser, que la forme par generatiō&corruption fut eternelle, ne pouuant estre la matiere, sinon sous quelque forme, & destruisāt l'eternité de la matiere, par le moyent de la creation encore se destruit ceste raisō d'Aristote de l'eternelle corruptiō&generation. Et sa faute se descouure en ce qu'il tasche de prouuer ce mouuemēt eternel: parce qu'il se fonde sur la sentēce du philosophe, qu'il ne se peut faire aucune productiō que du mouue-

Et ou avec iceluy: ce qui se nie toutesfois, parce que la premiere matiere, le premier mobile, & tous les Cieux étoilez sont produicts de nouveau non avec vn mouuement Physic ou naturel, ou subiect préparé. Mais par la creation du rien. Et avec raison semblable se destruit l'argument par lequel il tasche de prouuer que le Ciel est eternal pour estre incorruptible, mettant pour fondement que nulle chose ne se peut engendrer sinon de subiect & de contraire. Ce qui est tres-faux pouuant Dieu créer ce qu'il veut de rien, en laquelle creation ne concurre, ne subiect, ny mouuement fisic, ny temps, ny composition de contraires, mais seulement la parolle de ce tout-puissant Architecte, lequel comme rapporte la sainte Escripture, *Dixit & facta sunt mandauit & creata sunt*. Laquelle action de ce grand Dieu ne se mesure avec le temps, ny avec l'instant du temps, estant le monde ensemble produict avec le temps, & n'estoit auparavant: mais seulement l'eternité semblablement l'autre argument ce dissout de mesme façon, par lequel il s'efforce à monstrier que le temps est eternal, disant que le premier qui est l'instant est la fin du passé, & le commencement du futur. Parce que il sera aussi à propos de nier que le mouuement ne seroit Eternal, que de nier que l'instant qui est le present, ne soit comme vn milieu entre le temps passé & le futur, ce qui est autant à dire que si on disoit qu'une ligne est finie, de laquelle on ne voit point le bout, comme à dire que tout point qui est en la mesme ligne ne soit le commencement & la fin.

104 *Histoire generale du monde & de la Nature,*
d'icelle ligne, & partant cét argument ne con-
clud point prenant en iceluy ce qui est de nostre
question en laquelle on dispute si le temps a eu
quelque commencement, ou non, s'il a eu vn
commencement, il ne peut-estre vn milieu en-
tre le futur. Et au lieu ou le Philosophe dict
qu'il est de besoing de confesser l'eternité de
cette grande machine ou accuser l'architecte
d'impuissance & d'imperfection. A cecy on res-
pond que l'argument seroit vray, si Dieu tout
puissant operoit par necessité de Nature, ce que
nous auons-cy dessus reffuté & monstré faux,
euuant & produisant ce qu'il luy veut par son
seul & libre vouloir. Pourquoy on ne peut com-
parer ses diuines actions avec les operations na-
turelles forcees & contrainctes par les loix de la
necessité, pour n'estre subiect, ny aux loix de la
necessité, ny aux loix de la Nature, de laquelle
mesme il est le pere & l'auteur. Et bien qu'on
ne puisse rendre aucune raison pourquoy Dieu
crea plustost le monde au tēps qu'il le fist aupara-
uant, & de toute Eternité. Il ne faut pourtant
pour cela conclurre qu'il soit eternal, par ce
que il y a vne infinité de choses qui nous sont
occultes & desquelles nous ne pouuons ren-
drea raison lesquelles toutesfois nous ne nyons,
ny ne pouuons nyer.

*Dieu est a-
gent par
intellect.*

Il argue aussi mal quant de l'immutabi-
lité de Dieu il veut prouuer l'eternité du
monde. Disant que faire de nouveau le monde
de nostre varieté & inconstance en l'essence de
l'Auteur.

Parce que le tres-haut estant agent par intellect produit, & fait les effects non selon son Estre (Autrement toutes les choses auroient l'essence diuine, & ne pourroit estre immediatement cause des causes, qui ont corps, & sont sans corps) mais selon la loy qu'il s'est prescripte luy-mesme avec son diuin intellect, & laquelle il a promulguee avec son asseuree & constante volonte de toute eternite. Et bien que ce grand Architecte Dieu soit Eternel, non pourtant le monde est-il Eternel, mais neuf : Parce que des son Eternite il se proposa de faire le monde non Eternel mais neuf. Et la raison qui meut Aristote, du mouuement circulaire à considerer l'Eternite du monde est vrayement, ie ne diray point vaine, mais digne de reflexe.

Car qui est celuy qui ne sçait que considerant le mouuement circulaire seulement, quant à sa cause mobile, laquelle se tourne en rond qu'on ne peut donner vne certaine distinction du commencement & de la fin du mouuement? Parce que si vne Sphere se mouue elle se meut toute en vn instant, & finist toute en vn mesme instant, & qu'ainsi à ce mouuement on ne peut donner ny vn certain commencement, ny vne certaine fin.

Ainsi disons-nous d'une meulle de moulin, & d'autres choses qui se tournent en rond. Mais le commencement ou la fin du mouuement ne se doibuent considerer de la chose mobile : mais du moteur, & qu'

206 *Histoire Generale du monde & de la Nature,*
 & qui luy donne le mouuement qui est Dieu,
 lequel dans les secrets de sa sainte Eternité, a-
 uoit ordonné vn temps, auquel les Cieux com-
 mençassent leur cours, dont le commencement
 du mouuemēt circulaire, de cette grāde machi-
 ne celeste, a eu son commencement avec les
 Cieux mesmes, ou à eu sa naissance de l'intelli-
 gence suprême, laquelle aussi tost que cēt vni-
 uers fut créé de ce souuerain maistre. commen-
 ce a desferer sa puissance & tourner en rond a-
 yant à chaque cercle vne intelligence & vn es-
 prit qui le modere & le gouuerne, & encores
 que le mouuement circulaire n'aist de la partie
 du cercle instable & roulant aucun troisieme
 principe, duquel il commence. Il a pourtāt son
 origine du chant & de l'harmonie de l'esprit
 mouuant, lequel ne l'a pas tousiours meu: mais
 seulement depuis vn certain temps, & contre
 l'autre raison qu'il allegue que le Ciel doit estre
 réputé Eternel pour estre l'opinion commune
 de tous les hommes, que c'est la demeure de
 l'Eternel, on respond que cela seroit considera-
 ble si Dieu en auoit de besoing pour sa conser-
 uation, ou pour son habitation. Mais Dieu
 comme nous auons cy-dessus monsté, estant
 vn Ens tres-simple, & en tout necessaire n'a be-
 soin d'aucun monde pour sa retraicte, n'y d'au-
 cune beauté celeste pour son ornement, son
 Essence suprême prenant ses diuins esbats &
 plaisirs de toute Eternité en sa propre beauté,
 bonté, & perfection.

*Refutation
 des raisons
 d'Aristote.*

Et cecy n'est non plus digne de consideration
 que le Ciel ne s'altere, & ne se change iamais,

parce que bien qu'on tire de là que le Ciel soit ingenerable & incorruptible, selon le mouuement fific on n'en peut toutesfois conclurre qu'il ne soit produict de Dieu, par le moyen de la creation.

Et bien que Dieu se dit Acte manquant de puissance, moteur & createur de toutes les choses, il faut toutesfois entendre cecy en deux façons, l'une qui regarde le createur, & l'autre les choses créées. Et si tu regardes les creatures, sans doubte en leur Estre réellement, il y a quelque acte manquant de puissance. Mais en Dieu on ne peut considerer le manque de puissance, sinõ suiuant la determination de sa sainte volonté: & partant faire quelque chose de nouveau n'importe pas quelque varieté, ou nouveauté au Createur, mais seulement en la creature. Pourquoy on dit que ce que Dieu crée de nouveau, c'est pour respect & le bien de la chose créée, & non en sa consideration, auquel on ne peut remarquer aucune nouveauté.

Mesme Aristote ne peut pas soustenir son opinion, par la consideration qu'il fait des intelligences qui sont parfaites par la disposition qu'ils ont de mouuoir les globes, laquelle s'ils n'auoient tousiours exercée, ils seroient imparfaites. Parce que il faut tenir que cette disposition n'est necessaire en Dieu pour sa perfection, & la fin de sa beatitude. Car que, Dieu qui est par soy seul absolument heureux, & à soy seul suffisant se soit voulu constituer vne fin, ou aucune parfaite disposition de beatitude, en aucun mouuement naturel qui ait quelque regard &

*Quand
Dieu crée
quelque
chose de
nouveau
c'est pour le
bien de la
chose créée.*

108 *Histoire Generale du Monde, & de la nature,*
respect aux creatures desquelles il est auteur,
c'est estre trop impie & abominable de la pen-
ser seulement.

Et encores qu'il n'y eust point d'intelligences,
ny de Cieux, ny de terre, ny aucunes des crea-
tures, Dieu pourtant ne laisseroit d'estre aussi
bon, aussi beau, aussi parfaict, comme il est sans
aucune diminution. Et pourquoy le Philosophe
ne considere pas bien, quand il dit qu'il se-
roit meilleur que le monde eust esté tou-
siours, que d'auoir eu quelque commen-
cement. Et luy eust esté plus seant de tenir
le contraire, qu'il est plus à propos que le mon-
de soit faict de nouveau au commencement du
temps. Non parce que le souuerain Architecte,
ne soit tousiours esgallement puissant & suffisant
à creer. Mais parce qu'il repugne à la creature
d'estre Eternelle cōme son createur. Et que con-
cedant l'Eternité du monde, il s'ensuiuroit
beaucoup d'inconueniens, comme nous auons
monstré cy-dessus, & y ayant esté cree pour
tesmoigner la gloire de Dieu ensemble,
sa puissance infinie, la liberté de sa volonté & sa
libre independance des choses créées, sa sainte
Eternité se monstre mieux & plus clairement en
sa nouuelle Architecture. Et cecy suffise pour la
resolution des faulces raisons de ce fameux Phi-
losophe.

*Cemme le monde fut formé de nouueau, il
y a plus de 5565. ans, parce
tout-puissant Archi-
tecte.*

CHAPITRE XI.



E Prophete Dauid à tres-bien
& sainctement dit que le mon-
de parle avec toutes langues, &
que toutes les nations n'ont eu
u'vn estre formé & vn com-
mencement, ce qui se prou-
ue mesme par les elements, nous voyons que la
terre se passe en eau, l'air en feu, & encor l'air en
feu, & ainsi successiuent.

Mais ce changemēt se faict avec le temps, & le
temps est la mesure du mouuement, & ou est le
mouuement & la mesure, il n'y a aucune Eter-
nité. La mer est maintenant tranquille & tout à
l'instant superbe & grosse de flots impetueux,
elle menace le Ciel & la terre, tantost elle est
troublee, des vents, puis appaisée. Les
airs sont tantost tous rouges de fouldres, noircis
de tempestes, & tantost les mignards zephirs s'y
iouent & embellissent les plaines. La Lune gou-
uernante de la mer, maintenant se monstre cō-
me tantost ronde, tantost en autre forme, & avec
sa varieté elle enfle & croist la mer, cause son
flux & son reflux fait croistre par vne vertu se-
crete les bleds & les autres semences de la terre.

Le Soleil grand œil de ce monde, la lampe inextinguible de ce Ciel, tourne son grand cercle en vingt & quatre heures, s'eslongne de nous en hyuer, & n'a point plustost touché le cercle de Capricorne, comme s'il auoit ioinct ces bornes desirez, & qui luy sont prescriptes, il retourne vers nous, & nous amaine l'Esté pouldreux & avec son perpetuel mouuement & lumiere, il esclaire de ces beaux rayons & en dore cét admirable monde, fait meürir & reduit à perfection tous les fruiçts, toutes les creatures viuantes, & non viuantes, & penetrant iusques aux entrailles de la terre, il engendre & affine dans les hautes montagnes tous les metaux, & principalement l'or importune-soif des miserables mortels, son cours distingue les heures & les temps, mais plustost il forme le temps & les mesures. Les Estoilles pareillement font avec le temps leur course limitee & avec le temps encor ils versent sur nous diuerſes influences.

Ce que nous regardons par miracle au Ciel, est conduit de temps, & le temps en son instrumēt, si doncques il est l'instrument, il faut encor aduouër qu'il y a vn maistre par dessus luy qui le met en œuvre, vn esprit qui premier l'a trouué, & vn ſouuerain qui le modere & le gouuerne, si nous liſiõs les memoires des ſiecles paffeſ, nous voyrions que le cult de Dieu, commença premierement en Cain & Abel, leſquels religieuſement ſacrificioient à ſa ſaincte Maieſté, & que Enoch fut le premier, le quel inſtitua le moyen avec lequel on le deuoit inuoyer. Et encor la Religion (ſi le monde n'auoit eu ſon commencement

*Le temps eſt
l'inſtrumēt
de toutes
choſes.*

*Je ne pout
pas que le
Soleil soit
plus loing de
nous l'hyuer
que l'esté.*

ement au temps d'Adam, & fust eternal) seroit bien plus ancienne, & ne s'en trouuerroit de memoire, estant ceste marque demeuree aux hommes, par laquelle plustost qu'une autre, nous sommes differens des autres animaux semblablement regardons les lettres & les caracteres par lesquelles nous escriuons, & faisons parler nos conceptions les vns aux autres, avec tant de commodité de la vie humaine encore ne scauons nous au vray, ceux qui en sont inuen-teurs. Les Caldees furent les premieres trouuees, & l'ancien Philon en rapporte la gloire; au Patriarche Abraham, lesquelles apres se seruiren-t les Chaldeans, les Assyriens, & Phœniciens. Moise depuis donna ces lettres aux Iuifs, lesquelles furent retrouuees d'Esdras, dont il escriuit les liures du vieil testament, vn Linus Calcide porta les lettres de Phœnicie en Grece, l'inuention des Grecques est attribuee à Cadmus fils d'Agenor, au moins de seize que Palamedes augmenta de quatre en la guerre de Troye, & Simō Melichus, d'autant. Il se trouua encore auparavant l'inuention des caracteres vn appelé Ménoua qui trouua le moyen & l'enseigna aux Egyptiens descrire par la figure des animaux leurs conceptions, comme il se voit en la Pyramide.

Ce qui tesmoigne bien que le monde estoit alors bien ieune, & s'il faut ainsi dire en son adolescence, & que ces hommes nouueaux n'auoient encore trouué l'usage si necessaire & si vtile pour la conseruation de la société humaine. Ceste impression d'escrire avec la figure

110 *Histoire Generale du monde & de la Nature,*
des animaux est encore en vſage chez les *Ægyptiens*, iuſques à ce que *Mercur*e luy enſeigna les lettres. *Laſtance* dit que ce *Mercur*e, fut le cinquieſme du nom, auquel ſucceda au *Royaume*, *Vulcan* fils du *Nil*. Nous ſçauons encore qu'une nommee *Licoſtrata* ſurnommee par apres *Carmanta* inuenta les lettres latines, lesquelles n'eſtoient point auparauant elle, & c'eſt vne choſe certaine qu'en ces commencements, & auant l'vſage du papier, les hommes eſcriuoient dans des feuilles de palme, puis en des eſcorces d'arbres, comme d'orme, de freſne, de platane, & d'autres ſemblables qui ont l'eſcorce deſliee en prenant ce petit eſcorce ſubtile qui eſt entre le bois & l'eſcorce de deſſus, apres ils commencerent à eſcrire en des feuilles ſubtiles de plomb & dans des draps de lin, & peintures avec du vernix. Ils n'eſcriuoient point avec des plumes, mais avec de petites cannes, ou tuyaux, d'où eſt venu que la plume dont on eſcrit à preſent, emprunte encore ſon nom, du mot *Calamus*. *Pline* fait encore mention d'un certain papier tres-ſubtil, faits de petits arbres appelez *Papiri*, lesquelſ quant aux rameaux ſont ſemblables aux ioncs & croiſſent prez le riuage du *Nil*, & aupres le fleuve d'*Euphrate* en la *Syrie*. *Marc Varron* aſſeure que le premier papier fait d'eſcorce de ces arbres appelez *Papiri*, fuſt au temps d'*Alexandre le Grand*, quand il fuſt baſtir *Alexandrie*.

Les Anciens encores eſcriuoient en des tablettes de cire fort deliees, ſe ſeruant de certains caracteres. Apres ils trouuerent l'vſage

d'escrire en des peaux de parchemin ; & furent les premiers qui s'en seruient, si nous croyons Varron, ceux de Pergame dont cét vsage print le nom de Pergamina , & est celuy duquel encor a present nous nous seruons & seruirōs pour estre ce papier plus fort & plus durable que n'est point celuy faict de toille & de lin, nouuellement inuenté. Bien est-il vray que celuy de drappeaux est plus commode & de moindre despence , pourquoy maintenant on l'employe davantage. Le viure des hommes estoit du commencement pur & plein de frugalité, bien que peu apres le luxe & la splendeur se soient glisiez dans les maisons des grands Seigneurs. Les Arcades viuoient de glan. Les Tireniens & Argiens de poires . les Atheniens de figues & les autres d'autres choses iusques à ce que Cerēs & Treptolemus, comme feignent les fables trouuerent le grain pour faire le pain, lequel est si agreable & si vniuersel , & partant si le monde & l'espece des hommes estoit eternelle, il ne faudroit estimer qu'en cette eternité de siecles les hommes eussent si lōg-temps languy sans trouuer cét aliment si doux & agreable & si salutaire à la vie humaine, Semblablement nous trouuons que tous les arts & les sciences ont eu vn commencement , & que beaucoup de choses d'importance , depuis peu d'annees en çà se sont retrouuees.

Car nous lisons que du temps d'Orphée & de Linns, les hommes estoient encore tous sauvages, & erroient parmy les forests sans aucuns

112 *Histoire generale du monde & de la nature,*
lumiere de science, ou de vertu, & furent les
premiers lesquels avec humanité & prieres dōu-
ces commencerent à reduire ce peuple ensem-
ble, faire des logettes & maisons, & dōner quel-
que ordre & reigle de viure aux hommes: ce qui
ne nous monstre autre chose sinon que le mon-
de estoit encore en son enfance, & depuis peu
construit, comme nous voyons encore des Em-
pires & des richesses, lesquels en ce premier
temps là consistoient en certains troupeaux de
brebis & d'autres animaux, & pour cette raison
tous les Historiens ont diuisé le monde en six
aages, comme il se voit chez les Hebreux,
ainsi qu'escriit Eusebe & la plus-grande partie
des escriuains anciens, ils tiennent tous que
tout le monde a eu vn commencement, &
que les premieres creatures, qui ont esté mises
font Adam & Eue, & on fait le premier aage
depuis Adam iusques à Noë qui seroient mil six
cens cinquante & six ans, suiuant l'opinion de
Philon, Beda & Girolamus & le commun tes-
moignage de la Bible. Le second suiuant les se-
ptante deux interpretes, Eusebe & les autres Hi-
storien est de deux mille deux cents quarante
& deux ans, & selon saint Augustin de deux
mil deux cents soixante & douze ans. Et suyuant
la suputation du Roy Alphonse d'Espagne deux
mil huit cens quatre-vingts & deux ans. Le se-
cond aage commence depuis Noë, apres qu'il
fut forty hors de l'arche, iusques à la nayssance
d'Abraham, laquelle selon Isidore & Eusebe,
fut de 642. mais les Hebreux le mettent seu-
lement de deux cents quatre-vingts & douze

1. aage.

2. aage.

ans suyuant le calcul de Philon & de Iosephe,
 mais S. Augustin la met de 1072. ans. Le troisiẽ-
 me aage fut depuis la nayssãce d'Abrahã, iusques
 à Dauid second Roy des Hebreux, lequel du- 3. aage.
 ra comme tous s'accordent neuf cens quaran-
 te & deux ans. Le quatriẽsme aage dura de Da- 4. aage.
 uid iusques à la transmigration & captiuité du
 peuple Hebrieu en Babilone qui fut de 485. 5. aage.
 ans. Le cinquiesme aage commença de la tranf-
 migration de Babilone, qui fut quand Nabu-
 chodonosor vint assieger Hierusalem, destruire
 le temple & renuerfer sans dessus dessous cette
 florissante ville & emmena prisonnier le peuple
 de Iudee, iusques à la natiuité de Iesus-Christ,
 nostre Seigneur & dura cinq cens quatre vingts
 neuf ans. Et le septiesmee aage est depuis la ve-
 nuẽ de nostre Seigneur auquel nous viuons,
 & qui est le dernier, parce que apres celuy sera
 la fin du monde, ainsi que nous voirons en son
 lieu. Tellement que depuis la nayssance & le
 berceau du monde, iusques a cette presente an-
 nee mil six cens douze, se sont coullez 5572. ans,
 Encores apprenons-nous par la lecture des bons
 liures, non seulement la diuision du monde, &
 ce qui non estoit habitẽ auparauant le deluge,
 mais encor la structure & nayssance de tous les
 Empires & les plus signalees villes du monde,
 qui n'estoient point & pour en rapporter
 quelques-vnes des principales, Hierusalem
 fut bastie, comme rapporte Iosephe, de Canã,
 lequel estoit Prestre & le grand Sacrifica-
 teur de Dieu, & fut nommẽ Melchisedech,
 qui bastit vn superbe Temple, qui'l appela

114 *Histoire Generale du monde & de la Nature,*
 Salyme. Ceste ville fut premierement remplie
 de ceux de Canan, puis tous les Hebreux si estās
 glissez & assurez leur demeure, mesme les Prin-
 ces de ce peuple estably le chef de l'Empire Da-
 uid en fut chef ayāt chassē de ses murs les Cana-
 neans & les Gebuseans, l'appella Hierusalem,
 Ceste Cité fut eleuee & faicte apres la creation
 du monde 1949. ans, qui fut auparauant la venuē
 de Iesus-Christ 2012. ans. Romme la superbe
 cite du monde, fut bastie par Remus & Romu-
 lus & de quelques Prestres, qui les assistoient &
 desquels ils se seruoient comme de gens-d'ar-
 mes auparauant Iesus-Christ 753. ans, comme
 en font foy, Plutarque, Pline & Corneille Ta-
 cine. Paris ce miracle & l'œil du monde, &
 l'honneur de la France, suyuant le tesmoignage
 de l'historien Carin, rapporte la gloire de ses
 premiers fondements à Paris, qui apres la mise-
 rable destruction de Troye ensemble avec
 Aenee & Francion le fils du Genereux Hector,
 vinrent en Gaule où ils trouuerent la fin de
 leurs miseres, & vn port assurez pour leurs
 longues erreurs. Naples autresfois appelee
 Parthenopé fut bastie par le Roy Diomedes,
 1140. ans, auparauant la venuē de Iesus-Christ,
 Veronne eut son commencement du mesme
 temps, comme Sicardo Euesque de Cremonne.
 Parme Teante son auteur, Crisus Troyen &
 compagnon de Palades, Ancone ville de la
 Marche tire son origine de certains peuples de
 Thessalie nommez Dolophe mil septante cinq
 ans, auparauant Iesus-Christ & apres la crea-
 tion du monde 2886. ans.

Romme.

Paris.

Naples.

Veronne.

Parme.

Ancone.

Treuire fut faicte des Troyens, l'an du monde deux mil huit cens nonante ans. Peruge de Vibius Capitaine des Atheniës l'an du monde deux mil neuf cens ans, en la quatriesme aage. Pise des Grecs qui vnirent de la Cité de Pise en l'Arcadie. Florence des gens-d'armes de Silla, grand Capitaine Romain nonante ans, auant Iesus-Christ, Padouë d'Antenor Troyen ou selon les autres Patauinus l'un du monde, quatre mil huit cens vn, Aquileie vne des premieres Citez qui furent basties dans l'Italie de laquelle à present ne reste que des ruines & des masures, d'un Equilinus Trojen, l'an du monde quatre mil trente huit. Troye ou pour mieux dire Ilion fameuse cité pour auoir esté ses habitans, noyez dedans leur propre sang, & suyuant Homere, la plus notable que le grand œil du Ciel vit & regardera iamais fut bastie par Tite, fils d'Erichion, qui fut fils du Roy d'Arданus, l'an du monde 3843. Thebes a cent portes Busiris, comme escrit Diodorus l'an trois mil sept cens quarante trois. Geneue comme escrit Paul Perugin Historien, renommé & compagnon de Feron l'an trois mil six cens nonante deux. Mitilene Cité de Lesbos, comme veut Eusebe de Xantus Iropien, l'an trois mil six cens octante neuf. Rhodes qui a donné son nom à toute l'isle des Telchiniens & des Cariaciens, comme en faict foy Pomponius l'an 3459. Chartage qui a tant contrecarré la grandeur Romaine, & l'honneur de l'Afrique appelée aujourd'huy Tunis, fut bastie par Didon, comme asseurent Eusebe & Virgile, l'an 4112. & Albe par Siluius en l'an 4176.

- Syracuse.* Siracuse Cité de la Sicille , fut construite par vn certain Archius sous le Promontoire Pachin.
- Nicomede.* Nicomedie ville de l'Asie fut faicte par vn certain Nicomedes , Roy de cette Prouince l'an quatre mil cinq cens quinze. Bisance appelee aujourd'huy Constantinople , & le chef de l'Empire Grec , selon Eusebe fut bastie par Pasifama Roy de Sparte, l'an auant Iesus-Christ six cens soixante trois ans. Oſtie ville maritime sur le Teuere & la mer par Ancus Martius en la mesme annee. Narbonne & Tholoze en France par Tolosus Troyen , & autres compagnons d'Aenee , suyuant Carny l'an du monde, auant Iesus Christ, 328. Comme Magence d'un Magonce Troyen la mesme annee, Antioche & Laodicee, l'une en la Syrie, & l'autre en la Phrygie par Seleucus fils d'Antiochus: Treuere en la Prouince Belgique fut ediffiee du temps d'Abraham , comme atteste Godefroy Historien , l'annee auant Iesus-Christ 1947. La fameuse ville de Venise fut bastie l'an de nostre salut , quatre cens cinquante six, comme raconte Ricobaldus Historien de Ferrare, & peuplee des fuitifs d'Aquilee, de l'Altin, Cõcorde, Bresce, Bergame, Milan, Padouë, Vicenze, & Verõne lesquels a raisõ des troubles & ciuilles combustions se retirerent pour asseurance de leur vie & le repos de leurs fortunes. Vincenzo tire son origine des Gaullois Senonois , comme Veronne, Bresce, & autres Citez , ainsi que tesmoigne l'Historien Polycrate mil cõt & quarante ans, auparauant la venuë de Iesus-Christ, Bergame des soldats de Bremus, l'an auãt Christ 350. comme veulent Iustin, Policrate, & Paulus:

Mantoïie par Manto, fille du deuin Terefias, *Mantouë.*
apres qu'Alexandre eust destruisit Thebes, Plai- *Plaisance.*
sance, par vn certain Placentulus Troyen, ainsi
que veut Prencius Alexandrin, du temps de *Albe.*
Detora, iuge en Israël. Albe cité de Piemont,
comme escrit le mesme Prencius d'vn certain *Turin.*
Troilus Troyen. Turin en la gaule, Cisalpine
de Phaëton, fils du Soleil du temps de Moyse, *Vercelle.*
côme escrit Paul Perugin. Vercelle en la Gaule
Cisalpine, ainsi qu'escrit Sicardus d'vne Tro-
yenne appelée Venus, & de Elicius son fils,
auparauant la ruyne de Troye. Lyon ville de *Lyon.*
France, tesmoing Eusebe, de Plancius disciple
de Ciceron, du temps d'Octaue, Auguste Par- *Parma.*
me, comme dict Sicard d'vn certain compa-
gnon de Pallades du temps des Iuges d'Israël,
& l'apella Chrisopoli, cité doree. Ferrare du *Ferrare.*
temps des Goths, du mesme temps que Venise
& print ce nom du fer, qu'ils bailloient tous les *Rauenne.*
ans pour tribut à l'Eglise de Rauenne Perouse, *Peruse.*
suiuant Varon & Papie historien d'Athenes, au-
parauant la construction de Rome. Alexandrie *Alexandrie.*
par Alexandre le Grand, selon Iustin 320. ans
auparauant Iesus-Christ. Antioche de Syrie,
selon Pline peu apres Alexandrie. Et bref pour
n'estre ennuyeux, il ny a ny ville ny cité au mō-
de de laquelle on n'escruiue, & l'origine, & le
premier autheur. Ce qui preuue clairement
que le monde est nouueau, & que peu à peu il
s'est embelly, & le nōbre de ses villes creu avec
son aage. De plus personne n'ignore, & ce
que toutes les Escritures attestent, & les Au- *Grammaire*
theurs dignes de foy, que la grammaire premier *principales*

*Qui l'en-
seigne à
Rome.*

*La Rétori-
que.
Logique.*

Geometrie.

La Musiq.

Chirurgie.

*La tromp.
La peintu.
Les loix.*

L'art mili.

L'artillerie

*Invention
de l'Impri.*

principe des bonnes lettres, en fin inuentee en Grece par Promethee, & que le premier qui l'aporta & enseigna à Rome, fut vn Crates Milhotes enuoyé par le Roy Altalus au Senat, entre la seconde & la troisieme guerre d'Afrique. Les premiers qui escriuirent de la Rétorique furent Thissias, Corace Siracusin & Gorgias, l'invention de la Logique est attribuee à Cleantes Chrysippus, Dapsita, Eutidemus, & Dionisidorus, Simonides Melitone, trouua avec les Caracteres del'art de la memoire, Euclides la Geometrie, Sapho Lesbria, ou comme les autres escriuent Thersandre, ou Phitœlites la Musique, Serupcion la Medecine, Apis Roy des Ægyptiens la Chirurgie, Noé l'art de nauiger, Mercure la Lire, Archas le Cistre, Baufus le vin, Anaximandre Milesien l'Astrologie, Piseus, & Tyreus la trompette, Cleantes la peinture Rhadamante les loix, Chiron la vertu des herbes, Tharsus l'invention de ceindre les villes de murailles, les Ciclopes de faire les armes & le foudre, Ninus l'art de la guerre, les Aginettes d'imprimer sur Lairain, & depuis deux cens ans ença les Alemands ce second foudre de guerre, le Canon & l'artillerie avec laquelle on iette par terre les villes en terre. En Mayence en Allemagne en l'an 1442. fut trouué l'invention de l'Imprimerie, avec laquelle en peu de temps on a escrit tant de milliers de liures en l'an 1458. vn nommé Corradus Allemand, fut le premier qui l'aporta dans Rome, bien cōme dit Volaterā, que se furent deux freres, & que les premiers liures qui s'y

imprimerent iamais , fut la cité de Dieu de saint Augustin , & les diuines institutions de Lactance firmian. Et en l'an 1499. les Espagnols trouuerent au nouueau monde , comme l'opinion de Lucrece Lactance , & saint Augustin , lesquels disoient qu'il ny auoit point d'Antipodes , qui sont des tesmoins inuincibles , & irreprochables pour contester les opinions erronees d'Aristote : car il n'est pas croyable que quelqu'un entre tant de milliers d'hommes qui ont regné en tant de milliers d'annees , ains en vne eternité , ne les eust peu retrouver , & par necessité & par ornement , ce qui a esté trouué , ie ne diray point depuis quatre mille ans , mais depuis cent ans pour ne dire dix.

*Que ce monde est vnique, & ny en a plus
d'un, & ou se confute l'opinion de ceux
qui ont creu qu'il y en eust plusieurs, ou
se traicte de la reuolution du Ciel appel-
lee des anciens la grande annee.*

CHAPITRE XII.



*Presumptio
temeraire
de l'homme.*

Eritablement l'entendement hu-
main est trop plein de vanité &
de presumption, d'esplucher si
curieusement les choses diuines,
& surnaturelles vouloir mettre le
nez dans les secrets de Dieu, & penser descou-
vrir ce que l'eternel a voulu tenir caché à tout
le monde. Pourquoy ce n'est pas grande mer-
ueille, si comme des seconds Phaëtons, ou des
Imprudens Icares manquant les aisles, & les
plumes de la verité, & la puissance conforme à
nos desirs. Il s'est precipité dans vne mer de
mensonges, & ne sçachant regir le char de ceste
grande & admirable lumiere, il soit tombé
en la disgrâce de Dieu, & foudroyé de ceste
souueraine iustice, est precipité dans le fleue
de la damnation eternelle. Dieu pour ceste rai-
son auoit créé l'homme d'un corps solide & pe-
sant, l'auoit logée en ce bas Hemisphere, luy
auoit desnié les aisles pour se guider en haut.

Quoy ! estoit-ce afin que cest esprit audacieux & volage, enflé d'une ieune fureur, se formast des aisles de cire, & soulagé de son ambition, allast espier dans le Cieux les sages conseils de Dieu, & se fist porter par sa curiosité, ou il n'auoit point ordonné. C'est vrayement vne estrange erreur de vouloir disputer, & vne estrange folie aux mortels, de vouloir combattre avec Dieu. Et toutefois ceste imprudente temerité a esleué au sommet de la gloire la Noblesse du genre humain, & l'excellence de l'entendement que Dieu luy a donné, lequel estant mal regy de nostre liberal arbitre, est cause que Dieu luy donne vn sens reprouué, l'abandonne au mal, & à Satan Prince des tenebres, comme au contraire estant bien gouverné, & se conformant au vouloir de la diuine Majesté, il luy acquiert les delices de Paradis, & vn souuerain bien.

Les anciens Philosophes ausquels c'estoit vne pesante charge, de ne pouuoir rendre raison de toutes choses, se figuroient qu'outre les bornes & les confins de ce grand monde, de ce Ciel spacieux, & de ceste grande terre, il y auoit d'autres lieux & d'autres espaces, sur lesquels on pouuoit planter d'autre monde, s'aduiferent & se resolurent de dire que hors de ce monde il se trouuoit d'autres Cieux & d'autres terres. Anaximandre & Anaxemene tres-anciens Philosophes, ont maintenu ceste opiniõ, & n'ont pas manqué de seconds, comme de Diogene, de Leucippus, de Democrite, & d'Epicure, qui tous ont combatu pour ceste opi-

Espaces imaginaires figurés par les anciens.

*Creance
inepte de la
pluralité
des mondes*

nion. Ils soustenoient qu'outre celuy, il y auoit d'autres mondes infinis. Les vns plus grâds & les autres moindres qu'en aucuns, il y auoit le Soleil & la Lune, qu'en d'autres il ny auoit aucunes planettes, qu'en autres il y auoit plusieurs signes celestes de ceux que nous auons au nostre. Mais que toute-fois ces mondes estoient bien differends des nostres, par ce que les vns croissoient, les vns semoient, les autres estoient sans plantes & sans animaux, & sans habitans. Et encore ce qui est plus digne de risée, ils disoient que ils se corrompoiēt en vieillissant, rompoient leur ordre au toucher, comme si s'estoient des bouteilles de verre. Metrodorus entra en vne telle refuerie, qu'il auoit accoustumé de dire que c'estoit vne pure mocquerie de pēser qu'en ce vague infiny il se trouuast vn monde seul, & comme si vn champ gras & fertile, ne pouuoit porter qu'un espy de bled, ceux-cy pensoient que ces mondes diuers fussent faicts d'atomes, parce que ils auoiēt creué, & auoient soustenu qu'elles estoient les principes de toutes choses, comme nous auons dict cy dessus, que perpetuellement elles se mouuoient par le vague, & vouloient que de leur rencontre fortuit & par hazard, ils se conioignissent ensemble & composassent, non seulement ce monde ou nous demeurons, mais aussi les autres mondes infinis & innombrables, entre lesquels il ny en auoit aucun esgal & semblable l'un à l'autre, & qu'il ne leur manquoit aucune chose pour leur perfection. Et la raison

sur laquelle ils s'apuyoient, estoit qu'ils cōsideroient les atomes de nombre infiny, & vn vague infiny, & que les choses s'engendrassent par la rencontre assemblage & vniment des atomes faict accidentellement, & non d'autre cause efficiente, il estoit de necessité, que comme en ce vague, ou est le monde, le mesme monde a esté engendré, ainsi en vne autre part du vague fut engendré des Atomes ainsi ramassez de hazard vn autre monde, & en vn autre vague vn autre. Et ainsi estans les Atomes infinis, & le vague infiny, se feroient de hazard crée d'autres mondes infinis & infinies causes qui s'engendreroient & corromperoient perpetuellement, & feroient ainsi continuellement sans aucune cause efficiente, extrinse que sans aucun ordre de nature, mais tout par hazard & accidentellement. Ces songes & fantaisies chimeriques furent destruites par des Philosophes plus sages, & vn peu plus heureux & releuez en leurs conceptions, comme de Pitagoras Samien, de Thales Milelien, d'Anaxagoras, de Parmenides, de Melissus, d'Heracite, de Zenon Critique, & apres eux de Platon, & du sçauant disciple Aristote, qui avec de viues & pregnantes raisons ont confuté leur erreur, & montré qu'il estoit impossible qu'il y en eust plus d'vn, qui est celuy ou nous demeurons, desgageans ceste verité de si absurds & redicules inconueniens des choses cy dessus, qui ensuiuroient maintenant si leur opinion estoit vraye de la multiplicité des mondes, comme encor de leurs arguments naturels,

Raison qui les entretient en ceste croyance.

Philosophes qui ont refuté ceste opinion.

124 *Histoire Generale du Monde & de la Nature,*
auec lesquels euidemment se conclud , qu'il ne
peut y auoir plus d'un monde : Et que cela soit
vray, que le monde soit vnique , cela se preuue
de la diffinition , pour estre ce qui contient
toutes les choses , & hors lequel ny en peut a-
uoir aucun : car s'il y en auoit outre iceluy , il
ne les contiendrait en soy toutes. Outre que
si cela estoit vray , ce grand monde vniuersel
ne seroit l'image de ce grand Architecte Dieu,
ne seroit par vn tout : mais vne partie , non vn
parfaict : mais imparfaict. De plus qui voudra
physiquement discourir , il verra qu'il est im-
possible qu'il y en ayt plus d'un. Parce que s'il
y en auoit d'autres , ou ils seroit composez de
mesmes elements que cetuy-cy , ou d'autres
elements d'autre nature & qualite. Si d'elemens
mais seulement de nom , outre que les mondes
d'autre nature ne peuuent estre formez d'au-
tres corps : d'autant qu'il ne peut y auoir plus
de quatre elemens , sçauoir est la terre, l'eau,
l'air, & le feu. Mais s'il y auoit d'autres modes
composez d'elemens, & corps diuers des no-
stres , les elemens seroient en plus grand nombre
qu'ils ne sont : ce qui est impossible. Or qu'ils
ne peuuent estre plus de quatre , cela se preu-
ue parce que il y a seulement quatre mouumens,
& non plus , sçauoir est le mouuement de l'as-
cedant simple , qui est le troisieme : & le mou-
uement du descendant , non simple est le qua-
triesme. Le mouuement de l'ascendant simple,
s'entend des corps simplement legers, qui est le
feu : Le mouuement de l'ascendant , non sim-
ple de l'air : d'autant que bien qu'il tende en
haut,

*Preuue que
le monde est
unique.*

haut, toutefois comparé au mouuement du feu qui est plus leger, il est dit non simple. Le mouuement du descendant simple est de la terre, & le non simple est de l'eau, laquelle bien qu'elle soit graue en comparaizon de l'air comparée encor avec la terre n'est pas pesante simplement. Le mesme encor se prouue par les qualitez lesquelles ne sont plus de quatre, sçauoir est froid, chaud, sec, & humide, lesquelles ne se peuuent en aucune façon conioindre ensemble, sinon en quatre mōyens, sçauoir est le chaud avec le sec, qui forme le feu, le chaud avec l'humide, qui engendre l'air, le froid avec l'humide, qui faict l'eau, & le froid avec le chaud qui imprime la terre. Et ne se peuuent autrement allier pour leurs contrarietez, d'autant mesme qu'ils ne peuuent estre en vn mesme temps en vn corps qui soit froid & chaud, ou qui soit sec & humide. Et les elements ayans deux qualitez, lesquelles ne se pouuant conioindre ensemble que par les quatre moyens cy dessus deduiçts, il faut conclure qu'il n'en peut y auoir que quatre, & par consequent d'autres mondes que de ces quatre elements. Qu'il y aist encor d'autres mondes faicts & composez d'iceux: cela est impossible par ce que comme en ce mōnde il y a des elements qui tendent au centre comme la terre, & qui tendent à la circonference comme le feu. Ainsi faut il dire qu'aux autres mondes, soit en pareil, l'element de la terre qui tende au centre & le feu qui tende à la circonference. Mais si les elements du feu, & de la terre, de tous les

126 *Histoire Generale du Monde & de la Nature,*
mondes sont d'une mesme nature & qualite
ils ne peuuent tendre a plus d'un centre, ny
plus d'une circonference, autrement ne sera
entre les mesmes, mais de diuers, doncques ou
la circonference, ou le milieu de l'autre monde
seroit le propre lieu des elemens, ou le centre
& la circonference de celuy-cy seroit son pro-
pre lieu. Que le propre lieu naturel du feu, &
de la terre soit cette circonference. & ce cen-
tre, cela se comprend aisement de leurs effects;
par ce que si ce centre n'estoit le propre lieu
de la terre, elle ny demeureroit, & iroit au
centre de l'autre monde, & le semblable fe-
roit le feu, qui partant de sa circonference en
iroit chercher en l'autre, si doncques il y auoit
d'autres mondes la terre d'iceux viendrait
chercher le centre, & leur feu la circonfere-
nce du nostre, & ainsi il ny auroit qu'un
monde: mais que les elemens se promenassent
d'un monde en l'autre il seroit impossible,
par ce que partant la terre du centre de l'au-
tre monde pour venir vers le centre de celle
cy elle monteroit vers la circonference, ce qui
seroit contre son propre mouuement natu-
rel, & semblablement le feu descendroit
contre sa circonference, & contre sa pro-
pre nature, ce qui est impossible, ne pou-
uant un element estre & leger & pesant, tout
en un mesme temps. Doncques estant un seul
centre auquel tendent les choses graues, &
une seule circonference a laquelle montent
les choses legeres, & ne se trouuans en la
nature ny pouuans trouuer plus de quatre

elemens d'une mesme nature & qualité, con-
 cluant, il faut dire qu'il ny a qu'un monde, &
 que di en y auoir plus d'un il est impossible,
 mesme pour vn autre raison : par ce qu'estant
 le monde tout ce qui est enuironné de cet-
 te derniere circonference, il est de necessité
 qu'il soit faict & composé de tous les corps
 sensibles & naturels, & par consequent que
 hors cette circonference, il ny a point d'au-
 tres corps, par ce que s'il y en auoit ils ne fe-
 roient en leur propre lieu naturel, qui est la
 circonference & le centre, & ne se mouue-
 roient avec vn mouuement naturel, duquel il
 ny a plus de trois sortes, circulaire comme du
 Ciel & de l'ascendant, & descendant comme
 des elemens lesquels mouuemens ne peuent
 estre hors de la circonference. Ne pouuant
 doncques aucun corps estre hors d'icelle,
 moins peut il estre hors du lieu, par ce que
 s'il y en auoit il seroit vuide, & ainsi il seroit
 faict en vain par la nature, ce qui ne se peut
 dire ne faisant rien en vain, comme l'asseure
 le mesme Aristote. Il ny a donc pas plusieurs
 mondes : mais vn seul, & parfaict, cree de Dieu
 tout puissant, hors lequel il ny a ny lieu ny
 temps ny vuide de lieu, il n'en peut estre d'au-
 tant qu'il ny a point de corps, & ny ayant
 point de corps il ny a point de mouue-
 ment, & ny ayant point de mouue-
 ment il ny a point de temps qui mesure le mou-
 uement. Mais veux tu curieux sçauoir qu'el-
 le chose est hors le monde, ie te le diray.

*Vn corps ne
 peut estre
 hors de la
 circonférence.*

*Aucuns
ont dit que
le monde
fut rebasty
apres le
Deluge.*

Ce qui est hors de la circonference extremes du monde n'est en aucun lieu, & n'en a besoing: & pour ce le temps ne peut vieillir, ny changer, il n'est sujet aux alterations estant impassible & eternal, ayant de soy meisme vne vie tres suffisante & tres excelente, sans commencement & sans fin, & de soy seul dependant, & duquel dependant deriuant sont crees & maintenues toutes les choses, & celuy n'est autre que Dieu immortel, inuisible, infini & tout puissant. Il y en a toutefois qui ne s'accordent avec l'opinion de ces Peres, Aristote maintient cette grande machine du monde eternelle, come si iamais elle ne deuoit finir, & certains Astrologues & Mathematiciens ont soutenu du contraire, asseurant que bien que le monde soit vnique, si est ce qu'encor auparauant cetuy-cy il y en auoit vn autre, lequel ayant este destruit par le deluge general, a este restably de nouueau apres vn certain temps, & disoient que cecy s'estoit faict par plusieurs fois, & encor peut arriuer, & la raison qu'ils en alleguent estoit que les corps celestes avec leurs mouuemens, la lumiere, les diuers aspects, & les diuers aspects & les diuerses dispositions qui se trouuent de temps en temps en sont la cause asseuree & indubile, disans que comme les conionctions caelestes ou les esprits des Estoilles peuuent estre causes de la pluye aucunes de secheresse & d'embrasemens aucunes de peste & autres, d'autres accidens qui suruiennent en ce monde, que aussi de melmes dispositions & conionctions autant ou plus puissant.

res peuuent donner; tant de force à l'element du feu qu'il brusle & consomme quasi tout le monde, ce qu'ils ont appellé embrasement. Et au contraire que d'autres effectz peuuent causer tant de pluye, qu'enflans l'element de l'eau par ses desbordemens, il submerge vne grande partie de la terre: ce qu'ils ont appellé deluge. Et pour esuiter cet esceuil de la nouuelle creation de l'homme, ils disoient que quant il arriuoit vn de ces deux notables accidens, le feu n'exerçoit sa furie & la tyrannie, ny l'eau ne noyoit toute la terre: mais vne partie seulement l'autre estant conseruee par la faueur des montagnes, ny pour estre proches des eaux, & qu'ainsi s'estoiēt exemples quelques peu d'hommes, par hazard & du deluge, & de l'embrasement qui auoient couru & gaité toute la terre, lesquels l'ont repeuplee peu a peu & produit d'autres generations, demourans dans les grottes des cauernes, & les bois sans fraude, sans tromperie & sans aucune malice, en vne simplicité rustique & pureté, ramenans ce bel aage doré, tant chanté par les Poetes. Et que peu apres ramenans en leurs memoires tant de choses admirables & pleines d'estonnemens qu'ils auoient veuës, & particulierement du Ciel qui reluisoit de tant de lumieres qui continuoient tousiours vne mesme course, emportez d'vn nouveau desir de sçauoir & de cognoistre ces choses, ils commencerent à rechercher plus curieusement que la rudesse & ignorance de cet aage naissant ne deueroit: les raisons maintenant de cecy, & maintenant de cela. Et ce qui

130 *Histoire generale du monde & de la Nature,*
 leur estoit luccedé heureusement croissant leur
 malice comme leur aage, ils l'imprimoient en
 leur memoire, & en faisoient profit, & ainsi
 ils saugmenterent, & en science, & en experiē-
 ce, aydés mesme en cecy de ce qu'ils auoiēt ap-
 prins de leurs Peres, leu dās leurs antiques me-
 moires, d'oū ils prindrent occasion de scauoir
 de nouuelles choses de main en main. Mais
 pourtant quel tēps s'est escoulé d'un ambrase-
 mēt ou bien de ligne a l'autre, il ny a rien de de-
 terminé, ny rien d'aileuré entr'eux, par ce que
 les vns interposllēt soixāte & dix sept mil ans sol-
 laires, les autres retranchent ce temps a quarā-
 tante & neuf mil, les autres a trente & six mil: &
 les autres seulement a quinze mil. Et en cecy
 seulement ils s'accordent qu'il est de necessité
 que l'assiete du Ciel & des estoilles, en la grande
 annee se retrouuent au mesme point & que ces
 eternelles lumieres soient au mesme aspect
 qu'ils estoient du temps du deluge, Censorin
 apres Macrobe parlant de ce grand an dit ainsi.
Mundani ergo anni finis est, cum stella omnes om-
niague sidera à certo loco ad eundem locum ita remea-
uerint, ut ne vna quidem cœli stella in alio loco sit
quam in quo finit, cum omnes alie ex eo loco mota
sunt, ad quem reuersa: anno suo finem dedere: Ita ut
luminaria quoque cum erraticis quique in iisdem lo-
cis, & partibus sint, in quibus incipiente mundano
anno fuerunt. Cicron dit le mesme en termes
plus succins. Annus perfectus, & absolutus perfecto
numero temporis tum completur: denique cum se octo
ambitus cōfectis sui cursibus ad idē caput retulerint
ēque cū permōsus est idem, & semper sui similis orbis.

*Nōbra des
 annes &
 la duree des
 monde selō
 les ancies.*

Et la folie de ceux cy se descouure, d'autāt plus qu'aucuns ont diulgué & conclud que quelque chose, & quelque actiō que ce soit, qui se trouuent icy bas qu'infinites fois, auparavant elles ont esté faictes, & veues au monde, & autant de fois se pourront elles encor retrouver tant substantielles qu'accidentelles, veu mesme que tout accident procede de quelque cause vraye, bien que la plus grande partie d'icelles soient occultes & cachees. Dont selon l'opiniō de ceux cy tous les hōmes qui vivent aujourdhuy ont vescu aux mōdes passez, & voyrōt encor les mōdes auenir auront les mesmes nons, furnons, parēs, patrie, effects, cōpagnie, richesse, pauvreté, misere, & calamité qui se trouue encor a present: car ils ne pouuoiet cōme-bien donner a entendre qu'en tāt d'années d'eust finir le mōde s'ils n'e alleguoiet encor quelque raisō, & ayāt posé pour maximes asseurées le cours du ciel & l'aspect des estoilles, comme causes premieres vrayes & immediates de l'operatiō d'iceluy & qui apres leur course ils en recommenceroiet vne seconde, il leur estoit encor besoing d'asseurer que faisant le ciel ces mesmes voyages qu'il faisoit auparavant le deluge il feroit les mesmes effects qu'il auoit desia faits, & feroit encor aux mondes a venir. Tellemēt que moy qui suis aujourdhuy a Seuille aagé de 67. ans en l'an 1605. escriuant ce liure, ie l'ay escrit desia aux siecles passez, & suis ecor pour lecrire aux mōdes a venir, en l'aage, & en la mesme maison que ie me trouue a presēt, & en la mesme année. Tous ou a plus part des anciens Philosophes ont esté

Contes ridicules & vaines opinions des anciens.

132 *Histoire Generale du Monde, & de la nature,*
 de cette opinion, & particulièrement Platon
 lequel disoit qu'il y auoit desia quinze mil ans
 qu'il auoit tenu la mesme academie qu'il faisoit
 à present, qu'apres quinze autre mil ans il se-
 roit pour la tenir derechef avec les mesmes es-
 coliers, & aux mesmes escoles ou ils estoient à
 present. S. Augustin rapporte cette creance de
 Platon, & en fait mention au liure douzieme
 de la Cité de Dieu. *Plato Philosophus, dit il In vr-
 be Atheniensi, in ea scola, qua academia dicta est, dis-
 cipulos docuit ita per innumerabilia retro secula mul-
 tum prolixis, quidem intervallis, sed tamen certis, &
 idem Plato, & eadem ciuitas, eademque scola, iidemque
 discipuli repetiti, & per innumerabilia deinde secula
 & repetendi sint. Absit inquam vt nos ista credamus,*
 &c. Cette opinion fut siflée & reprouuée dans
 l'escolle des Peripateticiens, & Aristote en par-
 ticulier montra que c'estoit vne pure folie, par
 ce que bien qu'il confessast que les causes tres
 principales & tres vniuerselles des choses sont
 tousiours les mesmes, neantmoins qu'à descen-
 dre de cause en cause, & qu'arriuant aux der-
 niers effects de ce bas monde il mōstroit qu'el-
 les se venoient a perdre par la necessité mesme
 des premieres causes, & pour partici-
 per de la contingence des derniers effects, les-
 quels apres leur corruption ne pouuoient ia-
 mais retourner de la priuation à l'habitude non
 plus que tous les indiuidus d'une condition pe-
 rissable qui n'ont que faire de retour. Outre
 que l'autre raison qu'ils ont alleguée des arts,
 & des sciences inuentées apres le general em-
 brasement & deluge ne merite aucune respon-

S. Aug. in.
 12 de la
 Cité de
 Dieu.

Tout ceuy
 fut refute
 par les Pe-
 ripateticiens

ce pour estre trop grossiere & sans apparence. Car ils ne presupolent que les hommes qui de hasard se sont garātis du deluge estoient agrez sans experience, sans liures, & sans memoires de leurs ayeulx. Et les feignent tout au contraire de ce que peut estre il estoient: mais ceux qui ont eicrit apres eux, ayant le cerueau mieux timbré recongnurent que tous ces discours n'estoient que fables, & que des fantaisies chimeriques, sans apparence de verité, comme aussi ils s'en mocquerent, mesmes les sages sectateurs de la loy de Moyse, disant que cestoit vne aparente folie de croire que le monde fust gouverné du cours du ciel, & non de la volonté Diuine.

De l'estrange opinion des Cabalistes & d'Origenes, touchant ce que doit durer ce grand monde, & de la restauration, ou il se montre que cest que la caballe, avec aucuns notables memoires tres anciens des temps des Chaldeans, & Egiptiens.

CHAPITRE XIII.

*Les Rab-
bins condā
noient ceux
qui faisoient
profession
de sçauoir
les faicts de
Dieu, auāt
la creation
du monde.*



Es anciens Rabins, comme, Eleazar, Moyse d'Egypte, Sinon Ismael, Iodan, Nachinan, & plusieurs autres ne voulurent pas estre reputez moins sages que ces anciens Philosophes, & comme ils condamnerent ceux qui faisoient profession de sçauoir les faicts de Dieu, auparavant la creation de ce monde, par le moyen de leur science Astrologicque & Philosophie, ils se voulurent pareillement paroistre avec vne nouvelle opinion, & se donner bruit par laquelle ils se vantoient de cognoistre par vne science toute diuine, les actions de cette souueraine eternité, ils nommerent cette science occulte en langue Hebraique, caballe qui vaut autant que tradition, parce que elle ne s'escriuoit: mais elle saprenoit de bouche à bouche, & la re-

*Caballe, Science oc-
culte.*

ceuoient l'un de l'autre. Ceux-cy disoient
qu'elle prenoit son origine de Moyse, laquel-
le Dieu luy donna en la montagne, outre la
loy escrite en cinq liures, avec vn comman-
dement exprez qu'il ne l'escruiut pas: mais qu'il
la communiquast seullemēt à 70. sages esleuz
par luy pour garder cette loy, lesquels pareille-
ment ne la pourroient escrire: mais l'apprendre
seulement de bouche a autres 90, qui leur suc-
cederoient à ce mesme office, & ainsi de poste-
rité en posterité, lequel ordre ils garderent tou-
siours inuiolable iusques apres la captiuité du
peuple Hebrieu, qui fut mené en Babilone
qu'Esdras par vn autre commandement de
Dieu la fist escrire en 7. liures, qui toutefois
ne pounoient estre leuz, sinon des Sages a ce
deputees amenant pour tesmoignage de ce-
ley la voix de Dieu qui parloit à Esdras en ceste
sorte. *Reuelans reuelatus sum super rubum, & locu-*
tus sum Moyse quando populus meus seruiabat in A-
egypto, & adduxi eum super monte sina, & detinebam
apud eum diebus multis & enarraui & mirabilia
multa, & ostendi ei temporum secreta & finem, &
præcepit ei dicens: hæc in palam facies verba, & hæc
abscondes. C'est a dire, en me manifestant ie me
fuis montré sur le buisson, & ay parlé à Moise
quant mon peuple seruoit en Egipte & l'ay
conduit en la montagne, & le retenant avec
moy beaucoup de iours, ie luy racontois beau-
coup de choses admirables & luy ay montré
la fin & les secrets des temps, & luy ay com-
mandé, disant. Tu publiaras icy ces parolles
à mon peuple, & leur celleras celles cy

Elle se bail-
loit par tra-
dition.

80 *Histoire Generale du Monde, & de la Nature,*
& au mesme lieu exactis 40. diebus locutus
est altissimus dicens Priora qua scriptisti in palam
pone, legant digni & indigni: Nouissimos autem 70.
libros conseruabis, & trades eos sapientibus de
populo tuo. In his enim est uena intellectus, & sapien-
tia fons & sapientie flumen, & feci sic. C'est a
dire quarante iours s'estant escoulez, le tres-
haut luy parla disant. mets en public les pre-
mieres choses que tu as escrites, qu'indiferam-
ment les dignes & les indignes les lisent: mais
garde & conserue les 70. liures derniers, pour
les bailler aux tres-sages d'entre ton peuple:
car il y a dedans iceux la veine de entendement,
la fontaine de sagesse, & le fleuve de science, &
j'ay faict ainsi.

f Or ceux-cy par le moyen de cette caballe se
vantoient que la maoelle & le pur sens de la
loy de Moyse, & les diuins secrets du tres-haut
leur auoient esté reuelez, de laquelle ils auoient
apris que Dieu par vne continue succession
cree vne infinité de mondes, que quant il luy
plaist il les ruine, sçauoir est de ce bas monde
elementaire de la Lune, de sept mil en sept mil
ans, & le monde celeste de quarante neuf mil
en quarante neuf mil ans, disant dauantage que
de sept mil ans, le chaos en six mil, se diuisoit en
quatre elemens, qui produisoient & engen-
droient tousiours de nouuelles choses, & les
six mil ans finis il les rassembloit en soy toutes
& au septiesme an il se reposoit, & que durant
ce loisir, & cet interualle de mil ans le chaos
conceuoit de nouveau vn autre monde pour
autres six mil ans, & qu'ainsi il a faict & fera

tousiours de monde en monde , iusques a ce
 qu'il l'aist renouuelé sept fois, & sont paruenus
 a quarante neuf mil ans , apres lesquels le Ciel
 se dissoudra au cinquante milliesme an & re-
 tourneront toutes choses en leur chaos, & pre-
 miere matiere , que Dieu alors vnira tous les
 esprits heureux, laissera reposer pour quelque
 temps cette lourde masse en sa confusion, &
 peu apres renouelant ce grand monde , il fera
 avec la grande sagesse, & puissance infinie, vn
 monde plus beau & plus plaisant, pourquoy
 ils disoient qu'il ne faut point faire de mention
 de la creation des Anges , en la creation du
 monde , pour montrer qu'ils estoient demeu-
 rez immortels en la creation du precedent. Et
 que cela ne soit suyuant leur opinion, le sage
 Salomon 3. de sa sapiëce surprise la matiere con-
 fuse auparauant la creation . & en vn autre
 lieu il dit, *Nil sub sole nouum*. Et pour montrer
 que cette moëlle estoit tiree de dessous l'ecor-
 ce & des parolles de la loy escrite de Moysé
 ils disoient que par les six iours de la creation
 s'entendoient ses six mil ans, que doit durer le
 monde , & par le septiesme iour, auquel il se
 reposa , le septiesme mil an , auquel le monde
 destruiët, retourne en lantique chaos reste-
 ra oisif, ce que mesme ils auoient appris de la
 doctrine de Dauid qui disoit que mille ans ne
 sont qu'un iour en la presënce de Dieu.
 Ils disoient encor que les sept sepmaines du
 iour que les Hebreux sortirent d'Egypte qui
 sont quarante & neuf iours, sont les sept re-

138 *Histoire Generale du Monde & de la Nature,*
uolutions du monde inferieur en quarante &
neuf mil ans, & le cinquantesme iour du sa-
crifice solemnel, lequel Dieu commanda
qu'on appellast tres-sainte, & tres renomme est
la destruction, & la nouvelle communication
de tout l'vniuersel. Pareillement ou l'eternel
commande qu'apres sept fois sept annees qui
sont quarante & neuf, la cinquantesme soit
l'an Iubile. Ils disoient que cela signifioit les
cinquante mil ans, apres, lesquels Dieu ayant
destruict le monde, le renouellera ainsi beau
& celeste, comme l'inferieur. Pourquoi l'es-
criture dit qu'en cette annce doit estre le par-
fait repos de toutes les choses, que tout esclau
sera mis en liberte, toutes obligations se-
ront dissolues & acquittees, la terre ne sera plus
ouuerte du contre tranchant, les fructs seront
communs & les possessions, quelques accords
& possessions qui auront este faictes retourne-
ront a leur premier maistre & possesseur, par
ce que c'est l'an du iubile. *Sanctificabisque annum*
quingagesimum, & vocabis remissionem cunctis
habitoribus terrae tuae, ipse est enim iubilus, reuer-
tetur homo ad possessionem suam, & unusquisque re-
diet ad familiam pristinam, quia iubilus est, & quin-
quagesimus annus. Et la cause principale qui les
entretenoit en la creance que le monde dure
si long temps outre les autres raisons deduit-
tes cy dessus estoit la grande liberte que vn
chacun de ces anciens peuples se donnoit des-
crire des annees, & des siecles escoulés par ce
que chasque nation voulant estre repute plus
antique, plus noble & plus fameuse que les au-

très s'efforceroit d'esleuer son origine & la rapporter à vn nombre infini d'annees Platon rapportoit d'un certain Prestre Ægyptien qui disoit que ses concitoyens se vantoient de trouuer en leurs archiues. Ce qui auoit esté faict en la Cité de Saide depuis huiët mil annees, Eudoxus dit que Zozastre fut six mil ans auant Platon, Ermippus vanet qu'il regna cinquante mil ans auant la guerre de Troye. Les Caldeans comme tesmoigne Ciceron se vantoient d'auoir dās les monuments publics les memoires de ce qui s'estoit faict de memorable depuis quatre cēs septante mil ans Diodorus Siculus rapporte des mesmes qu'ils disoient auoir trouué des enseignemens de quatre cens trois mil ans iusques au temps d'Alexandre le Grand, Vulcan, si nous croyons Laertius, fut fils du Nil, & dit le mesme authœur que de Vulcan à Alexandre le Grand se font escoulez quatre cens huiët mil huiët cens soixante & trois ans, & outre il cōteyne chose remarquable qu'ils trouuent dans leurs registres anciens, que durant tant de temps se sont veues 373. éclipses de Soleil, & de la Lune 832. Mela dit vn autre mensonge toutrefois vn peu plus modeste, c'est que ce mesme peuple se glorified'auoir eu auparauant Amasis 330. Roys, & que suiuant leurs Chroniques seroiēt passez plus de treize mil ās, disāt de plus que depuis leur cōmēcemēt les estoilles ont faict & accōpli quatre courses, & que le Soleil deux fois du depuis est renay en Occidēt où tous les soirs il se vient coucher faisant son cours dernier, tout opposite & cōtraire a l'autre. Ils disoient encor, rapporte Diodore, qu'entre

104 *Histoire generale du monde & de la Nature,*
Osiris & Isis, & Alexandre le Grand, qui ba-
tist Alexandre en leurs pays, s'estoient escoulez
dix mil ans, autres on dict veingt & trois mille.
Les autres ont feint, que les Dieux & les hau-
tes òt regné en l'egypte vn peu moins que huit
mille ans, & que le dernier d'iceux fut Ochus,
qui chassa Isis, & s'empara de son Royaume, &
en deuint Seigneur, & qu'apres les Dieux & les
Heros, les hommes y regnerent vn peu moins
de quinze mil ans, qui finirent à la cent quatre
vingtiesme Olympiade des Grecs, auquel tēps
commença à regner Ptolomee premier. Et bref
la hardiēse de Eyptiens & des Chaldeens est
incroyable à d'escrire leur antiquité, ce qui
n'occasionne pas peu d'erreurs, & peu de dou-
tes aux hommes, qui ont escrit du commence-
ment du monde. Origenes entra en la mesme
frenesie, lequel estimoit qu'auparauant la crea-
tion du monde, il y en auoit eu vn autre, &
qu'apres cestuy-cy succederait vn autre, &
ainsi de main en main, avec vn ordre & circuit
eternel, veux-tu dict-il, sçauoir & cognoistre
qu'apres la fin de ce monde, il y en aura vn au-
tre? Escoute Esaye, criant, il y a ira vn Ciel
nouveau, & vne terre nouvelle, que ie feray
demeurer deuant ma face. Veux-tu sçauoir
qu'auparauant la naissance de cestuy-cy, il y en
auoit eu vn autre? Escoute l'Ecclesiaste qui
l'enseigne, disant, qui est-ce qui a esté? Ce qui
sera: & qui est-ce qui a esté faict? ce qui sera
faict: & n'y a rien dessous le Ciel qui parle &
qui die, cecy est nouveau. Car les choses que
nous auons veuës se sont escoulées dès les sie-
cles

elles passez. Ce sont les paroles, *Nobis autem placet & ante hunc alium fuisse mundum, & post istum alium futurum. Vis discere quod post corruptionem huius mundi alius sit futurus? Audi Esaiam loquentem Erit cœlum nouum & terram nouam qua ego facio permanere in conspectu meo. Vis nosse quod ante fabricam huius mundi in præterito fuerit? Ausculla Ecclesiastem, quid est quod fuit? ipsum quod erit: & quod factum est? ipsum quod futurum est. Et non est omne nouum sub sole quod loquatut & dicat. Ecce hoc nouum est, ea enim fuit in seculis pristinis qua fuerunt ante nos.* Ceste opinion de la succession des mondes, bien qu'elle tranche l'opiniõ de ceux qui se moquoient au Concile de Nice des autres Euesques, disants que c'estoit vne chose bien estrange & difficile, de croire que Dieu apres quelques centeines milliers d'années, sçauoir est, vne eternité infinie, se fust aduisé de faire ce monde depuis si peu d'années, pour le reduire en vn rien tout aussi tost, toutesfois il semble que les Theologiens ont decidé le contraire, sçauoir est, qu'il ny en a eu qu'un seul dès le commencement du temps, qui est celuy où nous respirons à present, & qu'il y a eu vn seul premier Pere, qui est Adam, & vne seule premiere mere, qui est Eue, desquels no^r sommes tous procedez, ce qui s'accorde avec le texte formel de la sainte Escriture, laquelle dict *In principio creauit Deus cœlum & terram:* c'est à dire que Dieu crea au commencement la forme & la matiere de rien, & ceste opinion est la plus seure. Car d'alleguer la multiplicité des mondes, c'est vouloir entrer en conte avec

142 *Histoire Generale du Monde & de la nature,*
Dieu, rechercher trop auant ses secrets, & en particulier la cognoissance des temps qu'il n'a iamais voulu reueler, & de cecy se voyēt beaucoup d'exemples aux saintes lettres, & dés auparauant la venuë du Messie, laquelle il n'a iamais voulu faire cognoistre aux anciës Patriarches & Prophetes, bien qu'eux avec leurs larmes & souspirs, & d'une deuotieuse affection ils la luy demandassent : Or pareillement après sa venuë, Iesus-Christ ne voulut iamais reueler à ses disciples le iour de la fin du monde, & quand il deuoit venir iuger les viuants & les morts, biē qu'ils desirassent & missent toute peine de le sçauoir, luy disants ainsi, *dic Nobis Domine quando hac erunt, & quod signum aduentus tui, & consummationis seculi ?* Et pour leur montrer que ce qu'ils demandoient estoit vn des secrets de l'eternelle sapience, il respondit que les creatures, ny les Anges du Ciel n'en pouuoient sçauoir, ny le iour, ny l'heure : mais seulement son pere, *de die autem illa & hora nemo fit neque angeli cœlorum nisi solus pater.* Et par ainsi il reprit sa resurrections Apostres, qui luy demendoient si en quelque endroit il deuoit reſtablir le Royaume d'Israël, leur disant que c'estoit a son pere seul, & à luy ausquels estoit reſeruée la cognoissance des tēps. *Non est vestrum (dit-il) nosse tempora vel momenta, quæ pater posuit in sua potestate.* Pourquoy i'estime qu'il est plus seur de ne vouloir point penetrer si auant dans les choses si occultes, mais tesmoigner nostre humilité, laquelle agréee beaucoup plus à Dieu, que la curieuse arrogance de l'entendement humain.

Fin du premier Livre.

HISTOIRE
GENERALE
 DV MONDE, ET DE LA
 NATURE.

*Ou Traictez Theologiques de la Fabrique, composition
 & conduicte generale de l'Vniuers.*

LIVRE SECOND.

*Des Esprits celestes ou Angeliques, de leur nature, es-
 sence & proprieté, & de leurs qualitez conue-
 nables avec les Cieux.*

*De l'opinion des Saduceens, des Epicuriens, & Peri-
 pateticiens anciens, qu'il ny auoit point d'espris
 ny d'Ange.*

CHAPITRE I.

SPLVCHANT maintenāt en par-
 ticulier les belles prospectiues de
 ce grand monde, nous pren-
 drons la prospectiue surceleste, la-
 quelle contient Dieu & toutes les
 natures intelligibles. Et par ce que nous auons
 assez discouru de l'essence, & du nom de cest e-
 ternel ouurier, laissant quelques choses qui
 particulièrement concernent la sainte Trinite,
 de laquelle nous traicterons en la troiesme

244 *Histoire Generale du Monde & de la nature,*
prospectiue, au discours que nous ferons de Ie-
sus-Christ, vray Dieu & homme. Passons dōc
à la matiere de la substance spirituelle, touchāt
laquelle, sçauoir s'il y en a eu, ou s'il ny en a
pas eu. Les anciens n'en ont pas beaucoup dis-
puté, parce que de l'essence des esprits on tire
vne consequence necessaire & indubitée, que
nos ames viuent apres la despouille mortelle de
leurs corps, comme ce seroit vn argument in-
faillible qu'elles mouroient & finiroient avec
le corps, si on concedoit les esprits: Toutes les
nations du monde, tous les sages de l'antiquité,
& toutes les loix tiennent pour uerité, qu'il y a
des Anges & des substāces spirituelles séparées
des corps, comme encore Platon fut de ceste
opinion, avec toute l'escole des Stoiques. Les
Epicuriens, les Saduceens & Peripateticiens,
furent de contraire aduis, bien qu'Aristote n'ait
iamais voulu disputer de telle matiere: Car e-
stant accort & iudicieux, & ayant escrit tant de
liures pleins de tant de doctrine, avec tant de
gloire & de loüange, il ne se voulut mettre à la
risque & au hazard d'encourir quelque disgrā-
ce; d'autant que s'il eust tenu qu'il y eust eu des
esprits, & n'ayant peut estre des arguments as-
sez forts, ny des demonstrations assez cleres, se-
lon la philosophie, pour les prouuer il eust esté
mocqué & sifflé de ses disciples, & eust perdu
le nom de sage qu'il s'estoit acquis, avec tant de
peines & de labeurs: & au contraire, s'il eust
absolument contredit aux opinions de ceux qui
tenoient qu'il y auoit des esprits, il eust taré
immédiatement Platon, lequel alors estoit en
grand credit, pour ses merites & sa doctrine

admirable, & particulièrement pour auoir introduit l'opinion des esprits, & de plus il eust eu a combattre toutes les loix du monde, tous les prestres, toutes les religions, & ceux qui portoient reuerence aux coses sacrées, & eust pouru le hazard d'estre estimé comme vn impie, & reputé pour irreligieux par la troupe du Peuple. Les raisons par lesquelles ceux-cy nioient l'essence des esprits furent diuerſes, & la Premiere fut par ce qu'ils disient que s'il y auoit des esprits, il faudroit qu'ils eussent vne ame, & les membres d'icelle pour l'usage d'icelle, ce qui ne pourroit estre sans vn element plus solide, qui les vniſt & assemblast ensemble, comme l'eau & la terre, ce que estant, ce seroient des animaux visibles comme les autres. D'auantage il s'imaginoient, que s'il y auoit des esprits, il seroit de besoin qu'ils fussent en grand nombre: Et si ce sont les esprits, lesquels sont causes des terreurs nocturnes, des visions terribles & effroyables, des effets prodigieux, & quasi miraculeux, toute la plus grande partie du monde estant pleine d'iceux, on ne verroit autres choses que larmes, fantosmes espouuētables, des visions menaçantes, des effects subits, des accidens ausquels on ne pourroit pouruoir contre le propre cours de la nature, en tout lieu en tout tēps. Ce qui toutefois se voit fort raremēt. Et quand ainsi seroit qu'ils ariue-roient là, cela se deuroit plustost raporter aux causes naturelles & occultes, plustost qu'aux autres, desquelles ne sçachāt rendre aucune raison, nous réplissons d'estonnement & de mer-

146 *Histoire Generale du Monde & de la nature,*
uerueille, car si on entend le moindre bruiet à
la maison, il peut estre causé d'une souris, d'un
chat, d'un chien, peut estre d'une paroy, de la
poutre, ou d'un soliveau, qui craquette, & qui
se retire, ou se mouue : à raison de la trop grande
secheresse, ou trop grande humidité, ou peut
estre un vent qui souffle, & remuant quelque
chose que nous ne voyons point, nous fait perdre
le cœur, nous blanchist le visage de crainte, &
la fait chager de couleur : ou s'il se voit une lu-
miere, ou autre chose semblable, elle peut estre
causée de la lampe du Ciel, ou de l'inuentio des
Matematiciens, lesquels par les moyens naturels
ont accoustumé de montrer des choses à ceux
qui ne scauent que c'est de ceste science, qu'ils
estiment estre des miracles, obseruant le lieu, le
temps, & les constellations, come en particulier
ceux qui font profession de la magie au temps du
decours de la Lune: Et ces hommes mal comple-
xionnez endurent beaucoup du cerueau, pour-
quoy ils sont reputez pour lunatiques. Et ceux-
cy font courre le bruiet, que ce sont operations
d'esprit, & pour obtenir la fin de leurs iniustes
desirs. Les Saduceens fondoient leur opinion sur
la sainte escriture, en laquelle il n'est fait aucu-
ne mention de la creation des esprits, bien que
on y voye la creation du Ciel, de la terre des ani-
maux, des hommes, & de toutes les autres cho-
ses: que si encore les esprits & les Anges auoient
esté faits par la main toute puissante de Dieu, il
faudroit croire que le grand Legislatteur moïse,
qui parloit bouche à bouche avec Dieu, en eust
apris quelque chose, & n'eust oublié d'en faire
mention en la description de la creation du monde.

de, comme vne chose des plus nobles & des plus hautes, & biē que quelques vns eussent cōcedé, qu'il y eust des esprits que sçauoit estre plustost pour faire peur aux enfans, & sōmes peu asseurez, & pour cōfirmatiō des choses qu'ils raportoiet cōtre la capacité des sens, que pour vn autre respect, & que Platon avec ceux de sa suite, auoit voulu plustost introduire ceste opinion, & rapporter en ses escoles, pour estre tenu plus habile hōme, & s'acquérir d'auantage de reputatiō pour dire des choses plus nouuelles, & que n'auoiet sçeus les autres, & que encore les Stoiques pour soustenir l'opinion de Socrate qu'il auoiet en grāde estime & veneration, pour dōner à entendre, que nostre esprit cōtenoit en soy quelque partie de la diuinité, s'estoit laissé glisser à cēt opiniō, & resolu de cōfesser l'essence des esprits, lesquels voyent aussi qu'avec ceste croyance, ils persuadoient aux hōmes vne heureuse vie apres le trespas, & qu'aussi ils se rendoient recommandables enuers tout le mōde & familiers, traictāt des choses lesquelles ont accoustumé vniuersellemēt d'estres agreables, qui sont propres pour consoler les affligez & plongez dans les abismes des miseres, ausquelles la plus grande partie des humains, pour ne dire en general tous les mortels sont subjects, pourquoy ils disoient qu'ils ne rougissoient point d'asseurer des mēsonges, lesquels en quelque facon que ce fut ne leur pouuoit niure, mais plustost aider. Les Peripateticiēs encor avec semblables raisons se mocquoiet des Stoiques, disāt que s'il y auoit des esprits, ou celestes, ou terrestres, ou aīreens, il faudroit qu'ils fussent amis, ou ennemis des hommes, que

148 *Histoire Generale du Monde & de la Nature,*
s'il estoient amis il leur donneroit ses richesses, ou les principautez, ou la sagesse : ce que iamais ils n'ont fait a pas vn des mortels, ains au cōtraire on voit que les Empires s'acquierēt a la pointe de l'espee, avec beaucoup de travaux, d'industrie humaine, de courage, & de valeur: les ars, les sciences, & les choses occultes, avec vn estude penible & laborieux, avec des veilles des hommes iudicieux, & qui sont amoureux de la vertu. Et si les esprits estoient ennemis des hommes, il ny a point de doute qu'ils en offenseroyent beaucoup, & en particulier ceux qui les mescroient & les deprisent, leur disent des iniures, & les maudissent, comme les Epicuriens, les Saduceens, & eux mesmes Paripateticiens. Ce qui toutefois iamais on n'a veu qu'aucun de ses sectes ait encouru leur indignation, aist esté ou meurtri ou precipité, ou du moins offensé d'eux. Et pour respōdre a'ceux qui disent qu'encor qu'ils soiēt ennemis des hōmes, ils ne les pourroient offenser pour auoir des corps trop petits impuissans & imbecilles. Ils disoient que quand cela seroit vray: qu'il pouroit du moins eschaper les embusches d'iceux? qui obseruans le temps & le lieu pouroient faire choir vn toist vne tuille sur la teste du Saduceen, ou autre chose semblablement ia toute esbranlee & qui d'elle mesme seroit pour tomber bien tost: ou obseruant les nauigations ne les fissent engloutir, & noier dans les eaux, ou se promenant sur vn roc ou vne mōtagne, ne peussent exciter des vēs si violēs qu'ils les fissent precipiter d'u haut en bas.

Et si encor ils n'ont executé leur colere en ces actions violētes ne pourroient ils estre assez puissants d'espouuenter les animaux, effroyer les cheuaux les faire cabrer & accabler leur ennemy sous leur poix & les tuer en cette façon ? Ce qui toutesfois ne s'est encore veu. Ains tout au contraire si l'Epicurien qui se mocque d'iceux, monte sur vn doux & paisible cheual, & le Platonique qui leur sacrifie les adore & les a en veneration, monte sur vn animal genereux, & plein de fougue, vous voirez incontinent à bas le Platonique terrassé, foulé aux pieds & en danger de mort, au contraire l'Epicurien, sain & disposé, pourquoy les Platoniciens deuoient en vn cas si donteux, monstrier avec de viues raisons qu'il y auoit des Esprits, ou respondre aux oppositions de cy-dessus, & puis avec vne certaine & veritable doctrine d'escrire leur nature.

Ce que n'ayans faict, ny moins Socrate, fouché de le faire, il se voit clairement qu'il ne se trouue des Esprits, & que ce ne sont que des songes, & de refuerie tout ce qu'en apportent les Platoniciens, sans aucun fondement, & qu'eux bien qu'ils fissent estat, & respectassent comme les lumieres de leur siecle. Socrate & Platon, fust-ce toutesfois qu'ils estoient plus amis de la verité, & qu'ils ne vouloient ternir, ny tacher la vertu, pour laquelle ils se peinoient tellement, pour laquelle ils employeroient tant de veilles, pour faire plaisir à Platon, à Socrate, ou à quelque autre. Et disoient que la folle opinion des Platoniques, se

150 *Histoire Generale du Monde, & de la Nature,*
descouuroit manifestement en l'operation des
Magiciens & coniuers d'esprits lesquels
auec des murmures & des parolles basses &
dittes entre les dens qui peuuent à peyne estre
ouyes de nos plus proches font profession d'ap-
peller les Esprits & d'estre entendus d'eux, ce
qui ne se peut faire en aucune maniere. Parce
que ou il faudroit qu'ils confessassent, ou que
les Esprits fussent en tout lieu, ce qui est impos-
sible, excepté à Dieu, ou qu'ils entendissent les
conceptions & effects internes des hommes, auec
leur seul intellect sans presence, & sans aucune
parole. Car autant faict vn homme qui se tait
que celuy qui se rompt la teste à force de crier,
& qui ne peut estre ouy pour la distance des
lieux, & par ces raisons ils concludoient qu'il n'y
auoit point d'esprits, n'y d'Ange, n'y d'ames
separees des corps. Mais que la seule felicité
humaine consistoit aux choses terrestres & en la
vertu.

De l'opinion de Platon qu'il y auoit des Esprits, & des neuf Ordres de la nature intelligible, de son inuention ou il se traicte en pareil de l'esprit merueilleux de Socrate.

CHAPITRE II.

PLATON & tous ceux de sa secte, Plotin, Porphyre, Iamblique, & Proclus, creurent tous qu'il y auoit des Esprits, s'accordans en ce avec Mercure Trismegiste, & Bitus qui l'a commenté qu'ils appelloient Prophete, & avec les autres Prestres anciens & finalement Socrate qui fut cinquante ans auparauant Platon, cét Autheur n'allegue aucune raison par laquelle il prouue qu'il y aist des esprits, mais il traicte cettematere, comme vne supposition tres-certaine, & qui iamais ne fut reuocquee en doute ou que ce soit qu'il ne trouuaist des arguments assez preignans pour prouuer son opinion, ou parce que considerant vn consentement si vniuersel de tout le monde. Il eust semblé faire tort, & à cette creance & à nostre instinct naturel de reuocquer en doute vne chose qui n'en pouuoit recevoir. Il se faiët fort & se tarque du tefmoignage de Socrate qui eust plustost esleu mille morts, que de dire vne parolle vaine & fausse. Il diuisoit en douze degrez toute la nature intelligible. Au premier il mettoit Dieu, au second les Idees: lesquelles il appelloit secondes deitez.

Au troisieme les ames celestes dictes intelligences, au quatrieme les Archanges, au cinquieme les Demons, au septieme les Heros, au huitieme les principautez, & au neuvieme les Princes. Il ne donnoit aucun lieux aux ames: mais bien asseuroit que ils se rengeoient en quelques vnes de ces ordres d'autant que les ames des bons receuoient le lieu des Anges, & celles des hommes meschans & detestables, le degre des horribles demons. Aucuns des Platoniciens, comme Hermias & Proclus, poserent entre Dieu & les ames raisonnables vn grand nombre de creatures produites de luy, immediatement lesquelles ils appellerent parties intelligibles & partyes intellectuelles, lesquels noms beaucoup de fois Platon a confondus. Mais Platon & Porphire & communement les plus parfaicts Platoniciens, tiennent qu'entre Dieu & l'ame du monde, il n'y en a point d'autre qu'une creature seule immediatement produite de Dieu, laquelle ils appellerent fils de Dieu. De cette opinion furent tous les Arabes avec Avicenne, & avec ceux-cy s'accorde, Aristote & ses suposts. Ils disent d'avantage que cette creature est de nature incorporelle & intellectuelle, & tellement parfaite qu'il est impossible, qu'elle soit vne chose creee, ou autre que Dieu l'ait peu produire. Car disoiēt-ils d'une tres-parfaite cause ne peut proceder sinon vn effect tres-parfaict. Et ce qui est tres-parfaict ne peut estre plus d'un (d'autant que s'ils estoient deux ou plus, il seroit de necessite qu'il y en eust vn ou

plus ou moins parfait que l'autre. Et s'ils estoient parfaicts esgallement, ils viendroient à estre vn mesme que l'autre, & ainsi ils ne seroient plusieurs, mais vn seul, ceux qui estoient de cet aduis confessoient encor d'auantage, qu'encor que Dieu eust produict de toute Eternité & immédiatement ceste seule creature tres-parfaicte, il auoit neantmoins produit toutes choses, parce que en icelle il auoit produit les Idees, & les formes de toutes les choses. L'idee estoit l'exemplaire & le moule de la forme que ce grand Architecte auoit en son esprit, lors qu'il bastit ce grand Monde, & ceux-cy veulent que la forme de l'edifice que desseigne & trace l'ouurier en son esprit à l'estre plus parfait & plus vray que l'ouurage que faict puis apres l'ouurier, apres son plain de chaux de pierre, de boys & d'autres choses semblables. Ils veulent encor qu'en cette creature, si parfaicte soit l'Idée du Soleil, de la Lune, des estoilles, des elemens, des animaux, des hommes & bref de tous le monde, laquelle Idee, comme celle du Soleil. Ils veulent qu'elle soit plus parfaicte en cette creature, que le mesme Soleil sensible, & que l'Idée de la Lune soit plus parfaicte, que celle de la Lune, & ainsi de toutes les autres creatures. Ils disoient encor que de cet esprit Souuerain tout ce grand monde estoit causé, & lequel venoit à estre vne image & vn simulachre de cette Idee & intelligence. Et estant l'exemplaire sur lequel est basti ce grand Tout, sur toutes creatures, il s'ensuit que ce monde sensible est autant parfait que sa nature le peut desirer. Et

154 *Histoire Generale du monde & de la Nature,*
partant estant toute chose animee plus parfaite
que l'inanimee la creature raisonnable que celle
qui n'en a point ; ils concludoient de cecy que le
monde est anime d'une ame plus parfaite que
toutes les autres ames, comme nous dirons en
son lieu, Plotin, porphire, & Iamblique ont fait
quatre ordres de creatures raisonnables. Au
premier ils ont mis les Dieux, au second les de-
mons, au troisieme les Heros, au quatriesme
les homes. Ils vouloiēt que tous fussent doiez,
d'esprits & de corps. Que l'ame de tous fut im-
mortelle que le corps des Dieux fut celeste, &
des autre elementaires. Ils disoient encor que
les Dieux estoient tous absolument bons, mais
des demons, des heros, & des hommes ; une
partie estoient bons & l'autre mauuais, que les
bons demons assistoient aux hommes, bons, &
vertueux, & les deffendoient des embusches &
des assaux des manuais demons, & les adres-
soient au chemin de l'honneur & de la gloire, en-
tre les Heros & les ames, ils constituoient les
principautez, & les princes, & disoient que les
Demons executoient generally le cōman-
dement des Dieux. Et que les Heros estoient pro-
posez aux hommes pour leur servir d'exemple, &
les conuier aux actions loüables & courageuses.
Et de plus que les principautez auoient soing &
gouvernoiēt les regions & les prouinces, que les
principautés auoient le soin des choses qui re-
gardoient la generation. Ils disoient encor que
tous les Esprits cy-dessus nommez qui ont leur
demeure au dessous de la Lune, ont encor quel-
que peu de vapeur & de petites taches, Et que
tous ces esprits creés peuuent estre veuz, exce-

les Dieux lesquels sont invisibles, & sans corps, les Heros sont les Genies desquels Virgille, & les autres poëtes font tant de mention. Porphyre escrit que son maistre plotin fut à Rome, plusieurs fois inuité des prestres de la Deesse Isis, avec promesse de luy monstrier son propre Genie & que s'estant laissé gagner à leurs prieres, & mesme de sa curiosité, il s'y en alla, & en ayant les prestree fait les ceremonies accoustumees, apparut visiblement le Genie de plotin, & qu'à l'heure le prestre cria à haute voix, O plotin, plotin, que tu es heureux puisque tu as pour Genie, non pas vn Heros, mais vn Dieu. Quant à la generation des demons & des autres esprits, platon dit qu'ils estoient fils des Dieux: mais que la grandeur de leur nayssance ne se pouuoit explicquer. Ils escriuent d'auantage que tous ces heureux esprits desirerent merueilleusement les choses semblables à eux comme les Dieux premiers, les Anges & toutes les autres ames Celestes agreent fort les sacrifices & les oblations qui se font d'une ame espuree, & d'une conscience nette. Comme au contraire les demons, & ces autres sales Esprits se plaisent aux sacrifices sanglants en la mort de beaucoup de victimes immolees. Et à ce qui patticipe de l'un & de l'autre, demandent les douces odeurs de l'encens, & des parfums, comme les offrandes des autres choses corporelles, mais pures & pleines de senteurs. Ils disent encor que ces esprits sublunaires craignent les menaces espouventables terribles & impossibles, come de menacer

de diuiser le Ciel, de reueler les secrets de la Deesse Isis d'embraser tout le monde, & confondre leur estat, & leurs ordres, & que cecy aduient pour beaucoup de respects, le premier, Par ce que encor ils ne sentent l'effect de ces parolles menaçantes & terribles. Et qui leur semble grande chose, ils ne sont toutesfois si capables qu'ils puissent entendre qu'elles sont impossibles, & ne peuuent estre executees, car comme dit Iamblique, *Habent intellectum simile artificii egregio qui quidem verba intelligit, & ipse rem, cui præest, optime administrare tractareque nouit, ad alia tamen stupidus est.* Mesme que quand ces menaces leur sont faictes, ils se ressouuiennent du pouuoir des Dieux, lesquels ils craignent beaucoup qu'ils n'osent quelquesfois ou d'esdaignent d'escouter, tout ainsi que les hommes de bien, lesquels bouchent leurs oreilles, & se tournant d'autre costé aux discours illicites, & abhominables, partent de ces lieux, bien qu'ils pensent, s'en ressentir & se venger. Ils disoient encor qu'ils craignoient tellement qu'on reuelast leurs secrets, qu'on troublast leurs principautez & gouuernemens du monde, qu'en entendant la moindre parolle, bien qu'à leur aduis tres-difficile. Ils s'en alloient tous craintifs, ils vouloient encor que l'homme dès sa nayssance, eust vn de ces esprits inferieurs, lequel leur estoit donné de l'Eternel, quand l'ame estoit infuse dāsles corps, de quelle qualité que sont les lieux par lesquels elle passoit lors qu'elle estoit liee avec ses membres elementaires, & que ce Demon estoit le neud & le lien qui l'estrei-

la

avec le corps qui la deffendoit la regissoit dres-
soit toutes les actions à leur fin , que celles qui
estoit bonnes & promettoient de soy beau-
coup meritoient au lieu d'un demon d'avoir un
Dieu celeste qui presidoit à leur œuvres, & que
ce demon pourtant ne s'esloignoit de cette ame
qui luy avoit esté commise : mais assistoit à ce
Dieu & executoit ses commandemens pour in-
struire & mener cette ame par les plus beaux
sentiers de la vertu , dans le temple de l'honneur,
resistant & chassant les mauuais demons , les-
quels luy propoisoient tousiours des vitieux ob-
iects pour l'induire au mal , & la distraire de l'o-
beyssance & du service des Dieux. D'avantage
ils disoient que ces Esprits Gardiens voyoient &
assistoient à toutes les opérations humaines qu'ils
cognoissoient toutes les pensées & les effets de
nostre cœur. Et que l'ame estant desliée d'avec
son corps , ils la menotent devant le Grand Ju-
ge eternal, & rendoient tesmoignage de tout
ce que nous font, loüant, ou reprouvant ses a-
ctions sur lequel la sentence estoit prononcee.
D'avantage le mesme Platon , assure que ces
esprits quelquesfois avec leur voix , aydent &
soulagent autant les sains comme les malades,
ceux qui dorment comme ceux qui veillent &
qu'à l'article de la mort, ils approchent & as-
sistent le malade , ils croissent & esmeuvent les
ames les remplissans de leur Deité , pourquoy
ils disent que beaucoup proches du trespas &
lors que l'ame v eut dire le dernier adieu à son
corps ont accoustumé de monstrier ie ne scay
quoy de divin & de plus grand que la capacité


156 *Histoire generale du monde & de la nature,*
humaine, ce qu'ils ont dit estre arriué à Socrate
lequel faisant desia les doux ieux à la mort, pre-
dit que son fils duquel tout le monde se promet-
toit beaucoup & auquel on remarquoit tant de
signes d'un naturel vertueux, degenereroit, &
changerait ces conditions louables en des mau-
uaises, & du tout pernicieuses, comme il aduint
Possidonius escrit qu'un certain Rhodien, aux
derniers souspirs de sa vie predict, à six hommes
tous d'une mesme aage, celuy d'entre eux qui
mourroit le premier, qui le second, qui le troi-
siesme, & qui le dernier. Et que ils moururent
l'un apres l'autre, & sans innouër rien à l'ordre
qu'il leur auoit predict, & comme predestiné.
Perecides Syrien aux approches de la mort, pre-
dit la victoire de sa nation, comme les Magne-
siens, Porphire tenoit que non seul Esprit, mais
plusieurs assistoient à un seul homme, & que
l'un auoit soing de sa santé, l'autre de sa beauté,
l'autre de sa force, & ainsi des autres parties. Is-
ambique fut de contraire opinion, & disoit qu'il
estoit seant de Croire, qu'à un homme seul n'es-
toit suffisant un Demon, une nature plus subli-
me & plus releuee que celle de l'homme, les au-
tres vouloient que ces esprits seroient de diuer-
se qualité, comme Igneens, Æthereens, Acreés,
& Aquatiques, pourquoy les uns seroient Sa-
turniens & Melancoliques, les autres Martiaux,
& courageux, les autres Iouiaux, & qui iamais
n'engendreroient de tristesse. Et ainsi des autres. Ils
disoient que les Ætereens, ou Igneens excitoyent
à la contemplation, les Æreens aux negoces, les
Aquatiques aux plaisirs & delices. Les Mar-

tiaux à la force, les Iouiaux à la prudence, les ve-
 neriens à la luxure. Les Mercuriens à la sagesse,
 les Lunatiques à la fecondité, les Saturnals à
 dissuader le mal. Pourquoy ils escriuoient que
 l'esprit de Socrate estoit *Æthereen*, ou *Igneen*,
 vn des principaux, par ce qu'il le dissuadoit tou-
 siours. On list des admirables choses de cét es-
 prit de Socrate, qu'il presidoit à toutes ces en-
 treprises, qui le detournoit de ce qui luy pou-
 uoit apporter de l'incommodité ou de peril, luy
 annonçoit les choses passées, luy disoit les pre-
 sentes, & luy reueloit les futures, l'enseignant
 tousiours ce qu'il deuoit fuir, Socrate se van-
 toit d'entendre sa voix intelligible, & de le voir quā
 il vouloit, il dissuadoit vn iour Charmides fils
 de Glauius, par l'aduis de son demon, d'aller aux
 exercices dans la forest Nemeane, & l'ayāt mes-
 prisé il y laissa la vie pour gage de son incredu-
 lité. On liēt pareillement que Timarchus se
 trouuant à table avec Socrate, il s'en voulut le-
 uer par deux ou trois fois, ce qu'il n'auoit vou-
 lu permettre, & qu'à la fin s'estant desrobé de
 luy, il tua Nicias fils de Hieroscomandre, pour
 lequel delict estant condamné à la mort, il con-
 fessa à son frere Clitomacus qu'il mouroit pour
 n'auoir voulu obeir au conseil du sage Socrate.
 Il predict d'auantage la deffaiete de l'armee qui
 estoit passée en Sicile, la mort de Nicenus & de
 Thrasilus, lesquels estoient allez à la guerre con-
 tre les Ioniens & Ephesiens. Il preueit & esuita
 beaucoup de dangers par le moyē de son demon
 qui seroient longs de raconter vn a vn. Il suffist
 seulement de comprendre que vrayement c'e-

158 *Histoire generale du monde & de la Nature,*
floit vn demon qui l'assistoit & le seruoit, & que
ce n'estoit comme aucuns pensent, par vne
seulle prudence, que faisoit ces miracles, car il
entendoit vne voix qui tousiours le dissua-
doit & le retenoit, ou au contraire l'entendemēt
& la prudence retient, ou pouffe l'homme, & l'ē-
courage, suiuant les occasions. Ce sont les mes-
mes parolles que rapporte de luy platon. *Adest*
mibi diuina quadam sorte demonium quoddam à pri-
ma mea pueritia sequutum: hoc enim est vox quadam,
quæ cum sit, eius quod sit dissuasionem innuit, prouocat
vero numquam. Quod si quis amicorum aliquid mecum
quandoque communicat, venitque vox, hoc illa dissua-
det nec facere sinit. C'est à dire i'ay vn demon qui
m'assiste par quelque faueur particuliere des
mon enfance: C'est vne voix laquelle en me par-
lant dissuade tousiours & iamais ne me prouoc-
que. Que si quelqu'un de mes amis me commu-
nique quelque dessein, cette voix vient qui le
dissuade, & en empesche l'execution. Platon
rapporte beaucoup d'autres choses de cet es-
prit lesquelles i'obmets pour en discourir plus
à propos cy-apres.

Des estranges opinions d'aucuns sages anciens, que toutes choses estoient pleines d'esprits, & que de leur concorde ou discorde procedoient les bons ou mauuais effets qui arriuent aux hommes.

C H A P. III.

 Estoit l'opinion de plusieurs sages anciens que toutes choses estoient pleines d'esprits, & que de leur concorde ou discorde tous les effects tant naturels qu'accidentels procedoient le premier qui l'esuienta, & la soustint en public fut Asclepiade medecin, lequel disoit qu'en la composition de la medecine konkurroit l'esprit de l'auteur, comme vn en l'escriuant, vn esprit en l'ordonnant l'esprit del'Apothiquaire en la faisant, l'esprit du malade en la prenant & l'esprit des herbes & des autres drogues medecinales en la composition & melange d'icelles lesquels vnis tous ensemble entroient dans le corps du malade & chassoient les esprits mauuais y remettoient les bons & appaisoient leurs discordes, ce qui rendoit la guaison au patient.

Pourquoy il disoit que la maladie n'estoit autre chose que la discorde des esprits, lesquels entrés dans le corps sain le font deuenir incontinent mallade, parce que l'vn parmy ces discordes ciuilles, se rend maistre de la place, l'autre tyran,

166 *Histoire Generale du Monde, & de la Nature*;
l'autre iouë au bout-hors & chasse son compa-
gnon, & la personne ne pouuant soustenir en
foy tant de confusions, il demeure stupide, en-
dormy se laisse vaincre aux douleurs, & apres vn
si long combat, on la voit meigre, bref vne vraye
Schelete, ces ombres palles errantes pres de
leur tombeau, & qui apres leur auoir attaché la
peau aux os, luy aduancent son trespas. Car
quelques-vns se saisissent des conduits & des
passages, des viures, les autres alterent les hu-
meurs du corps, les Igneens infectent le sang, les
Æreens la collere, les Terriens le flegme, les
Soufflerains, la melancholie, & ainsi par leurs
continuelles discordes, ils excitent d'estranges
douleurs de teste, & d'estomach, des estreffe-
mens de nerfs, des frissons violens, de suffoca-
tions, des ardeurs de reins, des fiebures, des ca-
tharres, & autres mille maux. pourquoy on dict
que s'accordans ensemble & conspiras à la gua-
rison du patient, les esprits du medecin & de l'a-
poticquaire, & de la medecine, eux qui sont pa-
reillement Igneens, Acquatiques, Terriens, &
d'autre qualite entrans dans le corps malade, ils
chassent les esprits mauuais qui s'en estoient
emparez & le tourmentoient, ou avec le froid,
ou le chaud, ou l'humide, ou le sec, & les au-
tres d'accord le nourrissoient, l'augmentoient,
& le rendoient sain & disposé.

Mais si de hazard l'esprit du medecin, pour
son ignorance, & peu d'experience, ne scauoit
essire les medecines propres pour chasser ces
mauuais esprits, au lieu de guarison, il luy ad-
uançoit le trespas, & le faisoit mourir, & disoit

que la commune opinion estoit pour estre bon medecin, qu'il falloit qu'il fust sain & ne procedast d'un autre, sinon de ses esprits qui estans tousiours sains, sont parfaicts, & qui parce congnoiſſent mieux, ce qui est de beſoing pour appaiser les querelles des Esprits qui alterent la personne, & la rendent indispost: la beaute & le riant aspect d'un corps, tesmoigne encor la perfection de son esprit, d'ou aduient que plusieurs fuyent, abhorrent, & craignent de voir les medecins, difformes, contrefaits, & d'un visage rude & austere, & choisissent ceux qui sont bien composez, bien proportionnez d'un regard doux, & amiable, & d'un aspect qui porte avec soy le ris & le plaisir, les vns estans doitez d'un esprit releue, & les autres l'ayant aussi contrefait que le corps grossier sauuage & ignorant, qui remplit le mallade de mille mauuaises qualitez, & qui au lieu de combattre contre ces esprits seditieux, le font bien souuent mourir. Comme au contraire ceux du parfait medecin estant parfaicts, s'accordent avec ceux du malade, & luy redonnent la sante, la creance qu'il a en luy estant seule capable de la luy rendre, comme la deſſiance des autres, entretient la maladie, ou le fait mourir, ce qui procede de la sympathie ou antipathie des affectiōs, ou debets des esprits, desvns contre les autres. Le Rabi Achiba Cabaliste asseure le mesme, disant que toute chose est pleine d'esprits qui operent toutes choses.

Que pendant qu'ils viuent d'accord. Ils font produire la terre, croistre les bleds, emplissent

espics, font bourgeonner les arbres, esclorre les fleurs, & meurir les fruiçts, qu'à contraire leur discorde rend la terre infructueuse & infeconde, font mourir les bleds, tomber les feuilles, secher les fleurs, brouissent les arbres, que les sages esprits d'accord font regorger les fontaines des douces eaux, courir les fleuves, mais que les ignorans & les estourdis seichent & troublent les eaux, les rendent ameres insipides, & qui ne sentent rien que la bouche. Que l'air espuré & net procede de leur concorde. Mais les tonneres, les pluyes furieuses, les deluges, & les tempestes de leurs diuers combats, les bons & concordes Esprits rendent sains, guais, feconds tous les animaux, les mauuais desunis les rendēt malades melancholiques, les font auorter, les rendent sterilles, inutilement & leur donnent la mort. Ils sechent les plantes, font languir & mourir l'herbe, tuent les poissons, despouillent de leurs plumes les oyseaux, & bref ils ruinent toutes les choses elementaires. Abram Abenzara, & le Rabi Azariel rapportera l'vnion, & conuenance qu'ont les esprits ensemble l'affection, que nous auons a l'instant pour vne personne qui nous est indifferente & laquelle nous n'auons iamais veu qui fait que nous l'aimons, la cherissons comme nos enfans, ou les honorōs & reuerons comme nos parens. Comme au cōtraire il se trouue des personnes que nous abhorrons & la presence desquels nous fuyons comme vn mauuais presage, avec lesquelles nous ne voulōs auoir aucun commerce aucune communication bien qu'elles recherchèt nos bonnes graces de tout leur pouuoir practiquent toutes sortes

de complimens & de bons Offices pour nous gagner. Et ce que d'avantage accroist nostre haine allencontre d'eux, bien que iamais elles ne nous ayent offencés, & ne puissions rendre aucune raison de ce mespris. Ce qui procede des esprits diuers, & de contraires humeurs, & qui sont ennemis, & qui pour ceste particuliere hayne, luy engendrent vn certain mespris, pour lequel il les deteste, bien qu'elles reuiennent & soient agreables à d'autres, combien de Iuges à la seule veüe, au seul aspect du criminel s'irritent, & s'il faut que ie die plus libremēt passant les bornes de la Iustice, s'efforcent contre leur propre conscience de luy faire perdre & l'honneur & la vie. Combien en voyez-vous au contraire qui s'arment contre les loix, combattent contre tout ce qu'il y a de iuste au monde, en faueur de l'accusé, le portent & l'assistent en toute extremité, iusques mesmes à se passionner, s'ils sont contraincts de passer à vne sentence contraire, que la leur est plus seure, voudroiet ne l'auoir point prononcee, & bien qu'elles soit arrestee, s'efforcent encor de l'adoucir, & de la reduire à de plus douces conclusions d'humanité qu'elle n'a esté concludë, combien de fois vn Prince s'affectionne à vn Courtisan nouveau, auquel il communiquera toutes sortes de faueurs, l'eleuera en tous biens, & le rendra quasi compagnon de sa grandeur, & mesprise vn ancien, qui luy aura rendu mille seruice, signallé son affection & son courage en mille lieux d'honneur, duquel la vie n'a esté qu'vn exercice perpetuel pour sa gloire & sa couronne, duquel

164 *Histoire Generale du Monde & de la Nature,*
toute fois il ne reçoit aucune recompence, non
pas quelque fois vne bonne œillade. Tout cecy
sont des operations des esprits, qui ont des al-
liances ensemble, qui se aiment ou se hayssent,
& se poursuient l'un l'autre. Azariel de Garo-
ne dict, vn pauvre Poëte, vn Philosophe, vn hō-
me docte se fera consommé dans vne estude, se
fera esloigné de toute conuersation, pour for-
mer vn poëme ou vn œuvre admirable par dix
ou douze années, & le donnera à quelque sei-
gneur magnanime & liberal en toutes choses,
duquel il ne recevra aucune recompence, & ne
sera regardé que de trauers: Et vn bouffon & vn
ignorant pour quelque parole mal dite pour
vne plaisanterie, sans suc & sans iugement en
remportera beaucoup de presens & de dons, &
la raison de telle conuenance, à qui la raporte-
vous? Ce sont, dict-il, les esprits Saturniens,
amis de la pauvreté, qui se retrouuent en cēt hō-
me docte, & ne permettent qu'il deuiennent ri-
che, mais s'opposent aux esprits iouiaux & libe-
raux des Seigneurs, les irritent, & leur font croi-
re que ces œuvres n'ont rien de recommandable,
qu'ils font tort à leur reputation de les faire voir
au monde sous leur nom, ou bien qu'elles ne
sont siennes, & qu'il se veut mettre en credit au
prix du labeur d'autrui, ou que tous ces discours
ne sont que des artifices pour tirer quelque
recompence. Mais ces esprits mercurials de
quelque ignorant, prennent l'occasion aux
cheueux, gagnent les esprits des Princes, &
s'inpriment en leur bonnes graces, par vne hu-
meur agreable & guaye, tellement qu'ils en re-

portent dons, faueurs , & tout ce qu'on peut
esperer de la liberalité d'un tel Prince. Et pour
dire tout en un mot, ils entrerēt en vne telle fol-
lie, qu'ils asseuroiēt que toute la varieté, to⁹ les
effects, & tous les accidens extraordinaires du
monde, procedoiēt de la concorde ou discorde
d'iceux. Ceste opinion est plustost fabuleuse
que stable sur aucun fondement de philosophie
Peripateticque , & mesme de croire qu'elles sōt
causes de la generation ou corruptiō des choses
Elementaires , ou des autres aduentures : c'est
pecher cōtre la foy. Ce que S. Augustin assure
pareillement , que les pluyes de neiges, les tē-
pestes, les foudres, & les autres choses sont cau-
sées des esprits *Restat igitur, dit-il, ea per Angeli-*
caministeria moueri, similiter ventos pluuias, grandi-
nes fulgura, tonitrua tempestates, auras iussu dei peril-
culos regi. Qui dubitat, & ea sensibilia putat hunc ra-
tione stultum cum in sensibilibus probat. Le mesme S.
Augustin dict, que les animaux se font sujets
doux & humbles aux hommes, ou au contraire,
ils sont rendus furieux & desobeyssants à leur
Empire , se souleuant contre leur naturelle
obeyssance, & ce seulement par l'instigatiō des
esprits. Ce sont les mesmes termes *bruta quoque*
animalia vsibus humanis per illos obsecundari vel ad-
uersare, qui non credunt aut illa per rationalem intel-
lectum hæc facile longe à ratione recedunt, & un peu
plus bas il tesmoigne, que toutes les operatiōs
des causes sensibles & insensibles sont causées
d'iceux. *Sed & cuncta quæ in rebus insensibilibus vel*
creaturis sensibilibus geruntur per illos administrari qui
ambigit multū à luce veritatis decipit. Mais pourtāt

166 *Histoire Generale du monde & de la Nature,*
S. Augustin dit biē qu'encore que les Anges s'exerçoiēt en toutes les fōctiōs choses naturelles, qu'on ne les doit pour cela estimer auteurs, ou creatures, mais seulement ministres de la diuine volōté. *Angeli autem quos Platonici deos lubentius appellant etiam si adhibent vel iussi vel iniussi operationem suam rebus qua gignuntur in mundo, tamen non eos dicimus creatores animalium quam nec agricolas frugum neque arborum.* Et ne peuent les bons esprits ny les mauuais, faire aucune operation sans la permission ou volōté de Dieu, autrement les Demons par la malice de leur volōté opprimeroient la nature humaine, & les choses créées de Dieu. C'est ce que dict le mesme Pere; *Sed nec boni Angeli hoc iussi quantum Deus iubet, nec mali hoc iniuste faciunt nisi quantum iuste ipse permittit nam magni malitia voluntatem habent iniustam, potestatem autem non nisi iuste accidunt siue ad pœnam suā, siue ad aliorum vel poenam malorum vel laudem bonorum.* Les Demons ne peuent pas pousser & forcer vn homme à mal-faire, bien peuent-ils luy persuader le mal : car Dieu luy a donné le liberal arbitre, par lequel il se peut damner ou sauuer, *potest diabolus ad malum inuitare non potest trahere delectationem infert non potestatem.* Girolamus Cardan en son liure, ou il traicte des Demons, raporte que son pere tref-grand Magicien exerçant ses conjurations sur vn Demon enfermé dans vn anneau par l'espace de trente ans qui le seruoit en tout ce qu'il desiroit fut de luy, & de quelques autres siens compagnons, pleinement informé de toute la nature, & particulièrement il luy dict qu'ils estoient mortels,

bien qu'ils vescuſſent plus longement que les
 hommes. Il dict qu'un iour que luy ſortant de
 la maiſon apres auoir faiſt les conjurations ac-
 couſtumez, qui fut le vingt-troiſieſme d'Aouſt,
 mille quatre cent nonante & vn, luy apparurēt
 comme de couſtume ſept hommes veſtus de
 ſoye avec des cappes à la Grecque, avec des
 chaufſes rouges, & chemiſes & iuppons & ſayō
 de couleur cramoisie de ſtature vn peu plus grā-
 de, plus alaigre, & plus venerable que la com-
 mune des autres hommes, & que deux d'iceux
 qui luy ſembloient plus nobles precedoient les
 autres, l'un eſtoit plus grād de corps, & vn peu
 plus rouge l'autre plus petit, & plus paſſe, leur
 face demontroit leur aage, interrogez par le
 Magicien qui ils ſont, reſpondirēt que c'eſtoient
 des hōmes aeriens qui naiſſoient & mouroient,
 deſquels la vie eſtoit prolongée pourtant plus
 que la noſtre iuſques à beaucoup de ſiecles, &
 qu'ils pouuoient auoir maintenant trois cents
 ans, ils luy dirent d'auantage, qu'ils eſtoient
 proches & voiſins de la nature des Dieux cele-
 ſtes, bien qu'ils euſſent le corps compoſé
 de terre, mais que touteſois entr'eux & les
 Dieux, il y auoit vne grande difference, vn in-
 tervalle quaſi infiny, qu'ils eſtoient plus heureux
 que nous, & plus miſerables que nous ſommes,
 plus & l'un & l'autre que les autres animaux,
 que rien ne leur eſtoit caché, qu'ils ſçauoient
 ou eſtoient les richesses, les treſors & les liures,
 & les choſes plus ſecrettes, lesquelles touteſois
 ils ne pouuoient reueler aux hommes, par la
 loy inuiolable qui leur a eſté preſcrite de Dieu,

178 *Histoire General du Monde & de la nature,*
que les genies des hommes plus signalez & plus
fameux du monde estoient à leur comparaiſon
des plus vils ſeruiteurs de table, qui penſent les
cheuaux & les chiens plus genereux, & que eux
eſtans d'un corps tres-subtil & frele, ils ne pou-
uoient donner beaucoup d'ayde, ny beaucoup
de ſoulagement à la vie, non plus que beaucoup
d'incommodité, ſinon par viſions, des preſtiges,
des larmes, & autres eſpouuentements, & de
plus qu'ils pouuoient ayder avec la ſcience, for-
mer le iugement, & la memoire des hommes
eſtants tres-doctes, & ayants beaucoup d'expe-
rience qu'encore ils auoient des academies, &
qu'un d'eux eſtoit maiſtre de deux cens, & l'autre
de trois cents eſprits, ils demurerent avec
l'enchanteur, durant lequel temps ils raportent
qu'il diſputa longuement avec eux de la ſtructure
& compoſition de ce grand Palais du monde,
& que le plus grand des deux eſprits, nioit que
Dieu euſt fait le monde de toute eternité, &
l'autre au contraire aſſeuroit que Dieu de mo-
ment en moment le creoit, & que ſ'il manquoit
un moment à ſa creation, il ſeroit alors tout à
l'heure reſolu, & toutes choſes reuiendroient en
leur premiere confuſion, raportât ſur cecy plu-
ſieurs paſſages d'Auerroes, les liures deſquels
n'eſtoient encore retrouuez ny mis en lumiere,
une partie deſquels nous auons à preſen, & l'autre
qui ne ſe retrouue. Ceſte opinion que les eſ-
prits ſoient mortels, n'eſt pas née premierement
dans le cerueau de Cardan, elle auoit eſté con-
ceüe par beaucoup de philoſophes anciens, &
meſme eſcole, & miſe au iour par quelques Pla-

tonicques. Auot Natan Rabin dict, que les Demons ont trois choses communes avec les hommes, le manger & le boire, l'usage du croit, & le pouuoir d'engendrer des enfans, & la troisieme d'estre mortels. Semblablement Porphire tient, comme recite Proclus, que les Demons sont mortels, & la plus longue vie d'iceux est de mille ans. Plutarque escrit en son traicté de la cessatiō des Oracles, que la vie des esprits est limitée, donc il rapporte qu'en la mer, pres des isles Enchimides, quelques passagers entendirēt vne voix qui appelloit Thamus, patron de la nauire, & demandant ce qu'elle vouloit, & luy cōmāda que passant pres des Palus, il criast à haute voix, que le grand Pan est mort. Ce qu'ayāt fait on entendit à l'heure vne infinité de voix lamētables des cris horribles, & des lamētations terribles qui espouuantoient vn chacun. Pourquoy il y en eust plusieurs qui creurēt que les Oracles deuiendrent muets, & ne rendirent plus de responce par la mort des Demons, & que comme ils vieillissoient, ainsi diminuoit la force & la vigueur, & leur esprit comme l'aage affoiblissoit celle de leur corps, & rendoient des responce moles debiles & du tout inutiles, comme on lit que du temps de Pyrrus, les responce de l'Oracle Pytien se faisoient en vers tres-eloquents, & qu'apres ils ne se rendirent plus qu'en prose assez mal en ordre & beaucoup imparfaicts, d'oū ils argumentoient, que ceste vertu affoiblie par vn si grand aage desia leur commençoit à manquer. Mais ce ne fut pas ceste raison là de leur cessation, car les esprits sont créés de Dieu im-

172 *Histoire Generale du Monde & de la nature,*
mortels, & ne peuuent iamais māquer, & Car-
dan fut trompé de ses Demons, qui luy vou-
loient faire aduoüer ces mensonges pour des
veritez, & particulièrement qu'ils peris-
soient. Peut estre pour les faire encore tom-
ber en vne plus lourde erreur, que les ames
humaines encore perissoient & mouroient a-
uec leurs corps. Mais la vraye raison de la
cessation des Oracles, fut la venuë de Iesus-
Christ nostre Sauueur, qui espouuenta Satan,
luy brisa la teste, & fit cheoir à terre ses simu-
lacs, & autres idoles que l'antiquité auoit te-
nu pour Dieux, leur auoit tenu la langue ius-
ques à ne pouuoir plus donner aucune respon-
ce, & apres qu'il fut party de ce monde, il
abbatit tellement le Prince des Demons, &
reduisit sa puissance si bas, que du depuis ia-
mais il ne s'est peu releuer.

Icy se

Icy se prouue avec raison de Philosophie
& par les exemples des gentils qu'il
y a des demons.

CHAPITRE IIII.



Est vne chose certaine que ce-
luy qui vouldra considerer de
prez aduouera incontinent, qu'il
y a des Anges, & des esprits par
ce que Dieu estant eternal incor-
porel, & inuincible, & ayant produit tant de
choses corporelles & sensibles, comme nous
auons dit cy dessus, il faut encor par necessité
confesser qu'aux choses intelligibles il a faict le
mesme estant plus hautes & plus releuées, &
desquelles il se sert pour la grandeur de sa gloi-
re, & de sa toute puissance, & seroit vne cho-
se bien estrange que l'eternal eust donné à
l'homme les moyens de tant de creatures des-
quelles il se sert pour tesmoigner sa grandeur
sa noblesse & magnificēce, & qu'il se fust voulu
lier a vne si estroite conditiō, qu'entre luy & les
hommes il n'auroit voulu créer autre animal
raisonnable, & de plus grande perfection, pour
s'en seruir au gouuernement de cet admirable
monde. Cette opinion est confirmée par les
euenements iournaliers: car nous voyōs mou-
oir les corps celestes, qui ne se pouroient pas
mouuoir s'ils n'auoient vn esprit qui les guidast

174 *Histoire generale du monde & de la Nature,*
comme cela se voit au corps humain qui ne le
pourroit porter ny regir, s'il n'auoit quelque
esprit de la haut qui l'aidast. Donc si Dieu a
créé autant d'esprits au Ciel qu'il y a de corps
celestes, comme en ce s'accordent tous les
Philosophes lesquels avec diuers mais toute-
fois avec vn cours ordonné & compassé, sont
perpetuellement attachez a l'office qui leur a
esté commis, pour la conseruation du monde
aussi deuons nous croire qu'il a créé beaucoup
d'autres & quasi infinis, lesquels comme plus
proches de luy sur toutes les spheres celestes
contemplant face a face, avec des contētemēts
infinis, cette immense eternité, iouissants d'vne
incōprehensible gloire, & d'vne parfaite bea-
titude qui deriue de la vision de la saincte maie-
sté, & si les Philosophes concedoient que tou-
tes les choses fussent animées, il faudroit enco-
re dire que toute cette grande region de l'air &
de la terre, iusques aux concaitez de la Lune
fussent animees, & si ainsi estoit ou l'air auroit
vne ame seule ou plusieurs, que l'air ait vne ame
seule & vn seul esprit, cecy ne se peut dire avec
raisō, par ce que si cette ame estoit vnique, tout
feroit, mēbre d'vne seule partie, avec vn seul mou-
uement, & nō avec plusieurs contraires, cōme
on peut voir aux cieux, chacun desquels est meu
de son esprit, gouuernant vne seule partie
avec vn seul mouuement, & non pas plusieurs
contraires, le premier mobile de l'Oriēt à l'Oc-
cident, le Soleil & la Lune de l'Occident vers
l'Orient, & ainsi de suite chaque planete. On
cōprend le mesme en tous les animaux, & en

chasque qui se mouue, ny ne se peut mouuoir
 en vn meisme tēps, avec vn mouuemēt contrai-
 re: car cōme il marche deuant il ne peut pas en-
 semble, aller derrière, ains c'est l'aduis certain &
 aprouué de tous les Philosophes, que si vn ani-
 mal naissoit avec des parties si diuisees qu'elles
 fussent habilles & propres de se mouuoir, en
 parties contraires il mouroit incontinent, par
 ce que ce seroiēt choses repugnātes, a la perfe-
 ction de la nature, & du tout mōstreuses, pour-
 quoy il faut tenir pour conclusion arestée que
 l'air qui se meut en partie cōtraies, soit encore
 habité de plusieurs esprits intelligibles, qui en
 ayēt la superintēdēce, biē que veritablemēt nous
 ne puissions dire cōme ils y sont logez, & y ont
 estably leur demeure. Outre que cecy se peut
 cōsiderer que si Dieu toutpuissant n'auoit répli
 l'air d'esprits, ce seroit peut estre, ou parce qu'il
 ne l'auroit peu, ou qu'il ne l'auroit voulu. Que
 Dieu ne l'ait peu ce seroit vne vanité repugnā-
 te a la raison de le vouloir soutenir. Par ce que
 si en la terre, & en ces eaux, qui sont des espaces
 si estroits, & racouris au respect des airs, il avou-
 lu cōposer tant de choses viuantes quasi innō-
 brables. Qui croira que l'air si spacieux, si grād
 & si vague, plus grand dix fois que la terre, & les
 eaux, il ne les ait réplis de legions infinies d'ha-
 bitans? Autrement il auroit racourēi les larges
 espaces des airs, au contraire il auroit eslargi
 la terre, & l'eau de telle façon qu'elle pourroiet
 comprendre, & nourrir vn plus-grand nom-
 bre d'ames viuantes, ce que n'ayant fait, il se
 cōclud aisemēt que l'air est répli d'ames viuātes.

176 *Histoire Generale du Monde & de la Nature,*
De plus on peut dire qu'estant l'eternel Incréé
Dieu incomprehensible, comme vne cause
vniuerselle gouuerne tout, & qui n'est gouuer-
né d'aucun, estant l'homme, les plantes, les ani-
maux, les elements, & toutes les autres choses
sensibles qui ont la teste leuée, & sont regies.
Il faut encore conceder qu'il y a vne nature
moyenne, laquelle gouuerne les causes infe-
rieures, & est gouuernée des superieures, qui
ne peut estre autre que les intelligences, & ces
ames purement raisonnables, & comme en la
nature, il y a des corps sans ames, & sans intel-
ligence, comme les pierres, & des corps con-
ioints avec l'entendement comme l'homme,
il est encor bien seant & bien raisonnable qu'il
y ait des intelligences sans corps, qui sont des
esprits. Les songes sont ce pas des arguments
concluant qu'il y a des esprits: mais ceux qui
particulierement nous predisent les choses fu-
tures? Car les succez n'en succederoiēt si a pro-
pos s'ils ne nous estoient enuoyez de Dieu, par
le moyen des bons esprits, ou ne nous estoient
representez, comme dedans des miroirs, par
les demons, avec la permission toutefois de la
diuine bonté, de tout cecy les liures des anciē
fournissent d'exemples, & les tesmoignages des
hommes tres-sages, tres-doctes & non super-
stitieux, nous en doiuent faire pleine foy, com-
me vn Aristote, vn Platon, vn Hypocrate, vn
Galien, vn Pline, vn Socrate, vn Plutarque, vn
Diogene Tarce, vn Thomistre, vn Alexandre
Afrodisée, vn Tite-liue, & mille, & mille autres
infinis. Et pour en rapporter quelques vns Ari-

stote escrit que Eudemus de Cypre son fami-
 lier amy estant en la ville de Phene, pour lors,
 oppressé sous le ioug & la tyrannie d'Alexan-
 dre, estant detenu au lit d'une maladie tresgrie-
 ue & desesperée des Medecins, veit en songe vn
 ieune hōme d'une auguste representation, d'un
 visage beau, & releué, lequel luy predict qu'il
 releueroit de cette maladie, que le tyran mou-
 roit en peu de iours, & qu'apres cinq ans il re-
 tourneroit en sa maisō, de laquelle il auoit esté
 banny : ce qui luy succeda, car en peu de tēps il
 recourrit sa santé, Alexandre receut le salaire
 ordinaire des tyrans, & mourut d'un coup d'un
 des genereux citoiēs de Phene, & apres cinq ās
 retournant vers sa patrie il fut tué à Saragossē.
 Ce Philosophe interpreta que sa patrie estoit
 autre chose que le Ciel, où son ame auoit pris
 naissance, & laquelle luy auoit esté predite: mais
 sous des parolles obscures, par cette vision. Le
 pere de Galien fut trois fois sollicité en songe de
 faire estudier son fils a la medecine, ce que n'a-
 yant negligé, Galien est reussi si parfait, & si ex-
 cellēt qu'il est du tout incōparable, & n'a iamais
 eu aucun qui l'ait egalé en cette professiō. Le
 mesme Galien ayāt des douleurs excessiues en
 vne main fut admonesté en sōge de se faire ou-
 urir la veine & l'artere, qui est entre l'index & le
 pouce, & qu'il receuroit guarisō, ce qu'ayāt fait
 la douleur cessa incōtinēt. Cōme luy mesme le
 tesmoigne en la fin du liure qu'il a fait de la se-
 ctiō des veines, il escrit pareillemēt qu'il fut ad-
 uerti en songe descrire ce beau liure de l'aveuē,
 A Sophocle fut montré en songe celuy la qui

178 *Histoire Generale du monde & de la Nature.*
auoit desrobé la tasse dor du Temple de Hercules, ce qu'ayant publié aux arerages, le larcion fut pris : & apres plusieurs tourments confessa son delict, & rendit le vaisseau d'or, pourquoy il prit le nom de Hercules (*indica*) c'est à dire descouure par ce que luy mesme il auoit reuelé le larcin, mais quelle chose plus certaine se peut trouuer que dire qu'il y a des esprits Simonides s'il estoit encore viuant, en pourroit bien que dire qui pour auoir rendu les derniers honneurs à vn mort qu'il auoit trouué sur le riuage de la mer : comme il estoit prest de s'embarquer en vn vaisseau, l'esprit du deffunct l'espescha, comme de fait peu apres il veit apres il veit & les nautonniers & la nauire presque des le port estre enseuelies dedans les eauës avec vn estrange merueille de ceux lesquels sceurent peu apres la raison qui l'auoit dissuadé de faire voile, Pareillement Cælius rapporte que Ptolomee premier qui faisoit ceindre cette superbe ville d'Alexandrie de fortes murailles, fut en songe exorté d'vn iouuëceau extrememēt beau & duquel les ieux esclatoient tout en feu, de transporter son image qui estoit en la ville du Pont, en cette nouuelle ville qu'il cherissoit, & à laquelle il n'espargnoit aucune faueur, dequoi ayant peur & beaucoup de soin Ptolomee; il fut encore par vn mesme songe sollicité de faire ce qui luy auoit esté commandé : mais avec des menaces estrangës & espouuantables, ce que n'ayant negligé, il communiqua son songe à vn certain Timitee Athenien, & l'ayant interrogé dequel Dieu pourroit bien estre la statuë

que par le rapport d'aucuns marchādsil se trou-
uoit en la ville de Sinope, vn trefancien
Temple, dans lequel estoit l'image de Iupiter le
riche, & que facilement ce pourroit estre celle-
là: & voulant estre Ptolomee de ceci plus asseu-
ré, luy estant de nouueau apparu ce ieune hom-
me, avec des menaces plus espouuātables il en-
uoya à l'oracle Delphique duquel il aprit que
c'estoit la statuë de Iupiter, pourquoi il delegua
des ambassadeurs avec de tresgrands presens au
Roy Schride temide luy demandant la statuë de
Iupiter le riche, ce que lui aiant refusé le mesme
ieune homme qui estoit apparu à Ptolomee, se
represēta en songe à ce Roy & ne le menaça pas
seulement mais encore luy enuoia vne maladie
tresperilleuse qui le reduisit à toute extremité, &
tellement qu'il fut cōtraint apres auoir descou-
uert, & l'ambassade son songe, & sa maladie à ses
citoyens, bien que contre leur aduis, de deliurer
entre les mains des ambassadeurs de Ptolomee la
statuë, l'accompagnant iusques dedans la nauire
avec de tresgrandes solemnitez, laquelle estant
transportee en Alexandre, fut honoree d'un Tē-
ple superbe, au lieu mesme qui s'appelloit riche-
se. Alexandre Philosophe, & nullement supersti-
tieux raporte de mesme qu'il veit vn iour en sō-
ge qu'on celebroit les obseques de sa mere, de
quoy tout espouuenté, il commença à larmoier
& s'attrister, & racontant à ses amis cette vision
qui pour le consoler, l'asseuroit tout au contrai-
re d'une heureuse vie: Mais peu de iours apres il re-
ceut des lettres, par lesquelles il apprit que le
mesme iour de sa visiō sa mere estoit morte. Ce
qui se raporte de Sylla dictateur est remarquable,

181 *Histoire Generale du Monde, & de la nature,*
Pendant que dans les champs Philipiques, les
camps d'Atoine & d'Octaue estoient vis a vis
& pres de s'affronter avec ceux de Brutus, &
Cassius, la nuit d'aparaître ce sanglant combat
Minerue s'apparut en songe à Marcus Arcolius
Medecin, luy commandant d'auertir Octaue
d'entrer le iour suiuant en la bataille, par ce que
oultre qu'il guariroit il euiteroit encor vn mal-
heur qui le talonnoit de bien prez, & qui autre-
ment estoit ineuitable, ce qu'ayant appris Octa-
ue, il se leua de sa litiere, entra dans les rangs:
pour esueille le courage de ses soldats, & meit
telle peine pour emporter la victoire, qu'il fut
guari de son mal, & oultre fut deliuré de mort,
par ce que les soldats de Brutus ayant trouué
sa litiere espris de rage & de fureur dresserent la
pointe de leurs armes, & l'ayāt pris de viue for-
ce la taillerent en piece, pensant q'Auguste fust
dedans. Calphurnia femme de Iules Cesar veit
en songe son mari mort entre ces bras, & ce qui
plus l'affligeoit estoit qu'on l'auoit poignardé
entre ses bras, de quoy tout espouuantée elle
le pria instamment de n'entrer point au Senat
la iournée suiuite, ce que ne luy volant accor-
der, il fut miserament tué de vingt-trois coups
de poignard, par Cassius & Brutus. Louys Sfor-
ce en l'année mil quatre cens vingt-cinq, cōme
escriit Paul Ioue, le iour auparauant que de par-
tir d'Orthone pour aller contre Braccius, qui
auoit assiegé la ville d'Aquilée, comme l'Au-
rore esclatoit, & faisoit voir les premiers points
du iour, songea qu'il se trouuoit en vn torrent,

& en grand peril de se noier, & qu'en vain il demandoit ayde à vn grand homme qui estoit a l'autre riue, le lēdemain le Sforce ne se resouuenant de son songe voulāt ayder à vn page qui vouloit passervn fleuve, prez le chesteau de Pescare, estoit tombé dedans son cheual, encore que fort & plain de vigueur, s'embourba tellement qu'il ne se peut rauoir, si que par le pois de ses armes, luy & son cheual furent etouffez & furent perdus dedans la bourbe. Marc Antoine Torel Conte de Gastelle, songea vne nuit qu'il se noyoit, & ne s'estant voulu le lendemain abstenir de se baigner, se ietta dans vn sac ou beauconp des siens nageoient, dans lequel il senoya à leur veüë, & sans iamais pouuoir auoir de secours.

Alcibiades comme tesmoigne Probus, Iustin & Plutarque sōgea vne nuit qu'il estoit coupé le mâteau d'une sienne fauorie qui l'aimoit uniquement, & ce qui luy aduint, par ce que ayant esté tué par Tismene & Bagoas par le commandement de Critias dans le sein mesme de son amante, & son corps ayant esté ietté à la voirie sans sepulture, le songe raporté par Vallere le Grand & Herodote de Cresus Roy de Lydie est plein de merueille. Car vne nuit en songe ayant veu son fils aisné Atis qu'il designoit desia pour successeur en son Royaume, miserablement meurtry, & l'estomach percé d'une infinité de coups de dague, deffendit bien estroitement qu'on ne le laissast sortir plus doresnauant du Palais Royal, &

4 *Histoire Generale du Monde & de la Nature,*
tablit de bonnes gardes, faisant emporter
toutes sortes d'armes du chateau, pareillemēt
il fist defarmer ceux qu'il luy donna pour cō-
pagnie, & pour luy faire passer le temps plus
doucelement de cette prison. Il ne peut toute-
fois euitier son dessein, par ce que Atis s'estant
d'esrobé de ces gardes, & trompé les plus clairs
voyans, pour aller a la chasse du sanglier, avec
toute la noblesse du pays qui gastoit, la plaine
fut tué miserablement Dadrasse, qui luy plon-
gea vne fiesche mortelle dans le sein, & l'em-
pourpra de son sang, au lieu de frapper la beste.
Valere Maxime rapporte qu'Arterus Ruffus
cheualier Romain, songea vne nuict qu'il auoit
esté tué par la main d'un certain Retriarius, ce
qui racconta le iour ensuyuant a quelques vns
de ses amis qu'il trouua au spectacle des gladi-
ateurs, qui se faisoient pour lors en Saragosse,
sur ce discours Retriarius être sur l'arrene pour
combatre contre Mirmillo, Ruffus le voyant
se voulut retirer, commençant d'aprehender sa
vision, ayant recongnu celuy que le songe luy
auoit monstré en dormant, & luy en auoit em-
prainct la figure en l'ame: mais il fut retenu de
ses amis, & sur ce Retriarius poursuivant Mir-
millo qui fuyoit la part ou estoit Ruffus, il luy
tire vne estocade, laquelle ayant esquiuee, il
terrassa Ruffus au lieu de son ennemy. Iules
Cesar vn peu auparauant que d'estre masacré
au Senat, comme escrit Suetone songea qu'il
estoit esleué par dessus les nues, & qu'il tou-
choit de la main à Iupiter. Le songe fatal de
Quintus Catulus ne se doit oublier, car il vit

en iceluy celuy que les Dieux ayoient destiné pour esleuer la gloire Romaine au dernier periode de la grandeur, il luy sembloit en songe que Iupiter choisissoit vn enfant entre tous les autres, auquel il cōmettoit la charge de l'Empire, & en vne autre nuit il vit le mesme enfāt dans le sein du mesme Dieu, d'ou Catulle le voulant arracher & luy faire violence, Iupiter luy dist qu'il s'en donnast de garde, par ce que il esleuoit cette tendre ieunesse pour la cōseruation de l'Empire. Le iour suyuant il remōtra Octaue qui fut depuis vn si souuerain Monarque & reconnut estre celuy qui auoit receu de si precieuses faueurs des Dieux, & que Iupiter auoit cheri entre ses bras,

Cābises Roy des Perles, cōme dit Herodote songea de voir Simerdes son ieune frere, qui se seoit dans son throsne royal, & qui touchoit de sa teste les estoilles, dont estant merueilleusement troublé, & craignant, que son frere ne cōspirast contre sa vie & luy rauist son sceptre, manda à Pressapses qu'il tuaist Simedes, ce qu'il n'executa touttefois, d'autant qu'un autre Simedes Magicien, qui faisoit courir le bruiet d'estre le fils de Xerces s'estoit emparé du Royaume. Et Cambises estat monté a cheual se tua de son espée, laquelle luy estoit tombée du fourreau. Amilcar Capitaine des Cartaginiens, ayāt vne nuit songé qu'il souperoit le soir ensuiuant dans vne ville qu'il assiegeoit, sur quoy les Deuins luy auoiēt promis que il seroit effectué, & qu'ainsi les destins l'en asseuroient, arriua le iour ensuiuant que vne seditiō s'estāt esmeue

180 *Histoire Generale du Monde & de la Nature,*
en son camp les assiegez ayant prins l'occasion,
sortirent si viuement qu'ils mirent les Cartagi-
nois en routte, & emmenerent Amilcar pieds &
poings liez en la ville. Valere Maxime Tite Li-
ue & Ciceron font foy qu'un pauvre homme
Annius vit en songe Iupiter qui luy comman-
doit d'aller le lendemain au Senat Romain, &
qu'il leur dit de sa part qu'il vouloit qu'ils fissent
renouueler les ieux Circenses discontinués de-
puis quelque annees, autrement qu'ils s'en re-
tireroient & sentiroient le dōmage de leur con-
tumace. Ce que ce pauvre homme n'ayant fait
le lendemain se representant à luy en songe vne
autrefois le mesme Dieu, il luy commanda avec
d'estranges menaces le mesme qu'à la premiere
fois, dequoy ne s'estant non plus donné de pei-
ne que du premier commandement pour cette
desobeissance, il demoura tout perclus de ses
membres: restant comme immobile & insensi-
ble, ses amis affligez de son mal, luy conseillent
de se faire porter en litiere au Senat, & la de leur
faire son ambassade, & leur dire sa charge. Ce
qu'ayant executé & s'estant faict porter au Se-
nat, il leur raconta la vision, & ses diligences
pour n'auoir obey à la premiere semonce, & à
l'instant il recourrist sa santé & retourna sur ses
pieds sans aucun ayde en sa maison. Mille &
mille autres exemples, pourroit on amener qui
sont esparfes cy & la dans les liures anciens,
comme de Ciceron, Cyrus, de Phalaris, de An-
nibal, de Scipion, de Cæsar Dictateur, d'Augu-
ste de Neron, de Pausanias, de Themistocles,
d'Alexandre le Grand, de Xenophon. Et de tous
ceux qui aux siecles passez, ont acquis au prix

de leur sang quelque reputation, l'histoire des-
quels empliroient plusieurs pages, & lesquels ie
passe pour ne m'embarquer en vn discours, du-
quel tous les escrits des Latins, & des Grecs s'ot
pleins. Mais ceux cy suffisent pour mōstrer seu-
lement que les songes, & visiōs aduenues, & ra-
contez des saincts Peres Chrestiens, par le moiē
des bons Anges & meschans ne sont apostés, ou
pures men songes: mais que c'est la verité de la-
quelle on tire vne asseurāce indubitee qu'il y a
des esprits & des Anges, d'une nature moyēne
entre nous & le Createur, par le moyē desquels
sa diuine maiestē se sert pour consoler les bons,
pour reprimer les mauuais, & pour le tesmoi-
gnage de sa gloire. Encore diray-ie en passant le
songe que feit Hipocrate pendant qu'il medi-
toit en son lit & minutoit quelque remede au
mal de son grand amy Democrite, n'estant cro-
vable qu'estāt Medecin & Philosophe si excel-
lent il eust voulu dire mēsōge, il d'escrit qu'une
nuict apparut Esculape, qui luy presēta la main
& l'ayāt Hypocrate prise avec vne extraordi-
naire allegresse il le pria qu'il voulust venir avec
luy pour dōner remede a sō amy, auquel il fit re-
spōce, que de luy pour l'heure Democrite n'a-
uoit de besoin: mais de cette Dame qui estoit
avec luy. Celle cy luy prenāt la main, le Dieu di-
sparut, disāt demain ie seray avec toy, pour visi-
ter Democrite, & le Medecin le pryāt de luy di-
re qui estoit cette Dame, il luy dit que cestoit la
Verité, & que l'autre qui estoit proche d'elle
estoit l'Opiniō, Hypocrate interpreta sō sōge,
sçauoir que Democrite n'auoit que faire de me-
decin, puis que le Dieu de medecine l'auoit quitē

188 *Histoire Generale du Monde & de la Nature*,
estant la verité que Democrites estoit sein chez
Democrite, & que l'oppinion que Democrite
estoit malade veritablement estoit chez les A-
biderites, voycy ses parolles. *Ego igitur cum de
sommo surrexissem mihi ipsi somnium interpretatus
sum, quod non indigeret medico Democritus, quando
sane ipse medendi Deus discessisset, velut qui medendi
occasionem & materiam non haberet. Sed ipsa quidem
veritas, quod Democritus sanus sit apud Democritum
opinio vero quod Democritus agetet, re vera apud
Abderite habitat. Atque hac esse, in Philopa-
men, credet sunt sane, & non contemno somnia, &
maxime ubi ordinem conseruant, ea vero ita esse experi-
mento deprehensum est.*

Iay voulu alleguer ces exemples des Gentils
& laisser ceux de la sainte escriture, pour estre
vne creance generale, & desquels douter ce se-
roit impieté, les volumes en sont pleins, afin
qu'aucun ne soit asseuré Momus qui repren-
ne ce que i'en ay allegué, & que mes allegatiōs
sans preuue sont veines estāt obligez d'en croi-
re autāt que les saintes pages en raportent, bié
que ie ne manquerois point de tesmoings que
l'Eglise approuue, & dont les merites leur don-
ne place dans les Cieux. Car qui voudroit rap-
porter les songes, dont la sancte Bible fait men-
sion, tant a l'ancien qu'au nouveau testament ce
seroit aller comme l'on dit a l'infini, cōme d'E-
lie, de Ioseph, de Nabucodonosor, de Daniel,
de Dauid, & de plusieurs autres, & particuliere-
ment de ce notable Salomon, auquel il merita
de receuoir de Dieu, apres beaucoup de prieres
cette sagesse admirable, de laquelle il gouuer-
noit son peuple, & donnoit de l'estonnement a
tout

à tout le monde. Ainſi dans les Euangelistes on lit le ſōge de Ioseph par le moyē de l'Ange qu'il ne deuoit point craindre prendre la V. M., pour son Espouse, eſtant groſſe par l'operation du S. Esprit : qu'ils transportaſſent Ieſus-Chriſt en ſa premiere enfance en Egypte : qu'ils retournaſſent en Iudee apres la mort d'Herode: de l'aduiſ que donna le ſainct Ange aux Mages d'Orient, qui eſtoiēt venus pour adorer le Sauueur, qu'ils ne deuoient retourner en Hieruſalem vers Herodes, mais par vn autre coſtē : de la viſion du vieil Simeon dans le temple: de la viſion en ſongede la femme de Pilate: des Saints Pierre & Paul Apoſtres, leſquels receurent en dormant des grandes conſolations eſtants en priſon, de laquelle par le moyen de l'Ange commis de Dieu, apres auoir rompu les ceps & cheſnes, leſquels ils eſtoiēt garotez ils furent deliurez.

Grandes reuelations faites aux ſaints perſonnages par les Anges.

Qu'il y ayt des eſprits, ou des Anges outre les raiſons fuſdites, cela ſe preuue clairement, par le moyen de leurs operations & des choſes prodigieuſes, qui ſe liſent d'eux en toutes les hiſtoires du monde, comme il ſe peut voir du temps de Iule Ceſar, que les Demons retournerēt la ſtatue & le ſimulacre de la victoire qu'il auoit conſacrē dans le temple de Minerue, qui eſtoit en Elide. Et que pareillement en Antioche de Syrie on entendit par deux diuerſes fois à l'entour des murailles vn tel bruiēt d'armes & de cheuaux, vn effroyable ſon de trompettes, de bombardes, & autres inſtruments de guere, que les Citoyens tous effroyez 'coururent aux armes, croians que ce fut vn monde d'ennemis

190 *Histoire Generale du Monde & de la nature,*
qui les vint assaillir. Le mesme aduint en Ptolomai-
maide, bien que iamais on ne vy, ny hommes,
ny cheuaux. En Pergama les metaux & les
vases mis en la saincte & secrette partie du tem-
ple sous terre resonnerent, & bien qu'ils ne fus-
sent touchez d'aucun rendirent diuers sons.
Semblablement au temple consacré par Cesar,
en l'honneur de la Deesse victoire, on vit naistre
au grand estonnement de tout le monde, vne
palme qui ombragoit & couuroit sa statuë. Ces
choses sans doute ne pouuoient estre faictes que
par les Demōs qui presageās la grādeur de Ca-
sar, vouloient par tels moyens persuader aux
gentils, que l'Emperere estoit vn Dieu pour les
faire tōber en vne idolatrie. Et pour les mainte-
nir en ceste superstitieuse opiniō apres sa mort,
ils firent que des cheuaux, sans vouloir gouster,
ny l'auoine, ny le foin, courroient sur le fleue
du Tibre, respendant de grosses larmes, ar-
mans par ces pitoyables façons tout le monde à
la vengeance. A Capouë ceux qui fouillerent
dans le sepulchre de Capis, à qui on donne la
gloire d'auoir fondé les superbes murs de ceste
ville, fut trouuée vne table d'airain, dās laquelle
on lisoit ces paroles, *Quando ossa Capis detecta erunt:*
Iulo prognato manu consanguineorum, necabitur, ma-
nus qua moa Italia cladibus vindicabitur. Les De-
mons firent bien encor d'autres merueilles: car
durant les ieux consacrez en l'honneur d'Augu-
ste son successeur aparut par sept iours continus
vne comette cheueluë, laquelle peu apres le
peuple Superstitieux estima que ce fut son ame,

qui prenoit place au Ciel, & qui croissoit le nombre des deitées. On pouuoit dire bien encor d'autres choses des operations & prestiges des esprits, comme de l'Oracle d'Apollon, & Disis qui prédisoient les choses à venir, & les secrets, qu'il sembloit que Dieu auoit reseruez à sa preseance du finitilachre de Pallas, qui sua à grosses gouttes pendant le fameux siege de Troye, toutes ces choses qui surpassent l'entendement humain, ne se peuuent attribuer à d'autres qu'aux Démons. Mais tcey suffice pour la confirmation de mon dire, passant sous silence leurs operations rapportees dans les saintes pages, pour estre choses cognuës à ceux qui font profession du Christianisme, & qui sont aduoüees vne generale creance. Mais qui n'ira les esprits ayant leu que l'Ange acompagna le petit Tobie en ses voyages loingtains, qu'il voyoit si familièrement mangeoit & beuuoit avec luy, & par le moyen duquel il receu tant de benefices de Dieu, & redonna la lumiere du iour à son pere, qu'un Ange tua en vne nuict tous les premiers naiz d'Egyte, qu'un Ange portoit à manger à Daniel enclos dans la fosse des Lyons. Qu'un autre donna aduis à Lot de s'enfuyr & quitter l'abominable ville de Sodome & Gomorre, contre laquelle Dieu armoit son bras & de feux & de foudres. Que deux Anges logerent en la maison du Grand Patriarche Abrabram repeurent chez luy, & ausquels il laua les pieds: qu'un autre mené à Baalam s'il mandissoit

192 *Histoire Generale du Monde & de la nature,*
 le peuple Hebreu, qu'une Enchanteresse ou Pi-
 thonille fit voir au Roy Saul, l'esprit du Pro-
 phete Samuel, qu'un Ange sous la plume d'un
 Corbeau, portoit à manger au Prophete Elie
 dans les grottes. Qui n'a point leu dans le nou-
 veau testamement, que l'Ange Gabriel annon-
 ça visiblement à la tres-saincte vierge, qu'elle
 estoit esleue entre toutes les femmes, pour
 estre la mere de Dieu, qu'un autre rompit dans
 les prisons les chaines desquelles S. Pierre es-
 toit lié, qu'un autre ravit Philippe l'Apostre, &
 le porta dans les airs, pour aller baptiser l'eunu-
 que de la Roynie Candace. Que de ces saints
 esprits apparut aux Dames & aux Disciples ve-
 stus de blanc au Sepulchre de Jesus-Christ, leur
 annonçant sa diuine resurrection. Qui n'a dans
 ces mesmes liures leu les operation des esprits
 immondes, qui possedoient les corps humains,
 & qui en furent chassés par la toute puissante
 main de l'eternel: de celuy qui possedit l'hom-
 me sourd & muet, de ceux qui possedit cest
 autre de Geraseni, & exerçoient l'impuissance
 sur son corps, le faisant courre par les monta-
 gnes & les boys sans aucun repos, que le Sei-
 gneur chassa & fit entrer dans les pourceaux, qui
 transportez de rage se precipiterent dedans la
 mer prochaine, où ils s'estoufferent. Qui n'a
 leu les effets de tant d'autres qui se voyent,
 mesme en ce temps parler tant de diuerses lan-
 gues predire les choses futures, descouvrir les
 secrets, encore qu'ils agissent en des personnes
 indiottes, sans lettres, sans iugement, & du
 tout incapables, & qui a peine, scauent passa-

*Diuers of-
 fices faits
 par les
 Anges.*

blement leur langue natalle , qu'ils ont sucree
auec le laict. On raconte que vne Sibille , ou
plustost Magicienne, voyoit en son miroir en-
chanté en Corone, ville en Calabre, & raconta
à Alphonse d'Arragon, gouuerneur de ce pays,
tout ce que le iour auparauant il auoit traicté
auec l'Ambassadeur de Venise. Argument tres-
fort pour conuaincre les obstinez, qu'il y a des
esprits, que s'il y en a de tellement opiniastrez,
& qui n'en veulent rien croire, ils apprendront
à leurs despens parmy les peines des enfers, qu'il
y a des boureaux & des esprits immondes, qui
leur feront sentir qu'il y en a, & porter la peine
de leur incredulité.

Argumens par lesquels on confute les opinions des Epicuriens, Saduceens, & Peripateticiens qui nient les esprits.

CHAPITRE V.

*C'est ceux
que ont néé
les esprits.*

PAR les choses cy dessus rapportées on recognoist à veüe d'œil les erreurs grossieres des Peripateticiens, Epicuriens & Saduceens, qui ne vouloiēt admettre les Esprits, & que leurs raisons alleguées ne sont considerables & d'aucun poids. Car de dire que s'il y auoit de Esprits, il faudroit qu'ils eussent vne ame & vn corps, & par consequent il seroient visibles. Il ny a point d'apparence se pouuans trouuer des substances intelligibles sans commixtion & composition d'elemens, cōme concedent toutes les escoles des Philosophes, non plus que de dire, que se trouuans vn si grand nombre d'esprits dans les airs du Ciel, & la terre, ils espouuenteroient & feroient mille maux aux hommes, par leur prestiges & leurs ombres nocturnes. Car ayant la puissante main de Dieu crée avec cēt Vniuers toutes les creatures, il leur a encor donné vn ordre si beau & si excellent, que l'vn n'empesche point l'autre, ains tous ensemble ils font vne harmonie, & sont tellement vnis, qu'ils conspirent tous pour la perfection de ce grand

monde, & pour croistre ses beautez. L'eau bien qu'elle soit plus spatieuse, & plus grande que la terre, n'ose point toutefois en sa fureur de ses ondes irritees passer les bornes invisibles que Dieu luy a donnees, elle ne la noye point & n'entreprend rien sur son Empire. Elle faict couler tantost vn fleuve par ses veines, tantost elle faict soudre vne fontaine, tantost vn torrent, tantost vn lac: mais tousiours pour son ornement. Pourquoy il n'est de merueille, si tant de legions d'esprits ne peuvent endommager l'homme, bien qu'ils soient mauuais, que leur inclination les porte au mal, & qu'il leur face mille imprecations, qu'il se mocque d'eux, & les mesprise, parce que ils n'ont point de force, qu'en tant que Dieu leur en donne. Iob nous en sert de tesmoing, irreprochable. Le Demon disoit bien à Dieu qu'il auoit enuironné toute la terre, & s'estoit promené par tout l'Vniuers: mais il ne dict pas qu'il eust blessé, ou qu'il eust aporté la moindre incommodité que ce fut à la petite creature: car il ne pouuoit, & voulant affliger Iob, il en demanda permission à Dieu, lequel pour la premiere fois estendit son pouuoir sur les biens seulement, *ecce vniuersa, quæ habet, in manu tua sunt, tantum in eum ne extendas manum tuam.* Et la seconde fois il excita soit pouuoir sur le corps, & non point sur son ame. Enquoy on peut remarquer que les esprits ne peuvent rien qu'en tant que Dieu leur laisse la main, & n'ont aucune force. Et quand il permet que ces Demons saisissent

126 *Histoire generale du monde & de la Nature,*
vne creature, & exercent leur tyrannie sur elle.
Il ne faut pas rapporter leur peine aux Matema-
ticiens, ny au cours ou decours de la Lune,
bien que leur tourment son plus violens en vn
temps qu'en l'autre; car cest esprit rusé recher-
che toutes sortes d'artifices pour couvrir son
ieu, il prend l'occasion des temps pour en faire
attribuer la cause à la Lune & aux Estoilles, qui
sont creatures de la diuine Majesté, contre la-
quelle il s'est reuolté. Et d'autant qu'ils ne peu-
uēt riē faire que par le moyē de la vertu naturel-
le, ils troublent la fantasie des hommes en ce
temps du cours ou decours de la Lune, & des
autres aspects celestes, desquels ils cognoissent
le cerueau debile & capable de receuoir toutes
sortes d'impressions. Et encore que la sacree
Genese ne face mention de la creation des An-
ges. S. Augustin dict toutefois qu'elle doit
estre entendue sous ces noms de Ciel & de lu-
miere, car si Moise eust parlé à ces peuples rusti-
ques & ignorans, qui n'estoient capable de cō-
prendre en leur esprit grossier la nature incor-
porelle des Anges, & s'il leur eust discouru des
choses releuees par dessus la nature & le sens.
Il eust porté leur naturel, & l'eust faict glisser
dedans l'idolatrie, à laquelle il estoient merueil-
leusement enclins, comme on lit qu'il s'enuyoit
de seruir vn Dieu immortel, & qu'ils ne voyoiēt
point, ils adorerēt vn veau, vn serpent, & des au-
tres idoles, qu'ils se firent & esleuerent, outre ce
que nous pouuōs apprendre dās ce S. liure en vn
autre lieu ou Moyse dit, que du tēps qu'Adā &

*Les esprits
ne peuuent
rien faire
que par le
moyen de
la vertu
naturelle.*

nos premiers parens, iouyssoient des delices du paradis Terrestre, il y auoit encor vne autre espece de creatures raisonnables, laquelle estoit plus rare, & plus fine que tous les autres animaux, lesquels Dieu auoit mis sur la face de la terre, vn desquels trompa la femme, sous la peau & l'image du serpent qui n'estoit autre que Lucifer, ou vn de ceux qui releuent de son Empire. Et n'y a non plus de raison en ce que disent les peripateticiens que s'il y auoit des esprits ils ne pouuoient entendre les secretes parolles, des magiciens & de ceux qui les conuierent pour ne pouuoir estre en tout lieu, d'où ils concluent que c'est vn abus de croire qu'il y en aist, car bien qu'il soit vray que les Demons ne peuuent estre tousiours en tout lieu. Ils sont toutesfois si vistes & si legers, qu'en vn momēt ils peuuent faire vn million de lieues & en vne espace de temps enuironner tout l'vniuers, ils peuuent en vne minute courir tous les Royaumes, toutes les prouinces & les villes, & visiter tous les peuples qui sont sous les Cieux, à plus forte raison peuuent-ils ouyr en vn moment ceux qui par leurs coniurations & murmures magicques les appellent & les inuoquent, & bien que cette disposition & legereté de premier abord semble incroyable & prodigieuse, si est-ce toutesfois qu'il est certain & qui se prouue non seulement par l'exemple cy-dessus allegué, quand Lucifer respōdit à Dieu qu'il auoit enuironné toute la terre, & tourné tout le monde en vn seul iour, mais par vne infinité qui se lisent en la sainte Escriture, & dans

198 *Histoire Generale du Monde, & de la Nature*
 les memoires de tous les hommes, doctes, com-
 me de celuy de l'escolier, dont fait mentiō Paul
 en Hirlande, & dit auoir esté porté par vn demō
 en vn moment en vn pays estrange de ce villa-
 geois qui se fist porter au Sabat avec sa femme,
 montez tous deux sur vn demon qui auoit
 emprunté la forme d'un cheual, qui pour auoir
 nommé Dieu se vit abandonné des demons, &
 de sa femme, se trouuant nud & tout seul, sous
 cenoyer de Beneuent, plus de deux cens mille
 loing de sa maison, de Simon Magus, d'Apolo-
 nius, Thianeus, & de beaucoup d'autres des-
 quels nous ferons mention cy-apres qui se fai-
 soient porter par les airs, par les demons en di-
 uerses parties du monde, & de plus cette lege-
 reté d'esprits, se prouue encor par raisons natu-
 relles qui tombent sous le sens commun, & par-
 ticulierement par la consideration de la legere
 course des cieux, meus de l'Ange qui y preside, &
 les gouerne par vne vitesse si admirable, qu'elle
 estonne tout le monde, comme encor par la
 contemplation du tour que fait l'Ange, qui
 tourne le huitiesme Ciel en 24. heures, lequel
 tour a plus de quatre cens soixante & dix milliōs
 de mille, a conter mille pas pour le mille, suyuāt
 la dimension commune de la Geometrie. Pour-
 quoy Archimede & Ptolomee, ont monstré
 que la distance du milieu de la terre, iusques au
 Soleil, estoit de mil cent & neuf semidiametres,
 lequel semidiametre, contient trois mil sept
 cens, & vingt mille a prendre mil pas pour vn
 mil, & le circuit de la terre est six fois plus
 grand, avec vne septiesme, de plus si que du

*Anciens
 qui se fai-
 soient por-
 ter par les
 demons.*

centre de la terre, iusques au Soleil, il y auroit deux millions deux cens soixante & cinq mille, quatre cens quatre-vingts mille de distance. Les Arabes Alraganius, Albategno, & Thebit Campano ont esté bien plus hardis en leur supputation, car ils ont dit que la distance de la premiere iusques au huitiesme Ciel estoit de vingts-mil & quatre-vingts & vn semidiametre, & vingt & huit minutes de plus qui feroient soixante & quatorze millions huit cents trois mil cent, & quatre-vingts mille.

Le Rabi Ramban en met encor d'auantage, Parce que les demonstrations astronomiques se font avec le sens, mais la supputation & de ptolemaee est la plus seure, ou il montre que du rayon du semidiametre, à l'arc est comme de 52. à 60. & par les demonstrations d'Euclide en son troisieme liure six semidiametres du cercle font iustement l'exagone, tellement que le semidiametre du centre de la terre, iusques au huitiesme ciel se trouuera iustement six fois au huitiesme Ciel, qui sont six fois soixante & quatorze millions huit cents trois mil cent quatre-vingts-mille, & le surplus du cercle qui sont 48. degrez, prenant huit degrez pour chacun arc de l'exagone du cercle, outre les six semidiametres qui sont cinquante & sept millions, huit cents trente trois mille trois cens quatre-vingts mille, laissant vingt & huit minutes, qui sont mille six cens mille. De sorte que tout bien supputé le circuit du huitiesme Ciel, seroit de quatre cens soixante & dix mil-

200 *Histoire Generale du monde & de la Nature,*
millions, cent soixante & quatre mil trois cens
quatre vingts & cinq mille qui se feroit en 24.
heures, si que tellement en vne minute qui est
la soixantiesme partie d'une heure, l'huitiesme
ce faict six cens soixante mille, & plus par le
mouvement de l'Ange, que les Hebreux appel-
lent Cherubin, dont on peut tirer combien est
debile, la raison des peripateticiens, qui disent
que les esprits ne pourroient entendre les pa-
rolles du magicien pour en estre trop esloignez
pouuant en vn moment voir, celuy qui s'est ré-
du pour esclau, & qui luy a donné l'ame & le
corps, dequoy il est si desireux que tousiours
sans cesse, comme tesmoigne l'Apostre, il se
promene a l'entour de l'univers en guise d'un
furieux lion, cherchant quelque nouvelle proie.

Que c'est que des Anges & des esprits, &
de l'opinion des Philosophes, & des
Theologiens, sçavoir s'ils ont
vn corps.

CHAP. VI.

Cette question est fort difficile de vou-
loir discourir que c'est que des Anges,
d'auãt que par les demõstratiõs natu-
relles, nous ne les pouuons congnoi-
stre, encore moins par la subtilité des sciences &
& desquels les sainctes pages parlent assez peu,
& sans doubte nous congnoissons plustost par la
lecture de la philosophie, & des histoires an-
ciennes, l'essence & la substance de Dieu que des
Anges ses creatures, & la raison est que nostre
salut despend plustost de la congnoissance du
Createur, que de la creature, & pourquoy il
s'est voulu manifester plustost que ses creatures
spirituelles. Et d'autant que nostre science natu-
relle pour comprendre les choses spirituelles
procède des effects à la cause, pourquoy Dieu à
voulu monstrier beaucoup plus d'effects de soy-
mesme és choses naturelles, comme nous auõs
monstré au premier liure, que des Anges qu'il a
créés, & toutesfois encore que cette chose fust
bien difficile, l'entendement humain a esté assez
ambitieux d'en vouloir sçavoir quelque chose,
sinon avec des arguments immediats & certains

Pourquoy
Dieu s'est
voulu ma-
nifester.
plustost que
ses creatu-
res.

202 *Histoire generale du monde & de la nature,*
pour le moins avec des coniectures probables,
lesquelles selon les Philosophes conuiennent
mieux, & sont plus propres aux choses intelligi-
bles que les demonstrations, ne sont certaines
aux choses naturelles, *Præstat*, dit-il, *aliqua*
probabiliter nosse, de rebus superioribus, & cælestibus,
quam de rebus inferioribus multa demonstrare. pre-
mierement donc nous dirons que ce nom d'An-
ge signifie vne propre substance, par ce
que ne sçachant proprement qu'elle chose c'est
encore moins leur pouuons nous donner vn nō
propre qui leur conuienne. Sainct Ambroise
dit que si on regarde le nom & la nature de l'an-
ge, il n'est autre chose qu'esprit, & le nom de
son office n'est autre chose qu'Ange qui veut
dire, suiuant la diction Grecque, nonce ou mes-
sager, parce qu'il nous porte & rapporte les am-
bassades & commandements de Dieu, & nos
prieres au ciel. Les anciens Philosophes n'ap-
pelloient ces esprits celestes Anges, mais intel-
ligences & substances separees: comme au con-
traire les platoniciens, comme nous auons dict
cy-dessus, appelloient ceux qui faisoient leur
demeure dans le Ciel Dieux, & ceux qui de-
meuroient sous la Lune Dæmons: On lit en-
core le liure d'Apulee, intitulé le Dieu de So-
crate, c'est a dire de l'esprit qu'il possedoit, le-
quel il appelloit Dieu, croyant qu'il fust Sa-
turnien & celeste. S. Augustin voulant mon-
strer que c'est quel' Ange dit, *Angelus autem spi-*
ritus est substantia incorporea, inuisibilis, sensibilis, ra-
tionalis, intellectualis, immortalis, bonorum lucida, &
impassibilis:

*Les anciens
Philosophes
n'appelloient
ces esprits
celestes an-
ges.*

Nous ne pouuons donc cognoistre autre chose des Anges, sinon que ce sont des substances plus sublimes, plus nobles & plus dignes que toutes les autres choses inferieures qui tombent sous nostre veüe, & beaucoup plus encore que nous mesmes. Ce que les Theologiens prouuent par la bouche du Prophete Dauid., lequel parlant de l'homme dict ces parolles à Dieu, *Minuisti eam paulominus ab Angelis*, dont nous apprenons que l'homme est d'un peu moins digne que l'Ange, certe opinion a esté suiue generalement par tous ceux que l'antiquité a recogneu plus sages, & qu'il se trouuoit au monde de certaines substances, parfaites & spirituelles, lesquelles par vne naturelle dignité surpassoient toutes les autres creatures, De ces substances parfaites, on a beaucoup disputé en l'escole des Philosophes, & des Theologiens pour sçauoir si elle auoit un corps. Apulee dit que les esprits sont des animaux d'un esprit passible, d'une ame raisonnable de corps aëreen, & de temps eternal. L'academie de Platon resolut que l'ordre de toutes ces substances & de ces esprits, auoit un corps excepté la premiere creature crée, comme nous auons dit au liure premier. Cét aduis fut suiuy de beaucoup de Theologiens, viuans dedans la sainte Eglise, comme d'Origene lequel asseuroit estre impossible, qu'aucune chose peust viure sans corps excepté le Pere, le Fils, & le saint Esprit, & en un autre lieu il dict que les Anges ont vne ame tout ainsi que les hommes.

204 *Histoire Generale du Monde & de la nature,*
Tertulian a tenu le mesme, disant qu'ils appren-
noient l'un & l'autre cecy d'un passage de la *San.*
Escriture, Videntes filij Dei filias hominum quod es-
sent pulchra acceperunt sibi uxores ex omnibus quas e-
legerant. Ou ils interpretent que les fils de Dieu
ne sont autres que les Anges, lesquels n'auroiēt
peu faire cela sans estre composez de matiere &
de forme, & n'eussent eu vn corps naturel & v-
ny, ce que mesme ils prouuoient par argumēts,
disant que toutes les substances qui sont enfer-
mees en la supreme sphære du dixiesme ciel, sōt
de nature finies, parce que les choses finies, ne
pourroient estre comprises du cercle finy, & par-
tant que se retrouvant en ce grand palais du
monde, des Anges & des Dēmons, il estoit de
besoin qu'ils fussent de nature finie, ils disoient
la chose qui est finie à ses termes, dans lesquels
elle est resserree, & le lieu auquel elle est com-
prise, mais la chose incorporelle n'a point de
termes, dans lesquels elle finit, n'y point de
lieu qui la contienne, donc les Anges, & les de-
mons sont corporels. Ils argumētoient encore,
toute substance, excepté Dieu à vne puissance
viuifie, & toute puissance finie, à pareillement
vne distance terminee, donc il s'ensuit que les
Anges & les demons sont compris d'un lieu ter-
miné, de sorte que ils ne peuuent estre en tout
lieu, & beaucoup moins en plusieurs lieux en vn
mesme temps, ce qu'asseure mesme Scotus &
Damascene, & cecy se preuue, d'autant que si
quelque substance finie se trouuoit en vn mes-
me temps en diuers lieux, il s'en suiuroit cet in-
conuenient, qu'en vn mesme temps, elle seroit
arrestee, &

arrestee & se mouueroit ce qui ne peut estre cō-
 me tient Aristote, au quatriesme de sa physic-
 que, De plus la substance finie ne peut estre ren- *La substā-*
 fermee dans d'autres bornes, & ne peut auoir *se finie n'a*
 d'autres limites que la superficie, mais la super- *que sa su-*
 ficie est le propre de son corps, & à luy seul elle *perficie*
 conuient, donc il est de besoin que toute substā- *pour bornes*
 ce finie, ait vn corps, parce que si elle n'auoit
 point de corps, elle ne seroit point comprise
 de sa superficie, & consequemment elle seroit
 infinie : & pourquoy nous tomberions en l'in-
 conuenient cy-dessus, & que la cause infinie de
 ce grand monde qui est finy, seroit comprise.
 Outre plus tout ce qui se mouue d'un lieu à
 l'autre, il faut qu'il passe premier vn espace
 moindre que soy-mesme, puis vn egal & finale-
 ment vn espace plus grand que soy-mesme.
 Mais les substances incorporelles pour estre in-
 diuisibles ne peuuent courre par vn espace
 moindre que soy, ny egal, ny plus grand : Car
 ce qui est indiuisible ne se peut dire, ny grand,
 ny petit, ny plus-grand ny moindre, donc il faut
 confesser, que tout ce qui se mouue d'un lieu à
 l'autre, il faut encore dire qu'il a vn corps : &
 est impossible à l'esprit humain de comprendre
 comme l'Ange pourroit aller d'un lieu à l'autre,
 & d'une extremité, à l'autre, sans passer par le
 milieu. Estant donc le lieu diuisible, comme le
 philosophie l'enseigne autant le bon comme le
 mauuais Ange, sera diuisible & par conse-
 quent corporel autrement il s'ensuiueroit que
 le lieu ne seroit point lieu & le corps ne seroit
 diuisible.

Ces raisons sont aduouees de Porphyre, de Iamblique, Platon & Aristote, Plotin, Philopon, Olympidore, Alexandre Ammonius, Apulee, Gaudonius, Tertulian: & encore de Sainct Augustin en plusieurs endroits, qui dict en vne sienne Homelie que les esprits sont reuestus de corps, *Constat* (dit-il) *quod omnis spiritus sit corpus & corporalis natura.* Sainct Gregoire appelle les Anges animaux raisonnables, & Damascene dit, *Omne creatum comparatum ad Deum, qui solus est incorporeus, crassum & materiale inuenitur: solus autem incorporeus & immaterialis est Deus.* Sainct Augustin en la Genese, soustient que les demons sont corporels, *Angelismalis* (dict-il) *mutata sunt in casu corpora in deteriore qualitate aeris spissioris:* & en vn autre endroit, *tenuia Angelorum corpora in deteriora & spissiora transformata sunt, quibus ab igne pati possent.* Scotus asseure que les Anges ne peuvent estre en vn instant, par tout, ny moins en vn lieu infiny 'mais qu'il faut qu'ils soient en vn lieu, ny trop grand, ny petit, mais egal à leurs substances, il escriuoit ainsi. *Quoniam nec ubique nec in loco infinito esse potest, nec in minimo: sed in adequato sua substantia quo maiorem habere non potest.* Si donc l'esprit est en vn lieu, il faut qu'il soit corporel. Car Aristote veut que ce soit vne des matieres plus indubitees que le lieu est la cause propre du corps: donc il ne peut y auoir de lieu sans corps, sçauoir est le vuidé, ny aucun corps sans lieu, & de cecy quelques-uns tirent des arguments pour monstrier l'essence infinie de Dieu, laquelle Scotus, comme il dit luy-mesme, n'a iamais encore peu retrouver.

Car comme il a esté dit cy-dessus, estant la substance corporelle & infinie & estant Dieu seul & incorporel, parce il vient à estre seul infiny. pareillement estant la seule substance, simple infinie, & estât Dieu seul substâce, tres-simple, il est de necessité que Dieu seul soit infiny. Ou que Dieu soit vne substâce tres-simple, cela se prouue aisement, car si c'estoit vne substance composee, il seroit de besoin que ce fust d'un autre principe qui luy fust superieur, d'autant que, comme aucune chose ne se fait de soy-mesme, aussi nulle chose ne se peut composer de soy-mesme, mais Dieu n'a point de superieur, & depend seulement de soy-mesme, estant infiny a pareillement toutes les choses infinies, comme la vie, la puissance, la bonté & toutes les autres vertus. Outre que Dieu pour estre vne substance tres-simple, est indiuisible, immobile & immuable, & estant indiuisible, il n'a ny commencement ny fin, & n'ayant ny commencement ny fin, il est infiny eternal, immuable, & tout-puissant. Que les esprits ayent vn corps, saint Ambroise, Lactance Firmien, & S. Basile l'ont tenu, lesquels ont dit que la substance de l'Ange estoit d'air, ou de feu materiel; & au Concile de Nice second, l'Euesque de Thessalonice tint la mesme opinion, alleguant pour raison de son dire S. Basile, Nestorius, & Athanasie, disant que c'estoit la commune opiniõ de l'Eglise, reprenant les Gentils, qui disoient qu'on ne deuoit peindre les demõs avec vn corps sēsibles ils en ont pourtant vn plus tendre & plus subtil d'air ou de feu.

208 *Histoire Generale du Monde & de la nature,*
Cecy mesme a esté confirmé par Robert l'Ab-
bé. Ce qui se confirme encore par raison , car
les demons dans les enfers estans tourmentez
& crucifiez , avec vne infinité de tourmens , dās
ces feux inextinguibles, il faut encore dire qu'ils
ont vn corps , autrement le feu qui est materiel
& sensible, ne pourroit nuire, ny faire aucune o-
peration sur le seul esprit , parce que selon le
Philosophe, *Corpus non agit nisi in corpus* : Outre
que beaucoup de Theologiens, ont tenu en par-
ticulier, sainct Gregoire que les Anges occu-
poient vn lieu , & pouuoient estre compris , ce
qui seroit impossible s'ils estoient incorporels,
estant le propre du corps, comme il dit cy des-
sus d'estre circonscript d'un lieu pourquoy tous
les philosophes & Theologiens cy-dessus alle-
guez ont tenu que les Anges & les esprits estoient
vestus de corps & qu'ils auoient esté composez
par la Toute-puissante main de Dieu, de matie-
re, & de forme.

*Le corps
n'agist que
sur le corps.*

*Preuve des raisons de Philosophie & par
 autorité des Theologiens que les es-
 prits sont sans corps & reso-
 luent les arguments con-
 traire.*

CHAP. VII.



DENYS AREOPAGITE à tenu
 l'aduis contraire contre la maxi-
 me des autres Theologiens que
 les Anges estoient sans corps, &
 sans matiere comme en pareil ,
 saint Damascene au liure second
 de sa Theologie , lequel encore qu'il die que
 les Anges en comparaison de Dieu sont corpo-
 rels, il ne dit pas pourtant simplement qu'ils a-
 yent vn corps : mais d'autant seulement qu'ils
 ont leur puissance , leur action & leur essence fi-
 nie & sont compris d'un lieu determiné ce qui
 ne se peut considerer en Dieu qui est immuable,
 infiny & si grand qu'il ne peut estre enfermé en
 quelque borne que ce soit. S. Gregoire Nazian-
 sene a tenu le mesme qu'ils n'estoient corporels,
 ains spirituels, & plus expressement l'a confessé
 S. Iean Chrysostome qui se mocque de ceux qui
 interpretēt la Genese en cette façon, *Videntes filij*
Dei, pour des Anges , car estants dit-il spirituels
 & incorporels ils ne peuuēt engendrer, il asseure
 le mesme en vn autre endroit sur la 1. epistre aux
 Corinthiens, & en l'Homelie 44. sur S. Matth.

*Pourquoy
 Dieu s'est
 voulu ma-
 nifester
 plus tost qua
 ses creatu-
 res.*

210 *Histoire Generale du Monde, & de la Nature*,
ce qui a esté mesme fuiui de S. Thomas d'Aquin,
S. Basile, Augustin Nifus, Hugo de S. Victor,
Scotus, S. Bonauenture, Thomas d'Argentina,
Marfille, Alexander ab Alexandro, & presque
de toute l'academie des Theologiens, & n'y a
point de doute, mesme fuiuant la Philosophie
d'Aristote, que les Anges sont sans corps & sans
matiere, ce qui est tres-facile, à prouuer. Albert
le grand dit que l'Ange est vne substance intelli-
gible qui a son libre arbitre, seruant à Dieu im-
mortel, non par nature, mais par grace, ce que
l'on peut encore apprendre des raisons des phi-
losophes par luy alleguez en son douziésme liure
de la Metaphysique. Car il dit que si les substā-
ces qui mouuent les corps celestes estoient cor-
porelles, & si elles mouuoient les Cieux par le
moyen de leur propre corps, il s'ensuiuroit que
leur vertu seroit finie & que leur labeur si assidu
auroit vn iour quelque fin, & par consequent le
mouuement celeste ne seroit pas tousiours si
continu & réglé : moins encore se peut-il res-
pondre à cecy que les corps des intelligences
celestes sont incorruptibles, & qui ne se reposēt
iamais : car ce doute est resolu par la solutiō qui
a esté donnée à la proposition de ceux qui souste-
noient que les Anges estoient corporels souste-
nans que ces corps estoient des rouës de feu : &
par consequent corruptibles, ou qui se repose-
roient, outre que fuiuant l'opinion de S. Tho-
mas, & ceux qui fuiuent son opinion le corps im-
passible n'est pas tel qu'il se puisse vnir avec la
forme intelligible, concedé que la forme vien-
droit à estre par la matiere, & non par la matiere

par la forme ce qui seroit vn grand inconueniēt.
 Qu'ils soient incorporels , cela se peut encore
 prouuer, car s'ils auoient vn corps, il seroit , ou
 organisé & distinct comme celuy des autres hō-
 mes; ou seroit sans organe & confus , s'il estoit
 organisé, ils auroient encore la cognoissance
 par le moyen des sens, les passions, & les trou-
 bles de l'ame: car on ne voit pas que la distin-
 ction des membres, puisse seruir à aucun autre
 office que des sens, & ainsi ils seroient corrupti-
 bles & composez de contraires : & si quelqu'un
 me disoit que ces corps ne se pourroient corrō-
 pre, n'estants pas en leur puissance de s'en defai-
 re à cecy ie responds, que si cela estoit vray les
 Anges seroient bien d'une plus pire condition
 que les hommes estans tousiours la butte des
 inquietudes & ne pouuants quicter les sens, &
 partant ils desireroient auoir acquis la science,
 par le moyē des choses, & avec cette condition
 de pouuoir abandonner leurs corps pour sortir
 quelquesfois du flux & reflux de ces alterations
 corporelles, ce qui ne se peut dire en aucune fa-
 çon: & si on dit que le corps des Anges sont con-
 fus & sans distinction d'organes, comme ronds,
 carrez, ou d'autre figure semblable , comme
 veut Bodin, cecy seroit repugner à la raison: car
 ils n'auroient vne figure conuenable à leur sub-
 stance spirituelle, outre qu'elle seroit du tout
 superflue & inutile & ne luy pourroit seruir ,
 pour faire aucun office : non pas mesme à
 l'entendement : car l'entendement des An-
 ges seroit imparfaicte, toutes les fois qu'il
 emprunteroit quelque operation du corps

*Preuve que
l'Ange n'a
point de
corps.*

& moins luy seruiroit encore ce corps imparfait pour mouuoir les choses inferieures de ce monde, parce que si par le moyen de leur corps, ils mouuoient les autres corps, il seroit de besoin qu'au prealable ils n'eussent leur propre corps, d'autant que tout corps qui mouue est meu, & alors ils mouueroient leur propre corps, l'informant, comme fait l'ame, le corps humain, ou comme le moteur extrinsecque, mouue la chose mobile. Au premier, car il faudroit que l'Ange eust vn corps organisé, distinct non confus & informe, que si cela se concède, il n'y a point de difference entre l'Ange & l'homme, car ils sont tous deux composez de corps & d'esprit intelligible, au second point l'Ange, n'auroit besoin de propre corps, parce que comme le moteur, comme le propre corps, ainsi de mesme il pourroit mouuoir les choses inferieures, & partant ce premier corps viendrait a estre du tout vain & inutile, d'autant plus mesme qu'il ne se pourroit nommer le propre corps de l'Ange, comme ne conuenant à sa propre substance. Outre qu'il faudroit qu'ils fussent ou solides & durs, ou tendres & fluides. De dire qu'ils soient tendre fort liquides, ce leur seroit vne grande imperfection d'autant qu'il faudroit confesser qu'encore ils se pourroient facilement diuiser & changer en plusieurs formes, comme l'air & l'eau. Si durs & solides on tomberoit en vn autre inconuenient qu'ils ne pourroient estre ou sont les autres corps, comme es corps des Cieux, entre vn Ciel & l'autre autrement il seroit de necessité de dire qu'entre

vn Ciel & l'autre il y auroit vn vuide, & qu'un Ciel ne seroit immediatement contenu de l'autre, comme celui de la Lune, de celui de Mercure, & celui de Mercure de celui de Venus, & celui de Venus du Soleil, & ainsi de suite, ce qui ne se peut dire avec raison. Outre il s'ensui- ueroit que les Anges qui s'ont au ciel ne pourroient descendre en nous, sans rompre les Cieux inferieurs, ny moins sans vn long interualle de tēps, par ce que bien qu'un Ange avec son mouuement leger face mille mille en vne heure, encore seroit-il plus de six ans & cinq mois à descendre du huitiesme Ciel en ce monde elementaire, comme Alfiaganus, Thebis & autres Arabes, nous ont montré par la grande distance qui se trouue de nous à ce Ciel, comme on peut voir en son lieu, & semblablement suruiendroient d'autres repugnances à la raison, & toutes contraires au iugement intellectuel de l'homme. I'oppose S. Augustin à S. Augustin mesme, contre sa premiere autorité, disant qu'il n'estime pas ces esprits corporels, par ce que ils sont vestus, ou de peau ou de corps, mais d'autant qu'ils sont ircirconscrits de lieu, tellemēt qu'estans en vn endroit, ils ne peuuent pas estre en vn autre, comme nous disons de l'ame qui anime le corps humain, laquelle pour estre enfermée dans ses membres, nous disons estre en vn lieu par ce nous appellons esprit, pour la presence & operation qu'elle fait au corps: mais non pour ce qu'elle ayēt vn corps, il escrit ainsi, *Omnis vero rationalis creatura corporea est Angeli & omnes virtutes corporeae sunt, licet non carne subsi-*

214 Histoire Generale du monde & de la Nature,
 stant, & ex eo intellectuales naturas corporeas esse di-
 cimus quia lococircumscribuntur, sicut & anima hu-
 mana, quæ carne clauditur, quæ idcirco in loco & loca-
 lis esse dicitur. In loco, quia hic, alicubi præsens est: loca-
 lis quia quod alicubi præsens est, totum alibi non est, non
 habet tamen corporalem dimensionem nec corporalem
 circumscriptionem: quoniam corporalis quantitatis ex-
 pers est. Sed quia per præsentiam & operationem in loco
 concluditur, localis et ipsa dicitur veruntamen non sicut
 corpus, cui secundum locum principium medium & finis
 assignatur. Circumscriptum, est quod cum alicubi est
 totum non potest simul esse alibi: quod de solis corporeis
 naturis cernitur. Incircumscriptum verò est, quod simul
 est, quod ubique totum, quod de solo Deo intelligitur. Cir-
 cumscriptum autem simul & incircumscriptum est, quod
 cum alicubi sit totum, potest simul alibi esse totum, non
 tamè ubique: quod de creatis spiritibus cognoscitur. De
 maniere que S. Augustin appelle les esprits en-
 uironnez de corps ou de lieu, en tant qu'estans
 en vn lieu, ils ne peuuent estre enmesme temps
 en vn autre lieu, mais incirconscripts, en tant
 qu'estans esprits purs & intelligences, ils ne cõ-
 prennent aucun lieu. Ce que Aristote a bien
 dict, que les intelligences & le moteur des
 Cieux ne sont compris du lieu, ny proprement
 ny par accident, & de cela aduient que quand
 on dict qu'elles sõt en Orient ou au cercle tres-
 leger, cela se doit entendre par Metaphore &
 similitude: non par ce qu'ils soient en ce lieu,
 ny proprement comme vn corps physic, ny
 par accident, comme principes internes des
 choses naturelles, & que Dieu est tellement au
 Ciel qu'il n'est pas à la terre: car le lieu doit

Opinion de
 S. August.

espondre à la chose placée, ce qui ne peut estre autrement, comme il le dict luy-mesme en son liure premier de *Cælo*; & respondre en vne partie du corps & non à l'autre, signifie le mesme, qui est autant à dire qu'estre en vn lieu definitiue-ment, comme S. Thomas & Scotus asseurent, & pourqoy ils disent mesme que les intelligences & les Anges sont en vn lieu definitiue-ment, en tant que par leur essence, ils se conioignent au corps, & Scotus veut que les Anges soient en vn lieu par essence, non par ce qu'ils soient necessairement en vn lieu: mais d'autant qu'ils ont la puissance passiue, avec laquelle ils peuuent estre en vn lieu, & ne veut qu'on recherche la raison interne, par laquelle necessairement ils soyent en vn lieu: d'autant que cela ne leur conuient point. De mesme aduis estoit Auerroës: quand il dict, *Motor Cæli est proximus mobili per essentiam*, & n'y a aucune difference entre l'opinion de Scotus & de S. Thomas, sinon que Scotus considere seulement la raison de l'application de l'essence de l'Ange, laquelle n'est autre qu'une vertu à quelque lieu desiny, laquelle termine son essence au monde, & S. Thomas considere la raison plus propre, qui est l'operation, passant d'un lieu en autre, & laquelle est la plus propre, parce qu'elle comprend & enferme l'extention. Celle de Scotus par le toucher de l'essence est le premier, selon la nature mais celui de S. Thomas par le toucher operatif, est le premier, selon nous: La premiere de Scotus est vne locatiō originale. La seconde de S. Thomas est vne operation qui manifeste

Arist. 1. de Cælo.

Aduis de Auerroës.

216 *Histoire General du Monde & de la nature,*
la premiere. Celle de Sctous peut estre sās l'autre, parce que l'Ange peut ne se manifester point à nous : & celle de S. Thomas ne peut estre sans celle de Scotus, par ce que l'operation denote l'essence, & bien que l'Ange soit vne creature finie, & parce compris du monde, non pourtant occupee d'un lieu, pour estre purintellet, mais il s'entend estre en un lieu par les moyens susdits. Et semblablement respondans à ce qu'ils opposent, on peut dire que encore que toute puissance finie ait vne distance terminée, cecy se doit entendre de l'Ange, qui estant en un lieu, ne peut au mesme instant estre autre part, sçauoir est que sa vertu en son operatiō est viue & ne peut operer en instant en plus d'un lieu, mais pourtant il ne prend point de lieu. Et à l'argument que tout ce qui se mouue d'un lieu à l'autre, passe premierement par des espaces moindres, puis egaux, & puis plus grands que son essence. On respond que cela est bien necessaire au mouuement phyfic & naturel, mais non pas au mouuement de l'Ange, lequel ne se mouue naturellement, selon le mouuement phyfic. Estant ce mouuement seulement touché des operations virtuelles, bien est-il vray, que l'Ange se peut mouuoir localement, passant un espace moindre & plus grand, & passant par un milieu, mais cecy ne luy arriue sinon quand il prend un corps elemētaire, & cecy n'est qu'un mouuemēt naturel & n'est par accident, par ce que son propre mouuement n'est pas de passer par le milieu, ny d'aller d'un lieu en un autre, son mouuement naturel estant d'aller ou il luy

*L'Ange se
peut mou-
oir locale-
ment.*

plait, sans passer par le milieu. Et bien que tout lieu soit diuisible, l'Ange toutefois n'est diuisible, par ce que c'est vn pur intellect, qui n'occupe point de place, & aux arguments, par lesquels il prouuent l'infinie essence de Dieu, ils sont ie ne diray point seulement faux, mais tres ridicules, par ce qu'ils sont appuiez sur des fondements qui ne se peuuent soustenir. Le premier, que toute substance incorporelle soit infinie. Le second, que Dieu seul est sans corps. Bien est-il vray que les esprits & nos ames, comme creatures au respect de la simplicité du createur, comme dict S. Iean Damascene, se peuuent & doiuent dire materielles, n'estant conuenable que la nature crée s'egale à la nature tres-pure de son Createur, comme encore la science humaine aupres de celle de Dieu, est reputée vne pure folie, & vne action irraisonnable, comme des bestes : mais par ce que l'operation humaine ne peut entrer en comparaison avec celle de ce grand & incomprehensible Seigneur de l'Vniuers, & pour dire le vray, il semble que de nostre temps, que l'opinion la plus commune des Philosophes & des Theologiës, est qu'on peut soustenir que les Anges & les esprits, tant bons que mauuais, n'ont point de corps, par ce qu'au Concile mesme de Tatian, qui fut celebré sous le Pape Innocent troisieme, on distingue clairement la substance spirituelle d'auec la corporelle, ou le Canon dit *Deus omnium Creator visibilium & invisibilium spiritualium & corporalium*, qui simul ab initio temporis etiamque condidit creaturam spiritualem & corporalem angeli-

*Les esprits
tant bons
que mau-
uais n'ont
point de
corps.*

218 *Histoire Generale du Monde & de la Nature,*
cam filicet & mundanam ac deinde humanam quasi
communem & spiritu & corpore constitutam. Et cecy
se raporte à la saincte Escriture, laquelle toutes
les fois qu'elle parle des esprits, elle entend
toufiours des substances sans corps : comme
l'Apostre S. Iean a bien dict, *Spiritus est Deus,* &
eos qui adorant eum in spiritu & veritate oportet a-
dorare, où on voit 'apertement, que Iesus-
Christ nostre Seigneur enseigne, que comme
Dieu est vn esprit sans corps, qu'aussi les hom-
mes ont vn esprit incorporel, avec lequel ils
doiuent adorer sa diuine Majesté, & en S. Paul
on lit le mesme *Nemo nouit quæ sunt hominis nisi*
spiritus hominis qui in ipso est: ita & quæ Dei sunt
nemo cognouit nisi spiritus Dei. Outre ce qui se lit
en S. Luc, qu'une legion de diables estoit entrée
en vn pauvre homme, ce qui seroit incroyable,
si les Demons auoient vn corps, estant la legion
composée de six mille six cens & soixante & six
esprits. Quand à l'opinion de Platon, il faut
aduouier qu'elle est pernicieuse, & semblable-
ment pour respondre au passage de la saincte
Genese, il faut dire avec S. Thomas, qu'il s'en-
tend des fils de Seth, & non point des Anges:
par ce que en ses nepueux, & en sa race demeu-
re toufiours la vraye adoration de Dieu : & par-
lant des fils des hommes entendre la race de
Cain, ce qui est le sens que luy donne l'Eglise,
S. Augustin & la troupe generale des Docteurs,
encore que Iosephe en son premier liure de ses
antiquitez entende par les fils de Dieu les An-
ges, ce qui ne se doit point entendre pour les
raisons dictes cy dessus. Quand au Concile de

Comment
s'explique
qu'une le-
gion de dia-
bles estoient
entree
au corps
d'un posse-
né.

Nice, il ne determine point que les Anges soiēt corporels , mais bien qu'on les peut depeindre avec vn corps , encore qu'ils n'en prennent aucun & ne soient visibles, ce que nous traicterōs plus bas , ny que pour cecy on doiue entendre que les Anges peuuēt estre circonscrits de lieu, mais bien qu'ils peuent estre entendus de nous par certaines descriptions qui les representent. Et le passage de S. Gregoire , où il dict que les Anges peuent estre compris en vn lieu, se doit entendre , non quant à la grandeur de l'essence de l'Ange , mais considéré la definition de sa propre vertu , pour ouurer en vn lieu déterminé, comme il a esté dict cy dessus. Et quant au feu d'enfer , bien que réellement il tourmente les Demons , ce n'est point toutefois comme cause principale , mais comme instrument de la main diuine , qui opere surnaturellement, & partant le corps par la vertu de Dieu , peut operer aux esprits , ce que le baptesme opere en l'ame humaine.

Quand & en quel lieu furent créés les esprits par ce grand Architecte, & comme ils estoient tous bons, ou se destruit la fauce opinion des Manicheens, & des Prissiliens heretiques.

CHAPITRE VII.



L ny a pas vne petite dispute entre les anciens Peres, touchant la creation des esprits, par ce qu'aucuns ont creu qu'ils auoient esté créés de la toute puissante main de Dieu. Plusieurs siecles auparauant ce monde visible, les autres moins hardis, & qui croyoient estre trop plein de vanité, de rechercher curieusement dans les secrets de Dieu, ont tenu qu'ils ont esté créés ensemble avec ce monde, & qu'auparauant il n'en auoit point. Girolamus sur l'Epistre de S. Paul, qu'il escrit à Titus, à tenu le premier aduis, cōme de mesme S. Ambroise, & ceste grande lumiere de l'Eglise S. Gregoire de Nazianze S. Damascene Origene S. Basile S. Hilarion, Cassianus avec d'autres, l'opinion desquels estoit fondée sur ce que la Genese ne fait aucune mētion de leur creatiō, cōme encore sur l'epistre predite, en laquelle l'Apostredit, que Dieu auoit promis l'esperāce de la vie eternelle auant les tēps de ce siecle, & ainsi auāt la creatiō
de ce

de ce monde. Que si donc auparauant que Dieu eust créé le ciel & la terre auoit faict cette promesse, il failloit qu'il y eust eu des creatures spirituelles auxquelles il l'eust faicte, qui n'eussent esté autres que les Anges. Du second & contraire aduis fut le tres-docte saint Augustin, lequel asseuroit que les Anges ont esté creéz de Dieu avec le Ciel Empiré, & qu' auparauant iceluy il ny en auoit point, & resoluant le passage de saint Paul, cy dessus allegué, qu'il se deuoit entendre que Dieu auoit faict la promesse, c'est a dire qu'il auoit predestiné de toute eternité, que cette heureuse esperance de nostre salut, par le moyen de la venue de Iesus-Christ, aigneau immaculé & vray fils de Dieu conceuoit les hommes. Saint Athanase (non l'auteur du symbole) Epiphane, Theodoret, saint Gregoire, & finalement la decision du Concile de Latran suiuite du consentement vniuersel de tous les Docteurs en Theologie fondez sur beaucoup de passages de la sainte escripture, & sur beaucoup de raisons bonnes, & probables, ont tenu cette partie, ce passage de l'ecclésiaste y est formel, *Qui viuit in aeternum creauit omnia simul*, & cet autre passage de la Genese, ou il est dit que Dieu au septiesme iour se reposa de toute l'œuvre qu'il auoit fait, sçauoir est de la creation de toutes les creatures, tant celestes qu'elementaires, autrement il n'eust dit de toute la creation. Outre que quiconque croiroit le contraire tomberoit en cet inconuenient, que si Dieu auoit créé les Anges auparauant le ciel & la terre, il auroit compo-

*s. August.
dit que les
Anges ont
esté creés
avec le ciel.*

222 *Histoire Generale du Monde & de la nature,*
 fé vn œuvre imparfaict n'estant qu'un Palais
 parfaict avec le monde intelligible & celeste,
 & de plus il faudroit confesser que tous les
 Anges qui tomberent du haut des cieux par
 leur perfidie & rebellion, estoient demeurez en
 leur deuoir, & en la fidele obeissance de ce
 grand Dieu durant tous les siecles, qui
 auoient esté deuant la creation du monde, &
 qu'apres icelle ils se feroient reuoltez & voulu
 s'esgaler à leur autheur, ce qui ne peut estre, &
 eust esté impossible que les Anges, lesquels par
 vn si long espace de temps auroient esté si fide-
 les & si prôpts au seruice de Dieu, eussent tout
 à coup changé de resolution, se fussent laissez
 emporter d'une vaine gloire, & voulu aller au
 pair avec l'eternel., sans auoir crainte d'encou-
 rir sa disgrâce & son indignation. Que si on
 concedoit cecy, cet hydre produiroit encore
 vne autre erreur: car on pourroit conclure
 que les Anges qui sont à present au Ciel
 pourroient pecher, bien que par tant de mil-
 liers d'annees, ils soient confirmez en la grace
 de Dieu, ce qui toutesfois ne se peut dire,
 comme en cecy s'accordent tous les saints
 Peres avec saint Augustin, qui dit que l'es-
 prit bien heureux ne peut iamais estre meschat
 & dechoir de ce souverain degré de beatitu-
 de, & au liure qu'il a faict de fide ad Petrum,
 a resolu le mesme, comme nous dirons en
 son lieu, & partant, il se voit combien c'est
 vn paoglissant de croire que les Anges sont
 creez auant la naissance de ce grand mon-
 de. Quand donc Dieu fait le Ciel & la ter-
 re avec sa puissante parole, il produit en-

*L'esprit bien
 heureux ne
 peut ia-
 mais estre
 meschant
 selon saint
 Augustin.*

core d'un mesme temps que le Ciel em-
piré, les Anges, les cieux, & les esprits qui les
gouvernent, & qui les tournent, appelez in-
telligences, & en ce monde elementaire ceux
qui gouvernent & disposent la nature des ele-
ments: bien que saint Thomas ait tenu le
contraire. Ces esprits donc pour estre créés de
Dieu, encore est il besoin de dire qu'ils ont
esté dès leur commencement bons, ne pou-
uant proceder de Dieu rien de mauuais, & ou-
tre cette raison cecy se prouue encore par la
sainte escripture, laquelle dit qu'après la crea-
tion des six iours, regardant tout ce qu'il auoit
faict & les trouua bonnes. Cecy a esté pareil-
lement décidé au Concile de Latran tenu sous
Innocent troisieme, que tous les esprits &
demons furent créés bons, & que peu après
quelques vns degenererent & changerent leur
gloire en peines par leur propre vouloir. Ce
que vouloit dire nostre Seigneur, quand il
prononça de sa sainte bouche parlant de Lu-
cifer, il ne se tient point à la verité, par ce
qu'en luy la verité n'est point, d'où nous
aprenons que le demon fut premierement
créé en verité. Satan tomba du Ciel. Et
en vn autre endroit il vit Satan
tomber du Ciel comme vn foudre. Il estoit
premierement dans les Cieux tout esclatant
d'une beauté singuliere, laquelle par sa
cheute s'esteignit, si qu'estant priué de
la grace diuine, il deuint tenebreux &
obscur, & trespacha dans les profondes
abismes des enfers. Le mesme temoigne

*L'esci-
re attesté la
cheute de
Lucifer.*

Esaie parlant du Roy de Babilone sous la figure de Lucifer *Quomodo cecidisti de cælo Lucifer qui mane oriebaris?* Il dit qu'il se leuoit du matin, parce que au commencement de sa generation il eut la lumiere, il semble qu'Esechiel a tenu les mesmes parolles quand i l'a dit, toy la marque de la semblance de Dieu, plein de sagesse, parfait & orné de toute beauté, tu as esté autrefois les delices du Paradis, & plus bas, toy le mesme Cherubin qui couure l'arche de Dieu, qui as esté mis dans les pierres enflammées, qui as cheminé parfait aux premiers iours de ta naissance, voy comme en toy s'est premiere-ment trouuée l'iniquité, & conformement a cette opinion le Concile Bracarense, ordonne que si aucun est si temeraire de dire que le Diable n'ait esté fait de Dieu Ange de la premiere nature, & qu'il ne soit vn œuvre de Dieu: mais qu'il soit sorti des tenebres sans aucun autheur & que par luy mesme il a son principe & substance meschante, comme ont creu les Prissiliens, & Manicheens heretiques, soit anatheme & excommunié. Par ce que ceux-cy s'imaginerent, comme nous auons dit cy dessus, que toute la nature recognoissoit deux Dieux, que l'un estoit autheur du bien & l'autre du mal, l'un createur de la lumiere, l'autre des tenebres, qu'ils auoient l'estre par eux mesmes, & ne dependoient d'aucun, que l'un estoit Dieu & l'autre le diable, & que de ces deux substances & natures du bien & du mal, toutes les choses crees participent: car bien qu'ils aduoïassent que Dieu auoit esté créé par la

Deux sortes de Dieux l'un autheur du bien, l'autre du mal selon les anciens.

bonne nature ſçauoir eſt de Dieu ils vou-
loient pourtant que toutes les creatures par-
ticipaſſent de cette commixtion du bien & du
mal , & que ce meſlange fuſt faict de ces
deux natures qui combatoient enſemble. Et
pour cette raiſon attribuoient ils a l'un & a
l'autre la creation des cinq elements. Les
cinq de la nature mauuiſe eſtoient la fumée,
les tenebres, le feu, l'eau, & le vent, & pen-
ſoient que de la fumée fuſſent nez les animaux
de deux pieds, de laquelle meſme ils tiroient
l'origine de l'homme, des tenebres les ſerpents,
du feu les animaux a quatre pieds, des eaux les
poiſſons, & du vent les oyſeaux. Les cinq ele-
ments de la nature créés pour debeller les cinq
de la nature mauuiſe, eſtoient l'air contraire
a la fumée, la lumiere aux tenebres, le bon feu
au mauuais, la bonne eau a la mauuiſe, & le
bon vent au mauuais. Ils diſoient encore que
toute la felicité de la beatitude conſiſtoit a
demeſſer le mal de la ſubſtance de bien, par ce
qu'eſtant ces deux principes puſſants ils com-
batent touſiours a toute outrance, & ſans
aucune eſperance d'acord, & que c'eſtoit ce
combat furieux que l'homme ſentoit en luy
meſme entre ſa chair & ſon eſprit laquelle ne
pouuant touſiours heureuſement ſurmonter
elle laiſſe le plus ſouuent ſa bonne nature enga-
gée dans la melancolie du mal, pourquoy
elle demeure imparfaite & ſans beatitude. Ils
diſoiēt encoꝛ que toute cette lumiere qui ſe va
purgeant de la commixtion du mauuais prin-
cipe eſt peu apres miſe en deux nauires faites

*Cinq ele-
ments,
quels.*

226 *Histoire Generale du Monde, & de la nature,*
 par la pure & simple substance de Dieu, lesquelles ils disoient estre le Soleil, & la Lune, & qu'ainsi elle est portée au Royaume de Dieu, comme en son siege, & sa propre demeure, ils disoient qu'Adam & Eue estoient enfans de Sacla prince de la fumée, car ayant ce Sacla, selon qu'ils r'aportent, deuoré tous ses compagnons, & pris tout ce qui se trouuoit meslé en eux de diuine substance, couchant peu apres avec sa femme, il espendit tout ce qu'il en auoit en cette generation. Ils disoient en outre que Iesus-Christ fut ce serpent qui illumina nos premiers parents, & les enseigna à manger les fruiets de l'arbre de vie, pour cognoistre le bien & le mal, que veritablement n'eut pas vn corps physiq mais fantastiq, qu'il n'estoit pas venu au monde pour deliurer les corps, mais les ames seules, pour estre les corps (selon iceux) & toute la chair de nature mauuaise. Ceux-cy faisoient profession avec leurs execrables & immundes superstitions de separer le mauuais d'avec le bon, & d'autant que plusieurs estimoient que le boire & le manger participoit de la nature mauuaise, pourquoy ils cherchoient de le mundifier: de peur qu'entrant dedans le corps il ne le vint à souiller, & maculer dauantage, & que la nature diuine à peine se peust purifier, & saint Augustin escrit que leur impieté s'acreut iusqu'à la que ces impies, & scelerats Manicheens, auparauant que de donner le saint sacrement de l'Eucharistie à ceux qui faisoient profession de leur damnable heresie, ils se polluoient dessus, &

Erreurs contre la foy produites par les Manicheens.

la fouilloient de semence humaine, afin que cette semence vint à se separer par le moyen de la vertu de Dieu, de ce qu'elle auoit de mixtion du mauuais principe, & sous ces impietez execrables ils violoient les simples filles, & raffa-
soient leurs sales & plus-que brutales cupidi-
tez, & raporte mesme que de son temps se trouuerent deux ieunes filles, l'une appellée Marguerite & l'autre Eusebe, qui furēt violees & priuées de la plus belle fleur de leur chasteté pourquoy elles se plainquirent de ces scelerats sacrileges. Ceux-cy ne mangeoient point de chair, disants que la diuine substance s'estoit finie des animaux occis, & qu'il n'y restoit autre chose que la mauuaise, laquelle ne se pouuoit purger & separer de ces corps, ils disoient le mesme des œufs & du lait, ils ne beuuoient point de vin, disants que c'estoit le venin du prince des tenebres, encore qu'ils mengeassent la grappe, ils croyoient que l'ame de leurs au-
diteurs apres leur mort, retournoit dans les corps d'autres esleus, ou en leur viande à leur discretion: toutefois comme celles qui ne pou-
uoient estre forcees de rétrier en d'autres corps. Mais que les ames de ceux qui n'estoient de leur religion passoient apres leur mort dans le corps de animaux à quatre pieds, dans les ar-
bres, & autres plantes, suiuant les anciennes res-
ueries & folles erreurs de Pythagore. Pour-
quoy ils croyoient que les plantes estants coupees en auoient du ressentiment, & se plai-
gnoient, pour cette raison mesme ils defendoiēt
l'agriculture comme illicite couper les espines

228 *Histoire Generale du Monde & de la Nature.*
des champs & les desfricher, & a grand peine
concedoient ils mesme pour la necessité de
ceux qui estoient de leur sorte de cultiuer au-
tant de terre qui leur estoit besoin pour viure,
& non plus. Ils pensoient encore qu'a la fin du
monde, apres qu'il aura esté consommé du
feu, que ce principe mauuais sera separé du bon
sera encore pour viure & regner separement a
toute eternité, r'enfermé en vn certain globe,
comme en vne perpetuelle prison couuerte en
forme de toict de ces ames qui furent compo-
sez de la nature du bien: mais qui iamais ne se
peurent separer de la nature du mal estants
encor mille autres folies qu'on peut voir
a plain en la quatriesme partie de cet œuvre
confutées ensemble avec les autres opinions
des heretiques, desquelles nous ne parlerons a
present pour n'estre point leur lieu.

*Quel fut le premier Ange créé de Dieu &
de son excellence, comme il devint
qui rebelle, de la grande bataille qui
fut au Ciel & de la cheute
de Lucifer.*

CHAPITRE IX.



VANT cet admirable Archi-
tecte de ce grand monde vou-
lut avec sa toute puissante pa-
rolle faire le ciel & la terre, il
se resolut auparauant de creer
le saint cœur des Anges, cō-
me choses spirituelles, plus nobles & plus subli-
mes. Lucifer eust la primogeniture entre tous
les autres, lequel estant la premiere substance
intelligible créé de Dieu, fut aussi releuée en
toutes sortes de perfections, & en fut douée
autant qu'en peut receuoir vne creature pour
estre accomplie, estant comme le chef d'œuvre
& le premier effect dans lequel on deuoit ie ne
diray recongnoistre mais admirer la grandeur
& l'excellence de la premiere cause. Il eust de
Dieu en son premier commencement toutes
ces grandes qualitez & plaines d'estonnement
de la tres-sainte Trinité, qui sont grandeur,
beauté, sagesse, par ce que la grandeur du fils
& du saint Esprit est le Pere, la sagesse du Pere

230 *Histoire Generale du monde & de la Nature.*
& le saint Esprit est le fils, & la beauté du pere
& du fils est le saints Esprit, & pour cecy Lucifer fut appelé du Prophete Ezechiel l'image
& la semblance de Dieu. Et bien que la sainte
escriture face mention de la noblesse de beau-
coup d'Anges, comme de saint Michel, le-
quel le Prophete Daniel apelle vn des premiers
princes des Anges, & de Raphaël qui se mani-
festa à Tobie, estre vn des sept Anges qui sont
continuellement en la presence de Dieu, & de
ce Seraphin qui toucha les leures du Prophe-
te Esaie avec vn charbon allumé, pour vne mar-
que de l'amour passionné & plein de flammes
qu'il auoit enuers le Createur: de Gabriel qui
fut digne d'estre l'ambassade de la tres-sainte
Incarnation du verbe eternal. Toutesfois Lu-
cifer estoit encor plus esleué en grandeur &
plus exalté, comme tesmoigne Ezechiel disant
que toutes les pierres precieuses estoient son
vestement, & qu'au milieu des pierres allu-
mées il cheminoit comme vn prince, cest à di-
re qu'en luy les perfections de tous les autres
Anges estoient recueillies, & qu'il estoit con-
stitué de Dieu comme souverain sur tous les
autres Anges. Esaie raporte le mesme de ces
excellences: mais plus clairement il vient à re-
leuer la beauté, la sagesse, & la force de ce pre-
mier Ange en ces mots: Voicy Assur comme le
cedre au Liban tout verdoyant, plain de de bel-
les feuilles, c'est le tres-beau en sa grandeur, &
n'y a aucun arbre dans le Paradis de Dieu qui
luy soit semblable, d'autant qu'il est fait tres-

beau. Et plus bas, les eaux l'ont nourri, l'abîme l'a acablé, & sous ses racines coulent les fleuves, & enuoye ses riuieres à tous les arbres de la terre: & en vn autre lieu, Tu as esté plain de sagesse & de parfaicte beauté, les delices du Paradis de Dieu: & en vn autre endroit, Il n'y a point eu de cedres si esleuez, & avec telle eminence au Paradis de Dieu, les autres arbres en hauteur, ne pouuoient venir en comparaisson avecques luy. Les Platans ombrageux ne pouuoient pas comparer leurs beautez à la sienne.

Dieu donc apres auoir créé cette creature si noble, avec tout le cœur de Hierarchies celestes, les Docteurs sacrez tiennent qu'il crea le Ciel & la Terre, le Soleil, la Lune, les Estoilles, & tout ce bas Monde, avec ses ornements prospectiues & figures admirables qui se voyoient en iceluy. Et apres il crea l'homme d'entendement capable, & non pas avec telle perfection que la nature Angelique, laquelle il destina pour en sa presence chanter ses louanges, & ses grandeurs & ses beautez en toute eternité. Il composa l'homme de corps & d'ame, quant à l'ame il la feit à son image & semblance, & luy donna l'intellect, la memoire & la volonte. Quant au corps il le feit different des autres animaux. Il dressa sa face la teste vers le Ciel, & luy donna beaucoup d'autres nobles qualitez.

*Creatiō de
l'homme.*

Cet homme, comme nous dirons,

232 *Histoire Generale du monde & de la Nature,*
 en la quatriesme partie de ce volume fut mis
 comme vn milieu entre la nature angelique, &
 les animaux irraisonnables, si que quant a l'a-
 me il auoit en l'entendement quelque partici-
 pation avec l'Ange : mais toutefois beaucoup
 differente iouissant d'iceluy, par le moyen des
 sens corporels par lesquels il acquier vne co-
 gnissance des choses, & quant aux corps il
 auoit quelque semblance avec les animaux
 comme le soutien & defence de sa vie la gene-
 ratiō des enfāts de sa propre espee. Il fut tou-
 tefois doué d'vne telle prerogatiue, qu'il peut
 avec la sagesse de son intellect s'esloigner des
 sens, & s'approcher de Dieu son createur. Et
 bien que Dieu eut créé Lucifer avec de plus
 hautes qualitez & perfections que l'homme,
 toutefois il voulut donner a la nature humaine
 vn priuilege par lequel nous nous pouuons
 bien vanter d'esgaler ou plutost surmonter
 l'excellence des Anges. Dieu auoit déterminé
 de toute eternité, que le verbe son fils par le-
 quel il auoit formé ce grand monde deuoit
 prendre la nature humaine, se faisant homme
 composé d'ame & de corps, non par vn change-
 ou auilissement de la diuinité : mais d'autant
 qu'il se deuoit vnir avec vn lien indissoluble
 avec icelle, & prenant ce corps elementaire il
 deuoit accomplir la volonte de son Pere eternal,
 comme vn fils tres-aymé, & tres-obeissant.
 Dieu donc voulut que les Anges créés, bien
 qu'ils fussent du tout admirables en beauté
 auparauant que de leur donner la gloire de
 son Paradis, & les rendre de tout point

*Priuilege
 de l'homme
 qui le fait
 surpasser
 les Anges.*

bien heureux fussent astraincts, & se resounin-
sent tousiours d'un precepte, lequel les faisoit
resouvenir qu'ils estoient ses creatures, (pre-
cepte qu'il donna pareillement a l'homme,
auec des defences seueres de ne manger point
de la pomme) l'obseruance duquel leur pro-
mettoit vne assurance certaine de la vie heu-
reuse, & de la iouissance de l'essence diuine.
Ce fut qu'il leur reuela qu'il vouloit que son
fils vnicque prist forme humaine & se fist hom-
me, nous montrant par le moyen de ce grand
mystere, & leur faisant entendre qu'il seroit le
souuerain monarque de toutes les choses creés
& qu'a luy toutes les creatures, & particulie-
rement les Anges luy rendroient obeissance, &
l'adoreroient comme leur vray Dieu, par lequel
comme mediateur de la nature humaine, com-
me de la nature Angelique, vn chacun pou-
uoit monter de la nature à la grace, & ceux qui
ne voudroient point obeir tomberoient dans
les precipices & abismes de l'enfer, ce que les
Anges peu apres deuoient bien experimenter
& cognoistre au temps destiné de l'eternité de
Dieu comme tesmoigne, l'Apostre en diuers
lieux, que ce sacrement estoit pour le manife-
ster en chair iustificié en esprit presché des
gentils, creu du monde, & esleué en la
gloire.

Mais Lucifer enflé d'une vaine gloire se *Presumptio*
confiant en l'excellence de sa nature, laquelle *de Lucifer.*
en grandeur excedoit infiniment la natu-
re humaine, mesprisant comme iniuste la
proposition de Dieu, resolut de s'opposer

234 *Histoire Generale du Monde & de la Nature,*
à sa diuine volonté, luy semblant qu'il luy fai-
soit tort de vouloir que son fils vnique prist
chair humaine, & non plustost la nature Ange-
lique, comme plus haute & plus sublime. Et
en cette folle resolution il s'imagina de pou-
uoir rompre la resolution de l'eternel, & d'au-
tant plus il s'estima, cognoissant que beaucoup
d'hommes seroient créez de Dieu qui iroient
au pair avec luy, & qui peut estre encore le
surpasseroient en gloire, & les autres esprits
qui le suiuiroient dedaignant ainsi de re-
cognoistre vn pour son Autheur, & son
Dieu, & les hommes pour compagnons, qui
estoit d'vne nature moins excellente &
moins noble que luy. Et pour ce que l'orgueil
flattant son courage le feit reuolter de l'obeis-
sance deuë à Dieu, avec beaucoup d'autres
Angeles qu'il auoit sollicitez & tirez de son co-
sté, & ayant desbauché leurs volontez, ils des-
daignerent d'estre subiects à vne nature infe-
rieure a eux. Et de plus cette vanité l'emporta
tellement hors des bornes qu'il essaya de se fai-
re apeler Dieu, & comme tel se faire adorer des
Angeles, & s'attribuer la gloire de Createur. Et
pour ce niât par vne malice effrontée, que Dieu
fust son auteur, ainsi disoit-il en Esaie. *In cœ-
lum conscendam, super astra Dei exaltabo solium meum
sedebo in monte testamenti, in lateribus Aquilonis,
ascendam super altitudinem nubium, similis ero altis-
simo.* Cest à dire, ie monteray au Ciel, ie met-
tray mon siege sur les Estoilles de Dieu, ie
massoiray en la montagne du testament, au co-
sté de l'Aquilon, & sur les plus autes nuës, &

*Sa reuolte
contre Dieu.*

ie seray semblable au tres-haut.

A cet orgueil s'opposa sainct Michel, Capitaine general de la Hierarchie celeste, avec ces parolles descrites du Prophete. Qui est le Dieu grand comme le nostre? Nous ne consentiront iamais ô Lucifer à tes vains pensers, & nous suffist de sçauoir que telle est la volõte de Dieu, qui ne peut vouloir sinon ce qui est iuste & bõ, pour ce resoult-toy comme nous d'adorer le Dieu-homme, ou d'estre chassé par cette dextre du Ciel. Et à l'instant commença vn combat espouuentable entre ces Esprits, duquel toutefois le Prince Michel remporta vne victoire signalée d'escrite par S. Iean l'Apostre. *Et factum est, (dit-il) prælum magnum in cælo, Michael & Angeli eius præliabantur cū Dracone, & Draco pugnabat, & Angeli eius, & non valuerunt, neque locus nouentus est eorum amplius in cælo. Et proiectus est Draco, illec magnus serpens antiquus, qui seducit vniuersum orbem, & proiectus est in terram, & Angeli eius cum illo missi sunt.* Cest a dire, il y eut vn grand combat dans le Ciel, Michel & les Anges combattoient contre le Dragon assisté de ses esprits combattoit: mais leur force n'a preualu, & ny à plus eu de place pour eux dans le Ciel, & fut chassé ce grand Dragon, ce serpēt ancien du Ciel, & tresbuché en la terre, luy qui seduisoit tout le mōde, & tous les autres Anges avec luy.

Cette guerre heureusement finie, & Lucifer cõfiné dās les abismes S. Michel, & le cœur des Anges cõmen cerent à chanter les loiianges de Dieu leur Createur sa grandeur, & sa gloire: ainsi qu'escrit l'Apostre. Grandes & admirables

236 *Histoire Generale du Monde & de la Nature,*
 sont tes œuures, o Seigneur Dieu tout puissant
 tout iuste & tout bon, & tes voyes sont verita-
 bles, o Seigneur Roy des sieclès, qui ne te
 craindra point o Seigneur, & n'exaltera ton
 saint nom? par ce que tu es seul bon & pitoya-
 ble. Toutes les nations voiront & t'adoreront
 en ta presence, d'autant qu'en ce iour ce sont
 manifestez tes saints iugements. Et envn autre
 endroit les Anges victorieux chantoient encor.

Chant de triumphe des Anges pour la victoire loüee cõ- tre Lucifer. Nunc facta est salus & virtus, & regnum Dei nostri, & potestas Christi eius, quod proiectus est accusator fratrum nestrorum, qui accusabat illum ante conspectum Dei die ac nocte, & ipsi vicerunt eum propter sanguinem agni, & propter verbum testimonii sui & non dilexerunt animas suas vsque ad mortem, propterea letamini cœli, & qui habitatis in eis. Ce combat ne se fist pas avec les armes materielles avec la lame & l'espée, mais seulement spirituelles, & ne furent que les di- uerses affections & consentemens, sçauoir est de Lucifer & de ses complices, avec vn effect de regle d'orgueil & d'ambition, & de bons Anges avec vn effect d'extresme humilité & reuerence, par laquelle ils chasserent le dra- gon du ciel. La bataille donc de ces esprits fut faicte avec les armes de l'ame, & de la volonté car comme en l'homme les principes du mou- uement sont l'ame & la volonté, ainsi le sont ils en l'Ange. Les autres choses en l'hōme sont in- strumēs cōme membres de quoy l'Ange n'a be- soïn, ainsi qu'Aristote l'asseure. De la creatiō de Lucifer, qui fut dès le cōmencemēt de l'Aurore iusques a la creatiō de la lumiere, & a la cheute

des Esprits. Il n'y eust que sept iours d'inter-
ualle, auquel temps les Anges demeurerent e-
stonnez, & commerauis en la contemplation
de tant de merueilles, qu'ils voyoiēt en la crea-
tion des cieux, des estoilles, du Soleil, de la Lu-
ne, de la terre, de la mer, des animaux, des hom-
mes, & de tout le monde. Apres lequel temps
Dieu leur reuela l'incarnation de son fils, avec
vn commandement de l'adorer, afin que par le
moyen d'iceluy on peut monter à la gloire de la
vision de sa diuine Majesté, d'où peu apres sur-
uint, & print naissance la contestation & la ba-
taille entre S. Michel & les bons Anges, cōme
Lucifer & ses complices, les vns tres-obeyssans,
& les autres rebelles à l'eternelle volonté du
Tres-haut. Or qu'il y eust quelque distance de-
puis leur creation iusques à leur cheute, nous
l'apprenons des paroles d'Ezechiel, quand parlāt
de Lucifer il dict, tu as cheminé au milieu des
pierres allumees, parfaict en tes voyes du iour de
ta creation, & iusques à ce qu'en toy a esté re-
trouuee l'iniquité. Et puis il adioust parlant par
la bouche de Dieu. Au iour que tu fus créé, tes
puissances naturelles, ton entendement & vo-
lonté furent preparez. Je t'esleue sur la sainte
mōtagne de Dieu. En beaucoup de tes operatiōs
les interieures furent pleines de pechez, & pour
ce ie t'ay chassé de ma sainte mōtagne. D'où no^s
aprenons que de la creation iusques à la cheute,
s'escoulerēt quelques iours, qui furent seulemēt
ceux de la creation du monde. Le mesme se tire
del'Apostrophe que fait Esaye contre Lucifer,
disant, *quomodo cecidisti de cælo Lucifer, qui m'as*

*Qu'elle di-
stance en-
tre la crea-
tion de Lu-
cifer & de
sa cheute.*

Esaye 52

238 *Histoire Generale du Monde & de la nature,*
oriebaris ? Que s'il eust voulu dire, ô Lucifer en
si peu de iours depuis ta creation, ou plustost
t'estant fait voir vne matinée plus beau & plus
reluisant que le Soleil, comme es-tu tōbé de
la grace de Dieu dans les tenebres de la dānatiō
eternelle? Or bien que ce maudit Ange en tō-
bāt ayt perdu la grace de son Createur, si est-ce
toutefois qu'il ne perdit pas ces excellētes qua-
litez naturelles, desquelles Dieu auoit honoré sa
naissance: mais au lieu de les employer pour les
loüanges, & le seruice de sa diuine Majesté, il
bande tous ses desseins, comme vn rebelle qu'il
est, contre l'hōme, passant & pelerin de ce grād
mōde, pour tascher de le faire tomber en la dis-
grace de dieu. Ces forces prodigieuses & plaines
destōnemēs, ces qualitez naturelles promptes
seulemēt au mal, sōt descrites au vif en Iob, par la
parole de Dieu, disant voicy Behemot, lequel
i'ay créé comme toy. Il a la force en ses reins, &
la vertu en son nombril. Il estreinct sa queue cō-
me vn Cedre, & les nerfs de ses parties honteu-
ses sont tissus ensemble, ses os sont cōme flustes
de metal, & sa peau comme les lames de fer. Il
cheminoit au commencement dans les voyes du
Seigneur qui la créé Pour cettuy-cy, toutes les
montagnes produisent l'herbe, & toutes les be-
stes des campagnes luy applaudissent. Il dort ez
lieux secrets, & hūbles, & cettuy-cy engloutira
vn fleue sans merueille. Ne crain-tu point que
le fleue Iourdain entre par sa bouche. Et vn
peu plus bas, qui ouurira les portes de sō visage,
il a la peur dās le rōd de ses deuls, il a le corps cō-
me vn bouclier d'acier, enfermé d'escailles pres-

sees l'une sur l'autre. Quand il esterneue il rend vne admirable splendeur de feu de sa bouche espou- uentable, sortent des lampes comme brandons allumez, son soufle bruste comme les charbons ardents, vne flamme puante & terrible sort de son gozier, vne noire fumee s'exhalle de ses na- rines, comme d'une chaudiere boiillante & en- uironnee de tous costez de flammes. La force regne en son col, & au deuant de sa face chemine tousiours la paureté. Quand il sera esleué les Anges le craindront, & bien qu'estonnez ils le combattront. Quand il s'armera de son espee, ny picque, ny corselet pourra resister à sa force: car il brisera le fer comme la paille, & le metal comme bois corrompu & pourry. Il reputera le marteau comme le chaume des champs, & se- rira de celuy qui dardera & poussera le iauelot contre luy. Sous ces pieds seront les rayons du Soleil, & les foulera aux pieds come s'y c'estoit de la fange. Il fera boiillir come vne chaudiere le profond de la mer. Les estoilles seront sous luy, & n'estimera l'abisme non plus qu'un vieillard de peu de force. Il n'y a sur la terre aucune puissance qui se puisse comparer à luy, ce qui a esté fait afin qu'il ne redoutast aucun. Voy toutes les choses hautes & sublimes. Il est le Roy sur to⁹ les fils de l'orgueil. Ainsi finit Iob. En plusieurs autres lieux fût descrites les forces prodigieuses de cet Ange rebelle, lesquelles pour éviter vne redite nous laisserons & pour auoir leur lieu autre part.

*Combien d'Anges tomberent des Cieux,
combien s'en resterent, combien de mil-
lions il y en a selon l'opiniõ de quelques
Docteurs, & de leurs nobles qualitez.*

CHAPITRE X.



*Nõbre des
Anges tom-
bez & non
tombez.*

L ny a point de doute que tous les Sages s'accordēt en ce qu'il resta beaucoup plus d'Anges au Ciel en la grace de Dieu, que ceux lesquels furent precipitez dans les abysses de la terre. Et la raison naturelle qu'ils en alleguent est, que la Nature tousiours obtiēt son effect en tout, ou du moins en la plus grande partie: comme au contraire les choses qui succedent contre le cours de la nature, arriuent tousiours du moins ce que nous voyons aux monstres, & en ces autres operations imparfaites, qui arriuent peu souuent, dont le peché estant contre la naturelle inclination de l'Ange, pour estre vne creature bonne & parfaitte, il s'ensuit de là, que le nombre de ceux qui pecherēt, & se reuolterēt du seruice de Dieu, doit estre beaucoup moindre que celui de ceux qui resterent en leur deuoir, & prompts pour l'executiõ des saincts, cõmandemēt de Dieu, qui pour leur perseuerance establirent vne demeure eternelle dans le Ciel. Touchant la quantité des rebel-

les, aucuns estiment qu'il en tomba tât de tous les cœurs des Anges, que le nombre estoit assez pour faire vn cœur. L'Apostre S. Iean parlant de Satan dict, que tombant, il tira avec soy la troisieme partie des cieux, c'est à dire la troisieme partie des Esprits & intelligences supremes. Mais de dire combië il y peut auoir d'Anges en nombre distinct, on n'en peut parler qu'avec soupçon & presomptions, & non certainement, bien doit-on croire, que comme ils sont creatures plus parfaites que tous les autres, ils sont encor en plus grand nombre que pas vne des especes des animaux, comme encor l'espece des hommes surpasse de beaucoup quelque espece que ce soit des creatures viuâtes qui soyent sur la face de la terre, comme nous verrons en son lieu. Daniel selon l'exposition des 70. interpretes dict, parlant des Anges qu'ils sont *millemillienarij* & *decies mille*, *decem millienarij*, si que mettant le millier & les milliers, lesquels deux nombres sont tres-grands, & les tournant en eux mesmes, comme vn rond: car il dit, *millemillienarij*, & *myrias myriades*, id est *decies*, *mille decem millienarij*. Il montre tacitement qu'ils sont infinis: car le cercle cōmençant & se terminât en soy, demontre qu'ils sont vn nombre infiny. Outre ce l'autre translation à vn autre nombre, sçauoir est, *millia millium*, *decies millies centena millium*, qui signifie le mesme, & en S. Iean on lit, *audiui vocem multorum angelorum*, & *erat numerus eorum sicut millia millium*. Et en vn autre lieu la sainte escriture dict, *curtus Dei multiplex millies latantium*. Et en Iob il dit, *Num quid est mur-*

Quantité
des Anges
rebelles.

Daniel 7

Nöbre des
bö's Anges.

242 *Histoire Generale du Monde & de la nature,*
ius militum eius? Doncq il est impossible dit Ioh,
de nombrer les soldats de Dieu. Albert le Grād
toutefois escrit en son abregé de la Theologie,
que chasque cœur d'Anges contient en soy six
mil & soixante & six legions d'esprits, & que
chaque legiō a autāt d'Anges qu'il a y de legiōs,
sçauoir est 6666. d'oū l'on apprend que chaque
cœur contient en soy quarante quatre millions
quatre cens trente & cinq mille, cinq cens &
soixante & six Anges, lequel nombre multiplié
par neuf cœurs, comme nous dirons plus bas,
faict en fin quatre vingtsdix-neuf millōs, quatre
cens quatre vingts, quatre mille quatre cens
quatre vingts & huit Anges. Ces esprits An-
geliques qui iouyssent d'une perpetuelle beati-
tude dans les cieux, ont encor beaucoup d'au-
tres admirables qualitez. Car outre l'estre in-
corporel, & non composé de matiere & de for-
me, ils constituent encor vn'autre espece: &
ainsi autant qu'il y a d'Anges, autant y a il d'es-
peces qui ornent le Ciel, tout ainsi que les plus
belles fleurs embellissent & decorent vn par-
terre, & cecy outre les raisons des Docteurs se
prouue encore par Aristote, lequel ne veut pas
que sous les formes separées on puisse trouuer
une multitude d'induidus: car l'induidu n'est
autre chose sinon ce dequoy est la matiere, mais
les intelligences sont purs esprits, separez tota-
lement de la matiere, autrement ils ne pourroient
selon Aristote mouuoir tousiours les Cieux, ce
qu'il confirme encore en son second liure de
Anima, & en son second de *Ortu & Interitu*,
& que les Induidus sont mis en la nature seule-

ment, à ce que les choses qui ne sont de nombre eternal se puissent conseruer par leurs especes, & par la succession & multiplication de leurs indiuidus. Mais les Anges & les intelligences sont eternels de nombre, & partant en iceux les indiuidus ne sont point necessaires. Outre que les choses qui sont distinctes l'une de l'autre par la force, sont distinctes d'especes, & non de nombre, concedé que la forme n'est autre choses que l'espece, & partant les intelligences & les Anges estants formes separées, ils viennent à estre distincts d'espece, & non de nombre: car les formes des choses sont comme les nombres, si que toute leur difference faict vne espece indiuisible, comme tout nombre par soy seul est vne forme distincte & indiuisible par soy mesme des autres nombres. Il prouue encor cecy par vne autre raison, disant, que les Cieux sont distincts d'espece les vns des autres. Pourquoy au premier de ses meteoires, il asseure que les Cieux inferieurs sont plus impurs & imparfaits que les cieux superieurs, d'où il tire qu'encore que les intelligences doiuent respōdre à leurs cieux, il faut toutefois qu'ils soient distincts d'espece les vns des autres: Le semblable dict le tres-docte S. Augustin, *sicut enim luna stellas, sol lunam in claritate excellere cernitur, sic quilibet ordo superior Angelorum inferiorem ab Angelis usque ad Seraphim gloria, dignitate, claritate praeexcellere creditur.* Outre tout cecy l'Ange n'est point cōtenu du lieu: mais il cōtiēt le lieu. Pourquoy on dit l'Ange estre en ce lieu là, en lequel on voit sa vertu, comme nous auons amplement

244 *Histoire generale du monde & de la nature,*
veuy cy dessus, & outre ce qui est plein de mer-
ueille il se peut mouuoir, & aller où il luy plaist,
sans passer par le milieu: comme c'est la verité
qu'il peut venir du Ciel en terre, sans passer par
l'element, ny du feu, ny de l'air, & bien qu'il
semble à l'entendement humain que ses effects
soient impossibles, si sont ils toutesfois verita-
bles, & la raison de cecy est, que la substance de
l'Ange n'est point sujette au lieu, & ne peut e-
stre comprise d'iceluy, ains est elle superieure
d'iceluy, comme celuy qui le contient, & du-
quel la puissance s'estend iusques-là, de passer le
lieu cōme il luy plaist, ou par le milieu, ou sans
le toucher. Que si l'Ange ne pouuoit se trans-
porter d'un lieu en l'autre, & d'une extremité en
l'autre, sans toucher les milieux, ou passer par
iceux, il s'ensuiueroit cest inconuenient, qu'il
ne se mouueroit en un instant, & qu'en un in-
stant il ne pourroit descēdre du haut des Cieux
en ceste vallee du monde materiel, & qu'aussi
au contraire il ne pourroit en un instant monter
de la terre aux Cieux, ce qui est trescler, & ce
que nous auōs prouué cy dessus aux propositions
discourües, ou nous auons montré que le bō &
mauuais Ange, pour l'excellence de leur vertu
naturelle, pouuoit en un instant descendre du
Ciel en terre, & en un momēt environner tout
le monde, ce qui ne se pourroit faire s'il ne se
mouuoit avec un mouuement continu. Car s'il
estoit possible de ietter vne pierre du Ciel
estoilé en terre selō tous les Astrologues elle
seroit plus de soixante & cinq ans pour des-
cendre en bas iusques à son centre, à raison de la
grande distance qu'il y a de ceste demeure eternelle

en cette vallee de misere, y ayant comme nous prouuerons en la seconde prospectiue de la huitiesme sphree, iusques au centre de la terre 74. millions 803. mil, 180. mille, & le Ciel empiree, qui est le dixiesme est dix fois plus grand. Ces Anges encore ont d'autres admirables proprietes qui entendent, sauf discours, & sans milieu toutes choses d'autant plus qu'ils sont d'une excellente nature, d'un degré plus haut & plus proche de Dieu, ils entendent d'autant plus les choses par especes vniuerselles, que les autres qui leurs sont inferieurs, dont ils viennent à entendre, avec une plus grande facilité, & un moyen plus-excellent, comme fait le sens commun au respect des sens extérieurs, que si un d'eux entend par une espece particuliere, l'œil par le veoir, & l'oreille par l'ouyr, ainsi en est-il des sens intérieurs qui entendēt toutes sortes d'objets par une seule espece vniuerselle, qui ne peuvent estre entendus de sens extrinseques, que par le moyen d'un des cinq de leur espece. Le mesme se peut dire de l'intellect, lequel entend par les especes plus vniuerselles, beaucoup plus aisément que ne fait pas le sens commun. Et d'auantage l'Ange se cognoist encore soy-mesme, par le moyen de son essence; ce que ne peut pas faire l'homme, & la raison est que l'essence de l'Ange, estant immaterielle, elle est encore intelligible par sa nature, & s'vnist plus profondement avec le mesme intellect Angelique, & partant tout esprit celeste se comprend soy-mesme par le moyen de son essence, & n'a besoin d'aucunes especes intelligibles : car

246 *Histoire Generale du Monde, & de la Nature,*
elles ne sont necessaires en luy, afin que la chose
qui se donne à entendre se face intelligible en
l'action, faisant vne vnion de l'obiet à la puis-
sance. Mais ayant l'Ange toutes ces deux cho-
ses, il faut aduouër qu'il est par soy seul suffi-
sant principe pour se cognoistre soy-mesme, &
cecy se confirme, d'autant qu'on ne doit iamais
plus poser & conceder plus d'especes intelli-
gibles qu'il n'en est necessaire: & estant l'essence
de l'Ange assez suffisante par soy-mesme de sup-
pleer les actes des especes intelligibles, en vain
leur ioindroit-on d'autres especes. Et quant à la
cognoissance qu'un Ange a d'un autre Ange, &
des autres choses tant spirituelles que cor-
porelles, il la possede par le moyen des especes
intelligibles qu'il a en son intellect, & non par
le moyen de son essence. Et cette puissance con-
tre les esprits Angeliques, de cognoistre non
seulement les autres esprits, mais toutes les
choses, est imprimee & grauee de la toute-puis-
sante main de Dieu en leur cognoissance com-
me l'a bien remarqué le tres-docte saint Augu-
stin, disant, *Vnicuique spiritualium creaturarum*
impressa sunt a verbo Dei omnes rationes rerum omnium.
Encore l'Ange est orné de ces admirables con-
ditions, c'est qu'il cognoist & represente Dieu
en deux manieres, l'une par le moyen des es-
peces intelligibles de tous les effets des creatures.
Car si les hommes veritablement avec leur in-
tellect pouuoient cognoistre par le moyen des
choses visibles ce grand Dieu leur auteur, beau-
oup plus ay sement l'Ange le pourroit-il reco-

gnoistre par le moyen de la cognoissance qu'il a de toutes les creatures, comme il a esté dict cy-dessus. L'autre maniere qu'a l'Ange de cognoistre son createur, est par le moyen de sa propre essence naturelle, laquelle concurre avec cette cognoissance, non seulement par le moyen des semblances & des especes intelligibles: d'autant que l'essence Angelique est vne certaine semblance & image de Dieu, & outre c'est vne forme intelligible en l'acte vnne profondement à l'intellect Angelique, en change des especes intelligibles, & par cecy il peut estre le principe de cognoistre ce grand Dieu. Quant à l'excellence des Anges, pour la cognoissance qu'ils ont des choses futures, le diuin Sainct Thomas fait cette distinction qu'ils cognoissent les choses futures qui procedent des choses naturelles necessairement: Comme de dire que demain le Soleil luira, & cette cognoissance est encore conueüe à l'homme. Quant aux autres choses futures qui pour le plus souuent arriuent au monde, non toutesfois par necessité, l'Ange a quelque cognoissance d'icelles par coniectures: mais non par quelque asseurance indubiee: & cette cognoissance encore est commune à l'homme, bien que celle de l'Ange en l'vn & en l'autre cas soit beaucoup plus parfaite pour estre de plus-noble intelligence & plus versé au succez des choses qui arriuent que non pas l'homme.

Quant aux autres choses futures qui arriuent de hazard, & accidentellement,

248 *Histoire generale du monde & de la Nature,*
l'Angen'en a point de cognoissance , & la rai-
son est que l'Ange est d'une nature intelligible
tres-parfaicte, & partant il cognoist seulement
les choses qui doiuent arriuer en telle façon
qu'elles ont leur estre certain, ou presque aussi
certain que leurs causes. Mais des choses acci-
dentelles, autre que Dieu ne les peut sçauoir,
d'autât que seul eternel createur, il preuoit tou-
tes les choses en son Eternité, lesquelles pour es-
tre simples il a tousiours presêtes, tant le temps
passé comme celui qui est à venir, & de cette
verité la sainte Escriture en est toute pleine.
Le mesme se peut dire des pensees du cœur hu-
main, lesquelles l'Ange ne peut pas penetrer ny
cognoistre avec sa naturelle intelligence, d'au-
tant que comme i'ay dit cy-dessus, la puissance
de l'esprit Angelique s'estend à comprendre, &
cognoistre seulement les choses qui se peuuent
appercevoir en l'ordre de la nature. Mais les
pensees intrinseques du cœur, Si elles ne sont
manifestées de l'homme ne se peuuent point
suspçonner en l'ordre de la nature, par ce que
ces choses seulement sont subiectes à l'ordre de
la nature lesquelles sont substances ou accidents
qui ont quelque conionction ou dependance
des choses naturelles. Mais les pensees libres ne
sont de cette qualité, parce que elles sôt accidēs
dependents d'une cause libre, & partant elles ne
sont subiectes à la nature: mais à un ordre supe-
rieur, hors du succez des choses naturelles
qui est un seul Dieu, ayant la cause naturelle une
habitude determinee: comme encore la nature
se dit estre determinee à un seul. Encore l'Ange

est-il different de nostre ame en quatre sortes, comme nous dirons en la quatriesme partie. Car l'ame vnit au corps par nature, comme forme & l'Ange par accident comme moteur à la chose mobile. L'ame est raisonnable & l'ange intelligible, car l'ame apprend en cherchant & considerant & l'Ange en regardant, l'Ange ne patist, sinon pour le respect des choses superieures, & l'ame pour le respect des inferieures, pourquoy elle peut estre changee des sensibles. L'ame se peut conuertir de bien en mal & de mal en bien: l'Ange ne peut: mais il demeure ferme en sa premiere condition. L'Ange a encore beaucoup d'autres notables qualitez naturelles, partie desquelles nous dirons en ce present traicté, & l'autre qu'on pourra voir en la 4. partie de cét oeuvre, ou sera traicté de l'excellence, & noble qualité de l'ame humaine, & des choses qu'elle a cōmunes avec l'Ange, que i'obmets pour n'estre point traictées en deux diuers endroits.

Des trois Hierarchies Celestes, du gouuernement & de leur office, tant au Ciel comme en la terre, & des 4. Anges establis aux pinots du Ciel, & sur les quatre vents, & des esprits qui sont proposez aux globes celestes dictz intelligences.

C H A P. XI.



Esprit Angelique qui comme i'ay dit ci-dessus, n'est autre chose qu'une excellente substance intelligible, incorporelle, toujours mobile, immortelle, insensible, assistante à tout, seruant à Dieu, & qui influent à toutes choses, se diuisent en trois cœurs appelez des Theologiens Hierarchies, qui ne veulent signifier autre chose que sacrees principautez. Chaque Hierarchie a 3. ordres, les trois de la premiere plus haute, & plus proche de Dieu, sont les Seraphins, les Cherubins & Thrones. Les Seraphins qui en Hebreu signifient encenseurs, ou rechaufants, considerent la vertu de Dieu, les Cherubins qui en la mesme langue ne signifiēt autre chose que diuerse cognoissāce ou infusiō de sagesse, con-

emplent ses bontez : Les Thrones qui signifient sieges eleuez, sont ententifs en l'admiration de la iustice. Les premiers Dieu les ayme comme la charité, les second ils les cognoist comme la verité, & se repose aux troisiemes, comme en sa iustice. En la seconde Hierarchie se retrouuent les dominatons, les vertus, & les puissances. Les Dominations reiglent l'office des Anges, aux vertus appartient d'executer les commandements de Dieu & les puissances arrestent la puissance des Demons, aux dominatiōs Dieu commande comme en maiesté, aux vertus il ouure comme en vertu & tout-puissant; Aux puissances il deffend comme salut. La troisieme Hierarchie contient les principautez, les Archanges & les Anges : Les Principautez president aux chefs des peuples, & aux principales operations des miracles : aux Archanges appartiennent les denonciations & ambassades des choses plus grandes & plus releuees, & aux Anges le soin & la conseruation du genre humain. Es premiers Dieu commande comme Prince souuerain, aux seconds il se reuele comme lumiere, & aux troisiemes il se fait recognoistre comme inspirant. La premiere Hierarchie contemple l'ordre de la diuine prouidence, & commande ce que les autres executent, la 2. concurre au gouuernemēt du mōde, & à l'ordre des cieux & quelquefois la 3. Hierarchie prend soin des choses inferieures d'ici bas, empesche toutes les sinistres operatiōs qui pourroiēt troubler les diuines loix, les Priiicipautés ont soin des choses publiques, comme des Princes & Magistrats,

252 *Histoire Generale du Monde & de la nature,*
aux Royaumes & aux Prouinces & vn a soin d'v-
ne partie & l'autre de l'autre, comme nous ver-
rons à la troisieme prospectiue. Les Archanges
s'adonnent aux choses sacrees, ils disposent le
culté entre les hommes, ils offrent & presentēt
leurs prieres & leurs sacrifices à la diuine maie-
sté. Les Anges sont employez aux autres choses
moindres, les vns administrent la vertu aux her-
bes, les autres aux prieres, les autres aux au-
tres choses inferieures, & les autres gardent,
les hommes ayant vn chacun de nous vn Ange
commis pour sa defense, ainsi que le tesmoigne
Isidore. *Singula gentes, (dit-il) prepositos Angelos*
habere creduntur, omnes homines Angelos habere pro-
bantur. Origene tient le mesme. *Adest unicuique*
nostrum etiam minimis (dit-il) qui sunt in ecclesia
Dei, Angelus bonus, Angelus Domini, qui regat, qui
moueat, qui gubernet quod artibus nostris corrigendis,
& miserationibus exposcendis, quotidie videat faciem
patris qui in coelis est. Comme nous verons tout
cecy en son lieu determiné, aux liures suiua-
ntes des autres prospectiues, d'autant que seulement
icy nous touchons leur diuision, & leur nom,
nous reseruant d'escrire plus amplement leurs
operations & leurs vertus, en la seconde, troi-
siesme & quatriesme partie, ou nous monstre-
rons qu'à toutes les choses president des esprits.
Saint Denis tient que les cœurs des Anges, sont
liez & enchainez en cette façon, & d'autant que
l'amour est le premier de toutes les choses, &
celuy qui reçoit le premier l'influence de Dieu,
pour ce dit-il, les Seraphins sont mis au premier
rang.

Et

Et parce que de l'amour naist la sagesse & demeure en iceluy comme en son siege, pour ce les Cherubins ont le second lieu, & par ce que de l'amour & de la science est necessaire que procede la iustice, pour ce les Thrones obtiennent la troisieme place. Les Seraphins donc signifient l'amour, les Cherubins la science, & les Thrones la iustice & les iugements, & d'autant que au iugement doit estre subiect le commandement, affin qu'on face ce qui se doit faire, & apres le commandement il faut vne certaine vertu qui l'execute, laquelle vertu executante ne seroit entierement parfaite, & n'auroit point de lieu, si elle n'auroit vne certaine puissance qui resistat à la puissance contraire, laquelle s'efforce tousiours d'empescher les bonnes & saintes operations, pour ce au second cœur, sont mises les dominations, les vertus & les puissances. Et parce que la puissance seroit vaine sans l'erudition & l'instruction des ignorants, d'autant que on ne pourroit executer le commandement & la puissance de Dieu aux choses incongneues, & non reuelees & cette instruction des choses qui concernent nostre salut, se faisant en deux manieres, ou par l'œuvre, ou la parole, pour ce on met en la troisieme Hierarchie, les Principautez les premieres, qui font les operations plus dignes & plus principaux miracles. Au second lieu les Archanges qui reuelent les volontez plus secretes & plus importantes de la diuinite, qui regardent nostre salut. Et au troisieme lieu les Anges qui donnent la vertu aux choses, gardent & conseruent les hommes en

254 Histoire generale du monde & de la nature,
particulier. Voire l'ordre des Hierarchies selon
sainct Denys. Mais sainct Bernard, & sainct
Gregoire mettent les principautez au second or-
dre de la seconde Hierarchie & les vertus au
premier de la troisieme. L'ordre donc des es-
prits bien-heureux, est comme enchainé en-
semble: si que les plus hauts, espandent & com-
muniquent la science aux inferieurs: & cette
science est plus claire aux premiers qu'aux se-
conds, & plus aux seconds qu'aux troisiemes, &
ainsi de degré en degré iusques au dernier, & le
dernier la communique aux choses d'icy bas.
Pour confirmation de cecy, on lit que le Pro-
phete Zacharie, quand Dieu voulut deliurer
le peuple Hebreu de la seruitude de Babylone,
il veit vn Ange commandé de Dieu, cét Ange
d'un autre, & cét autre enseignoit les prophe-
tes. Le tres-docte sainct Augustin tient la mesme
opinion, disant, *Sicut enim Luna stellas, Sol Lu-
nam in claritate excellere cernitur, sic quilibet superior
ordo Angelorum inferiorem ab Angelis vsque ad Se-
raphin gloria, dignitate, claritate præcellere creditur.*
Il y a quatre Anges qui sont preposez aux 4. pi-
uots du Ciel qui commandent, & regissent les
quatre vents principaux, & ceux-cy sont prin-
ces des autres legions, & milices celestes, Mi-
chaël est prepose au vent Oriental, Raphaël sur
l'Occidental, Gabriel sur le Boree, & Uriel sur
le vent de midy. Sainct Iean l'Evangliste & A-
postre de Iesus-Christ en sa diuine, profonde &
espouventable vision, dit qu'il veit quatre An-
ges qui estoient sur les quatre coins de la terre,
& qui tenoient les 4. vents liez, de peur qu'ils ne

soufflassent ny sur la terre, ny sur la mer, ny sur aucun arbre. Chaque Ciel a encore pour President & pour Gouverneur vn Ange que les Hebreux ont appellé Cherubin, & Aristote Intelligence.

Au premier Ciel nommé Mobile preside suiuant quelques Rabins Metatron, au ciel estoillé Ophaniel, à la Sphere d'Arcam, de la Lune Arcam, de Mars Lamac, de Mercure Mardar, de Iupiter Gut, de Venus Iurabatres, & de Saturne Merimon: chacune des intelligences s'ayde des esprits qui leur sont inferieurs, & comme de leurs Ministres au gouuernement de la Sphere, qui leur est commise.

Aristote confesse que chaque Ciel a son Ange ou son intelligence preposée: mais il veut qu'elle y soit de telle façon liée, comme si ce ciel n'estoit pas composé d'autre chose que de son globe ou de son intelligence.

Le mesme assure François Piccolomini en sa philosophie, que les Cieux sont composez des intelligences, comme mouuans, & du globe comme du corps mobile, & veut que ce corps soit du tout simple, & non composé de matiere & de forme. Alexandre Aphrodisée, & picus de la Mirandole, & tous les autres Arabes assurent qu'à chaque Ciel president deux intelligences.

Mais les Rabins Hebreux ont dict que comme l'ame anime le corps qu'ainsi &

256 *Histoire Generale du Monde & de la Nature,*
luy donne vn mouuement, qu'ainſi de meſme il
y a vne ame qui anime & donne les mouuemēts
à tous ces corps celeſtes , mais que toutesfois
ces ames mouuoient leurs Cieux au mouuemēt
des intelligences qui leur ont eſté propoſees du
tres-haut. Ces eſprits ont ſuiuant leurs di-
uers effectſ diuerſes appellations , & qui pro-
cedent d'icelles , ſçauoir eſt , Eſprit, Ame, Pro-
uidence , Nature , & Intelligence , dequoy
nous traicterons plus à plein en la ſuiuante
proſpectiue , ou nous diſcourerons des ſphæres
Celeſtes.

De l'opinion d'aucuns Rabins, Hebreux,
& Cabalistes, touchant les sept Anges
qui sont en la presence de Dieu, & de
leur office des noms des douze An-
ges preposez au Zodiaque, des quatre
Presidents aux elements, avec l'opinion
d'Athanasie, & ce qui en a esté decidé au
Concile Romain.

CHAPITRE XII.



Ly a encore sept Anges, comme
tesmoigne la saincte Escriture,
lesquels sont tousiours en la pre-
sence de Dieu, & à ceux-cy selon
le tesmoignage des Hebreux est
commise la disposition de l'empire celeste &
terrestre, c'est à dire de tout ce qui est soubs la
concauité de la Lune. Ceux-cy entre eux de-
partent les charges des ans, des iours & des heu-
res comme font les planetes. Ils egalent toutes
les influences des estoiles & des autres signes ce-
lestes, & les distribuent en ce monde inferieur.
Le 1. d'entr'eux se nomme Raphaël, qui gouver-
ne le Soleil. Le 2. Gabriel, qui domine la Lune, le
3. Camaël, qui est preposé à Mars. Le 4. Michel,
qui preside à Mercure.

*Disposition
de l'Empire
du Ciel ad-
né à sept
Anges selon
les Hebreux*

258 *Histoire Generale du Monde & de la nature,*
Le cinquiesme Adahiel qui gouuerne Iupiter, le
sixiesme Haniel Venus, & le septiesme zaphkiel
Saturne, desquels fait mention sainct Iean en
son Apocalipse, disant, *Et vidi septem Angelos sta-*
tes in conspectu Dei, & data sunt illis septem tuba, &
plus bas il escrit, i'ay veu le premier Ange, le-
quel sonnoit la trompette, & à cét espouuenta-
ble son le foudre pirouëtant dans les Cieux tumba
sur la terre & vn feu meslé de sang qui brusta
la 3. partie d'icelle, la 3. partie des arbres, & toutes
les herbes. Et le second Ange sonna la trom-
pette, & comme vne grande montagne de feu
ardant tumba dedans la mer, & la troisieme par-
tie d'icelle deuint toute de sang, & perist la troi-
siesme partie des creatures qui vivent sous les
caïes, avec la troisieme partie des nauires qui
se trouuerent en icelle. Et le troisieme Ange
sonna & vne grande estoille, nommée Absintie
tumba du Ciel comme vne torche allumee, en
la troisieme partie des fleuves & des fontaines,
lesquelles deuindrent ameres comme absinte &
beaucoup d'hommes moururent pour l'amer-
tume des caïes. Et le quatriesme Ange sonna &
fut frappee la troisieme partie du Soleil, & la
troisieme partie de la Lune, & la troisieme par-
tie des estoilles, de telle sorte & maniere que la
3. partie d'iceux fut obscurcie, la troisieme par-
tie du iour priuee de clarté & lumiere, & la 3.
partie de la nuit. Semblablement i'ay veu & en-
tendu la voix d'un aigle volant par le milieu du
Ciel disant à haute voix, malheur, malheur, mal-
heur aux hommes habitans sur la terre, & le S.

Ange sonna de la trompette, & i'ay veu vne estoille descendre du ciel & tomber sur la terre, à laquelle fut donnee la clef du puits du Ciel & tomber sur la terre, à laquelle fut dōnee la clef du puits d'enfer & de l'abisme, & ouurir le puits de l'abyfme, duquel puits est procedee vne fumee, comme vne fumee d'une grande fournaise, & le Soleil est obscurcy comme aussi l'air par la fumee de ce puits : & de ces fumees du puits sont sorties des locustes sur la terre, & à icelles fut donné le pouuoir tel quel pouuoir & la puissance des Scorpions de la terre, & leur fut commandé qu'ils ne fissent aucun mal au foing de la terre, ny à l'herbe verdoyante, ny à aucun arbre, sinon aux hommes qui n'ont la marque du Dieu viuant empreinte sur le front, & leur fut deffendu de les faire mourir, mais de lestourmenter seulement l'espace de 5. mois, & que leurs blessures fussent pareilles aux blessures du Scorpion. Et sur la teste d'icelles il y auoit comme des Couronnes semblables à l'or, & leurs forces estoient comme faces d'hommes, & auoient des cuirasses comme de fer, & la voix de leurs aisles, comme le bruit des chariots de plusieurs chevaux courans au combat, & auoient au bout de leurs queuës forces aiguilles, & pointes fort aigues, & le pouuoir & puissance qui leur fut donné fut de nuire aux hommes de dessus la terre par le temps & espace de cinq mois & auoient sur soy vn Prince, vn Seigneur & vn Roy. Ils auoient sur eux ce puissant Prince de la Region Sousterraine, qui com-

260 *Histoire Generale du Monde & de la nature,*
mandoit à cette furieuse troupe que les Hebreux appellent Abaddon: les Grecs Apollion, & nous l'appellons exterminateur. Et le sixiesme Ange sonna la trompette, & i'entendy vne voix des quatre coins de l'Autel d'or, qui est deuant les yeux de Dieu, qui disoit au sixiesme Ange qui auoit la trompette: Sçachēt les Anges qu'ils sont liez au grand fleuve d'Euphrate, & furent deleguez ces quatre Anges qui estoient prests en vn an, vn moys, vn iour, & vne heure de tuer la troisieme partie des hōmes, & plus bas. Le septiesme Ange sonne, & on entendit dans le ciel vne haute voix, qui disoit, le regne de ce monde est fait de nostre Seigneur & de sō Christ, il regnera aux siecles des siecles. Et plus bas. Le temple de Dieu dans le Ciel s'ouurira, & on y verra l'arche du testament, & viendront apres des foudres, des tonnerres, des tremblements, & des espouuentables tempestes. Icy finit l'Apostre. Apres il subioint la bataille qui s'ensuiuit au ciel entre les Anges & Lucifer & ses complices cy-dessus rapportee. Pareillement au monde selon l'opinion des Rabins, & les Cabalistes, il y a douze puissances, trois Orientales, trois Occidentales, trois Meridionales, & trois Septentrionales, la premiere puissance Orientale est appelee chaos: son Prince s'appelle Malthidiel & preside au signe Aries, la seconde est appelee Corona, son Prince Vorchiel & preside au lyon. La troisieme est nommee Hermus, son Prince Annachiel, qui est sur le sagittaire. La premiere puissance meridionale s'appelle pantheō, son prince est Asinodēs, seigneur du torreau.

La seconde fim, son Prince est Hamabiel, & domine sur la Vierge. La troisieme est Hain, son Prince est Hanüel, & domine au Capricorne. La premiere puissance septentrionale est appelée Bethzan, son Prince est Manel, & regist le Cancre. La seconde est Zotnochtareth, son Prince est Barhiel, & gouuerne le Scorpion. La troisieme est Elisan, son Prince est Barchiel seigneur des poisös. La premiere puissance occidentale est dicte Gelphor, son Prince est Ambriel preposé à Gemini. La seconde Bleor, son Prince est Zaniel, & est sur la liure. La troisieme est nommée Capher, son Prince est Gabiel, presidet au verse eae. Tous ces Princes ont soubz eux beaucoup d'autres esprits, auxquels ils commandent comme nous dirons en la prospectiue suiuite, en declarant leurs vertus & leurs influences, les qualitez & les repugnances des douze signes celestes. Il y a encore quatre autres Anges qui gouuernent les Elements. Le premier est appelé Seonph, seigneur du feu. Le second Cheoub qui comande à l'air. Le troisieme Tharsis à l'eae, & le quatrieme Ariel, qui preside à la terre. On ne doit pas pourtāt croire que ce soient icy les propres noms des Anges: mais bien sont ils tirez des operations, qualitez & influences des Spheres celestes, comme nous dirons en la suiuite prospectiue. Car mesme dans la sainte escriture on ne trouue point qu'il y ayt d'autres noms d'Anges escripts, que ceux de Michaël, Gabiel, & Raphaël. Pourquoy au Concile Romain, tenu sous le Pape Zacla ie farent condamnez Aldebert &

Leurs nös.

Autres esprits soubz mis à ces puissances.

Quatre anges gouuernās les Elements.

Combiē de noms d'Anges se trouuent en l'Escripture.

262 Histoire generale du monde & de la Nature,
Clement, comme heretiques, pour ceste raison
particuliere que Aldebert en vne sienne oraison
auoit inuoqué beaucoup de noms d'AnGES, les
noms desquels s'ensuiuent, *Supplico vos Angelus*

Nos d'An-
ges en im-
agination.

Michael, Angelus Tubuas, Angelus Sabaoth, Angelus
Simihel. Ceste Oraison estant leuë au Concile,
le mesme Aldebert fut declaré heretique, voicy
les propres termes du Concile. *Octo enim nomina*
qua in sua oratione vocauit Aldebertus, non Angelorum
præter Michaëlis, sed magis demonum nomina sunt,
quos ad prestandum sibi auxilium inuocauit. Nos au-
tem ut à vestro sancto apostolatu edocemur & diuina
tradit autoritas, non plus quam trium Angelorum no-
mina agnoscimus, id est Michaël, Gabriel, Raphaël.
Zacharias Papa dixit, optimè prouisum est à vestra san-
ctitate, ut conscripta illius omnia igne concrementur
sed opportunum est, ut ad reprobationem eius in scrinio
nostro conseruentur ad perpetuam confusionem vniuer-
sus concilium dixit. Aldebertus cuius nobis actus &
nefaria commenta lecta sunt, & qui se apostolum cen-
suit nominari, & qui capillos & ungulas suas populis,
pro sanctitate tribuit, quique sub obtentu Angelorum
Dæmones in suum auxilium inuocat, sit ab omni officio
sacerdotali alienus. D'où on remarque que inuo-
quer & nommer d'autres noms d'AnGES que
Michaël, Gabriel, & Raphaël, est vne chose
condamnée & perilleuse, n'ayant iamais Dieu
voulu reueler les nōs que de ces trois. Et qu'au-
cun ne se presume seruir des noms cy dessus ra-
portez, par ce que ils sont de l'inuention des
hommes, & sont tirez des operations & quali-
tez naturelles, & non autrement. Car Seruph
veut dire le feu, Cherub l'air: Tarsis l'eau, &

Ariel la terre, selon les caracteres de tous les anciens Rabins & Chaldeens, & ainsi de suite tous les autres noms ont leur signification, cōmenous declarerons en la prospectiue suiuite.

De la conuenance qu'a ceste premiere prospectiue des neuf cœurs Angeliques, avec la seconde des Spheres Celestes, & premieremēt de la semblance des Seraphins, avec le premier mobile; des Cherubins, avec le Ciel estoilé des Thrones, avec Saturne des dominations, avec Iupiter, & des vertus avec Mars.

CHAPITRE XIII.



En'est pas possible que les mortels, pendāt qu'ils considerēt les miracles de cēt admirable monde ne s'estōnēt & pendant ce rauissemēt ne reclamēt à haute voix ce diuin & puissant Architecte trois fois tref-grand & tout-puissant, & n'exaltent sa grandeur, cōme font toutes les autres creatures. Et si ces choses qu'apeinē pouuons nous cōprendre à nostre entendement, excitēt en nous tant d'admiration, que sera-ce quād nous restrōs ententifs en la contēplation des miracles, lesquels selon l'Apostre iamais œil mortel ne vit oreille humaine, n'entēdit, ny cœur d'aucun hōme ne cōprit. En ceste grāde fabrique Dieu a demōtré .iij. choses, vne infinie puissance en sa creatiō, vne incōprehēsible sagesse en l'ordre de sa beauté, &

264 *Histoire Generale du Monde & de la Nature,*
vne souueraine bonté en sa conseruation.

La premiere & la derniere peuuent estre cō-
prises sans peine de l'entendement humain : car
en vn clein d'œil il peut voir la grandeur de
l'œuvre de ce monde, & le soin qu'il a eu en la
conseruation d'iceluy, & la seconde ne peut e-
stre remarquée, sinon par vn entendement es-
puré, par vne diligence assiduë, vne longue
estude & contemplation des choses diuines &
humaines. Et bres ce grand monde n'est autre

*Le monde
n'est qu'un
accord des
choses créés*

*Accord des
Anges a-
uec les
Dieux.*

chose qu'un ordre, vne harmonie, vne corres-
pondance, vn accord, & vne proportion de
toutes les choses desquelles nous auons discouru
au premier liure, & au Chapitre precedent, où
nous auons commencé à demonstrier ce qui cō-
cerne ceste premiere prospectiue des Anges, de-
clarant la simpatie, & l'aliance de leurs offices
diuins avec Dieu & les hommes de ceste pros-
pectiue terrestre, & discourant briefuement de
la semblâce qu'ont ces Spheres ensemble, ie di-
ray que celle des Seraphins a beaucoup de con-
uenāce avec le premier mobile, les Cherubins
avec le Ciel estoilé, les Thrones avec Saturne,
les Dominations avec Iupiter, les vertus avec
Mars, les puisāces avec le Soleil, les principau-
tez avec Venus, les Archāges avec Mercure, les
Anges avec la Lune. Des Seraphins S. Denis
Areopagite escrit ainsi, *Seraphinorum cognomē est
mobile, semper circa diuina incessabile, calidum, acutū
superferridū, inflexibilis semper motionis, suppositorū
agminum reductiuum, actiuum exemplar, recalesaciēs
illa inferiora, reducens in similem caliditatem cœlitus
igneo illo vigore comparato ea, quæ tanquam holocausta
sua in incendijs expurgat, non circumuehatum ext-*

dens, sed lucidum, inextinguibile, semper illuminans, omne tenebrosam obscuritatem expellenet. Lesquelles qualitez se retrouuent empreintes & viuement caracterées au premier mobile : car comme les saincts Seraphins s'exercent tousiours & se retournent vers Dieu : Ainsi le premier mobile tousiours en s^{on} premier mouuemēt se retourne tousiours vers son premier moteur, comme s'il receuoit de luy les commandemens de verser ses vertueuses influēces sur les Cieux inferieurs, & comme ils ne manquent iamais de chaleur : cestuy tout de mesme en est tout plein, par le moyen duquel il se tourne en rōd, tire apres soy tous les Cieux, & duquel le cours tres-leger ne peut estre empesché, & comme ils sont aigus, cestuy-cy l'est de mesme, afin que avec sa pointe il puisse penetrer tous les autres cieux, & leur cōmuniquer sa vertu à tous. Les autres cercles, comme ils sont tres-boüillants, cestuy-cy tire apres soy les autres Cieux à viue force: comme ils sont d'un mouuement inflexible, il ne va iamais de biais, ny ne vacille en son mouuemēt, avec lequel se mouuēt toutes les autres choses, pour obeyr à ses commandemens, comme les legions des Anges releuent de leur puissance, cettuy-cy par vn iuste mouuement : & mesme tient sous luy vnis les cieux errants, comme ils sōt appelez exemplaires actifs, cettuy a la mesme qualite, d'autāt qu'il ne pousse point seulement les cieux : mais les precedants il les traine encore apres soy. Cōme ils brullēt to^u d'amour, ainsi le globe igneen du premier mobile, d'un mouuement de feu enflamme & rechauffe tou-

Les Sera-
phins com-
parez au
pr. mobile

Les conue-
nances &
rapports
grands.

Seraphins
appelez
exemplaires.

tes les choses qui recoiuent leur vertu immediatement de Dieu, afin qu'ainsi repurgez elles retournent à leur premier principe, & comme il n'y a aucune creature qui leur soit superieure, & de laquelle ils releuēt, ainsi ce premier cercle n'a aucun cercle superieur qui le mouue, estant le plus proche du Ciel empiree, & du siege de Dieu, & cōme ces diuins esprits des Seraphins, comme les plus proches de Dieu, recoiuent des clartez & des lumieres, qui ne se peuuent esteindre, & qui reluisent plus que mille Soleils, ainsi du Ciel empiree vne telle clarté & lumiere. Et cōme de l'ardeur des Seraphins les autres esprits viennent à estre de telle sorte enflammez, qu'ils se conuertissent en Dieu : ainsi de ce mouuement viennent des clartez inextinguibles de ce premier globe. Les choses inferieures sont tellement purgees & rendues parfaites, que estāt resolues avec vne douce harmonie, & consommé le plus grossier, elles se resoluent au premier principe. Outre cecy ces premiers Anges correspondent au premier mobile enccey, que comme il est meū du premier moteur seulement, qu'ainsi ces diuins esprits sont commandez de Dieu seulement, sans le moyen & ministere d'autres Anges, comme ce Seraphin qui purifia les leures d'Isaye, qui fut vrayment vn des Anges de ce premier ordre. D'oū se descouure l'admirable bonté & grande sagesse de cest excellent ouurier en l'Architecture du Palais de l'Vniuers, ayant enchesné & comme lié les Anges aux cieux, les cieux aux elemens, les elemens aux cieux, & les Anges à l'hōme, & toutes cho-

*Autres an
ges enflam
mez de
l'ardeur
des Seraph.*

ses à soy mesmes. Les Cherubins encor s'accor-
 dent avec le Ciel estoillé. Premieremēt Cherub
 en la langue Chaldaïque, ne signifie autre cho-
 se que peinture immaculée. Et quelle peintu-
 re plus vague & sans tache se peut voir ou nō-
 mer, que le firmament, dans lequel tant de si ra-
 res images s'y voyent grauees, non point tirees
 ou portraictes d'une artiste main Indienne, ou
 Prigienne. Mais de la diuine main de l'Eternel,
 Images créés, plaines de lumière incorruptibles
 toujours viuantes, & plaines d'une vertu infi-
 nie: Et comme ce beau cercle est orné de l'es-
 clat de tant d'estoilles & de diuines lumières,
 ainsi le cherubins sont admirablement doüez
 des diuerses formes de toutes les sciences, tant
 humaines que diuines. Et comme ce Ciel est
 meu du premier mobile, ainsi l'ordre des Che-
 rubins est excité & meu du premier ordre des
 Seraphins. Les Throsnes de mesme conuien-
 nent avec Saturne, parce que comme ceux-cy
 sont nommez le Throsne & le siege de Dieu: *Les throsnes*
 (car on dict qu'ils sont tellement esleuez sur *avec SATUR*
 les choses inferieures, & si familiers de Dieu, *ne.*
 que par le moyen d'eux mesmes ils contem-
 plent & regardent toutes les choses.) Ainsi
 Saturne la septiesme planete est comme le sie-
 ge des cieux, tellement qu'il se peut dire que
 ce n'est pas sans mystere qu'on lit, que Dieu au
 septiesme iour se reposa, & commanda au peu-
 ple d'Israël, que le septiesme iour fut chommé,
 que toutes œuures cessassent en iceluy. Il
 le nomma iour de Sabat: c'est à dire
 de repos. Ainsi dict-on de Saturne nommé

268 *Histoire generale du monde & de la nature,*
 en la langue Hebraique Sabatai : c'est à dire
 ie me repose : & comme les Throsnes sont cō-
 joints ensemble d'amour & de verité ; Ainsi
 dict Firmicus, Saturne rend les hommes bien
 formez, munis d'un bō & sage Conseil, d'un si-
 lence meur, qui avec un esprit esleué d'amour,
 vont chercher les secrets cachez de Dieu, & se
 rendent ainsi comme les throsnes les vrais sie-
 ges de Dieu. Et comme les throsnes sont nom-
 mez Deiformes & æconomes & despēfiers de la
 sagesse de Dieu : Ainsi l'antiquité fabuleuse
 appelloit Saturne Ianus à double front pere de
 la sagesse. Ainsi les Poëtes feignoient que sous
 son regne estoit le beau siecle doré, quand la
 terre sans estre ouuerte par un coudre tranchāt
 & sans force, donnoit gayment & en repos aux
 hommes, ce qui estoit de besoin pour leur vie,
 les fontaines couloient de leurs sources le lait,
 que les loups & les aigneaux viuoient ensemble
 en amitié, & que le monde ne sçauoit que c'e-
 stoit de haynes, de rancœurs, d'enuies, ou de
 vices, & parce à bon doict donne-on le septies-
 me iour à Saturne, pour estre la septiesme pla-
 nette, & pour se conformer avec le septiesme
 ordre des Anges qui sont les throsnes sieges du
 Tres-haut. Là où au Leuitique, il fut com-
 mandé que le septiesme an la terre ne fut la-
 bourée, mais se reposast, & conforme-
 ment à cecy les Cabalistes disent, com-
 me j'ay raporté cy dessus, qu'au septiesme
 millier d'annees le globe elementaire re-
 tournant en sa confusion, reposera, en son
 cahos, & pareillement au quarante neuf-
 uiesme

*Saturne
 appelle Ianus,
 & pourquoy.*

*Siecle doré
 sous le re-
 gne de Sa-
 turne.*

*Remarque
 des Cabali-
 stes.*

neufuiesme millier d'années les Cieux consommez, & toute la nature destruiete, ne feront aucune operation: mais qu'apres ce tēps, qui faict sept fois sept mil ans, viendra l'année du Iubilé, appelé des Astrologues, le grand an: duquel nous auons parlé au premier liure. Au reste Saturne est de telle qualité, que suyuant les Astrologues, toutes les autres planettes luy sont conioinctes: mais il ne se conioinct avec aucune, pour estre le supreme. Ainsi la loy Mosaique ne se conioinct ny s'vnit avec aucune autre religion: mais depend seulement de Dieu, & les autres prennent leur origine d'elle: car les Loys qu'on feinct auoir esté donneez d'un Apollon, d'un Iupiter, d'un Mercure, d'une Minerue, d'une Egerie, d'une Vesta, & de mille autres deitez, ne sont qu'empruns, ou à mieux dire larcins des liures de Moyse, comme nous dirons en son lieu. Ainsi toutes les autres Hierarchies se conioignent avec les thrones qui dependent seulement de Dieu, mais ils ne se conioignent avec aucun ordre des Anges, d'autant qu'avec iceux concurre l'amour des Seraphins, qui sont le zele de Iustice & de verité avec lesquels interuient la science des Cherubins, laquelle distribuë les degrez & determine les recompenses & les peines, leur assistēt a les Dominations qui ne signifient autre chose selon l'Arcopagite qu'une liberté d'esprit, afin qu'estant libre, & deliure de toute affection, & passion, il soit procedé à ce iugement. Les vertus s'y trouuent comme Conseillers, afin que au poids de la constance & de la Iustice, ils

Loix Paganennes desrobées de la loy de Moyse.

270 *Histoire Generale du Monde, & de la nature,*
 tendent leurs arrests, les puillances y sont pre-
 sentes, pour reprimer comme dit le mesme S.
 Denis, toute tyrānie & pour mettre en execu-
 tion le iugement. Cōuiēent encor avec iceux
 les principautez, les Anges, & les Archanges
 presidans aux Princes, aux Prouinces, aux hom-
 mes particuliers, afin qu'ils aprouuent, & fa-
 uorisent de leur pouuoir l'arrest qui leur est
 prononcé: mais les Throsnes ne se conioignēt
 avec aucun ordre celeste, & n'executent les
 offices, & commandemens des autres. Et par-
 tant il se voit avec quel ordre admirable, ce
 grand Dieu a composé cet vniuers de degrez
 en degrez, & de figures en figures, enchaî-
 nant ensemble toutes les parties de ce grand
 monde. Tellement que chacq'vne de ses pro-
 spectiues respond à l'autre. Semblablement
 les Dominations se conforment avec l'Estoille
 de Iupiter, par ce que comme elles sont or-
 nées de dix prerogatiues, ainsi Iupiter à dix
 notables qualitez. Les dix prerogatiues sont
 descrites par saint Denis en ces paroles. *San-*

paroles de *starum Dominationum manifestiuam nominationem*
saint De. existimo declarare absolutam quandam, & pedestri
nis Areopagitico. minoratione liberam anagogem, in nullamque tyran-
nicarum dissimilitudinem vlllo modo eam vniuersali-
ter inclinatam, liberaliter seueram, dominationem,
omni minutius seruituti superpositam superiorem
omni subiectioni, & remotam ab omni dissimilitu-
dine & dominationis incessanter appetentem, & ad
ipsiusmet naturaliter subsistentis virtutem similitudi-
nem, quantum possibile est, & se ipsam, & quae post ip-
sam sunt optime & speciose conformantem, ad nullam

*vanecidentium, sed ad propriè in vniuersale conuersū,
& dominica semper Deiformitatis in participatione,
secundum quod possibile est ipsi factam.* En laquelle

description S. Denys ne veut dire autre chose *Qualitez
des Domi-
nations.* sinon que les Dominations sont ornées de ces

proprietiez : Premièrement , qu'ils desirent
touſiours les choses celestes. 2. Qu'ils ne sont
point ſuiettes à aucune ſeruitude tyrannique,
Tiercement qu'ils ont vne grande liberté par
laquelle ils meſpriſent toutes les choses qui les
peuuent ſeparer de Dieu. Quartement qu'ils
ſont libres d'affection, & de toute vile ſubie-
ction. 5. Qu'ils ne laſſent entrer rien en eux,
qui les puiſſe faire diſſemblables de ſa diuine
maieſté. 6. Qu'ils ne ſeruent par vne generoſité
extreſme aucune creature, mais ſeulement le
Createur 7. Qu'ils ſe conforment en tout, &
par tout aux plaiſirs ſacrez de ſes ſainctes volō-
tez. 8. Qu'ils employent tout leur pouuoir de
conduire bien, & conformer l'autre à l'eternel
monarque. 9. Qu'ils demeurent touſiours en
eſprit & en operation, comme fixes & immo-
biles en la lumiere diuine. 10. Que pour iouir
touſiours de ces diuines beautez, ils cherchent
non pas de ſe rendre conformes, mais de deue-
nir vne meſme chose avec Dieu. Toutes ces no-
tables qualitez, ſi nous croyons aux Astrolo-
gues & ſages anciens ont eſté attribuees à la
Planette de Iupiter, comme en faiçt foy Iulius
Maternus. Dautant que cette Planette diſpoſe,
Premierement à la nobleſſe du ſang. 2. A la no-
bleſſe de l'ame, laquelle eſt ſeule & vniue ver-
tu. 3. Au gouuernemēt prudēt & ſage des choses,
ainſi que vn meſme eſt appelé ſageſſe & intellect

*Iupiter Pla-
nette de
bonté & ſes
proprietiez.*

4. Iupiter aux Orosopes, signifie & presage que les hommes seront esleuez aux honneurs, & les premiers des Citez & prouinces. 5. Comme dit Alcabt, & Firmicus, il dispose à faire iustice, establis des loix, & des ordonnances, & prepare les suiectz à l'observation d'icelles, pourquoy les Hebreux l'apeloient Zedec, cest à dire Iuste. 6. Qu'avec sa Iustice & bonté il inspire tousiours quelque chose de haut, & de releué dedans les ames. 7. Que par l'influence de sa Iustice, il dirige les ames à Dieu. 8. Il est de telle qualité, qu'il dispose l'homme, non seulement à faire les operations de charité & de bonté, mais d'y exciter encor les autres. 9. Ils disent de luy que pour estre fidelle à Dieu il opere d'esmerueillables effects, par l'admirable vertu desquelles il est orné. 10. Ils disent encor qu'il conduict toutes les choses qu'un homme bien nourri aux escoles de l'honneur & de la vertu se pourra imaginer, pourquoy Pitagoras appeloit cette vertu harmonie, temperament de l'esprit, santé, & tout bien, & que par son ayde & faueur toutes choses se maintiennent, & conseruoient en estat, & en leur spendeur.

*Les vertus
s'accordent
avec la Planete de*

Les vertus ont encor vne notable conformité avec Mars, par ce que, suyuant saint Denis au lieu cy dessus cité, l'ordre des vertus a vne certaine & incommuable puissance, pourquoy saint Mathieu disoit qu'à la fin du monde les vertus se mouueroient des Cieux, cest à dire qu'elles viendroient au secours de ceux qui combatroient pour la querelle de Dieu. Ainsi la

guerriere Estaille de Mars preside à la guerre & aux combats, & cecy disent les Philosophes, d'autant qu'elle est tousiours esclatante, & rouge, pourquoy les Anciens l'ont fabuleusement châté pour le Dieu de la guerre. En outre les Vertus, comme diformes prennent & emplissent toutes leurs celestes operations, comme font encor toutes les autres Hyerarchies, & cette planette louë Dieu qui la faict si belle, comme en pareil, le Soleil, la Lune, & toutes les autres planettes, suyuant le telmoignage du Psalmiste Royal, *Laudate eum Sol, & Luna: laudate eum omnes stelle & lumen.* De plus, les vertus ne sont pas paresseuses ou tardiuës à receuoir la rosée de la vertu diuine, afin que leur manquant leurs propres forces, elles ne tombent, & ne restent surmontées, faisant ce que faisoit Moyse, comme les enfans d'Israël combattoient contre les Amalechites: car durant l'ardeur du combat, il prioit les mains esleuées en haut vers le Ciel, en façon d'une Croix, impetrant le secours diuin, en faueur de son exercite. Ainsi Mars pour estre de qualité de feu, ne manque iamais de vertu: au contraire il accroist tousiours sa force & sa vigueur, comme on luy augmente sa matiere, prenant force des influences suruenantes. Les vertus avec leurs forces gaillardes & alegres imitent Dieu, & conduisent au Ciel les vrayz soldats qui ont combattu pour leur Createur, afin qu'ils recoient une glorieuse couronne pour la recompense de leurs merites. Cette Planette de mesme inspire en l'ame ie ne scay quoy de generosité, la rem-

Rapports
admirables
des vertus
avec Mars.

plit de courage pour vaincre oser & venir à bout de toutes entreprises. Ce que dit fort bié Firmicus en ces mots. *Si enim Mars sit bene dispositus in noua domo fauente Ioue, & domo ipsa, & horoscopali irradiatione felices facit fauente Ioue.* Cest à dire avec la faueur de la iustice & le zele de Dieu pour lequel nous deuons tousiours combattre & employer la derniere goutte de nostre sang. Ces Anges ne quittent pas la guerre pour aucun manquement ou impuissance. Et Mars pour sa qualité ignée, n'est iamais foible ny debile: mais fort & robuste, & selon Ptolomee, Hermetes, Firmicus, & Aleceabit, *Ignis vis indeficiens est.* Ceux cy tendent tousiours à cette supernaturelle vertu, avec laquelle ils puissent acquerir la parfaicte image de leur grand auteur. Et la nature de cette Estoille estant de feu, tend tousiours aux choses sublimes, ainsi que le feu s'esleue continuellement en haut, cherchant tousiours de purifier & agrandit sa nature ainsi qu'a diuinement dit Plotin. *Ignis resque ad Cælum perueniens, cum torpere non possit, ad alia tendit, amplificationem suam undique perquirens. Et cum ad inferiora ferri non possit, nam impugnante ductum facillimus, tractuque naturali ab anima perducitur ad vitam, ut per communionem cum superioribus ab unica vita comparatam transitum faciat in suprema.* De plus les diuines vertus s'efforcent avec toute peine & sollicitude, que les creatures qu'elles fauorisent se rendent semblables à elles & à Dieu le plus qu'il sera possible; & le feu tendant en haut, cherche non pas de se changer en luy mesme, mais en-

Envolles de
Plotin.

cor en d'autres choses qui augmentent sa force, & l'allument davantage. Le mesme est attribué à Mars pour sa qualité. Car comme dit Ptolomee *Martis stella diffecat & comburit, & eius calor igni assimilatur*. Qu'aucun toutefois ne croye pas que cette propriété attribuee à Mars ait quelque sympathie & s'accorde avec l'ordre des Anges, les ayant nommez tous bons, tous les Astrologues asseurans au contraire que de Mars procedent les desirs de la guerre, les inimitiez, les discordes, le meurtre & le sang, les reuolutions du monde, & qu'en effect cette Planette est sinistre & de mauuaise influence. Pourquoy en la suiuite prospective où est traicté bien au long d'icelle nous auons confuté toutes ces oppositions, montrant clairement que rien de mauuais ne peut venir du Ciel, cest ce que dittres-bien Trismegiste, *Omnes Cœlestes influxus boni, Beneficique sunt suscipientes tantummodo ipsum bonum, & hoc agentes intuitu aeterno immutabiles sunt, quamuis in ipsa alterabili natura operantes degenerent, perpetuo tamen ordine semper benefici sunt*. Pourquoy ce grand Philosophe asseuroit que toutes les influences des Cieux sont bonnes, & qu'en cor que d'icelles prouient quelquefois quelque effect sinistre & mauuais que ce n'est par, & à leur occasion: mais à raison de la matiere plaine de desordres en laquelle ils agissent, demeurant tousiours & sans aucune alteration en leur propre bonté, ses forces & puissances celestes. Et pour ce la qualité qui

Trismegiste.

luit en terre, est diuerse de l'influence celeste, laquelle pendant qu'elle demeure en soy mesme, & ressource de cette source de tout bien, qui est le Pere tout puissant, est infailliblement toujours bonne, iusques à ce qu'elle descende en ce monde terrestre & mauuais, tombant quelquefois en vn subiect vil, abiect & nullement noble, pourquoy elle s'auilist, outre que pour la diuerse nature de la matiere qui la recoit elle est diuersement receue, & s'altere grandement pour les diuerses qualitez du subiect, qui endurent les faict souffrir pareillement: car mesme de la varieté des choses qui sont au subiect, ne resulte encor aucune chose diuerse de la bonne qualité des influences celestes, comme nous voyons au Soleil, la lumiere & la chaleur duquel bien que quelquefois elle nuise à quelqu'un si est ce qu'elle est du tout necessaire à la vie humaine. Pareillement toutes les influences celestes, deuiennent bonnes du Ciel, encor que pour la peruersité du subiect elles soient mal receuës, ou soit que la foiblesse des choses inferieures n'aye pas assez de force, pour supporter l'efficace des superieures. Le mouuement & l'harmonie de l'univers, cōfere à toutes les parties, encor que tres-petites, & que quelquefois aucunes d'icelles soient ruinées, & destruites par ce mesme mouuement, ou imprimées avec difficulté, comme on voit aux bals, auxquels bien que tout le monde dance à la cadence, & que chacun s'efforce de se conformer ensemble & à la mesme mesure, toutefois le doigt, & le pied se presse quelquefois de telle

*Les mouue-
mens se trou-
uent en toute
l'harmonie
de l'univers.*

orte, que cet ordre se rompt, & cette harmonie manque, comme subioinct Trismegiste.

Influxus igitur cœlestes & immateriales, dum vim Contentniam, & matris motricem extendunt, frequenter obsunt peravidens, illa quando in materia frigidiori suscipitur, hæc autem quando in feruentiori quod omnino fit pro dispositione materia, Sol enim quamuis calore & luce nonnullos offendere videatur, necessarius tamen est ad vitam: similiter omnes cœlestes influxus veniunt salutare, quamuis vel subiecti peruersitas peruersè suscipiat, vel debilitas facillè tolerare non possit efficaciam superiorum. Omnes motus conferunt vniuersis etiam minimis partibus eius, quamuis interim particula minima hoc vel illo motu leuentur, aut non facillè illum suscipiant, sicut in chorea, dum singuli harmonice saltant congruuntque gestibus inter se, & toti choro, digitus tamen, & pes offenditur, & premitur, & si quid debile inceserit pessundatur.

Trismegistus.

De la semblance & Sympatie qu'ont les
puissances avec le Soleil, les princi-
palez avec Venus, les Ar-
changes avec Mercure, &
les Anges avec la Lune.

CHAPITRE XIII.



OMME les diuines puissances
sont mises au quatriesme ordre
des Anges, ainsi la toute puis-
sante & artiste main de Dieu collo-
qua dans le quatriesme cette ad-
mirable planette du Soleil, mettant entre eux
vne merueille sympathie, & conuenance, pour-
quoy lesainct Areopagite, parlant de ces Anges
nommées puissances Celestes les depeiguoit
ainsi. *Ipsarum sanctarū potestatum equipotentē diui-
narum Dominationum, & virtutum bene ornatam,
& inconfusam circa diuinas susceptiones ordinationē,
& ordinatum supra mundana & intellectuālis po-
testatis, nec tyrannica in ea, quā inferiora sunt po-
testatiuis virtutibus precipitata, sed potenter in
diuina post bene ordinata reducta, & post eam
deiformiter & ad potentificam causalem pœniten-
tiam, quantum fas est assimilata, & eam, ut possi-
bile est, Angelis reuelantes, in bene ordinatis*

per ipsam ordinibus potestativa virtute, voulant dire cet heureux sainct, que cet ordre des Puissances a cette prerogative & don particulier, qu'avec la force des Vertus, & la Justice des Dominations, elles executent les diuins arrestz & leurs diuines operations, comme le Soleil avec la ferueur de Mars & la bonté de Iupiter enuoye de bonnes influences. Les Puissances chassent les legions d'esprits maudits, & le Soleil avec ses beaux rayons dissipe les sombres tenebres de la nuit. Ces esprits Angeliques ont toutes sortes de perfections pour leur ornement esloignez de toutes confusions, & le Soleil est tellement rempli de clarté que seant comme Roy au milieu des Planettes, il leur comunique sa lumiere, & la beauté plaine d'esclat, pourquoy à iuste titre, il est nommé l'œil & l'ornement du Ciel, pour estre celuy qui dispose toutes les autres estoilles, & reigle leurs mouuemens, tellement que de luy les vnes sont nommées diurnalles, les autres nocturnes, celles cy Orientales, celles la Occidentales, les vnes Septentrionales, & les autres Meridionales. De plus les Puissances ont cette autre qualité, que premierement elles prennent de Dieu le moyen, & la vertu d'agir es choses inferieures : & le Soleil, prend sa force & vertu, non pas d'autres Planettes, mais de Dieu seullement, avec laquelle il rayonne rechauffe, illustre & viuifie toutes les choses d'icy bas. Ces Anges exercent leur vertu es choses inferieures sans aucune force

280 *Histoire Generale du Monde & de la nature,*
ou tyrannie, & celuy cy avec sa chaleur tempe-
rée conioincte avec la nature de l'air, estant
d'accord avec Iupiter dispose aux grandeurs &
aux legitimes Empires sans aucune tyrannie, ou
mauuaise operation, pourquoy Ptolomée, &
& Firmicus disoient. *Disponunt ad honorificentis-
simam hominum reconciliationem, fortitudinem ani-
ma, & corporis, magnam victoriam omnium, sum-
mam expectationem, & quidquid ad regiam pompam
pertinere videtur.* Ceux-cy inuitent toutes les
autres legions d'AnGES inferieurs à l'imitation
de l'eternel Architecte Dieu. Et cette luisante
Planette inuite par sa douce & beneuole natu-
re les hommes de se rendre semblables à Dieu;
car il les dispose d'un conseil meur, graues en
leur parler, temperans & affectionnez à la iustice,
& deuotieux à la religion. Ceux-cy s'efforcent
de toute leur puissance d'exprimer la semblan-
ce de cette puissante cause, de laquelle ils ont
receu leur puissance & leur vertu, comme il n'y
a signe celeste, qui se raporte plus à la ressem-
blance, & auquel on descouure plustost
l'image & la grandeur de ce suprefme Archite-
ste qu'en iceluy. Pourquoy les Academiciens
ne trouuoient vn plus propre exemple ny com-
paraison plus digne de Dieu que le Soleil, En
lequel encor myfterieusement, on peut contē-
pler la verité de la tres-saincte Trinité: car l'es-
sence denote le Pere, la splendeur le Fils, & la
chaleur le saint Esprit. Aussi Iesus-Christ vou-
lant montrer l'aymable & douce nature de son
Pere eternal, il le despeignoit par le moyen du
Soleil, disant, Soyez parfaicts cōme vostre Pere

*Nulla com-
paraison
plus digne
de Dieu que
le Soleil*

Celeste , lequel faißt esclairer son Soleil, cest à dire respād sa bōté autant sur les bōs que sur les mauuais.

Des principautez, sainct Denis escriuoit ainsi. *Parolles de S. Denis sur le fait des principautez.*
Manifestauit quidem celestes principatus, illud principale Deiformiter eductum, & hoc cum ordine sacro, & principalibus decentissimis virtutibus, & ad super principium eas vniuersaliter conuertit. Et alias hierarchicē ducere ad illud ipsum quantum possibile est, format principium, manifestareque superessentialem eius ordinationem, ornatumque principium virtutum. Et tout ainsi que Venus est appelee Deesse de beauté, pour vne Planette sui-
 uāt les Astronomes, qui respand & influe toutes faueurs & qui ne signifie que ieux, plaisirs & cō-
 tentemens. Aussi comme dit S. Denis, les prin-
 cipautez reduisent ceux, sur lesquels ilsont puis-
 sance, de s'execrer, & se conformer aux sainctes
 volonte de Dieu, duquel ils portent l'image. Et
 pource que il n'y a rien au monde de si precieux
 ny de si beau que cette image (car cōme dit Or-
 phee en son testament, *Omne pulchrum à diuina pulchritudine*) Pour cette raison aussi cōme tres-
 excelens & tres-beaux, ils ont cette perfectiō de
 pouuoir embellir toutes choses. Dōt ainsi Venus
 figuree des Platoniciens pour la Deesse de la be-
 auté & de l'amour, fut la principale cause pour
 laquelle dieu construisit cet admirable bastimēt
 du Palais du monde, l'ordre duquel n'est autre
 chose qu'une beauté, comme au contraire le de-
 fordre & la confusion n'est autre que la laideur
 & la difformité. Ainsi ces principautez (comme
 veulent le mesme S. Denis, Stierotee, & Iambli-

Comparez avec la planete de Venus.

que) sont gardes tutelaires des Prouinces & des Royaumes, & ceux qui les conseruent en leur entiere & parfaicte beauté, qu'ils ne soient gastez & souillez des mauuais esprits, relevant leurs cheutes, leur redonnant leur premiere splendeur, & les conseruant contre les assauts, & les malices des Demons & puissances de l'enfer. Et comme les influences de Venus sont bonnes, au raport des Mathematiciens, & d'autant plus meilleurs, qu'elles sont aydées & accōpagnées des rais d'une autre fauorable Planette, comme de Iupiter, ou du Soleil: ainsi ces sacrées Principautez, d'autant mieux accomplissent elles leurs charges & leurs offices aquoy elles sont destinees, & reduisēt à leur premiere excellence & beauté, les choses gastées par les Demons, d'autant plus qu'elles prennent ayde & force de la sacrée vertu des Anges, & de leur principe eternal qui est Dieu. Et quand le mesme saint Denys dit que les Principautez, sont les premiers Ducs, & Capaitaines des escadrons diuins, il veut dire qu'encore que les autres ordres d'Anges, se nomment pareillement Ducs, comme les Dominations, & les Puissances, neantmoins, les Dominations le sont par grandeur, les Puissances par clarté, & les Principautez par beauté: ausquels ordres d'Anges, on compare Iupiter, le Soleil, & Venus. Iupiter comme Seigneur & Duc par un temperament parfaict, le Soleil par la clarté, & sa vertu plaine d'esclat & de lumiere, & Venus pour son excellence elegante & ses agreables douceurs. Et en fin il dit que comme ces Principautez nous representent & nous

*Cōparaisō
des Anges
les uns aux
autres.*

descourrēt le souuerain principe des beautez, qu'ainſi Hesperus la belle eſtoille du matin, a-
paroissant à nos yeux, descloſt les barrières du
iour, & nous fait voir toutes les beautez incor-
ptibles des Cieux.

Les Archanges ſemblablement ont vne tres-
grande conformité & conuenance avec Mer-
cure, & le meſme Sainct Denis, eſcriuant d'eux
dit *Archangelorum ſanctus ordo in communicatio
medio conſtitutus, communi quodam ſocialique iure
extrema complectitur: altioribus namque principati-
bus, & ſanctis Angelis communicat. Illis quidem
quoniam ad ſupremum ipſum principalium præcipue
intentus eſt, & ad eius quantum ſas eſt formatur ima-
ginem & Angelos ordinatiſſimis, & inuiſibilibus
ductibus vnit & iungit, ipſis verò Angelis ineſt
propheticum officium, vt diuinas illuminatione. Hie-
rarchica virtutes ſuſcipiant, & Angelis eas dei ſarmi-
ter annuncient, & per Angelos nobis manifeſtent ſe-
cundum ſacram vniuſcuiusque illuminatorum analo-
giam.* Sainct Denys vouloit de là premierement
inferer que les Archanges eſtoient comme vn
milieu entre les principautez, & les Anges,
qu'ils receuoient leur vertu des ſuperieurs &
qu'ils la communiquoient aux inferieurs par le
moyen de ces myſteres & ſecrets diuins, de
telle façon qu'on ne peut cognoiſtre leur oc-
culte & merueilleuſe vertu, ſinon par la com-
munication des ordres Angelics à leurs ſupe-
rieurs ou inferieurs. Outre que peu ſouuent les
Archanges ſont employez de Dieu aux ambassa-
des qu'il enuoye aux mortels: mais bien ſont-ils
commis pour faire mettre en execution les

284 *Histoire Generale du monde & de la Nature.*
 arrests & commademens de Dieu. Ainsi Mercure a sa vertu cachee & occulte, comme les Archanges, parce que s'accordant facilement à la nature de la Planette à laquelle il s'allie & conionct ou au signe auquel il fait residence, il apparoist qu'il influë & opere, non pas selon sa propriété: mais selō la propriété d'autrui, pourquoy il est appelé Hermes. C'est à dire le messager des Dieux & leur interprete, sçavoir est expositeur des parties & influences des autres Planettes. Car comme dit Ptolomee, il desseche avec le le Soleil, il refroidist avec la Lune, il faict l'intelligent avec Saturne, avec Mars il augmēte le courage aux choses de la guerre, & avec Venus il faict les Hermaphrodites. Peu souuent cette estoille de Mercure se communique aux hommes, & difficilement se laisse elle voir à l'œil mortel. Pourquoy les Grecs ne la depeignent que fort peu portant des ambassades aux hommes: mais bien souuent aux Dieux. Comme quand il fut enuoyé au Dieu du sommeil, dans les grottes Cimeriennes, afin que Morphee portast la triste ambassade de la mort de Ceis à Alcion.

*Leur con-
 uenance
 avec Mer-
 cure.*

Finalemeut les Anges se conforment avec la Lune, desquels briefuement escrit le mesme. *Ipsi enim Angeli sicut prædiximus completiue confir-
 mant omnes cœlestium animorum dispositiones, secun-
 dum quod insinuandum est. In cœlestibus quippe esse-
 tiis habentes Angelicam proprietatem, & magis nullis
 propinqui Angeli aptius, quia priores quanto circa eui-
 dentiora versantur & familiarius, nobis diuina
 nunciantes nostra omnia ornare student.* Des-
 quelles

Desquelles paroles il se tire , que les Saincts
 Anges , premierement closent & finissent les
 ordres des esprits angeliques , pour estre les
 derniers & les inferieurs de tous les autres. Se-
 condement qu'ils ont vrayment la propriete
 angelique 3. que beaucoup plustost que pas vn
 des autres ordres , ils se doiuent appeller An-
 ges, c'est à sçauoir nonces ou messagers, d'autât
 que le plus souuent ils sont enuoyez à nous , &
 communiquent avec nous plus familièrement
 que tous les autres 4. que presque toutes les
 affaires du monde sont regies & gouuenees
 par iceux. La Lune semblablement contient en
 soy admirablement bien toutes ses conditions.
 Premierement pout estre la plus basse & la der-
 niere en l'ordre des planettes 2. d'autât qu'elle
 est veritablement planette 3. que beaucoup
 plustost elle se doit appeller planette , pour
 nous estre plus proche , & nous enuoyer ses in-
 fluences plus apertemēt & plus manifestemēt,
 & estât plus diuerse, les influât plus souuēt, pour
 ceste raison les Nautonuiers considerēt la Lu-
 ne & les vents , auparauāt que de s'embarquer
 & de mettre les voilles au vent. La Lune gou-
 uerne & preside aux maladies , & les Labou-
 reurs l'obseruent auparauant de mettre les se-
 mences en terre, les bucherons auparauant que
 de mettre la cognee dans le bois. Les Astro-
 logues pour cognoistre la diuersité des saisons,
 les Medecins pour appliquer leurs medecines:
 car comme assure Ptolomee, c'est vne chose
 tres-veritable & tres-experimentee, que les
 medecins ne font aucune operation, quand la

*La Lune
 preside aux
 maladies.*

286 *Histoire Generale du Monde & de la Nature,*
 Lune entre avec Iupiter, ou quand elle est con-
 joincte avec Venus 4. Elle sympathise avec les
 Anges, par ce que prenant son influence des
 autres estoilles superieures, elle gouuerne &
 regist toutes les parties du corps humain : car
 estant en Ariez elle domine sur la iambe & les
 genoux. Au Taureau sur la iambe. Au Gemini
 sur les pieds. Au Cancer sur la teste. Au Lyon
 sur le col. Au Virgo sur les espaulles. Au Libra
 sur la poictrine, au Scorpion sur le cœur, au Sa-
 gitaire sur le ventre, au Capricorne sur l'aîne,
 au verse-au sur les parties honteuses, & aux
 poissons sur les costez. On voit donc des choses
 dictes cy dessus avec quel bel ordre les premiers
 Anges correspondent aux premiers cieux, les
 moyens à ceux du milieu, & les derniers aux ex-
 tresmes : car comme le premier Ciel se meut a-
 uec vn seul mouuement, ainsi les premiers An-
 ges sont commandez & meuz de Dieu seul. Et
 comme les cieux du milieu, bien qu'ils soyent
 traînez du premier mobile, ou plustost du pre-
 mier moteur, ont vn autre mouuement parti-
 culier de leurs intelligences. Ainsi les Anges de
 l'ordre du milieu, bien qu'ils soyent tous illu-
 minez de Dieu ont encor les reuelations des An-
 ges superieurs, pour l'exercice de leurs charges,
 & pour sçauoir les mandemens sacrez de Dieu.
 Car d'autât plus que les choses hautes aprochèt
 de Dieu, d'autant plus leur mouuement de ver-
 tu est plus grand : mais moindre de nombre, cō-
 me au cōtraire les choses d'autant plus qu'elles
 sont esloignées de ceste premiere cause, d'autât
 plus le nombre est grand & de moindre, & pour

*Reuelatiōs
 diuines cō-
 ment trans-
 mises d'An-
 ges à Ange.*

ce Auerroes disoit, *Optimum habet suam perfectionem a se, quod autem propinquum isti per paucant, vel vnam operationem, & vnum modum tantum modo, quod vero remotum est permultas.* Le mesme se voit aux offices des Royaumes mondains, & des Republiques, que les Roys & les Princes ont vne telle vertu, que d'une seule parole ils arment vn mode de soldats, couurent les mers de vaisseaux expugnent & renuersent les plus puissantes villes, & bref, ont entre leurs mains, idisposent & se ioient de la vie, de la mort des hommes, comme au contraire, ceux qui sont au dessous d'eux receuoit l'honneur de leurs commandemens de main en main, & de bouche en bouche, comme on voit que concurrent ensemble beaucoup de diuerses operations en vn mesme temps, pour mettre vne armee sur pied. Et pource en la republique Angelique Daniel dict, que les Seraphins sont tousiours aux costez de Dieu, come ses Conseillers, d'autant que peu souuent reçoient-ils aucun commandement de l'Eternel: mais bien les esprits inferieurs, qui sont nommez Anges: C'est à dire Messagers, come ceux qui s'ont le plus souuēt employez aux diuins ambassades, & come les Anges du milieu sont plus employez que les premiers, & moins que ceux du dernier ordre. Le mesme ce voit aux cieux: car comme ceux du second ordre se meuuent d'un cours plus viste que les premiers, d'autant plus est viste le cours des derniers que ceux, ny du premier, ny du second. Ce qui ce voit en la Lune qui parfaict son cours en vingt & neuf iours, le Soleil & Venus en vn an, Saturne en trente, & le Ciel estoillé en beaucoup de milliers.

*Puissance
des Anges.*

*Republique
des Anges.*

Grande folie des Mahometans, & de leur Alcoran, touchant les Anges, les esprits celestes, le monde intelligible, & ou se descouvre leur ignorance.

C H A P. X V.

Trois sortes de Religions maintenant au monde.



É nostre temps laissant les Idolâtres. Il y a trois Religions principales au monde, celle des Hebreux, des Chrestiens, & des Mahometistes, lesquelles partant de siecles combattent ensemble de leur excelléce, & de leur principauté, chascun ne ayant diuers sectateurs, qui ont embrassé ces opinions, & qui ont recherché les plus praignantes raisons pour emporter le dessus, & les faire iuger meilleurs: car comme il est ample-ment discouru en la quatriesme partie de ceste œuvre. Les Iuifs alleguent contre nous, que la loy de Iesus-Christ est tiree de la leur, qu'il n'y a iamais eu religion au monde qui ayt adoré vn seul Dieu, avec vne plus parfaicte sincerité qu'eux, qu'il ne se vit iamais de plus grands & admirables miracles, que ceux qui sont descrits en la loy Mosaique, qu'il n'y a nation plus noble que celle des Hebreux, qui s'est conseruee iusques icy du commencement du siecle, par le

moyen de tant de Roys, de Patriarches, & de Prophetes de Dieu, & que bien qu'ils soyent dispercée, & quasi errants par le monde, que le Royaume soit destruiet, qu'ils ayent changé leur Empire en vne seruitude, que cecy toute-fois leur est arriué, non pas pour auoir inhumainement estendu les membres precieux du Sauueur en la croix, & luy auoir faict souffrir la mort : mais bien pour auoir leur anciens mist les mains & aduancer le trespas aux saints Prophetes & messagers enuoyez de Dieu, qu'ils ne voulurent iamais escouter.

Semblablement les Mahometistes releuent ainsi la gloire de leur Religion ; que les Chrestiens n'adorent point Dieu simplement, comme ils font communiquât vne partie de la Deité à son fils, & que si il y auoit plusieurs Dieux, ils seroient contraires les vns aux autres : car c'est la maxime des Royaumes, qu'ils ne peuvent estre regits & gouuernez de plusieurs, sans concurrence, & qu'avec vne chose impie & abominable, de vouloir attribuer vne partie de la diuinité, & de rendre plusieurs autres esgaux, & compagnons à Dieu, tres-grand, tout-puissant, & qui n'a point besoin de fils, que les Chrestiens attribuent à Iesus-Christ, ce que luy-mesme iamais il ne c'est imaginé : qu'ils font mal d'adorer les images, les conuainquans par cecy du manifeste. Idolatrie adjoutans à ces raisons. Les grandes histoires qu'ils ont remportées dessus les Royaumes Chrestiens des despoüilles, desquels ils sont a present si puissant, que nulle autre grandeur ne peut

*Les Turcs
releuent leur
Religio par
dessus celle
des autres
nations.*

290 *Histoire generale du monde & de la nature,*
 entrer en comparaiſon avec eux , qui eſt di-
 ſent-ils vn argument infalible , que Dieu fa-
 uoriſe ceux qui ont vne meilleure opinion de
 luy. Ils n'oublient pas les ieunes , les oraiſons
 & leur adorations ſimples , qu'ils ſ'abſtien-
 nent de meurtres , des ieux , des adulteres , &
 blaſphemer le ſainct nom de Dieu , que les
 miracles que nous alleguons pour la memoire
 des ſaincts leur ſont bien plus preſent & fa-
 miliers qu'à nous : car beaucoup d'eux demeu-
 rerent pluſieurs iours ſans gouſter aucunes viā-
 des, les vns ſe bruſlent , les autres ſe taillent
 & inciſes avec de couſteaux, ſans aucun reſen-
 timent de douleur , & ſe vantent que beau-
 coup d'entr'eux ſont nays de meres Vierges,
 qui ont conceu & engendré ſans s'eſtre meſ-
 lees avec l'homme , outre qu'ils honnorent
 encor la memoire de leurs ſaincts, deſquels
 ils reçoient de grandes aydes , & conſola-
 tions, principalement d'un nommé Sedichasim,
 qu'ils inuoquent pour auoir la victoire d'un Af-
 ſichus, pour obtenir la paix & ralier les cœurs
 enſlez de cholere & de d'eſpit de l'homme &
 de ſa femme ſoubs les loix de la concorde d'un
 Mirtſchinus, pour chaffer la maladie de leurs
 beſtiaux , d'un Chirgirel pour fauoriſer leurs
 voyages, diſent que ce ſainct ſ'apparoit à ceux
 qui font le voyage de la Mecque aux Pelerins
 monté ſur vn cheual blanc , qui leur montre
 le chemin , ils apportent encor pour miracle
 les ſouliers de celuy , lequel iniuſtement con-
 damné à la mort , ſortit viſ de viues flam-

*Follies &
 ſuperſtitio
 grande des
 Turcs en
 leur loy.*

mes, ou par iugement il auoit esté ietté, comme les trois iouuenceaux raportez dans les saintes pages par Daniel, comme encor le miracle de Mirathbegio & plusieurs autres, bien au long confutés, par nous aux lieux cy-dessus alleguees.

Mais nous autres Chrestiens nous portons au contraire ce tesmoignage de l'ancien testament, dans lequel par la bouche des Prophetes & leur docte plume, conduicte du Saint Esprit, est si bien d'espaint le tres-haut mystere de l'incarnation du Dieu vray homme de sa vie, ses mœurs, & de sa mort, qu'ils chanterent beaucoup de siecles auparauant qu'ils auincent & qu'ils d'escriuerent auparauant qu'ils fussent arriuez dans les escritures, desquels il n'est faict aucune mention de Mahomet. De plus qui peut impugner l'auctorité des miracles de Iesus-Christ, faicts en si grand nombre, & si admirables, comme d'auoir d'une seule parole guaray les malades, faict cheminer droict les boyteux, illumine les aueugles, & resuscité les morts, sera-ce la vanité des prodiges de Mahomet: car faire tomber des pierres par des oyseaux noirs, & les cacher dans les cauernes, comme chante Mahomet dans son Alcoran, d'estre porté de la Mecque en Hierusalem en vne seule nuit, & d'auoir diuisé la nuë, ou de s'estre esleué dans les airs, toutes ces choses ne sont pas arguments infalibles d'une diuinité, & pour mieux dire, ce ne sont pas miracles. Car qui considerera les pierres iectées par Celsus

*Creance
& foy des
Chrestiens
assuree sur
les prophe-
ties.*

*Miracles
des Maho-
metans
vains &
viedicules.*

oyseaux, concedé que cela fust vray, bien que cela fust vn prodige, ne seroit pas toute-fois vn miracle: & faire apparôître la Lune diuifée & quasi separée, n'est n'y vn miracle, ny vn prodige, bien est vray, que d'estre porte de la Mecque en Hierusalem, ou bien au Ciel, ce seroit vn miracle. Mais ce faict icy n'a point de tesmoings, & est vne pure mensonge rapportée seulement dans l'Alcoran, par cest imposteur Mahomet.

Outre que la sainteté de la vie du Sauueur & ses diuins preceptes, qui ont tant de sympathie & de conformité avec la Philosophie naturelle & morale, dōnent vn manifeste tesmoignage, qu'il est l'auteur & le Createur des hommes & de la Nature, ce voyant encor que d'autant qu'on s'esloigne de luy, d'autant plus s'eslongne-ton de la vertu, & s'aprocheton des bestes brutes.

Au contraire la vaine doctrine de Mahomet plaine d'erreurs manifestes & de folies, qui ne commande rien de plus doux, que le carnage & le meurtre, monstre clairement que l'esprit de Dieu n'en est l'auteur: mais bien l'abominable Sathan, & bien que nous ayons amplement discours de toutes ces choses en ayant faict deux liures entiers; Toutesfois pour ne laisser rien d'imparfaict en cette premiere prospectiue qui puisse apporter du contentement à nostre entendement, ou descouurir la verité. J'ay encor bien voulu traicter de l'opinion de cet imposteur, touchant les choses sur-celestes, affin que en toutes les façons on cognoisse que

il n'estoit pas seulement vn des plus pernicieux Demons des enfers , mais aussi vn homme du tout ignorant , priué de toutes lettres , & ne sçachant rien , sinon seduire & se mocquer , & afin qu'on voye qu'il n'y a homme de si peu de sens qui ne se gosse & se mocque de son ignorance trop grossiere , laquelle pourtant il n'eust pas beaucoup de peine d'imprimer dans l'ame de ces peuples idolatres & sans loy , parmy lesquels ne se trouuoient aucuns philosophes, ni Logiciens, ny qui obseruassent le cours des Estoilles, & prit peine de la recherche de la verité des choses, dequoy fait foy son mesme Alcorā. Aussi lit-on qu'en ce temps-là, aux deux Arabies, en la grande & l'heureuse, en perse, en l'Armenie, il y auoit douze sortes de religions, ou plustost idolatries. Car les vnes adoroient vn arbre, auquel ils sacrifioient & dedioient vne feste solemnelle, ils le nommoient Detulangarar, le Seigneur de cette prouince du temps de Mahomet s'appelloit Azamahinali. Les autres en Armenie adoroit vne statue de metal, beaucoup noire & longue de trois braccées : cette idolle s'appelloit Bohmum, & le Capitaine de cette nation Alguazad. Ceux-cy adorent le Soleil, & ceux-là autres choses diuerses, dequoy nous auons amplement discoursu au lieu cy-dessus allegué. Et pour dire le vray, ceste curiosité est louable & beaucoup necessaire aux Chrestiens doctes & capables de voir les fondateurs, les liures & les doctrines des autres Religions, afin que de-là ils aprennent & remarquent leurs faux fondemens, & leurs fables ridicules, & se

294 *Histoire Generale du monde & de la Natur,*
confirment d'auantage en la verité de nostre foi.
Ce Pseudo Prophete dit donc en ces termes
qu'au commencement de la creation du monde
Dieu fist quatre choses avec ses propres & diui-
nes mains. La premiere desquelles fut la plume
avec laquelle on remarque toutes les choses
qui furent & seront dès la naissance du monde,
iusques à sa vieillesse & son tombeau. Apres il
forma l'homme qui fut Adam à la creation du-
quel il ramassa, & recueillit de la main de la
poudre de plusieurs & diuerses couleurs, d'où
vient que l'on remarque tant de varieté, aux
mœurs complections & visage des hommes, car
l'un est blanc, l'autre noir, & l'autre participant
de l'un & de l'autre, donnant ensemble un pre-
iugé de sa bonté & de sa malice. Apres il se fist
un throsne qui est le siege de sa Maiesté, Et fina-
lement le paradis, lieu déterminé pour la de-
meure des bien-heureux. Il dit encor en un au-
tre endroit que Dieu apres auoir crée Adam fist
la table & la plume de laquelle est escrit en icel-
le ce qui fut & sera dans le ciel & la terre: Et que
cette plume est faite d'une lumiere tres-claire,
longue de l'espace de 500.ans, & large de 80.

Il dit encor que le Ciel se nomme Ciel, d'au-
tant qu'il est cree de fumee, & la fumee des va-
peurs de la mer, pourquoy il veut avec sa philo-
sophie que le ciel qui est une cinquiesme essen-
ce d'une substance tres-subtile, tres-noble, &
du tout incorruptible, soit faicte de la lie de la
mer, qui est l'element le plus subiect aux muta-
tions. Outre il dit que le ciel a le verd de la mō-
tagne Caf, & que cette montagne à le verd des

Esmeraudes de paradis, laquelle environnant tout le rond de la terre soustient le Ciel & luy sert d'arc-boutant, & qui iamaïs se pleut d'escire ou raconter telles fables, il escrit encor en son Alcoran que le Ciel a des portes & des clefs, l'un & l'autre d'or, que le premier Ciel est fait d'eau verte, le second d'eau claire, le troisieme d'esmeraudes, le quatriesme d'or tres-pur, le cinquiesme d'hyacinte, le sixiesme d'une tenuë pleine de lumiere, le septiesme de flamme de feu, & que ce qui est sur ces Cieux est une mer viuifiee, & sur cecy une autre mer pleine de brouillarts, & ainsi procedant par ordre, iusques à la mer Aërienne, sur laquelle est la mer, tousiours en tourmente & sans aucun calme sur laquelle est encor la tenebreuse, puis la mer de plaisir, & sur icelle la Lune, & dessus encor le Soleil, & dessus le nom de Dieu, & dessus les Oraisons & prieres, & dessus Gabriel, & dessus le Salin de pergame, & dessus la mer plaine, & dessus soixante & dix mille troupes, & chaque troupe composee de cinq mille Anges qui louent incessamment Dieu, & par dessus encor, sont les bornes de la dignité Angelique, & dessus eux l'estendard de la gloire, & dessus encor les interualles des perles, & dessus l'interualle de la grace, & dessus l'interualle des puillances, & dessus l'interualle de la Deité, & dessus les interualles de l'œconomie, & dispensation, & par dessus l'escabeau, & dessus le siege, & par dessus tout cela, le Seigneur Dieu autheur de l'Univers. Et pour encor mieux descouurir les folles imaginations, il refusa que les Anges portoient

296 *Histoire Generale du Monde & de la nature,*
 le mont Caf sur lequel estoit le siege de Dieu, &
 que portans iceluy ils se touchoient de la teste,
 & leurs pieds passoient le throsne, qu'ils ont la
 teste prodigieusement si grande que si vn oyseau
 pouuoit voler mil ans entiers à peine pourroit-
 il arriuer d'une oreille à l'autre, qu'ils portent
 des cornes sur la teste, & que leur mouuement
 est si grand que nul ne le peut cognoistre que
 Dieu. Ce vaillant philosophe resuoit encore
 qu'auparauant Adam, la terre fut premieremēt
 habitee des demōs, puis des Anges, & en fin d'A-
 dane, & de ses enfāns & qu'etre les Anges & les de-
 mons il y a eu sept mil ans d'espace, & entre
 les Anges & les hommes milles, que tout le pa-
 radis est reluisant d'esmeraudes, & d'hyacintes,
 remply de toutes sortes des plus precieux & a-
 greables fruiets, que la courent, en leur lits
 vers les agreables fontaines, les vnes de lait, &
 les autres de miel blanc, & les autres de vins ex-
 cellens & tres-purs: que les habitans de paradis,
 estoient vestus de toutes couleurs, & par dessus
 de noir, laquelle couleur concernoit à luy seul,
 publiant ces merueilles, ayant obtenu cēt ad-
 mirable priuilege & particulier, & que celle-cy
 est sa couleur, que tous seront d'une parfaicte sta-
 ture comme Adam, & en leur forme comme
 Christ, qu'il ne croistront plus iamais, & n'en-
 dureront aucun desplaisir, ny iniure des temps:
 qu'à l'entree de paradis il y a le foye d'un poisson
 nommé Albchut d'un goust tref-delicieux pre-
 paré pour manger apres les fruiets des arbres,
 qui sont dans le Paradis, & apres ils ont à sou-
 hait ce que plus ils desirent: qu'au lieu de se des-
 charger le ventre, ils iettent dehors vne fleur

*Grandes
 espouuen-
 tables men-
 songes.*

agréable de l'odeur du musc, & que là ils mangent indifferemment de toutes sortes de viandes mesmes du porc. Dequoy voulant rendre raison il dit qu'il fut desendu au temps de l'arche de Noé, qu'on ne mangeast point du porc, ny au ciel, ny en la terre, la dessus forgeant vne belle fable, il rapporte qu'un iour Iesus-Christ fust pris de ses Disciples qu'il leur fist le discours de l'Arche de Noé, l'habit, la vie & les mœurs de ceux qui y demurerent pour peupler la generation humaine, & que luy s'estans laissé gagner à leurs prieres, il composa de ses mains vne petite forme de terre à la semblance d'un homme, à laquelle il commanda de se leuer au nom de son pere, & que soudain apparut un homme chenu & tout blanc, lequel Christ interrogea & commanda de dire qu'il estoit ce qu'il fist & dit qu'il estoit Iafet fils de Noé, auquel Christ demanda s'il estoit mort, ainsi son nom respondit: mais à present m'ayant commandé de me leuer, i'ay eu vne telle apprehension, croyant deuoir comparoistre au dernier iugement que de la peur i'en suis ainsi blanchy : Iesus donc luy commanda de reciter a ses disciples l'histoire entiere de l'Arche de Noé, Qu'alors commencât il vint iusques là qu'il dit que pour l'abondance des excremens des animaux, mis en vn des costez de l'arche, elle en fut tellement plaine que Noé espouuenté demanda conseil à Dieu sur ce peril qui luy dist qu'il menast l'Elephant de l'autre costé de celuy qui panchoit & que cestuy-cy vuidant son ventre subitement, print nayssance un grand pourceau & que c'est pour ceste occa-

*Ce qu'il
croit & fait
croire au
deluge.*

298 *Histoire generale du monde & de la nature,*
 sion que la cher mesme de cét animal , immon-
 de est pareillement deffenduë dans le ciel , ad-
 ioustant encores que ce pourceau né en l' Arche
 espandant avec ses pates & son museau , ses ex-
 cremens suscita vne telle odeur & si puante que
 ne la pouuant plus souffrir, il souffla, & avec ce
 souffle, il donna la nayssance à vne souris , la-
 quelle rongeoit de nuit , & de iour, incessammét
 les ais & tables de vaisseaux dequoy Noé encor
 espouuenté, consulta de rechef le Seigneur qui
 luy dist, il frapast au front le lyon , lequel souf-
 flant ietta en sa fureur vn chat. Quant aux
 plaisirs du monde, sur ce reste il dist en beste,
 comme il estoit que iamais dans les cieux ne
 manquent quelques plaisirs que ce soyent , &
 qu'on iouyst à cœur saouls d'iceux , ou & en
 quel lieu l'on l'a plus agreable & que celuy qui
 aura eu viuant icy bas des femmes fidelles, il
 aura viuant dans les cieux, sans compte & sans
 nombre, beaucoup de concubines, seruantes &
 filles de ioye, belles en toute extremité, & en vn
 autre lieu il dict qu'au paradis les habitans au-
 ront des femmes tres-agreables , les yeux des-
 quelles seront tres-beaux , & plains de char-
 mes grands comme des œufs, qu'elles auront
 tousiours le sein releué & les tetins durs. Et
 vn autre lieu que ces gens heureux se prome-
 neront en de beaux iardins , arrousez de belles
 fontaines accompagnez de belles filles , aux
 yeux clers, sourcilles noires & du reste tres-
 blanches, & que suyuant leur appetit ils man-
 geront de la sorte de fruiçt de ses beaux vergers
 qu'ils desireront le plus & sans auoir plus d'ap-
 prehension de la mort.

*Menterie
 ridicule.*

Il controuue encore vne autre plaifante men-
 fonge de deux Anges , que ie croy ne deuoir
 point laiffer passer sous filence , l'un d'eux s'ap-
 pelloit Harot , & l'autre Marhot , qui furent
 enuoyez de Dieu en terre , pour gouverner le
 monde & enseigner aux mortels , le secret de la
 generation, deffendant trois choses qu'ils ne tu-
 assent point, ne iugeassent iniustement, & qu'ils
 ne beussent de vin , & que s'estant ainsi passé,
 beaucoup de temps estant cogneus & renom-
 mez pour de iustes iuges , aduint qu'une femme
 d'une beauté extraordinaire , pour quelques re-
 froidissemens , armee entre son mary & elle, eut
 procez deuant eux, & que pour se rendre les Iu-
 ges plus fauorables , elle les prie de disner avec-
 ques elle, & mesla secrettement du vin en leur
 breuuage , les priant & reinforceant beaucoup
 de boire & de manger, que iceux inuitez beurēt
 plus que de coustume , & s'ēyurerēt , luy demā-
 dant la courtoisie, laquelle elle leur promist , &
 de leur donner son amour: mais avec ceste con-
 dition qu'un luy , de nous enseigner les parol-
 les, avec lesquelles il montoit au Ciel, & l'autre
 celles avec lesquelles il en descent, ce qu'ayant
 sceu elle satisfait à leur plaisir, elle s'esleua dans
 le ciel, ce que Dieu voyant , & apres en auoir
 cherché la cause , il la conuertist en l'estoille du
 Lucifer autant excellente en lumiere , entre
 toutes les estoilles , comme viuante elle estoit
 belle entre toutes les plus parfaites, & que dieu
 ayant appellé à son tribunal , ces deux Anges, il
 leur proposa qu'ils deuoient eslire vne peine à leur
 plaisir.

Il dit encor qu'un Ange de la mort, nommé Adriel au iour du Iugement, tura tous les autres Demons, & les autres ames viuentes, & qu'apres par le commandement de Dieu, il se donnera à luy-mesme la mort, entre le ciel & l'enfer, & que tout le monde sera vuide, quarante ans, rapportant mille autre folies, touchant le iugement, lesquelles ensemble avec sa maudicte & detestable doctrine: & ses vains miracles, sôt suffisamment confutez de nous en la quatriesme partie de cét œuvre au lieu cité, ce qu'il suffira à present d'auoir touché ce peu de choses.

F I N.




TABLE DES MATIERES

PINCIPALES CONTENVES EN CE

Premier Tome.

A

A ges du monde & leur duree, fuyuant les Pe- res,	fol. 112.
Accords des Anges avec les Cieux,	264.
Accords admirables des Elements,	10
Annee de repos qu'elle,	138..
Alcoran de Mahomet & sa doctrine,	293.
Adorations impies quand ont commencé,	21.
Alexandre Aphrodisee à cren qu'il ny auoit qu'un Dieu,	27.
Anciens qui se faisoient porter par les Demons,	198.
Eneas premier fondateur de Rome,	21.
Egyptiens confessoient vn seul Dieu,	32
Albe & sa fondation,	117.
Albert le grand & son erreur,	64.
Alexandrie & sa fondation,	117.
Anaximene & son oppinion sur le principe du mon- de,	66.
L'animal ne cognoist rien plus haut que soy-mesme,	18.
Pourquoy l'antiquité à inuenté tant de Dieux,	20.
Les anciens portoient leurs Dieux pœnates avec eux,	21
Ils constituoient deux principes eternels,	22.
Anaxagore & son oppinion du principe du monde,	67.
Antropomorphites croioiēt que Dieu auoit vn corps,	44
Aristote montre qu'il y a vn Dieu,	4. 26.
A mespris la Bible,	19.
Sen repentir mourant,	10.

M A T I E R E S.

<i>sa confession</i>	62.	<i>qu'il n'a cogneu que peu de choses na-</i>	
<i>turelles,</i>			63.
<i>Apollon Delpgique n'a osé nier vn seul Dieu,</i>			32.
<i>Ignorance d'Aristote mise en euidence par Ptolomee,</i>			63.
<i>Mocqué par Plutarque,</i>			64.
<i>Son oppinion pleine d'erreurs, reconnüe par S. Tho-</i>			
<i>mas,</i>			64.
<i>Aquitee & sa fondation,</i>			115.
<i>Art militaire & son inuention,</i>			118.

B

<i>Beatitude comprenden son nom toutce qui est beau,</i>	9
<i>Bergame & sa fondation,</i>	116.
<i>Bible Saincte mesprisee par Aristote,</i>	10.
<i>Bocene reprend l'homme trop curieux de sçauoir les se-</i>	
<i>crets de Dieu,</i>	42.
<i>Bonté l'vne des passions de l'Ens.</i>	50.
<i>Bresse & sa fondation,</i>	116.

C

<i>Cabale science occulte,</i>	134.
<i>Apprise par tradition,</i>	135.
<i>Cannes au lieu de plumes dont se seruoient les anciens</i>	
<i>pour escrire,</i>	110.
<i>Carthage & sa fondation,</i>	115.
<i>Cercles du tabernacle ancien, figurent les liaisons du</i>	
<i>monde,</i>	58.
<i>Cardan deceu par les Demons,</i>	172.
<i>Cheuse de Lucifer, attestee par l'escriture,</i>	223.
<i>Chirurgie & son inuention,</i>	118.
<i>Chant de triomphe des Anges pour la victoire obtenue</i>	
<i>contre Lucifer,</i>	236.
<i>Ciceron dit que celuy est privé d'entendement qui ne</i>	
<i>reconnoist Dieu,</i>	4.

TABLE DES

<i>Sa confession qu'il n'y a qu'un Dieu,</i>	26.
<i>Ses témoignages 29. qu'il ne se peut desfinir,</i>	39.
<i>Chaos quels auteurs l'ont feint,</i>	79.
<i>Cieux & leurs accords en leur ordre,</i>	11.
<i>Que les cieux ne se meuvent point d'eux-mêmes,</i>	11.
<i>Faits de nouvelle nature selon Platon,</i>	87.
<i>Concile de Nice reprouue l'opinion de la succession des mondes,</i>	141.
<i>Comparaison des Anges les uns aux autres,</i>	182.
<i>Commencement du mouvement est le repos,</i>	11.
<i>Commandement de Dieu de n'adorer que luy seul,</i>	33.
<i>Constantinople & sa fondation,</i>	116.
<i>Conseil de Cirolamus,</i>	36.
<i>Concepts intérieurs ne peuvent estre cogneus,</i>	53.
<i>Contes ridicules des anciens,</i>	131.
<i>Creance d'Hermes & d'Iamblique, touchant la nature de Dieu,</i>	3.
<i>Courtines du tabernacle ancien, comparez aux dix degrez du ciel sur-celeste,</i>	57.
<i>Neuf corps naturels qui se tournent en rond selon les Pythagoriciens,</i>	75.
<i>Corps de quantité diuisible par necessité,</i>	65.
<i>Corps Mathematic, non different du corps naturel,</i>	96.
<i>Vn corps ne peut estre hors sa circonference,</i>	127.
<i>Creatures font cognoistre Dieu,</i>	2.
<i>Elles ne sont crees de Dieu que pour son bien,</i>	107.
<i>Creance inepte de la pluralité des mondes,</i>	122.
<i>Creation de l'homme,</i>	231.
<i>Creation des esprits battue par les Peres,</i>	220.
<i>Creance des Chrestiens assuree sur les propheties,</i>	292.
<i>Culte de Dieu commence en Cain & Abel,</i>	110.

D

Debat des Elements cause de la naissance de toutes cho-

MATIERES.

<i>ses selon Empedocles,</i>	77.
<i>Degrez diuers de la nature & du monde,</i>	59.
<i>Diffinition du poinct,</i>	95.
<i>Demandes friuolles curieuses & de nulle vtilité,</i>	12.
<i>Democrite & son oppinion du principe du monde,</i>	68.
<i>Deux commancemens sans principes le chaud & le froid, selon Parmenides,</i>	77.
<i>Demogorgon qu'est-ce que c'estoit selon les Grecs,</i>	85.
<i>Distance entre la creation de Lucifer & sacheute,</i>	137.
<i>Diagoras Prince des Athees confesse vn Dieu,</i>	15.
<i>Il brusle la statue d'Hercule,</i>	16.
<i>Dict notable de Zenophanes,</i>	18.
<i>Diuers offices faicts par les Anges,</i>	192.
<i>Dieu Souuerain architecte du monde,</i>	1.
<i>Dieu auteur des creatures,</i>	2.
<i>Dieu reconnu au monde sous diuerses Religions,</i>	4.
<i>Dieux adorez des anciens,</i>	5.
<i>Dieux adorez de toutes les nations quels,</i>	5.
<i>Dieu enseigne par toutes choses,</i>	7.
<i>Dieux Pœnates portez des anciens avec eux,</i>	21.
<i>Multitude de Dieux tesmoigne leur imbecilité,</i>	13.
<i>Necessité que Dieu soit vniue,</i>	13.
<i>Que s'ensuiuroit s'il y auoit plusieurs Dieux,</i>	24.
<i>Belles consequences pour conuaincre les fauses Deitez,</i>	25.
<i>Confusion de Trismegiste qu'il n'y a qu'un Dieu,</i>	15.
<i>Il ne se peut deffinir que par negation,</i>	37.
<i>Il est agent par intellect,</i>	104.
<i>Pourquoy Dieu s'est voulu manifester plustost que ces creatures</i>	201.
<i>Sa definition selon S. Gregoire,</i>	40.
<i>Qu'il est en tous lieux en mesme instant, selon le mes- me,</i>	41.

TABLE DÈS

Qu'il est tousiours en forme humaine selon S. Augu- stin,	44.
Qu'il se colere comment le faut entendre selon S. Am- broise,	45.
Qu'il est vn Ens selon Scotus,	49.
Discord entre les Peripateticiens & Theologiens, tou- chant sur la production du monde,	79.
Dieu nullement soubmis aux loix de nature 89. qu'il opere par necessité de la nature selon Aristote, ce qui est faux 96. qu'il n'est lié en ses actions 98. rien ne peut terminer sa vertu,	100.
Diodore dict que le plain & le vuide sont principes de tout,	68.
Diogenes Apolloniates dict que l'air est principe du monde,	66.
Diuisiõ d'un corps iusques à combien de parties se doit faire selon les anciens,	70.
Dix predicaments de bien, & dix predicaments de maux,	76.
Doctrinc sale d'Epicure,	7.
Dict notable de Azariel de Garonne,	164.
Disposition de l'Empire du Ciel donné à sept Anges, selon les Hebreux,	157.
Doctrinc de Mahomet pleine d'erreurs,	292.
Duree du monde, selon aucuns 130. selon les Cabali- stes,	137.
E	
Elemens du nombre de cinq, selon les anciens,	225.
Elemens gouuemez par quatre Anges,	261.
Excellence de l'homme,	8.
Les quatre Elemens eternels selon Empedocle,	77.
Escorces d'arbres vstées auant l'vsage du papier,	110.
Ens infiny quel 50. qu'il est le plus noble de tous, 51.	
Estre souuerain quel 52. d'escription de l'estre infiny.	

MATIERES.

52.

<i>Enoch inuocqua le premier le nom de Dieu,</i>	110
<i>Epicure & sa doctrine infame, son oppinion du princi- pe du monde,</i>	7. 68-
<i>Erreur d' Albert le Grand,</i>	64.
<i>Erreur de Iulian l' Apostat d'où est procedee,</i>	78.
<i>Erreur de l' eternité du monde d'où procede,</i>	88.
<i>Estre ou non estre, quel a esté le premier des deux,</i>	9.
<i>Epicuriens nioient les Anges,</i>	144.
<i>Erreurs des Manicheens,</i>	226. & 227.
<i>Esprits niez par les Philosophes anciens,</i>	145.
<i>Esprit de l' homme consiste au nombre de quatre selon Pytagore,</i>	73.
<i>Espaces imaginaires figurees par les anciens,</i>	121.
<i>Esprit de Socrate de quelle qualité selon les anciẽs,</i>	159.
<i>Eternité du monde soustenuë par les raisons d' Ari- stote,</i>	78.
<i>Experience d' Aristote,</i>	69.
<i>Esprits Saturniens quels,</i>	164.
<i>Esprits creés en aussi grand nombre qu'il y a de corps celestes,</i>	174.
<i>Les esprits ne peuvent rien que par la vertu naturelle,</i>	196.
<i>que tous sont sans corps,</i>	217.
<i>L' esprit bien-heureux ne peut iamais estre meschant, selon S. Augustin,</i>	222.
<i>Espouuentables mensonges de Mahomet,</i>	296

F

<i>Fabrique de l' Vniuers fait cognoistre Dieu,</i>	3.
<i>Fausses Deytez comment adorees à Rome selon saint Augustin,</i>	32.
<i>Figures d' animaux seruoient de lettres chez les Egp- tiens,</i>	111.
<i>Ferrare & sa fondation,</i>	117.

TABLE DES

<i>Follie de croire qu'il ny a autre intellect que celuy de l'homme,</i>	13.
<i>Fortune & le hazard qu'elle chose c'est,</i>	11.
<i>Filolans disciple de Ciceron confesse l'vnité de Dieu,</i>	26
<i>Florance & sa fondation,</i>	115.
<i>Fondemens d'Aristote, pour prouuer l'eternité du monde,</i>	102.
<i>La forme se faict de rien selõ Alexãdre Aphrodisee,</i>	93
<i>Foy des Chrestiens assuree sur les propheties,</i>	292.
<i>Follie de la Loy des Turcs,</i>	
<i>François Petrarque l'hõneur de Poëtes de son tẽps,</i>	43.
<i>Freneſie d'Origene,</i>	140.
<i>Fueilles de palmes en vsage auãt l'vsage du papier,</i>	110
<i>Les Diables ne peuuent rien si Dieu ne le permet,</i>	166.
<i>Diable en forme d'un anneau par l'espace de 30. ans,</i>	166.
<i>Les Diables ont trois choses communes avec les hommes dict Auot, Natan, Rabin,</i>	179.

G

<i>Galien incomparable en sa science 177. ce qui luy fue predict en songe, pour guarir vne de ses mains doreuse,</i>	177.
<i>Geometrie & son inuention,</i>	118
<i>Genese de Moyse reprise par Aristote,</i>	88.
<i>Generation de l'homme, comme homme n'a besoing de semence.</i>	91.
<i>Geneue & sa fondation.</i>	115.
<i>Glan viure ordinaire des Arcades,</i>	3.
<i>Grammaire son inuention, & qui a le premier enseigné à Rome</i>	118.
<i>grain pour faire pain, quand inuenté selon les fables.</i>	3.
<i>Guerre entre Lucifer & saint Michel,</i>	125.

MATIERES.

H

Harmonie des nombres cause du mouuement des Cieux selon les anciens.	76.
Heraclite Ephesin à dit que l'air est principe de tout,	67.
L'homme serui de tout le monde,	8.
Pourquoy l'homme commande aux autres creatures.	6.
L'Homme doit sçauoir qu'il n'y a qu'un Dieu	10.
il ne peut cognoistre que c'est que Dieu.	135.
il ne doit se presumer de le pouuoir cognoistre.	42.
L'Homme premier que la semence,	91.
Hommes sauuages du temps d'Orphee.	111.
Pourquoy l'homme cree en bas avec un corps solide.	120.
Homme veu en songe par Eudemus de Cypre, familier d'Aristote, & ce qui luy predict.	177.
Humeur des animaux gouvernee par les esprits selon S. Augustin	165.
Hierusalem quād bastir & par qui, 123. de qui habitee,	114.
Hyerarchies des Anges & leur diuision.	150.

I

Iamblique & son tesmoignage qu'il y a un Dieu,	28.
Idee du monde quelle selon Platon	153.
Immutabilité de Dieu deffendue par Aristote,	82.
Impieté de croire plusieurs deitez,	33.
Imprimerie & son inuention,	118.
Inconueniens qui s'ensuiuroient s'il y auoit plusieurs mondes.	125. 126.
L'Infiny ne se peut trouuer en choses naturelles,	92.
Indica nom d'Hercules,	178.
Inuention des Caractères, 109. Inuention des lettres Grecques. ibid. des Hebraïques,	ibid.
Iupiter comment peint chez les Egyptiens,	32.
Iupiter planette de bonté, & ses proprietez,	271.

TABLE DES.

<i>Lactance montre qu'il ny peut auoir qu'un Dieu,</i>	524.
<i>Laodice & sa fondation,</i>	116.
<i>Legion de Diable entree au corps d'un possedé vraiment sant l'entendre,</i>	218
<i>lettres quand inuentees au monde parmi les nations,</i>	111.
<i>lettres Chaldeenues inuentees par Abraham selon Phy- lon ib. qui les porta en Grece, ib. leur augmentatiõ, ib.</i>	
<i>lettres Hieroglyphiques des Egiptiens,</i>	ibid.
<i>lettres latines par qui inuentees.</i>	140.
<i>Leucipe dit que le plain & le vuide sont principes de tout,</i>	68.
<i>liberal arbitre de l'homme, l'une des belles perfectiõs de la nature.</i>	98.
<i>Liure de S. Aug. de la Cité de Dieu est le 1. imprime,</i>	118
<i>logettes & maisons quand inuentees,</i>	112.
<i>Logique & son inuention,</i>	118.
<i>loix & leur inuention</i>	118.
<i>loix Payennes desrobées de la Loy de Moïse,</i>	269
<i>la Lune preside aux maladies,</i>	283.
<i>Lucifer premier Ange cree de Dieu,</i>	229.
<i>ses qualitez, ibid. sa presumption</i>	233.
<i>Lyon & sa fondation,</i>	117

M

<i>Mahomet & ses mensonges,</i>	296
<i>Maladies d'ou procedent selon Asclepiade,</i>	159
<i>Mante quand edifiee,</i>	117
<i>Mayence & sa fondation,</i>	116
<i>Matiere par le chaos produits de toute eternité selon Platon,</i>	79
<i>Matiere ingenerable & incorruptible selõ Aristote,</i>	78
<i>Quelle est eternelle selon Platon,</i>	84
<i>Metemphicose approuuee par Pythagoras,</i>	26
<i>Mercur à enseigné les lettres aux Egip. selõ Lactance.</i>	118

MATIERES.

<i>Metrodorus entra en resuerie & pourquoy,</i>	122
<i>Mensonge de Mella,</i>	139.
<i>Mitilene & sa fondation,</i>	115.
<i>Miracles des Mahometans vains & ridicules,</i>	292.
<i>Miracles apparue en songe à Marcus Arcolius,</i>	181.
<i>Sainct Michel s'oppose à la rebellion de Lucifer,</i>	235.
<i>le monde composé de quatre choses,</i>	7.
<i>le monde ne peut subsister sans Dieu,</i>	8. & 12
<i>sa diuision en trois prospectiues,</i>	54.
<i>Qu'il n'auoit nul premiere cause selon Auicenne &</i> <i>Alexandre Aphrodisee,</i>	101.
<i>il parle de toute langue selon Dauid,</i>	109,
<i>Monde diuisé de six aages selon les Hebreux,</i>	112.
<i>rebasty apres le deluge selon aucuns,</i>	128.
<i>combien doit durer diuerses oppinions,</i>	130.
<i>le monde n'est qu'un accord des choses crees,</i>	264.
<i>le mouuemēt se trouue en toute harmonie de l'uniu.</i>	276
<i>du mouuement eternal, Aristote tiroit l'eternité du</i> <i>monde, 83. mouuement circulaire eternal,</i>	83.
<i>Moyse n'a fait mention des Anges en la Creation, &</i> <i>pourquoy,</i>	146
<i>Musique & son inuention.</i>	118

N

<i>Naples quand edifiee.</i>	114.
<i>Narbonne & sa fondation.</i>	116.
<i>Toute la nature diuisee en douze degrez, selon Platon</i> 151	
<i>Nchemerus pourquoy dict Athee.</i>	16
<i>Nature moyenne qui gouuerne des choses inferieures.</i> 176	
<i>Nicias tué par Timarchus pour n'auoir suivy le Con-</i> <i>seil de Socrate.</i>	159
<i>Noms d'Anges combien trouuez en l'Escripture.</i>	261.

TABLE DES

Noms d'Ange en imagination.	262
Noms que les Anciens ont donné à Dieu ne sont qu'Epithetes.	38
Nom de Dieu d'où deriué selon Statius.	48
Nul nom ne peut estre approprié à l'essence diuine, 16.	
Nom de Dieu incogneu.	49
Noms des Anges & leur significations	267. 168,
Nombre des années de la durée du monde.	130
Nombre des Anges tombez du Ciel.	240
Nombre des bons Anges.	241

O

Belles obseruations des diuers degrez de la nature & du monde.	59
Offices de chaque ordre des Anges.	251. 252
L'Oeuf ou la poulle quel le premier produict.	80
Opinion d'Hermes & d'Ambligue touchât leur création de Dieu.	3
Opinion impie de quelques anciens qu'il n'y auoit point de Dieu.	6
Opinion des sages sur la disposition du monde.	59
Opinion d'Hermogene sur la production du monde.	79.
Opinion de Platon & d'Aristote sur l'éternité du monde refutée par les Hebreux.	88
Origene s'est abusé en la succession du monde.	140.
Orphee à trouué l'extraction des Dieux 30. son testament qu'il n'y a qu'un Dieu.	Ibid.
Oracles anciens.	179
Ordonnance de Socrate tirée de Xenophon.	36
Ostie & sa fondation.	116
Opinion des anciens que toutes choses estoient pleines d'esprits.	159

P

Paris quand basty,	114
--------------------	-----

M A T I E R E S.

Premier papier ou inuenté.	110
Papier tres-subtil fait de feuilles d'arbres appelez Papier dont parle Pline.	110
Pain de grain quand inuenté selon les fables.	111
Palme née au temple de Cesar.	190
Parme quand edificée.	114
Peinture & son inuention.	118
Pan est mort, voix de diables.	171
Petrarque & son desir.	43
Plaisance & sa fondation.	117
Philosophes qui ont combattu l'eternité du monde.	123
deux Principes eternels constituez par les anciens.	22
Pouuoir par raisons foibles. Ibid. absurditez qui en procederoient.	16.
Principes de toutes choses quels selon les Hebreux.	77
trois Principes de tout selon Platon.	78
Preuve que le monde est vnique.	124
Pythagoras approuue la Metemphicose.	26
Pise & sa fondation.	115
Platon a creu vn seul Dieu. 27. mais il n'a peu cognoistre que c'estoit.	35
Il fut sislé en l'eschole des Peripateticiens.	132
Il a creu qu'il y auoit des esprits.	151
La Poulle ou l'œuf quelle premier produict.	80
Preuve de l'eternité du monde.	82
Proclus & son tesmoignage qu'il n'y à qu'un Dieu.	28
Prediction d'un Rhodien.	156
Preuves qu'il y a des anges.	173
Pur informe ne se peut trouuer sans forme.	86
Ptolomee met l'ignorance d'Aristote en euidence. 63. ce qu'il fut aduise de faire en songe sur le bastiment des murs d'Alexandrie.	178
Enuoye là dessus consulter à l'oracle d'Apollon.	179

TABEE DES

Q

Quantité des Anges rebelles	241.
Quatre ordres des creatures selon les Platoniciens.	154.
Quel espace y a entre le firmament & la terre,	199. 200
Quelles choses sont les Anges.	103
Question à sçavoir si les esprits sont mortels, oppinions diuerses la dessus, entre plusieurs Philosophes.	188. 176
Question grande entre les Peres, touchant la creation des esprits.	120

R

Rabbi Achiba Cabaliste, dit que toutes choses sont pleines d'esprits	161.
Rabbins condamnoient ceux qui vouloient sçavoir les faicts de Dieu auant la creation du monde,	134
Raisons qui peuuent que toutes choses sôt produictes de Dieu. 10. raisōs frivoles d'Arist. pour prouuer l'eternité du mode 81. refutation des raisons d'Aristote sur l'eternité du mode. 106. regne des Roys d'Egypte,	140
Rauenne & sa fondation 117. reuolte de lucifer contre Dieu, 134. refueries des Philosophes anciens,	69.
refuerie Metroderus, 122. reuelations grandes faites aux saints,	189.
Repentir d'Aristote mourant, 10. rhetorique & son inuention 118. Rhodes & sa fondation,	115.
Religion de trois sortes au monde,	288
Republique des Anges, 287. rien ne peut produire rien selon l'opinion des anciens,	79.
les reuelations diuines, comment transmises d'Ange à Ange, 186. Rome quand edifiee.	114.

S

Sacrifices differents entre toutes les nations	6
Saduceens & leur naissance, 16. pourquoy ils ont creu qu'il n'y auoit ny Dieu ny esprit, ibid. ils nioient les	

MATIERES.

anges.	144.
tous les sages anciens ont creu & inuogué vn Dieu,	15.
Saturne appellé Ianus & pourquoy,	268.
Sciences quand commencé,	3.
Senèque à creu qu'il n'y auoit qu'un Dieu,	27.
Seraphins comparez au premier mobile, 265. appellez exemplaires, ib. significatiōs des nōs des anges, 267. 268	
Simonides, ne peut connoistre Dieu.	35.
Simplicius Philosophe payen & son opinion d'un seul Dieu, 28. Soleil digne d'estre comparé à Dieu.	280.
Socrate dict pluſtōt endure mille morts que de dire vne parolle vaine ou fauſſe,	151.
Songe d'une certaine femme rapporté par Pline,	181.
Sange de Calphoreus femme de Iule Caſar,	181.
Songe de Louys Sforce, 181: Songe d'Atibiades.	183.
Songe de Creſe Roy de Lydie, 183. Songe d'Alexandre Philosophe, 179. Songe de Socrate,	180.
Sophocles eſcrit qu'il n'y a qu'un Dieu, 31. il vit en ſon- ge celuy qui deſroba la raffe d'or au Tēple d'Hercule, 178	
Subſtance finie n'a que ſa ſuperficie pour borne,	205.
Statius d'où deriue le nom de Dieu.	48.
ſuperſtition de la loy des Turcs,	290.
Sybille & ce qu'elle vit en vn miroir enchanté,	193.
Syracuse & ſa fondation,	116.

T

Tabernacle ancien figuré du monde,	58.
Tablettes de cire ou eſcriuoient les anciens,	110.
Temps instrument de toutes choſes,	110.
Tbales Mileſine remercioit Dieu de trois choſes,	42.
recogneu le plus ſage du monde par l'oracle,	66.
Theodore Cireuien Atbee, ſes argumens pour prouuer qu'il n'y a point de Dieu, leur fauſſeté doiuent eſtre ſans reſponce.	17.

TABLE DES

<i>Theophraste & son opinion qu'il ny a qu'un Dieu,</i>	27.
<i>Tholose & sa fondation,</i>	116.
<i>Thebes & sa fondatiō,</i>	115.
<i>Toutes choses crees des Athomes, selon Leucippe & Epicure,</i>	71.
<i>Treuire & sa fondation,</i>	116.
<i>Trismegiste confesse qu'il n'y a qu'un Dieu,</i>	25.
<i>Trôpette & son inuention.</i>	118.
<i>Troye & sa fondatiō,</i>	115.

V

<i>Vanterie des Cabalistes,</i>	238.
<i>des Chaldeens,</i>	139.
<i>Venise & sa fondation</i>	116.
<i>Verité infailible qu'il y a des anges,</i>	144.
<i>Veronne quand bastie,</i>	114.
<i>Victoire prediète Perecides Syrien,</i>	156.
<i>Vercelle & sa fondation,</i>	117.
<i>Vertu ou se trouue en sa perfection,</i>	24.
<i>Vie des esprits limitee selon Plutarque,</i>	179.
<i>Vincense quand edifiee,</i>	119.
<i>Viure des hommes quel du commencement,</i>	3.
<i>viure des Arcades, ibid. des Tyreniens, des Arguens, des Atheniens,</i>	ibid.
<i>Vsage d'escrire en parchemin, 3. vsage du papier,</i>	110.
<i>vsage des lettres, 109. vsage du papier de drapeau, 3.</i>	
<i>Voix lamentables des demons entendues,</i>	179.
<i>Vnitè de Dieu annoncee par les Prophetes,</i>	33.

Z

<i>Zenophanes & son dire.</i>	18.
-----------------------------------	-----

Fin de la Table des matieres.